

# INDEX LECTIONVM, DISTINCTIONVM, ET QVAESTIONVM LIBRI QVARTI.

## *Lectio I.*

### *Distinctionis I.*

**I**N qua Prohemium explanatur, ubi intentio, & causa intentionis Magistri sent. detegitur. fol. 1.

## *Lectio II.*

Continet tria. Primò sacramenti varias finitiones, significata diuersa signi secūdò; Completam sacramenti diffinitionem tertio. fol. 4.

## *Lectio III.*

In qua fit sermo de sacramento secundum Scotum, & Occam. fol. 7.

## *Lectio IIII.*

In qua quatuor ponuntur. Sacramentorum institutionis causa triplex primò; Notandum vnum secundò; Integritas sacramentorū tertio; Quod medicinae morbi spiritualis animae quarto. fol. 9.

## *Lectio V.*

In qua tria dilucidantur. Differentia primò inter sacramenta nouae legis, & veteris reperta; Insuper propositio de circuncisione; tertio dubium cum solutione. fol. 11.

## *Lectio VI.*

In qua septem continentur. Cui primò data sit circuncisio; Secundò cur data; Tertio in qua parte; Quarto quo tempore, & quo instrumento; Quintò quid sit; Sextò cur in baptismum mutata; Septimò dubium cum solutione. fol. 13.

## *Lectio VII.*

In qua quatuor declarantur. Primò quòd sacramentum non sit benè finitum; Secundò quòd non sit de genere signi; Tertio quòd illa particula (visibilis forma) non sit rectè apposita; Quarto quòd nec illa de similitudine. fol. 16.

## *Lectio VIII.*

In qua duo quæ sita examinantur. Quorum primum, an sacramenta, vt necessaria fuerint instituta; Deinceps, an propter eruditionē, &

# I N D E X

exercitationem. fol.

19.

## Lectio IX.

In qua queritur, an circumcisio gratiam cōferret tempore, quo à Deo Abraæ, & semini eius data fuit. fol.

21.

## Lectio X.

In qua nonæ legis excellentia declaratur. Quæ ex quatuor cognoscitur, scilicet ex charitate, libertate, facilitate, & necessitate. fol.

23.

## Lectio XI.

### Distinctionis II.

Quæ tres continet partes. Sacramentorum numerum primò; Propositionem de coniugio secundò; Utilitatē baptismi lo. tertio. fol.

25.

## Lectio XII.

In qua quinq; habentur. Primò quid Ioan. baptismus sit; Insuper, quo modo differat ab illo Chri; Tertiò quot utilitates haberet; Quarto sub qua forma baptizaret; dubium cum solutione quinto. fol.

28.

## Lectio XIII.

In qua tria enodant. Primò nū sacramenta sint septem; Secundò à quò instituta; Tertiò num à Chri passione vim suā habuerint. fol.

30.

## Lectio XIII.

In qua tria in dubium reuocantur. Primò num in statu innocentie fuisset generatio; Insup à quo Ioan. baptismus institutus; Tertiò an qui Io. baptismo prius baptizati, iterum repaptizandi baptismi Christi. fol.

32.

## Lectio XV.

### Distinctionis III.

In qua quinque declarantur. Quid sit baptizare primò; Significata baptismi varia secundò; Quid sit batismus fluminis tertio; forma baptismi quarto; Dubium cum solutione quinto. fol.

35.

## Lectio XVI.

In qua quatuor enodantur. Primò quo modo baptismus sit ablutio; Secundò an necessaria homini; Tertiò in quo cōsistat; Quarto quod multiplex Martyrium. fol.

38.

## Lectio XVII.

In qua duo proponuntur. Primum respicit baptismi diffinitionem à Magistro traditam, alterum veritatem. fol.

41.

## Lectio XVIII.

In qua sex de formæ baptismi integritate, siue modi baptizandi tanguntur, & declarantur. fol.

43.

Lectio

## LIB. QVARTI.

*Leſſio* XIX.

In qua de duobus fit ſermo. Primò de duplici forma baptiſmi; Secundò de dubio contingente circa formam baptiſmi. fol. 45.

*Leſſio* XX.

In qua dubia duo ſpecialia proponuntur. Primum eſt, an forma qua vtiſur Eccleſia baptizando, In nomine Patris, &c. vera ſit baptiſmi forma; Inſuper, an plures vnum ſimul baptizare poſſint. fol. 48.

*Leſſio* XXI.

Quæ continet quatuor ſecta; In quorum primò fit ſermo de inſtitutione baptiſmi; In altero explicatur materia; In tertio agitur de modo immergendi; In quarto dubium proponitur, & declaratur. fol. 51.

*Leſſio* XXII.

In qua tria ponuntur. Neceſſitas materiæ baptiſmi primò; De qua aqua habeat fieri, declaratur ſecundò; Tertio caſus duodecim. fol. 53.

*Leſſio* XXIII.

In qua duo enodantur. Primò, Num in aqua fieri debeat baptiſmus; Inſuper quatuor differentiæ reperiuntur inter baptiſmum aquæ, & alia genera baptiſmi ſecundum mentem Damasceni. fol. 57.

*Leſſio* XXIII.

*Diſtinctionis* III.

Quæ tres continet partes; At nos circa primam verſantes, quatuor declaramus, differentiam accedentium ad baptiſmum, errorem quorundam, quid tenendum ſit de ſectæ accedentibus, inſtantiam tandem contra prædicta. fol. 59.

*Leſſio* XXV.

In qua quinque ponunt. Primò quid ſit adultus; Secundò quid pueri; Tertio quid fictus; Quarto quaeritur, an fictæ accedens rem baptiſmi ſuſcipiat; Quintò an baptiſmi effectum puer recipiat. fol. 62.

*Leſſio* XXVI.

In qua ſex continentur. Primò quòd quidam rem ſine ſacramento ſuſcipiunt; Secundò inſtantia contra prædicta; Tertio ſolutio; Quarto error circa baptiſmum quorundam, notandum quintò; Comparatio adultorum ad pueros penes fidem ſexto. fol. 65.

*Leſſio* XXVII.

In qua dubia ſcitu digna proponuntur quatuor ex his, quæ diximus de ipſo baptiſmo hætenus originem ducentia. fol. 67.

# I N D E X

Leſſio XXVIII.

In qua duo declarantur, quid ſit character primò; Et à quo ſit ſecundo. fol. 59.

Leſſio XXIX.

In qua quæſita duo examinantur. Primum eſt, in quo ut in ſubiecſto, debeat poni character; Inſuper, an omne tollatur peccatum per baptiſmum. fol. 71.

Leſſio XXX.

In qua duo quærunſ. Primo, Nū per baptiſmū oīs pēna deleatur; Preterea, an uſu rationis carentibus ſit cōferendus baptiſmus. fol. 74.

Leſſio XXXI.

Cauſa continet per ordinem decem circa puerū baptizandū. fol. 76.

Leſſio XXXII.

Diſtinctionis V.

Quæ in tria uſurpatur puncta. In primo à quibus baptiſmus conferri poſſit declaratur; In ſecundo propoſitio ponitur; In tertio dubium, cum ſolutione. fol. 78.

Leſſio XXXIII.

In qua duo quærunſ. Primo Num à malis miniſtris verus conferatur baptiſmus; Inſuper, Nū malus baptizando miniſter peccet. fol. 80.

Leſſio XXXIII.

In qua duo examinantur. Primò, Num Chriſtus inquantū homo pōtatem habuerit operandi interiorem effectū ſacramētorum; Inſuper, an hominibus dimittendi peccata pōtatem dare potuerit. fol. 83.

Leſſio XXXV.

Diſtinctionis VI.

Quæ in partes tres ſecatur. Quarum prima hic enodatur, ubi ſex per ordinem habentur. Primò quibus baptizandi competat uſus, inſtātia ſecundò; Notandum tertio; Dubium quarto; Solutio quinto; Contra ſolutionem inſtātia ſexto. fol. 86.

Leſſio XXXVI.

Sex cōtinet. Dubia tria primò; Notandū ſecundò; Tempus, quo dandus ſit baptiſmus tertio; Accedentium ad baptiſmū diſtinctione quarto; Dubium quinto; Notandum de catechiſmo ſexto. fol. 88.

Leſſio XXXVII.

In qua quæſtiones duæ proponuntur. Quarum prima, an quis ex utero ante natiuitatem ſanctificari poſſit. Altera eſt, an ad baptiſmum miniſtri intentio requiratur. fol. 91.

Leſſio



## LIB. QVARTI.

*Lectio XXXVIII.*

In qua duo exponunt. Primū est, an chatechismus baptismū precedere debeat; Alterū, an Exorcismus, & an sit alicuius efficaciz. fol. 93.

*Lectio XXXIX.*

*Distinctionis VII.*

Quæ in sex particulas diuiditur. In quarū prima confirmationis quidditas tangitur; In secunda materia; In tertia forma; In quarta minister; in quinta suscipientes; In sexta effectus. fol. 96.

*Lectio XL.*

In qua ad Gabrielis mentem præter ea, quæ dicta sunt de confirmatione, fit sermo. fol. 98.

*Lectio XLI.*

In qua duo queruntur, an confirmatio debeat dici sacramentum; Insuper, an conueniens materia sit chrisma. fol. 101.

*Lectio XLII.*

In qua duo examinantur. Quorum primum, an confirmatio à non ordinato conferri possit; Insuper, an ab Episcopo de mandato Papæ quis alius conferre possit. fol. 103.

*Lectio XLIII.*

*Distinctionis VIII.*

Quæ in sexa quatuor diuiditur. In quorū primo agitur de quidditate Eucharistiz, & eius excellentia per comparisonem ad manna; In secundo de institutione; In tertio de forma; In quarto de notando vno tripartito. fol. 105.

*Lectio XLIII.*

In qua Eucharistia latius fititur, & nomina huius diuersa explanantur. fol. 109.

*Lectio XLV.*

In qua figuræ quatuor ponuntur hoc sacramentum Eucharistiz significantes. fol. 112.

*Lectio XLVI.*

In qua est sermo de duobus. Primò de huius nobilissimi sacramenti institutione; Insuper de institutionis quadruplici causa. fol. 115.

*Lectio XLVII.*

Duplicem, scilicet consecrationis corporis, & sanguinis Christi continet materiam. fol. 117.

*Lectio XLVIII.*

Quæ duplicem consecrationis, vt puta specierum panis, & vini respicit formam. fol. 120.

*Lectio*

# I N D E X

*Lectio XLIX.*

In qua, Eucharistiæ q̄s verus debeat poni minister declarat̃. fol. 123.

*Lectio L.*

In qua de accessu, nec non de huius sacramenti Eucharistiæ agitur fructu. fol. 125.

*Lectio LI.*

In qua duo quærentur. Primò, an nouæ legis Eucharistia sit sacramentum; Insuper, an vnum. fol. 127.

*Lectio LII.*

*Distinctionis VIII.*

In qua quatuor continentur. Intentio Magistri primò; Quorundam error secundò; Quarundam authoritatum explanatio tertio; Tandem principale intentum concluditur. fol. 129.

*Lectio LIII.*

In qua quatuor declarantur. Primò quid sit manducare; Secundò quot modis contingat hoc sacramentum Eucharistiæ manducare; Tertiò quid sit manducare hoc sacramentum sacramentaliter; Quarto quot modis spiritualiter manducare sumatur. fol. 131.

*Lectio LIIII.*

In qua quæsitæ duo examinantur. Primum est, an duo sint modi comedendi hoc Eucharistiæ sacramentum; Insuper, an eius manducatio sit de necessitate salutis. fol. 133.

*Lectio LV.*

In qua tres quæstiones cum dilucidatione proponuntur. Prima est, an hoc solius sit hominis sumere Eucharistiæ sacramentum; Deinde, an peccator sumens hoc sacramentum mortaliter peccet; Insuper, an liceat sacerdoti Eucharistiam illi dare, quem nouit in peccato esse mortali. fol. 136.

*Lectio LVI.*

*Distinctionis X.*

In qua tria tanguntur. Error primò quorundam male sentientium de veritate sacramenti Eucharistiæ. Insuper veritas terminatur; Tertiò concluditur. fol. 138.

*Lectio LVII.*

Duo notatu digna continet quæsitæ. Primum est, an Christi corpus de virgine natum realiter in hoc Eucharistiæ sacramento sit; Insuper, an ibi totus Christus. fol. 140.

*Lectio*

## LIB. QVARTI.

Lectio LVIII.

In qua duo queruntur. Primum est, an Christi corpus ad hostiæ motum moueatur; Insuper, an ab oculo queat videri glorificato. fol. 143.

Lectio LIX.

Distinctionis XI.

Quæ in puncta diuiditur octo. In primo dubium; In secundo oppositum; In tertio instantia; In quarto conclusio; In quinto pro conclusionis confirmatione assignatur triplex ratio; Notandū in sexto; Consideratio de aquæ appositione in septimo; Propositio cum probatione in octauo. fol. 141.

Lectio LX.

In qua varia conuerſionis declarantur significata in gratiam conuerſionis specierum panis, & vini in corpus verum, & sanguinem Christi. fol. 148.

Lectio LXI.

In qua quæſita examinantur duo. Quorum primum, an cum corpore Christi post consecrationem substantia panis remaneat; Insuper, an Deus quodlibet valeat in quodlibet conuertere. fol. 151.

Lectio LXII.

Quæ duas continet quæſtiones. Prima est, an totum in totum in sacramento altaris post consecrationem conuertatur in Christi corpus; Altera est, an aqua vino miscenda sit de necessitate. fol. 153.

Lectio LXIII.

Distinctionis XII.

Quæ in puncta diuiditur septem. In quorū primo habetur de accidentibus sacramenti altaris vna conclusio; In secundo probatio; In tertio quæſitam; In quarto significata partium hostiæ consecrata, in quas diuiditur à sacerdote; In quinto dubium; In sexto sacramenti effectus; In vitimo modus vtēdi hoc sacramēto inquiritur. fol. 156.

Lectio LXIII.

Quæ duo complectitur quæſita. Primum est, an Deus facere possit accidens sine subiecto; Insuper, an species sacramentales naturaliter aliquid valeant immutare. fol. 159.

Lectio LXV.

In qua quæſita duo valde scitu digna proponuntur. Primum est, an per admixtionem alicuius liquoris speciebus vini consecratis desinat esse sanguis; Insuper, an omni die sumere sacramentum Eucharistiæ sit laudabile. fol. 162.

Lectio

# I N D E X

*Leſſio LXVI.*

*Diſtinctionis XIII.*

Quæ in octo ſecatur puncta. In primo ponitur propositio ; In ſecundo  
queſitum ; In tertio reſponſio ; In quarto noua ppoſitio ; In quinto  
quot ad huius ſacramenti Eucharistiæ perfectionem requirantur ;  
In ſexto notandum ; In ſeptimo Epilogus ; In octauo quid ſit herē-  
ticus. fol. 166.

*Leſſio LXVII.*

Duo continet queſita. Primum eſt , an ſacerdotibus propriè huius ſa-  
cramenti competat conſecratio ; Alterum , an liceat ſacerdoti oīno  
abſtinere à celebratione miſſæ. fol. 168.

*Leſſio LXVIII.*

In qua tria examinant queſita. Primū eſt , an plures valeant eandē con-  
ſecrare hoſtiam ; Alterum eſt , an ſolis ſacerdotibus liceat hoc ſacra-  
mentū populo miniſtrare ; Tertium eſt , an heretici tolerādī. fol. 171.

*Leſſio LXIX.*

*Diſtinctionis XIII.*

Quæ duo continet . Neceſſitatem ſcilicet pēnitentiæ primò ; Eiusque  
originem ſecundò. fol. 176.

*Leſſio LXX.*

In qua tria ponuntur. Pēnitentiæ diſſinitio varia primò ; Quorundam  
error ſecundò ; Determinatio tertio. fol. 177.

*Leſſio LXXI.*

In qua ſit de duobus ſermo , de ſinitione pēnitentiæ ad mentem Magi-  
ſtri ſent. primò ; Inſuper de eiufdem virtute , ſiue poteſtate , ac effe-  
ctibus. fol. 179.

*Leſſio LXXII.*

In qua tria continentur ; nam primò conſuſio ponitur , inſinuatio ſe-  
cundò ; Tertio authoritates ſuperius allatæ exponuntur. fol. 181.

*Leſſio LXXIII.*

In qua quinque enodant. Primò quid ſit ſolennis pēnitentia ; Secundò  
propter quæ peccata imponatur ; Tertio D. Ambr. authoritas de nō  
reiteranda pēnitentia ; Quarto error nouus circa pēnitētiā ; quin-  
to reprobat. fol. 183.

*Leſſio LXXIII.*

Quæ duo continet. Pēnitentiæ ſcilicet multiplicitem ; Inſuper varias  
ſinitiones eiufdem. fol. 185.

*Leſſio*

## LIB. QVARTI.

*Lectio LXXV.*

In qua tria quærentur. Primò, an pœnitentia sit virtus, an generalis, an sacramentum. fol. 187.

*Lectio LXXVI.*

*Distinctionis XV.*

Tria cõprehendit, quorundam errorẽ circa pœnitentiam primò; Solutionẽ secundò; Distinctionẽ de flagellis perutilem tertio. fol. 191.

*Lectio LXXVII.*

In qua quinque cõtinentur. Expositio primò authoritatum quarundam beati Hier. super verbo Naum; Testimonium sanctorum quasi pro confirmatione prædicti erroris secundò; Veritas tertio; Dubium quartò; Solutio quinto. fol. 193.

*Lectio LXXVIII.*

In qua fit sermo de quatuor de Eleemosynis primò in mortali peccato factis; Secundo de vno notando pertinẽte ad satisfactionẽ; Tertio de quorundã opinione cum fundamentis contra prædicta; Postremo de verò intellectu authoritatũ ab adversarijs adductarũ. fol. 195.

*Lectio LXXIX.*

Quæ in quinque diuiditur secta. In primò prius probatum concluditur intentũ; In secundò error rejicitur prædictus; In tertio documentũ ponitur; Illatum vnũ in quartò; Notanda duo in quinto. fol. 198.

*Lectio LXXX.*

In qua tria discentiuntur quæritur. Primum quorum, an quis de vno valeat satisfacere peccato, non satisfaciendo de altero; Insuper, an opera facta extra charitatem alicuius boni meritoria; Insuper, an ad pœnã inferni diminutionem utilia. fol. 199.

*Lectio LXXXI.*

In qua duo dilucidantur. Querum primum, an eleemosyna pars satisfactionis sit; Insuper, an eleemosynæ spirituales corporalibus potiores, vel vice versa. fol. 201.

*Lectio LXXXII.*

*Distinctionis XVI.*

Quæ in sex diuiditur particulas. In quarum prima ponitur propositio; In altera veræ pœnitentiæ modus; In tertia confitendi peccata non secus traditur modus; In quarta, quæ sint condigna pœnitentiæ; In quinta triplex distinctio pœnitentiæ; In sexta, quæ venialium sit pœnitentia. fol. 204.

# INDEX

*Lectio LXXXIII.*

In qua est sermo de contritione, nec non de partibus eiusdem integralibus. fol. 206.

*Lectio LXXXIII.*

In qua de duobus est sermo, scilicet de contritionis quantitate; Insuper de eius qualitate. fol. 209.

*Lectio LXXXV.*

In qua tria continentur. Primum respicit contritionis durationem; Secundum peccata, de quibus contritio habenda; Tertium causas contritionis inducivas. fol. 210.

In qua tria ponderantur, significata diversa confessionis primò; Descriptiones eiusdem variz secundò; Necessitas tertio. fol. 215.

*Lectio LXXXVII.*

In qua de duobus est sermo. Primò de his, qui ad confessionem tenentur; Insuper, de tempore, quo homo confiteri teneatur. fol. 217.

*Lectio LXXXVIII.*

Duo comprehendit. Qualitatem confessionis primò; Insuper iterationem eiusdem. fol. 219.

*Lectio LXXXIX.*

In qua agitur de satisfactione secundum diuerfos doctores. fol. 222.

*Lectio XC.*

In qua q̄sita duo examinant. Primū est, an cōtritio confessio, & satisfactio penitētiz sint partes; Insuper, an cōuenienter assignata. fol. 224.

*Lectio XCI.*

Quæ duas comprehendit quæstiones. Quarum prima, an veniale peccatum sine mortali remitti possit. Altera, an ludi, spectacula, militia, & huiusmodi alia, penitentiam valeant impedire. fol. 227.

*Lectio XCII.*

*Distinctionis XVII.*

Quæ in tres secatur partes. Quarum prima continet quinque. Propositionem primò; Quæstionem vnā secundò; Opiniones tres tertio; Quæstionis determinationem quarto; Tandem tota rei concluditur determinatio. fol. 229.

*Lectio XCIII.*

Septem in ordine continet. Quæsitum de confessione primò; Partem affirmatiuam secundò; Partem negatiuam tertio; Quæsitū notum Quarto; Destructiuam partem quinto; Notandum sextò; Intelligentiam



# LIB. QVARTI.

gentiam quarundam authoritatum septimò. fol.

231.

*Leſſio* XCIIII. In qua tria explicantur. Quid impij iuſtificatione primò; Insuper, integritatis exigentia, ordo eorum, quæ ad impij iuſtificationem concurrunt tertio. fol.

233.

*Leſſio* XCV.

Quæ duo respicit quæſita. Quorum primum, an ſimul concurrentia ad impij iuſtificationem ſint dicenda; Alterum, an in contritione ante confessionem, & ſatisfactionem remittatur culpa. fol.

236.

*Leſſio* XCVI.

In qua dilucidantur duo quæſita. Primum eſt, an in cõtritione aliquid de pœna diſmittatur. Insuper, an contritionis dolor debeat eſſe maximus. fol.

239.

*Leſſio* XCVII.

In qua duo dubia dilucidantur. Primum eſt, an ad ſalutem ſit neceſſaria confeſſio; Alterum eſt, an peccator ſtatim poſt peccatum confiteri, ac confiteri teneatur. fol.

241.

*Leſſio* XCVIII.

In qua duo ſub dubio proponuntur. Primum eſt, an ſacerdoti ſit neceſſarium confiteri, vel alteri; Insuper, an proprio ſacerdoti, vel habenti priuilegium, ſiue mandatum. fol.

245.

*Leſſio* XCIX.

In qua duo quærentur. Primò, an Eccleſiæ præceptum de confitendo ſemel in anno confitens, & non penitens implere dicatur; Insuper, an vni, & eidem integraliter ſit facienda confeſſio. fol.

248.

*Leſſio* CC.

*Diſtinctionis* XVIII.

Quæ in particulas ſecatur tres. Quarum duæ declarantur hic in quatuor ſubdiuiſe; nam primò, dubium ad clauſes pertinens proponitur; Insuper ſit ſermo de clauſibus; Tertio quædam opiniones narrantur; Quarto difficultas propoſita terminatur. fol.

250.

*Leſſio* CI.

Quæ quatuor cõtinet. Quid ſoluere, & ligare primò; Quæſitum ſecundè; Solutionem tertio; Nouum dubium cum ſolutione quarto. fol.

252.

*Leſſio* CII.

In qua declarantur quatuor. Quid ſit clauſis primò; Quid ſit ligare ſecundò; Quor modis clauſis dicatur errare tertio; Quarto, an quis ſe ipſum poſſit abſoluere. fol.

254.

b 2

*Leſſio*

# I N D E X

*Lectio CIII.*  
In qua dubium consideratione dignum de Ecclesiæ clauibus exami-  
natur. fol. 256.

*Lectio CIIII.*  
Duo quæsitæ continet. Primum est, an vsus clauium Ecclesiæ se ad cul-  
pam, & penam extendat. Alterum, an Ecclesia vti excommunicatio-  
ne debeat. fol. 258.

*Lectio CV.*  
*Distinctionis XIX.*  
Quæ in puncta diuiditur nouem. In primò, quando tradantur clauis,  
declaratur; Secundò obijcitur contra scientiæ clauem; Tertiò re-  
spondetur; Quartò dubitatur; Quintò veritas determinatur; Sextò  
notandum de duplici benedictione; Septimò cōtra dicta obijcitur;  
Octauo soluitur; Nono qualitas sacerdotis declaratur. fol. 260.

*Lectio CVI.*  
In qua quæstiones duæ discutiuntur. Quarum prima, an soli noui te-  
stamenti sacerdotes clauis habeant; Altera, an quilibet sacerdotes  
vti queat clauis in quemlibet. fol. 264.

*Lectio CVII.*  
*Distinctionis XX.*  
Quæ in sex diuiditur partes. In quarum prima habetur propositio de  
tēpore penitentiæ; Insinuatio in altera; Norandū in tertia; cōclusio in  
quarta; Probatio in quinta; Dubium cū solutione in sexta. fol. 267.

*Lectio CVIII.*  
In qua duo quæruntur. Primò, an peccator simpliciter per penitentiam  
sibi iniunctam sit liberatus; Deinde, an vnus pro alio satisfacere  
valeat. fol. 269.

*Lectio CIX.*  
*Distinctionis XXI.*  
Quæ octo continet puncta. Conclusionem primò; Quæsitū secundò;  
Solutionem tertiò; Instantiam contra prædicta quartò; Propositio-  
nem quintò; Quæsitum sextò; Responzionem septimò; Notandum  
de sacerdote confessore octauò. fol. 272.

*Lectio CX.*  
Quæ duo complectitur quæsitæ. Quorum primum, an post hanc vitam  
aliqua, quo ad culpam remittantur peccata; Alterum, an veniale in-  
damnatis penā debeat æterna puniri. fol. 275.

## LIB. QVARTI.

### *Leſſio CXI.*

In qua duo ſcitu digna queſita examinantur. Quorum primum, an generalis confeſſio quid valeat; Inſuper, an in quolibet caſu peccata ſibi confeſſa teneatur celare ſacerdos. fol. 278.

### *Leſſio CXII.*

#### *Diſtinctionis XXII.*

Quæ in partes diuiditur octo. In queſitum primò; In varias opiniones ſecundò; In excuſationem quandam Magiſtri tertio; In dubium quarto; In ſolutionem quinto; In inſtantiam cum dilutione ſextò; In propoſitionem ſeptimò; In præmiſſæ queſtionis ſolutione octauò. fol. 282.

### *Leſſio CXIII.*

In qua inquiritur, an ſemel peccata per penitentiam dimiſſa, eadem redire poſſint. fol. 285.

### *Leſſio CXIIII.*

In qua continentur quatuor. Primò cauſa effectiua abſolutionis à peccatis, materia ſuſceptiua cõgrua ſecundò; Forma debita, vel cõpleta tertio; Tandem ſignificatiua verba abſolutionis quarto. fol. 287.

### *Leſſio CXV.*

#### *Diſtinctionis XXIII.*

Quæ in puncta ſex ſecat. In quorum primo ponitur concluſio; Pro inſinuatione ſecundò huius ſacramenti materia tangitur; In tertio notandum; In quarto inſtitutionis cauſa; In quinto huius ſacramenti ad alia conformitas; In ſexto queſitum cum determinatione. fol. 291.

### *Leſſio CXVI.*

In qua ſeptem per ordinem exponuntur materia primò ſacramenti extremæ vnctionis; Forma ſecundò; Miniſter tertio; Effectus eius quarto; Quibus dari debeat quinto; Sextò in quibus corporis partibus; Septimò, an debeat iterari. fol. 293.

### *Leſſio CXVII.*

In qua duo examinantur queſita; Primum eſt, an vnctio extrema dici debeat ſacramentum; Inſuper, an eius materia Oleum conſecratum per Episcopum. fol. 297.

### *Leſſio CXVIII.*

Quæ dubia retinet duo. Primum eſt, an vnctionis extremæ proprius ſacerdos dici debeat miniſter; Inſuper, an ſanis hoc ſacramentum conferendum ſit. fol. 299.

### *Leſſio*

# I N D E X

Lectio CXIX.

Distinctionis XXIIII.

Tria continet principalia. Ordinum numerū primò; Quidditatē clericali tonsuræ secundò; Oltiarij, & lectoris ordinē tertio. fol. 302.

Lectio CXX.

In qua de quatuor alijs ordinibus agitur, scilicet exorcistarum, acolythorum, subdiaconorum, & diaconorum. fol. 304.

Lectio CXXI.

In qua de quatuor per ordinem fit sermo. Primò de ordine presbyterorum; Secundò de differentia ordinum inter se; Tertio de ordinis quidditate; Quarto de quodam notando. fol. 307.

Lectio CXXII.

In qua tria examinantur breuibus verbis quæ sita. Quorum primum, an clerici ordinandi corona debeant ornari; Insuper, an corona sit sacramentum dicenda; Deinde, an temporalium bonorum in susceptione coronæ abrenunciatio facienda. fol. 309.

Lectio CXXIII.

Quæ duas complectitur quæstiones. Quarum prima, an ordo sit sacramentum; Insuper, an septem sint ordines tantum. fol. 312.

Lectio CXXIIII.

Distinctionis XXV.

Quæ in quinque est distributa puncta. In quorum primo, ponitur quæsitum de præcis ab Ecclesia; In secundo argumenta ad vtrunque partem; Propositio in tertio; Triplex distinctio ad symoniam pertinens in quarto; De suscipientibus sacros ordines in quinto tandem fit sermo. fol. 316.

Lectio CXXV.

Quæ bipartitur: nam primò, de symonia agitur; Insuper, de symonia. fol. 318.

Lectio CXXVI.

In qua quæstiones duæ discutuntur, prima est, an omnis Episcopus ordines valeat conferre; Altera est, an mulier, vel puer ordinari possint. fol. 320.

Lectio CXXVII.

In qua duo examinantur. Primum est, an spiritualia vendere, vel emere temporali pretio sit licitum; Alterum est, an tribus consuetis modis symonia committatur. fol. 323.

Lectio

## LIR QVARTI.

*Leſſio* CXXVIII.  
*Diſtinctionis* XXVI.

Quæ in quinque partes diuiditur. In quarum prima, ponitur conclusio; In altera probatio; In tertia notandum; In quartâ error quorundam nuptias damnatum; In quinta propositio cum probatio. fol. 326.

*Leſſio* CXXIX.

In qua fit sermo de tribus. Primò de matrimonij varijs acceptionibus; Secundò de significatis nuptiarum; Tertiò queritur, an matrimonium sit sacramentum. fol. 328.

*Leſſio* CXXX.

*Diſtinctionis* XXVII.

Quæ quatuor continet puncta. In quorum primo ponitur de matrimonio conclusio; In altero, matrimonij pro probatione diffinitio; In tertio, efficiens causa matrimonij ipse consensus; In quarto de sponsalibus quedam distinctio. fol. 331.

*Leſſio* CXXXI.

In qua illustrantur quesita duo. Primum est, an consensus de presenti sit causa matrimonij; Insuper, an per religionis ingressum solvatur matrimonium. fol. 334.

*Leſſio* XXXII.

*Diſtinctionis* XXVIII.

Quæ in puncta sex secatur. In quorum primo de qualitate consensus matrimonij ponitur propositio; In altero dubium cum solutione; In tertio instantia contra predicta; In quarto conclusio vna; In quinto quesitum; In sexto, & ultimo responsio. fol. 337.

*Leſſio* XXXIII.

Quæstiones continet duas. Quarum prima, an cōsensus de futuro cum sequente copula carnali faciat matrimonium; Insuper, an de presenti conditionatus, necne. fol. 339.

*Leſſio* XXXIIII.

*Diſtinctionis* XXIX.

Quæ quia brevis, ideo quatuor complectitur tantum. Conclusionem primò; Probationem secundò; Notandum tertiò; Corollarium quartò. fol. 341.

*Leſſio* CXXXV.

In qua duo queruntur. Primum est, an voluntas cogi possit, & utrum cōsensus coactus sufficiat ad matrimonium cōtrahendū. fol. 343.

*Leſſio*

# I N D E X

*Leſſio* CXXXVI.

*Diſtinctionis* XXX.

Quæ octo partes habet. In quarum prima conclusio; In secunda insinuation; Instantia in tertia; Propositio in quarta; Quæſitum in quinta; Conclusio in sexta; Error quorundam circa matrimonium in septima; Notandum in octava. fol. 346.

*Leſſio* CXXXVII.

In qua duo queruntur. Primum est, an error matrimonium impediat; Insuper, an beatâ Virginē matrimonio copulari decuerit. fol. 349.

*Leſſio* CXXXVIII.

*Diſtinctionis* XXXI.

Quæ in quinque consumitur segmenta. Primum conclusionem comprehendit; Insinuationem alterum; Propositionem tertium; Instantiam quartum; Solutionem quintum. fol. 351.

*Leſſio* CXXXIX.

In qua duo examinantur. Primum est, an bonis egeat aliquibus matrimonium ipsum excusantibus; Insuper, an talia bona sint matrimonij essentialia. fol. 354.

*Leſſio* CXL.

In qua duo quæſita dilucidantur. Quorum primum, an illa tria bona matrimonij actû coniugalē penitus excusare valeât; Insuper, an sine illis actus matrimonij totaliter à peccato dicat excusari. fol. 356.

*Leſſio* CXLI.

*Diſtinctionis* XXXII.

Quæ secatur in puncta septem. In quorum primo habetur propositio; In altero insinuation; Conclusio in tertio; Quæſtio in quarto; Propositio in quinto; Instantia contra prædicta in sexto; Notandum in septimo. fol. 359.

*Leſſio* CXLII.

Duo quæſita continet. Primum est, an debiti redditio in actu matrimonij sit de necessitate præcepti; Insuper, an vnus coniugum continentiam sine consensu alterius vouere possit. fol. 361.

*Leſſio* CXLIII.

*Diſtinctionis* XXXIII.

Quæ in nouem est distributa puncta. In conclusionem primò; In quæſitum secundò; In propositionem tertio; In insinuationem quarto; In instantiam quincò; In determinationem de matrimonio tempore legis sextò; In dubium septimò; In conclusionem octauò; In vnum



# LIB. QUARTI.

vnum notandum nonò. fol.

363.

*Lectio CXLIIII.*

In qua duo examinantur. Quorum primum, an aliquando plures uxores habere fuerit licitum; Insuper, an fornicatio simplex sit mortale peccatum. fol.

366.

*Lectio CXLV.*

Quæ perpulchra scituz; digna duo dubia complectitur. Quorum primum, an in veteri lege fuerit licitum dare libellum repudij; Insuper, an virginitas preferenda matrimonio. fol.

371.

*Lectio CXLV I.*

*Distinctionis XXVIII.*

In secta septem distributa. In quorum primo ponitur conclusio; Insinuatio in secundo; In tertio propositio; probatio in quarto; Conclusio cum manifestatione in quinto; Notanda duo in sexto; Epilogus in septimo. fol.

374.

*Lectio CXLVII.*

In qua tria queruntur. Primò, an sit assignare impedimentum matrimonio; Deinde, an furia matrimonium impedire possit; Deinceps, an impotentia fol.

377.

*Lectio CXLVIII.*

*Distinctionis XXXV.*

Quæ in sex partes diuiditur; In prima ponitur conclusio; In secunda insinuatio; In tertia vnius dicti prius determinatio; In quarta notandum; Propositio in quinta; Instantia in sexta. fol.

380.

*Lectio CXLIX.*

In qua duo queruntur; Primò, an uxorem dimittere ob fornicationem liceat; Insuper, an dimittens alteri nubere possit. fol.

382.

*Lectio CL.*

*Distinctionis XXXVI.*

Quæ octo partes habet. In quarum prima ponitur propositio; Dubium in secunda; Solutio in tertia; Questitum in quarta; Solutio in quinta; Propositio in sexta; Insinuatio in septima; Notandum in octaua. fol.

385.

*Lectio CLI.*

In qua questiones examinantur duæ. Prima est, an seruus matrimonium valeat impedire; Insuper, an seruus sine sui domini consensu matrimonium contrahere possit. fol.

387.

# INDEX

*Lectio CLII.*

*Distinctionis XXXVII.*

Quæ, quia brevis, puncta tantum quatuor habet. Conclusionem primò; Insinuationem secundò; Propositionem tertio; Dilucidationem quartò. fol. 369.

*Lectio CLIII.*

Quæ a duo continet. Primum est, an ordo sacer matrimonium impediatur; Insuper, an vxoris occisio similiter. fol. 391.

*Lectio CLIIII.*

*Distinctionis XXXVIII.*

Quæ secatur in octo partes. In quarum prima ponitur propositio; In altera voti diffinitio; In tertia conclusio; Insinuatio in quarta; Instantia contra prædicta in quinta; Illatum ex dictis vnum in sexta; Conclusio in septima; Quæ sita duo in octaua. fol. 394.

*Lectio CLV.*

Quæ duo continet. Primum est, unde votum dicatur; Alterum respicit voti condiciones quinque. fol. 397.

*Lectio CLVI.*

In qua duo tanguntur. Primum respicit numerum eorum, quæ a voto excluduntur; Alterum verò modos, quibus dicitur solennizari votum. fol. 398.

*Lectio CLVII.*

In qua duo considerantur. Primum est voti continentia modos respiciens; Alterum est, an solemne votum contrahendum impediatur matrimonium, dirimatque contractum. fol. 400.

*Lectio CLVIII.*

*Distinctionis XXXIX.*

Quæ sex continet partes. In quarum prima ponitur cum probatione conclusio; In secunda instantia; In tertia ex dictis propositio inferitur; In quarta duo quæ sita; In quinta conclusio vna; Insinuatio in sexta. fol. 403.

*Lectio CLIX.*

In qua duo quæruntur. Primò, an fidelis cum infideli contrahere possit matrimonium; Insuper, an conuersus ad fidem possit dimittere infidelem nolentem absque creatoris cõrumelia cohabitare. fol. 406.

*Lectio CLX.*

*Distinctionis XL.*

Quæ in quinque diuiditur puncta. In quorum primo habetur conclusio;

## LIR QVARTI.

fio; Inſinuatio in ſecundo; Graduum conſideratio ſecundum diuerſos authores tertio; Inſtantia contra prædicta quarto; Notandum quinto. fol. 408.

*Leſſio CLXI.*

In qua genera tria cognationum tanguntur, quæ matrimonium impedire dicuntur. fol. 410.

*Leſſio CLXII.*

In qua examinatur quæſitum de conſanguinitate ad videndum, num matrimonium valeat impedire. fol. 414.

*Leſſio CLXIII.*

*Diſtinctionis XLI.*

Quæ ſeptem continet partes. In quarum prima habetur cõcluſio; Pro inſinuatione, quid ſit affinitas tangitur ſecundò; Inſtantia tertio; Duo quæſita quarto; Propoſitio quinto; Pro inſinuatione peccatorum aſſertur diſtinctio ſextò; Vt verò cautius ſiant coniugia aſſinitatum, quædam nomina ponuntur ſeptimò. fol. 416.

*Leſſio CLXIII.*

In qua quæſtiones duæ dilucidantur. Prima eſt, an matrimonium inter aſſines contractum ſit dirimendum; Inſuper, an proles aliqua illegitima ſit dicenda. fol. 419.

*Leſſio CLXV.*

*Diſtinctionis XLII.*

Quæ octo partes habet. In quarum prima ponitur concluſio; In altera probatio; In tertia propoſitio; Notandum in quarta; Inſtantia in quinta; Quæſitum in ſexta; Concluſio in ſeptimo; Propoſitio in octaua. fol. 421. *Leſſio CLXVI.*

In qua vnũ animaduerſione dignum conſideratur dubium, an ſcilicet nuptiæ ſecundæ ſint licitæ. fol. 424.

*Leſſio CLXVII.*

*Diſtinctionis XLIII.*

In qua ſeptem per ordinem conſiderantur. Concluſio de reſurrectione primò; Inſinuatio ſecundò; Reſurrectionis tempus tertio; Propoſitio quarto; Quæſitum quinto; Propoſitio ſextò; Notandum ſeptimò. fol. 425.

*Leſſio CLXVIII.*

In qua duo quæruntur; Primò, an idem homo reſurgere poſſit; Inſuper, an omnium mortuorum debeat fieri in inſtanti, aut in tempore reſurrectio. fol. 428.

# I N D E X

*Leſſio* CLXIX. *Diſtinctionis* XLIIII. *Quæ* in ſex diſtribuitur partes. In concluſionem primò; In inſinuationem ſecundò; In nouam concluſionem tertio; in poſitionem quarto; in conſiderationem gloria ſanctorum quinto; in dubium cum ſolutione ſextò. fol. 430.

*Leſſio* CLXX.

In qua duo quærentur; Primò, an oēs integraliter reſurrexerint ſint; Inſuper, an cuni deformitatibus, quas in præſenti habuerunt. fol. 431.

*Leſſio* CLXXI.

In qua duo quærentur; Primum eſt, an glorioſa corpora ratione ſua agilitatis moueri poſſint in ſtanti de loco ad locum; Inſuper, an corpora glorioſa claritatem habeant. fol. 435.

*Leſſio* CLXXII.

*Diſtinctionis* XLV.

*Quæ* in octo partes ſecatur. Quarum prima continet concluſionem; Secunda inſitum; Tertiâ concluſionem; Quarta inſinuationem; Quinta de pompis in defunctorum obſequijs factis notandum; Duo quæſita quinta; Concluſionem ſexta; Dubium cum ſolutione octaua. fol. 435.

*Leſſio* CLXXIII.

In qua de animarum quatuor receptaculis fit ſermo. fol. 441.

*Leſſio* CLXXIII. *Diſtinctionis* XLVI.

In qua duo quærentur. Primò, an uiuorum ſuffragia mortuis proſint; Inſuper, an in Inferno exiſtentibus valeant. fol. 442.

*Leſſio* CLXXIV.

In qua perpulchrum quidem examinatur quæſitum, an ſcilicet Sancti noſtras cognoscant orationes, quas ad eos dirigimus. fol. 445.

*Leſſio* CLXXV.

*Diſtinctionis* XLVI.

In qua ſeptem conſiderantur. Concluſio primò; Quæſitum ſecundò; Inſtantia tertio; Notandū quarto de occulto Dei iuditio; Dubium quinto; Reſponſio ſextò; Quæſita duo ſeptimò. fol. 447.

*Leſſio* CLXXVII.

In qua duo quærentur. Primò, an in Deo ponenda ſit iuſtitia; Inſuper, an diuina miſericordia, & iuſtitia ſe ad maiorum punitionem extendant. fol. 449.

*Leſſio*

# LIB. QVARTI.

Leſſio CLXXIII.

Diſtinctionis XLVII.

Quæ octo complectitur partes. In quarum prima ponitur conclusio;  
Inſinuatio in ſecunda; Notandum de iudicantibus in tertia; Iudi-  
candorum ordo in quarta; Propoſitio in quinta; Quid inde ſequa-  
tur in ſexta; Conclusio in ſeptima; Dubium in octaua. fol. 452.

Leſſio CLXXIX.

In qua duo quæſita examinantur. Primum eſt, an generale iudicium ſit  
futurum; Inſuper, an omnia ſua valeat quilibet in generali iudicio  
cognoscere, & aliorum peccata. fol. 455.

Leſſio CLXXX:

Diſtinctionis XLVIII.

Quæ continet ſeptem. Conclusionem primò; Inſinuationem ſecundò;  
Notandum tertio; Conclusionem quartò; Iudicis effectus quintò;  
Propoſitionem ſextò; Inſinuationem ſeptimò. fol. 459.

Leſſio CLXXXI.

In qua tria ſub dubio proponuntur; Primò, an in forma Chriſtus ſit  
iudicaturus humana; Deinde, an ſine gaudio diuinitas à malis po-  
nerit videri; Denique, an tunc tēporis cēli motus ceſſabit. fol. 461.

Leſſio CLXXXII.

Diſtinctionis XLIX.

In qua ſex conſiderantur per ordinem. Conclusio primò; Inſinuatio  
ſecundò; Propoſitio tertio; Duo quæſita quartò; Conclusio quin-  
tò; Quæſitum ſextò. fol. 465.

Leſſio CLXXXIII.

In qua duo quæruntur. Primò, an in bonis corporis conſiſtat beatitu-  
do; Inſuper, an aliquis creatus intellectus Deum clarè, & nudè vi-  
ſione intellectuati poſſit videre. fol. 468.

Leſſio CLXXXIIII.

In qua duo quæruntur. Primū eſt, an diuinā videntes eſſentiam in ipſa  
oīa alia videant; Inſuper, an oēs beatitudinem appetant. fol. 472.

Leſſio CLXXXV.

In qua quæſitum de beatitudine examinatur, an in intellectu, vel vo-  
luntate ſit ponenda. fol. 475.

Leſſio CLXXXVI.

Diſtinctionis L.

Quæ ſecta continet octo. Conclusionem primò; Duo quæſita ſecundò;  
conclusionem tertio; Quæſitum quartò; propoſitionem quintò;

Tria

# I N D E X

Tria quæſita ſextò ; Epilogum ſept.mò ; Viſionis Eſaiz explicatio-  
nem octauò. fol. 476.

*Leſſio CLXXXVII.*

In qua ſecundum Theologos, & Philoſophos fit ſermo de igne, atque  
de eiſdem multiplici diuerſitate. fol. 480.

*Leſſio CLXXXVIII.*

In qua fit ſermo ſatis abunde de inferni igne. fol. 482.

*Leſſio CLXXXIX.*

In qua agitur de duplici igne, ſcilicet purgatorij, & conflagrationis.  
fol. 484.

*Leſſio CLXXXX.*

In qua duo quæruntur. Primum eſt, an ignis inferni corporeus ; Alterù  
eſt, an damnatorum corpora ab igne patientur. fol. 487.

*Leſſio CLXXXXI.*

In qua duo illuſtrantur quæſita. Quorum primum, an ignis inferni  
damnatorum animas puniat ; Inſuper, an in inferno fit tantum pæ-  
na ignis. fol. 490.

*Leſſio CLXXXXII.*


In qua duo examinantur. Primum eſt, an damnati magis vellent non  
eſſe, quam in pænæ miſeria eſſe ; Inſuper, an beati damnatorum pæ-  
nas videant. fol. 491.

F I N I S.









FRATRIS IO. PAVLI  
PALANTERII

*A Castro Bononien. Sacra Theologia Doctoris.*

LECTIONES IN QVARTVM LIBRVM  
MAGISTRI SENTENTIARVM.

SAMARITANVS ENIM, &c. TEX.

Distinctio 1.

Lectio prima.



**N**ODATVRVS librum quartum Magistri sent. ne confusio aliqua sit apud nostrum intellectum, ea quæ animaduersione digna videntur, silentio inuoluam minimè. Quare primo perpendam huius libri cum superioribus continuationem, insuper inscriptionem, deniq; diuisionem. Quatum ad primum. ex quo Magister in præcedentibus libris determinauit de rebus: consequenter in hoc quarto de signis sacramentalibus verba factururus. Quantum ad secundum, inscriptio libri, siue titulus intuenti patet, est enim Petri Lombardi Episcopi Parisiensis M. sententiarum. Ex qua inscriptione genera causarum quatuor colligenda, efficientis, materialis, formalis, & finalis: causa efficiens, ut norunt docti, duplex

A

est

est, principalis, ut Deus, minus vero principalis, siue instrumentalis, Magister sent. causa materialis, sacramenta ipsa: causa formalis modus procedendi diuinius, & diffinitiuus: causa finalis conseruatio humani generis: His duobus tertium nequitur ad libri diuisionem pertinens; diuidi enim potest liber iste in secta duo principalia: in Prohemium, & tractatum: in Prohemio ponitur intentio, & intentioris ratio: circa quod, tractatum dimittentes in sequentem lectionē, versaturi: ab illa exordiemur Parabola, qua Luca x. habetur in figura: Homo quidam descendebat ab Hierusalem in Hierico, & incidit in latrones, qui etiā despoliauerunt eū, & plagis impositis abierunt seminiuo relicto. In quo verbo sex mala targuntur, quae faciunt peccatum; primo enim à Regno celesti separatur, ibi, Homo quidā &c. scilicet Adam, vel genus humanū descendebat videlicet per culpam, vel quia ascenderat per superbiam, ideo descendebat per penam, & miseriam à Hierusalem, quae secundum Aug. contra Pelagium interpretatur visio pacis, nam antequā peccaret, in visione pacis erat: hoc est in Paradiso; descendebat ergo à visione triplicis pacis: scilicet à Deo per inobedientiam: à se ipso per innocentiam: à toto mundo per predominationem; secundo peccatum captiuat sub defectu presenti: ibi, in Hierico: Nam Hierico secundum Aug. luna interpretatur: & nostram significat mortalitatem: per hoc, quod sicut luna nascitur, crescit, senescit, occidit, sic vita nostra: descendit ergo in Hierico in quantum defectū pacis incurrit, nam factus est inobediens Deo: & corpus eius spiritui, & creaturæ inferiores ipsi toti generi humano: unde in miserias, & vitæ defectus incurrit: tertio peccatum mortale subiungat diabolicæ potestati:

potestati ; ibi, & incidit in latrones. *Ambr. ibidem* : Qui sunt isti latrones, nisi Angeli noctis, & tenebrarum, in quos non incidisse, nisi eis deuius mandati caelestis se obnoxium fecisset : incidit ergo in latrones, idest in dēmonum potestates : qui clam bonis alienis insidiantur : & rectē dicitur, quòd incidit in latrones, quia spontē se ipsum eorum tradidit potestati. quarto mortale peccatum gratuitis spoliatur ; ibi, qui etiam despoliauerunt eum, ubi *Aug. de questionibus noui, & veteris testamenti* sic ait : vel secundum *Ambr.* qui scilicet Dēmones expoliauerunt eum, gratia indumenta, & innocentia auferendo. *Iob. xix.* sic ait : spoliauerunt me gloria mea. & *gen. iii.* post peccatum cognouerunt se esse nudos. quinto peccatum vulnerat in naturalibus ; ibi : & plagis impositis, idest naturalibus vulneratis per peccatum : unde *Psal.* non est sanitas in carne mea : & subdit plagis impositis secundum *Aug.* idest peccata suadendo. *Beda*, peccata dicuntur plagæ, quia his natura humanae integritas violatur. sexto mortale peccatum in operibus mortificat meritorijs ; ibi, seminuuo relicto : quia ex parte, qua homo Deum potest intelligere, & cognoscere, uiuus est secundum *Aug.* in questionibus *Euāgelij* : ex parte verò, qua peccatis contabescit, & premitur, mortuus est. insuper abierunt : *Beda* ait : Non ab insidijs cessando, sed insidiarum fraudes in eis occultando : à quibus omnibus defectibus ut genus humanum curaretur : Samaritanus, idest animarum nostrarum custos Christus homini sauciato idest generi humano per originale peccatum appropinquans per suam incarnationem, sacramentalem medicinam adhibuit, idest sacramenta instituit : quæ ut odorifera Deum placare valent : & ut salutifera egroti infirmitatem

tatem curare: unde sicut mundus sensibilis recipit influentiam à corporibus celestibus, maximè autem à septem stellis, quæ planetae dicuntur: sic corpus Ecclesie militantis recipit influentiam vitæ Spiritualis à Christo mediantibus septem sacramentis: & merito stellis propter tria comparantur, habent enim stelle claritatem in aspectu; velocitatem in motu, & vim in effectu; sic, & sacramenta instituta sunt propter nostram eruditionem quo ad primum, propter nostram exercitationem quo ad secundum, & propter nostram iustificationem quo ad tertium, de quibus suo paulatim loco Deo duce verba faciemus.

## QVID SIT SACRAMENTVM.

### Lectio secunda.

**D**icebamus hunc librum in duas posse secari partes: in quarum prima ponebatur Prohemium: in altera verò tractatus: iam declarata parte prohemiali, accedit executiva, quæ sui prima diuisione in duas potest usurpari partes: in altera quarum fit sermo de sacramentis in genere, in secunda verò de eisdem in specie: nos circa primam versaturi, in presenti tria faciemus, primo varias sacramenti rationes in medium adducemus: insuper de multiplici significatione signi in gratiam sacramenti verba faciemus: tertio ex dictis perfectam colligemus sacramenti finitionem. Quantū attinet ad primum: Sacramentum sic ab Augustino diffinitur Sacramentum est, per quod sub tegumento rerum visibilium diuina virtus secretius salutem operatur: & qđ ibi salutem secretius  
operatur



operatur, verum est per se, ut ait Pet. de Palud. licet per accidens in ponente obicem impediatur. Hanc diffinitionem sic ponit Cortesius. Sacramentum est, in quo sub operculo rerum spectabilium à diuinitate incolumitas nostra inuuetur. ab Hugone de sancto Victore sic finitur, Sacramētum est materiale elementum extrinsecus oculis suppositum, ex institutione significans, ex similitudine representans, ex sanctificatione aliquam inuisibilem gratiam conferens. à D. Thoma sic. Sacramentum est signum gratia sanctificantis: quæ diffinitiones si rectè intelligantur, variatis verbis eandem præ se ferunt sententiam: licet una obscurius innuat, altera verò clarius exprimat. à Magistro sent. sacramentum primo quo ad quid nominis sic describitur. Sacramētum est sacra rei signum: potest etiam sumi sacramentum pro re significata, quo modo consueuimus dicere: magnum sanctissima Trinitatis fore sacramentum: quibus duobus modis hic nō intendimus loqui: nam si primo modo: tunc serpens gneus, & crux, quæ in Ecclesia ponuntur, & aqua benedicta, & similia viderentur sacramenta, cum res sacras significent: verum quia non sunt ad hoc, ut causent gratiam, instituta, propterea nec sacramēta dicenda: serpens enim erectus fuit, ut inspicientes corporaliter sanarentur: & crux in Ecclesia ut Christi passionem imitemur: Aqua verò benedicta instituta est ad abigendos Demones, morbosque pellendos. De sacramento igitur hic fiat sermo secundum quod est signum, & finiatur in hunc modum. Sacramentum est inuisibilis gratiæ visibilis forma, scilicet in se, vel habens annexum visibile, vel sensibile. At quia de signo in presenti est facta mentio, ideo ne laboremus in equiuoco, quid sit signum quesito dicamus: nam vocat

Magister

Magister illud signum, quod præter speciem, quam sensibus ingerit nostris, ex se aliud facit, scilicet in cognitionem venire. Hic tamen notetis, diuidi posse in duo: nam datur naturale signum naturaliter significans, ut fumus respectu ignis: quoddam verò datur ex institutione representans, & tale sacramentum dicitur: rursus signorum datorum quoddam non gerit sui signati similitudinem, quoddam verò rei, cuius est signum, gerit similitudinem, & tale sacramentum est: insuper signum gerens sui signati similitudinem, quoddam signum est tantum: quoddam verò est signum, & causa: & tale sacramentum est. Ex quibus tertio colligi potest sacramenti perfecta diffinitio, scilicet inuisibilis gratiæ visibilis forma, ita ut imaginem gerat, & causa existat. hinc habetur, sacramenta veteris legis, quæ solum significabant, nec esse, nec propriè sacramenta dici debere. Pro vberiori tamen doctrina eorum, quæ tacta fuere in hac nouissima parte, ad sacramentum ut sit tale, tria requiri velim vos scire. Primum quòd sit res sensibilis, naturalē habens similitudinem ad gratiam, siue effectum Dei gratuitum, quam, vel quem representat: Naturalem inquam similitudinem non per participationem eiusdem qualitatis, sic enim sensibilia spiritalibus minimè similia: sed similitudinem illam, quæ est proportionatorum. V. g. ut se habet aqua ad maculas corporales abluendas, ita gratia ad abluendas maculas spirituales: & hæc similitudo est bene corporalium ad res spirituales: secundū quòd requiritur, est, quòd actualiter sit à Deo institutum. Nam solus ille potuit instituere sacramenta, qui potuit suo signo dare sanctificationis certitudinem, & efficaciam: hanc autem solus Deus potest, qui gratiam solus infundere, nec non gra-

tuitum

ruitum effectum causare. tertium quod requiritur, est, quod si signum efficax, & certum: quod semper suum habeat effectum, quod signat infallibiliter, nisi sit impedimentum in suscipiente per positionem obicis gratiæ repugnantis: quæ tria intelligenda in definitionibus allatis: primum innuitur in definitione Aug. in hoc quod dicitur rerum visibilibus: & in illa Magistri: visibilis forma, idest similitudo; ideo additur, ut imaginem gerat, ubi imago pro similitudine ponitur: ut causa existat: ubi tangitur sacramenti efficacia: non quod sit causa efficiens, non materialis, non formalis, non finalis: sed causa continens, atque disponens: continens, quia licet gratia sit à solo Deo tanquam auctore: causa tamen in sacramentis confertur tanquam in vasis gratiæ: disponens causa similiter est: quia sacramenta disponunt ad ablationem peccati, & gratiæ infusionem, & accipitur visibile ibi generaliter pro sensibili, ut vult Ricardus: & hoc propter dignitatem, nam inter quinque sensus, visus est excellentior: & hæc de pollicitis: in sequenti secundum Scotum de sacramento verba faciemus.

## QVID SIT SACRAMENTVM .

Lectio tertia.

**S**ubtilissimus Doctor prædictas sacramenti definitiones ad unam reducere videtur, quæ talis, sacramentum propriissime acceptum, est signum sensibile gratiam Dei, vel effectum gratuitum ex institutione diuina efficaciter significans, ordinatum ad salutem hominis viatoris: quæ Scoti definitio cõpletior apparet, & magis

magis circumstantionata, ad signorum differentiam, quæ non sunt sacramenta: ubi sensibile accipitur pro visibili, aut audibili. Insuper dicitur gratiæ inuisibilis: ubi gratia denotat gratiam gratum facientem, & hoc in anima suscipientis sacramentum: vel effectum Dei gratuitum propter Eucharistiæ sacramentum, quod gratiam non significat gratum facientem, quæ est quædam accidentalis forma, sed bene significat corpus Christi verum sub speciebus contentum, quod effectus gratuitus dicitur, quia ex gratuita voluntate procedens; & dicitur effectus, non quod de nouo fiat, siue esse accipiat, at quia fit de nouo presens illis speciebus per transubstantiationem panis in ipsum. Additur deinde, ex institutione diuina, per quod excluduntur signa pure naturalia, ut lotio balnei, & aqua benedicta, quæ non est sacramentum: quia non à Deo, sed ab Ecclesia instituta: præterea dicitur efficaciter significans, qd̄ includit certitudinaliter, propter signa equiuoca, siue dubia, ut sacramenta veteris legis quæ, quia gratiam non conferebant (saltem ex opere operato) ideo sacramenta non fuerunt. Per idem excluduntur petra deserti, agnus Paschalis, virga Aaron: quæ quia gratiam, siue effectum gratuitum, non conferebant, ideo sacramenta minime appellanda, licet rerum sacrarum representatiua. Quod additur ordinatum ad salutem hominis viatoris, nil excludit, vel includit, at finem sacramentorum ostendit. Hæc ad aures subtilissimi Doctoris. Accedit modo opinio secundū Occan de sacramento: vir enim iste sic ait. Sacramentum est signum significans efficaciter effectum Dei gratuitum. sunt autem tres conditiones signi efficacis secundum Scotum: videlicet quod sit signum practicum, id est habens aliquam causalitatem

## LECTIONES LIB. QVARTI. ,

causalitatem respectu signi. secunda quòd sit signum certum certitudine, ut in pluribus, idest semper, dum non ponitur impedimentum ex parte suscipientis. Tertia quòd sit naturaliter prius effectui signato unde, ut sentit Sanctus Bonaventura, Rikardus, Scotus, & Occam: Deus constituit sacramenta sensibilia, tanquam signa certa gratiae, quam Deus ex pacto producit in anima suscipientis sacramentum ( nisi ponatur obex ) Hinc sacramenta gratiam continere dicuntur, quia significant gratiam, non quia formaliter, sed virtualiter, & non nisi causa suum effectum. quare ex propria natura causae gratiae sacramenta eis in prima rerum conditione tradita non sunt. Nam ante institutionem nullam habebant efficaciam: sunt tamen causa sine qua non, quia sunt causa effectus sacramentalis, & non causa naturales, siue ex propria natura, ut Gabr. dicit. Possunt quoque dici ex voluntaria institutione diuina id totum, quòd habent, retinere: nam sine eis non dicitur causari sacramentalis effectus, at eis positis sic. sunt igitur causa sine qua non: & quamuis Deus suam non alligauerit sacramentis potentiam, cum valeat hominem, sine sacramentis saluare de potentia sua absoluta, non id tamen de ordinaria facit: & ideo hominem saluari per sacramenta sic ordinauit. In proximo futuro nostro sermone ad alia festinabimus, haec in tantum, sint dicta.

### DE CAUSA INSTITVTIONIS

#### SACRAMENTORVM.

#### Lectio Quarta.

**I**AM patet satis abunde, diffinitio sacramenti: consequenter in presenti sermone de quatuor loquendum; de sacramentorum pro-

B

mulgatione

mulgatione primo: de notando uno secundo: de eorundem sacramentorum integritate tertio: demum quo modo medicina sacramenta dicenda speculandum quarto: Quo ad primum: sacramenta ut perbelle innuit Magister sent. in litera dicuntur fuisse instituta triplici de causa: prima quidem fuit hominis humiliatio, qui per sacramenta corporalibus rebus, quæ natura infrà ipsum sunt, subditur: volens itaque Deus hominem humiliari, ac sibi subijci, hinc sacramenta sub sensibilibus rebus instituit: quæ licet homine ipso inferiores, effectum nihilominus diuinum, ut puta Dei gratiam continent. Insuper promulgata sunt ad eruditionem; homo etenim de inuisibilibus per ea docetur, ac instruitur: tertio ad exercitium, ut scilicet ociositas, & occupatio noxia vitentur. Verum quia hic factus est sermo de exercitationibus, propterea velim sciatis: ad tria posse referri: nam quedam ad bonum animæ ordinantur, & sunt virtutes Teologicæ, quibus humana mens unitur Deo: quedam verò aliæ ad bonum corporis, ut artes mechanicae: demum quedam aliæ ad subuersionem utriusque, ut artes Magicæ. Enodata iam priam parte, ubi erat sermo de sacramentorum promulgatione, nec non de causa triplici institutionis: Accedit altera per breuis notando contenta: quod est tale: Quamuis Deus instituit sacramenta, potuit tamen sine illis hominē de potentia absoluta saluare: sed voluit ex dictis causis sacramenta instituere: hinc tertio tangitur loco integritas sacramentorum, quæ duobus consistunt, scilicet rebus, & verbis: quas sanctus Aug. nominat elementum, & verbum: Accedit inquit verbum ad elementum, & fit sacramentum, in homine scilicet. Per rem, siue elementum intelligitur res, siue actus aliquis sensibilis,



*sensibilis, ut confirmatio, unctio, calicistraditio, &c. quæ cum verbis dant effectum sacramentalem. Per verbum autem, oratio prolata ore ministrantis sacramentum. elementum, siue res, ut latius patebit inferius, materia dicitur; & verba forma dicuntur. His quarto addenda venit loco, quo modo sacramenta medicine, & remedia contra morbos dicuntur spirituales, ut Gabr. scribit. dicuntur etiam adiutoria animæ ipsam perficientia in spirituali vita: nam conferunt gratiam, quæ vita animæ dicitur. Sunt etiam remedia contra septem vitia capitalia: nam Baptismus contra superbiam: Eucharistia contra inuidiam: confirmatio contra Acidiam: extrema unctio contra iram: ordo contra avaritiam: penitentia contra gulam: & matrimonium contra luxuriam. Præter hæc notandum: sacramentorum quædam esse homini lapsæ tradita, ut curatiua: & ecce baptismus, penitentia, & extrema unctio; quædam verò præseruatiua, ut confirmatio, Eucharistia, Matrimonium, & ordo. Ipsa ergo sunt medicina, & vasa medicinalia: unde Deus est medicus, homo egrotus, sacerdos minister, vel nuntius, gratia effectus. Insuper medicus donat, minister dispensat, vas seruat, quæ sanat percipientem egrotum, spirituales gratias. Ipsa ergo sacramenta medicine, & vasa gratiæ. Et hæc pro presenti lectione.*

## DE DIFFERENTIA SACRAMENTORVM

### Lectio Quinta.

**A**gebamus in proxima præterita lectione nostra de sacramentorum promulgatione: postquam consequenter, Nunc agendum



dum de differentia sacramentorum nouæ legis, & veteris. Diuidatur itaque presens sermo in secta tria: in quorum primo discrimen ponetur inter sacramenta nouæ legis, & veteris: in altero propositio: in tertio, & ultimo dubium cum solutione. Pro intellectu secti primi est sciendum: in duplici discrimine sacramenta fuisse: quædam enim appellabantur veteris legis: & quædam alia nouæ legis: quo stante, difficile minima erit videre, quo modo differant inter se: nam illa veteris legis significabant, & promittebant tantum: at nouæ legis sacramenta significant, promittunt, & causant; ecce differentiæ prima. Altera differentiæ est timor, & amor, quia veteres sua sacramenta timore adimplebant, nos verò Euangelica sacramenta ex amore: & ad literam datio veteris legis tota fuit in timore, & fumo, & alijs terribilitatibus: at noua lex tota in benignitate, & gratia, secundum Gersonem de sacramentis; nec non ad Aug. mentem. Hugo verò victorius inter sacramenta nouæ legis, & sacramenta veteris legis triplicem differentiæ ponit. Prima est: quòd nostra sacramenta sunt signa gratiæ: at illa non sic immediate sunt gratiæ signa, vt nostra: altera differentiæ est, quòd nostra sacramenta sunt signa, & causa, illa verò signa tantum. tertia differentiæ est, quòd illa veteris legis gratiam tantum promittunt, quam non continent: at nostra dant gratiam, quam continent: & hæc de puncto primo. In altero ponitur hæc propositio. Inter sacramenta veteris legis circumcisio sola originale culpam debebat, sed regni celestis ianuam non aperiebat: unde Aug. ait: Ex quo instituta est circumcisio in populo Dei, quæ erat tunc signaculū iustitiæ, fidei, ad purificationem valebat magnis, & paruulis originalis, veterisque

terisque peccati: sicut baptisumus ex illo valere cepit ad innouationem hominis, ex quo institutus fuit. hoc idem Beda dicit; excepto quod regni celestis ianuam non intrabant: sed in sinu Abrae post mortem requie beata consolati, superna pacis ingressum spe felici expectabant. His igitur aperte traditur, circuncisionem institutam fuisse ad culpam originalem tollendam: Et hec profecto secundo in tertio dubium proponitur, illudque e medio tollitur. Queritur ergo quodnam viri remedium habebant contra peccatum ante circuncisionem, & feminae ante, & post? dubio sub his verbis propositio, quid respondendum sit, audite. Qui enim de stirpe Abrae descenderunt, per circuncisionem iustificabantur: qui vero ante circuncisionem paruuli fuerunt, dicebantur in fide parentum iustificari. parentes autem sacrificiorum virtute, & mulieres ante circuncisionem, & post, per fidem, & bonam operationem: per suam, si erant adultae: vel per fidem parentum, si paruulae. unde beatus Greg. ait: quod apud nos valet aqua baptismi, hoc egit apud veteres, vel pro paruulis sola fides, vel pro maioribus sacrificij virtus, vel pro his, qui ex Abrae stirpe prodierunt, mysterium circuncisionis. Et hec satis.

## DE INSTITVTIONE, ET CAUSA

## CIRCVCNCISIONIS.

## Lectio sexta.

**V**T extremam imponamus manum huic primae distinctioni, hodierna die de circuncisionis institutione verba faciemus, septem per ordinem considerantes. cui sit data circuncisio primo: Insper, cur data: tertio, in qua parte fiebat: quarto,

quarto, quo tempore : quinto, quid sit : sexto, cur mutata in baptis-  
mum : septimo, dubium cum solutione. Quantum ad primum : dici-  
mus Abraa primo, & semini eius datam fuisse circumcisionem à  
Deo propter tria : propter obedientiam primo : propter fidei signū  
secundo : & ad distinctionem tertio. Abraam ergo primus cir-  
cuncisionis mandatum habuit ad obedientia probationem : nec ei  
soli fuit præcepta circumcisio, sed & semini eius, idest omnibus he-  
breis : & hoc, ut per mandati obedientiam, Deo Abraam placeret,  
cū per prævaricationem Adam displicuerat. Insuper in signum  
magna fidei circumcisio illi data fuit, qui filium credidit se habitu-  
rum, in quo fieret benedictio omnium. tertio ad distinctionem, ut  
scilicet hoc signo à ceteris nationibus distingueretur ille populus. Et  
hec de sectis duobus : in quorum primo, à quo instituta sit circumci-  
sio, dictum fuit ; in altero verò, cur data ; Accedit tertium, ubi  
videndum, qua in parte fieret : nam, ut videre est, fiebat in illa  
parte præputij duplici de causa: Prima est: quia concupiscentia, per  
quam originale peccatum à parentibus contrahitur, in cuius reme-  
diū instituta fuit circumcisio, in illa parte magis dominatur, vigetq;  
carnis sequities : altera causa est : ut in illa homo signum obedientia  
acciperet, in qua primus homo culpam inobedientia sensit. Nunc  
quo tēpore, & quo instrumento fieret, quarto loco dicamus: Octa-  
uo enim die, & lapideo cultello, ad designandū duo, fiebat : primo  
Resurrectionem carnis communem in octava ætate sciendam per pet-  
ram, idest, per Christum, in quo omnis corruptio ab electis tolle-  
tur. Secundo, octava die facta est : per quam, anima cuiuslibet in  
ipsum credentis circumciditur à peccatis. His quinto quòd quid est  
circuncisionis

circumcisionis addendum: Nam Damascenus sic ait: Circumcisio est signum determinans Israel à gentibus, cum quibus conuersabantur: aliter describitur circumcisio, dum dicitur: quòd est signaculū curationis ab originali, vel sic: circumcisio est abscisio superfluitatis concupiscentiæ. Ex quibus colligi potest sufficiens circumcisionis descriptio, quæ talis: circumcisio est signaculum efficax curationis ab originali, permanens in carne, institutū à Deo, determinans Israel à gentibus. Hinc excluduntur sacrificia legis naturæ, quia non erant permanentia in carne: excluduntur, & alia signa, quæ non sunt curationis signa, ab originali: uti illa, quæ Indi habent signa adustionis faciei, quibus ab alijs distinguuntur. Insuper excluduntur oblationes, expiationes, & sacrificia legis Moysaycæ, quæ licet distinguerent, non tamen ab originali curabant, nec permanentia in carne erant. At dicetis: circumcisio competebat ne ipsi Christo? ad hoc dici potest, quòd sic: propter multas causas: primo, ut se alijs conformaret: secundo, ut nos à iugo legis liberaret: tertio, ut in nobis spirituales circumcissionem efficeret: quarto, ut ostenderet, neminem esse dignū diuinis conspectibus, nisi circumcisum à vitijs. quinto, ut nobis suo exemplo obedientiæ virtutem ostenderet. sexto, ut suæ carnis veritatem manifestaret contra maledictū manicheū, qui dixit eum corpus habuisse fantasticum. septimo, ut confundere-tur Apollinaris, qui dixit Christi corpus consubstantialiale diuinitati. octauo, ut error cognosceretur Valentini dicentis, Christum corpus de cælo attulisse. Nono, ut circumcissionem approbare-t. decimo, ut doceret se de genere Abrahæ esse. ultimo, ut à Iudeis excusationem auferret, si eum nō reciperent, dum esset incircumcissus. His

sexto

sexto loco addenda venit ratio, cur sit in baptismum mutata circumcisio. fuit ergo in baptismum mutata tanquam in communius, & perfectius: nam ibi licet culpa tolleretur originalis, non ob id ianua Regni aperiabatur cęlestis. At hic, & culpa deletur, & porta cęli aperitur, nec non virtutum augmentum ad bonum operandum cōfertur. Hic notetis velim unum in textu dictum fuisse à Magistro sent. in quo minimè tenetur: nam arbitrarius est Vir iste: quòd tunc dimitterentur peccata, licet gratia adiutrix non daretur: hoc ergo illud est, in quo non probatur Magister. Denique superest dubium proponendum, deinde erit finis. Dubitatur ergo quid sentiendum sit de parvulis, qui moriebātur sine circumcissione ante octauū diem: An saluabātur? Magister in sua responsione minimè tenetur, partem enim negatiuam tuetur. Hugo, quem sequitur Alex. parte iiii. q. vii. dicit: qđ parvuli, qui moriebātur ante octauum diem, saluati fuerunt in fide parentum cum oblationibus, & sacrificijs: vel poterat tempus ante mortem instante suspicione anticipari: nam octaua dies fuit de necessitate precepti, & non de necessitate sacramenti.

## AN BENE FINITVM SIT

## SACRAMENTVM.

## Lectio septima.

**P**Ercurrere volentes hodierna die predeclaratā distinctionem, quatuor faciemus: nam primo docebimus, non bene finitum fuisse sacramentum in genere. insuper, quòd minimè sit de signi genere. tertio, quòd non illa recte fuerit particula apposita,

appositā, visibilis forma. demum, nec illa de similitudine: ut scilicet  
 ipsius similitudinem gerat, & causa existat. quantum attinet ad  
 primum: auctoritate Aristotelis septimo diuinorum sic arguitur:  
 ratio finitiua non dicitur esse, nisi illius, quod est per se vnum: at  
 sacramentum non sic se habet, quia plura concurrunt, ut res, &  
 signum: igitur male Magister se gessit in diffinitione sacramenti.  
 Præterea: vnius rei vna diffinitio: at hic plures sunt data: quare,  
 &c. insuper, quod non cadat sub genere signi, secundo loco doceo:  
 imagines etenim Christi crucifixi, beata Virginis, & Sanctorum  
 aliorum rei sacræ signa dicuntur, & tamen sacramenta non sunt:  
 sub genere igitur signi non dicitur cadere diffinitio sacramenti. His  
 accedit: quod sacramentum à sacrandō dicitur: ergo potius de ge-  
 nere efficientis, quam signi. tertio contra illam particulam visibilis  
 forma, si forma, vel illa, quæ compositi pars est, vel exemplaris: at  
 neutrum horum: igitur. nec debet dici, quod merito sit altera par-  
 ticula appositā visibilis: quia Eucharistia sacramentum est verum  
 sacramentum, nec ob id visibilis forma dicitur: quare, &c. quarto,  
 & ultimo, cum sacramentum sit res corporalis: gratia verò spiri-  
 tualis, inter quæ non similitudo aliqua existit: quo modo dixit Ma-  
 gister sent. ut ipsius similitudinem gerat, &c. multo plura circa  
 præsentem materiam forent dicenda, at hic pedem figam. Pro dilu-  
 cinatione tamen præmissorum, hæc supponenda: primo quod diffini-  
 endum sit ens positium: insuper, quod sit per se vnum: præterea,  
 quod ens reale: quibus positis, quid ad formatas rationes dicendum,  
 audite. Pro intellectu enim primæ, distingo de sacramento: quod  
 duobus concipi habet modis: vel pro materiali, vel pro formali: si

C

primo



primo modo, conceditur ratio: si alio modo, negatur: nam quantum  
 ad suam formalem significationem per se unum dicitur esse sacra-  
 mentum: altera ratio erat: unius rei debet esse unica definitio, &c.  
 uno modo considerata verum est: aliter non: vel sic: unius rei  
 debet esse unica ratio finitiua completa: non ob id inconuenit, quin  
 plures descriptiua rationes assignari possint, ut in proposito fuit fa-  
 ctum. Ad alias verò rationes per ordinem formatas de facili est  
 respondere: nam prima de imagine Christi, & sanctorum, qua  
 signa dicuntur, potest concedi quo ad significare, sed non quo ad  
 mederi: quia talia signa non sunt adhibita, ut medicamenta cura-  
 tionis spiritualis, uti sacramenta ex institutione diuina ad curatio-  
 nem spirituales ordinata; sub quo sensu finitum fuit à Magistro  
 Sent. sacramentum in textu. Altera ratio, qua dicebatur, quòd  
 sacramentum à sacrandò dicitur: ergo potius sub genere causæ effi-  
 cientis, quam signi ponendum: Respondetur: sacramentum quidē  
 à sacrandò dici: quia ex lege diuina ad gratiam presupponitur: at  
 non efficienter, siue effectiue. Ad illud autem argumentum de forma  
 adductum paucis dicendum: formam tripliciter sumi posse: uno  
 modo pro forma partis: secundo pro exemplari signo: tertio pro for-  
 ma totius: nos hic sumimus formam secundo modo; sic ruit aduer-  
 sarij ratio. Ad illam verò de visibili, dicitur: quòd ibi sumebatur  
 visibile, pro signo sensibili, siue auditus, &c. denique formabatur  
 argumentū contra illam particulam: ut ipsius similitudinem gerat,  
 &c. ubi unum erat corporale, ut sacramentum; alterum spiritua-  
 le, ut gratia; quare nulla similitudo. Ad hoc dicaris: duplicem si-  
 militudinem dari: proportionis, & proportionalitatis: si primo  
 modo,



modo, habet concedi, quòd inter sacramentum, & gratiam, nulla extet similitudo: at secundo modo, sic. ut enim aqua sordes carnis abluit: ita, & gratia anima maculas, & hæc pro presenti satis.

# AN NECESSARIA SINT SACRAMENTA.

Lectio octaua.

**I**Ntellexistis ex Magistro sent. sacramenta à Deo instituta, & propter quid. Nunc pro maiori intelligentia eorum, duo adhuc alia quærenda: & primo. Num necessaria. insuper; An debuerint institui propter causas adductas. Circa primū ratiocinatur quidam in hunc modum. Sacramenta dicuntur sacrorum futurorum signa: at veniente veritate, tunc cessat figura: ecce Christus veritas iam venit: igitur talia signa cessare debuerunt: non itaque nouæ legis. sacramenta necessaria. Præterea: si fuerunt instituta in sanitatis remedium, hoc videtur factum in cassum, quia per alia media, quam per sacramenta, homo sanari potest: ergo minor patet per Aristotelem Ethicorum secundo, virtutem sanitati comparantem: per virtutem igitur homo sanari poterit; propterea sacramenta non necessaria: quòd etenim fieri potest per pauciora, non debet fieri per plura: quare sacramenta non videntur necessaria. Demū per generalem Regulam sic arguitur: cōtraria contrarijs curantur: at homo peccando, se rebus naturalibus subiugauerat: ideo non videtur: quòd debuerit sanari per subiugationem rerū materialium: sacramenta itaque non necessaria. Ex alio latere, quia oēs Theologi in oppositum se habent, tenentes necessaria esse sacramenta: iccirco,

pro determinatione huius dubij primi, premittenda erit distinctio necessitatis: duplex enim est, pro presenti: una absolute sumpta, ut ista, Deus est: altera ex suppositione finis. primo modo non intendimus absoluta necessitate sacramenta necessaria; quoniam sine his homo à Deo potuit sanari: secunda itaque necessitate scilicet finis, sacramenta necessaria. His ita positis, ad argumenta soluenda accedendum modo est: Et ad primum dicendum: Sacramenta non debuisse cessare, quia figura sunt status patriæ, ad quam ordinant nos hæc, ut spirituales medicina. Ad secundum de virtutibus dicitur: hominem sanari quidem posse corporaliter per virtutem: at spiritualiter per sacramenta. Ad tertium respondetur: quod hominis corruptio facta fuit viliter se subdendo sensibilibus rebus: hinc per suum dicitur sanari contrarium, ut puta per res ipsas sensibiles, se subdendo propter Dei reuerentiam, & humiliando se: quibus modis fit conuenienter reparatio virtutis, nec videtur illud obflare, quod solet ab aduersarijs adduci. V. g. idem varios non posse producere effectus: quod habet intelligi eodem, modo consideratū: at si diuersumode, ut sit in proposito, totum continget oppositum. Et hæc de primo quesito. Subsequitur alterum trahens originem ex verbis Magistri sent. qui dicebat: sacramenta primo ad eruditionem instituta: insuper ad exercitationem; probo ego totum oppositum. illud quod est erroris causa, nō dicitur esse causa eruditionis: at tradere, siue ordinare spiritualia sub corporalibus signis, causa videtur erroris, igitur sacramenta non possunt dici fuisse instituta propter eruditionem; neque propter exercitationem. nam habet Apost. 1. ad Thim. 6. quod corporalis exercitatio ad modicum utilis

utilis est: at in sacramentis exercitatio corporalis est ut patet: non igitur propter exercitationem instituta fuerunt sacramenta. In oppositum se habet Magister in textu: iccirco argumenta diluenda: deinde erit finis huius secundae questionis. Dum ergo dicebatur in argumento primo spiritualia sub corporalibus ordinari, causa erroris dicitur esse: concedo hoc: si sibi figatur pes, & hominis cognitio requiescat in illis: at ex huiusmodi si elcuetur mens humani intellectus ad spiritualia: tunc talis modus neuiquam causa erroris esse dicitur. Ad illud verò de exercitatione, desumptum ex Apostoli verbis, paucis dicendum: quòd exercitatio mere corporalis ad modicum sit utilis: at si ei pietas addatur, & adiungatur, uti sit in sacramentis ad Religionis pietatem pertinentibus: tunc dicendum: quòd talis exercitatio sit valde utilis: quo modo Magister in textu loquebatur, & hæc pro presenti nostro sermone dicta sint satis.

## AN CIRCVCNCISIO CONFEREBAT

GRATIAM.

Lectio nona.

**P**riusquam ad noua legis sacramenta accedamus, inutile erit minimè speculari: Num Circuncisio tunc temporis data gratiam conferret. mihi sanè videtur esse dicendum quòd non: nam paradisi anuam non aperiebat: igitur nec gratiam conferebat. insuper significabat peccati ablationem: non ergo gratiam conferebat. præterea: legis figuræ sacramentum dicebatur: non itaque gratiam conferebat: & ex consequenti originale peccatum minimè



minimè tollebat. Ex alio latere, si circumcisio non debebat culpam originalcm: cur ergo à Deo Abraæ, & semini eius data? Insuper cur beatus Gregorius in textu Magistri sent. dicebat: quòd apud nos valet aqua baptisimi, hoc apud veteres sola fides pro paruulis, vel pro maioribus sacrificij virtus, vel pro his, qui ex Abraæ stirpe prodierunt mysterium circumcisionis? Ex his videtur colligi posse: circumcisionem tunc temporis gratiam contulisse. Pro determinatione igitur huius difficultatis velim, sciatis: circumcisionem, ut omnes Theologi fatentur, Abraæ, & semini eius in remedium culpa originalis datam fuisse: si sic: ergo fatendum erit: quòd gratiam conferret circumcisio ipsa: Quapropter dimissis varijs circa materiam hanc opinionibus, ad rationes in contrarium formatas respondendum erit; deinde sermo noster claudetur. prima ratio sic se habebat: per circumcisionem celi porta non aperiiebatur: igitur nec gratia conferebatur: Ad hanc rationem velim dicatis: consequentiam esse nullam: nam hoc ex defectu circumcisionis data non proveniebat, sed ex pretio nondum soluto: quia Christus adhuc non fuerat passus: ruit ergo prima ratio. Altera erat: quòd circumcisio peccati ablationem significabat, non ergo gratiam conferebat: Respondetur: quòd, & significabat, & ex consequenti conferebat. Ad tertium dicentium: quòd circumcisio erat sacramentum legis figuralis: ergo solum figurabat, & non conferebat: Respondendū: quòd, & figurabat, & conferebat gratiam, sed non tantum, quantum nunc tempore legis nova baptismus. Et hæc pro presenti pauca sufficiant.

LECTIONES LIB. QVARTI. 23  
DE NOVAE LEGIS EXCELLENTIA.  
Lectio X.

**I**N gratiam subsequētis distinctionis, mihi propositum est, de noua legis excellentia pertractare. quae ut optimè norunt periti, quatuor scitu dignas habet conditiones: est enim lex charitatis: libertatis: facilitatis: & necessitatis. Quòd sit perfectæ charitatis, Apost. ad Collossen. iii. docet, dum dicit: quòd lex est vinculum perfectionis: super omnia ergo studendum est virtuti, quae maior est omnibus, idest charitati; hæc enim vinculum perfectionis est: sine qua omnia euanescent: & qua omnia ligantur, ne abeant. At dicetis: nobis videtur, quòd noua lex perfectæ charitatis non sit, sed vetus, ubi charitatis præcepta dantur, ut leuit. habetur xix. Diliges proximum tuum sicut te ipsum, & Deutero. vi. Diliges Dominum Deum tuum, &c. Ad hoc dico: quòd Lex quidē vetus charitatis præcepta dabat: sed non secundum perfectam charitatis, vel amoris rationem: nam duplex datur amor, scilicet debitus, & gratuitus. modo in veteri lege, ut debitus, amor præcipiebatur: at in noua lege, scilicet Euangelij, præcipitur amor, ut gratuitus. quid amor debitus, & quid gratuitus, audite. Nam amor ille beneficus, siue debitus, dicitur, quo Deum amamus, quia benefacit nobis: & talis in veteri lege præcipiebatur; & ex beneficijs temporalibus generabatur. Alter amor gratuitus, & perfectus, quo Deus diligitur, quia summe bonus: & iste in noua lege præcipitur: quare perfectæ charitatis. Secundo lex noua est perfectæ libertatis; ita dicitur Iaco. i. Qui perspexerit in lege perfectæ libertatis:

libertatis: quæ libertas quatuor rationibus declaratur. Prima est: quia nos à seruitute timoris liberat: qui enim legem veterem seruabant, in timore seruebat. unde quisquis eam transgrediebatur, sine misericordia lapidabatur. Altera ratio est: quia leberat à seruitute horroris, scilicet peccati. Tertia ratio est: quia lex noua, arctat nos ad faciendum aliqua, non coacte, sed sponte: non inuite, sed libere. Quarto, quia omnia, quæ sunt præcepta, vel prohibita: nos libere facit implere. Præterea: tertio, lex noua est excessiue facilitatis. Nam dixit Christus Mathei xi. Venite ad me omnes, qui laboratis, & onerati estis, & ego reficiam vos: iugum enim meum suauē est, & onus meum leue. Quid iugo tali suauius, quam se à scelere abstinere: bonum velle: malum nolle: omnes amare: nullum odisse: & æterna consequi: lex ergo Christi amanti admodum facilis: non solum facilis, sed etiam maxima necessitatis. Nam lex Euangelica iustificat: quòd lex vetus non faciebat: ut ceremoniæ ille, & figuræ, quæ gratiam gratum facientem non poterant conferre. nec legalia, quæ infirma dicebantur, quoniam à culpa mundare non poterant. At lex noua, quia à Christo, ideo intus gratiam conferendo, iustificabat: hæc in tabulis cordis scripta fuit, non in lapideis tabulis, ut lex vetus: unde Paulus Apost. volens nos hanc veritatem docere ad Rom. quarto dicebat: Iustificati gratis, id est, sine ullis proprijs meritis, sed per puram Dei gratiam. Insuper nouæ legis necessitas cognosci inde potest: quia opera præcipit exteriora, & interiora ad salutem necessaria. hominis affectum, & effectum quantum ad Deum, ad proximum, & ad se ipsum ordinat: necessaria ergo. quantum ad effectum dicitur ordinare hominem; ut quit-

quid



quid facit, non faciat propter humanā gloriam, sed propter gloriam diuinam. quantum ad se ipsum hominis affectum regulat, ut non solum ab exterioribus operibus de se malis, verum etiam ab interioribus, & malorum occasionibus se absteineat. insuper quo ad affectū hominis, & effectum ad proximum ordinare dicitur: ne illum temerè iudicet; iuxta illud Mathei vii. Nolite iudicare, &c. Rursus Leuit. xix. Non memor eris omnis iniuriæ proximi tui. Iuxta itaque clarius apparet, noua legis necessitas. Et hæc satis.

## DE SACRAMENTIS NOVAE LEGIS.

Distinctio 2.

Lectio XI.

**V** V animi mei vehementem applicationem ad hunc librum quartum exponendum cognoscatis: hodierna die distinctionem secundam explanare aggrediar. quæ cum præcedenti in hunc modum habet continuari. Ex quo enim Magister in communi de sacramentis tam veteris, quam nouæ legis verba fecit: hinc accedit ad nouæ legis sacramenta; de quibus agere intendit. Distinctio hæc in tria secari potest puncta. in quorū primo, Sacramentorum numerus ponitur. in altero, de coniugio in specie fit sermo. in tertio, & ultimo, de utilitate baptismi Ioannis. Dimittentes nos ultimum punctum; circa duo prima versabimur duo facientes: primo enim docebimus sacramenta nouæ legis esse septem. Insuper num ante peccatum fuerit institutum matrimonium. Quantum ad primum: Numero septenario noua legis sacramenta clauduntur.



duntur. quorum primum, Baptismus : alterum, Confirmatio : tertium, panis benedictio, idest, Eucharistia : quartum, Penitentia : quintum, Vnctio extrema : sextus Ordo : tandem Matrimonium. quorum sufficientia, ex his, quæ in naturali vita inveniuntur, haberi potest : nam quænamadmodum in vita naturali septem, ita in spirituali septem : ibi ; primo est generatio : hic, regeneratio, quæ fit per Baptismum : nam regeneramur per Baptismum in fide Christi præterea, in vita naturali inuenitur nutritio, cui correspondet Eucharistia ; per quam spiritualiter nutrimur. tertio, in vita naturali datur corroboratio, cui correspondet confirmatio. quarto, in vita naturali sanitas iamperdita inuenitur reparatio, cui Penitentia correspondet : veluti enim sanitas corporis per medicinam reparatur : ita gratia per penitentiam recuperatur. præterea : in vita naturali inuenitur preparatio ad aliquid melius faciendum, & perfectius exequendum, cui extrema Vnctio correspondet. hæc autem quinque cuicunque singulari conueniunt persone : alia verò subsequenter duo communitati, ut puta, Ordo, & Matrimonium : nam homo per ordinem sacrum communitati ministrat, & inseruit : verum quia aliud requiritur, ut conseruatio, quæ haberi non potest sine multiplicatione : iccirco, huic Matrimonium dicitur correspondere. & ita septem sunt sacramenta nouæ legis, figurata in septem signaculis, quibus pagina veteris testamenti sigillata fuit. Item in septem tubis, quibus Angeli cecinerunt. Rursus in stellis septem, quas similis filio hominis in dextera sua habebat. deinceps in septem panibus, quibus turbam satiavit Dominus. quidam alij arbitrantur sacramentorum numerum sumendum fore secundum spiritualium morborum

morborum considerationē. morbi sunt culpa originalis, quæ tollitur per Baptismum; actualis culpa, mortalis, per Penitentiam, venialis verò per extremam Vñtionem; ignorantia, difficultasq; discernendi inter bonum, & malum, remouetur per ordinem; quo datur clauis scientiæ ad discernendum. malitia, siue inclinatio ad malum in voluntate contra quòd datur Eucharistia, quæ mutat suscipientem in susceptum, incorporat, & unit, & per hoc voluntatis inclinationem malam in bonam transformat. contra morbum, qui est infirmitas resistendi, & proficiendi in irascibili, cõfirmatio datur: quæ roborat ad confitendum nomen Christi in persecutione. contra concupiscentiam illecitorum in concupiscibili, Matrimonium datur, quo carnalis concupiscentiæ actus à crimine excusatur. solet insuper sacramentorum numerus sumi aliter, ut sint adiutoria animæ perficientia ipsam in ordine ad vitam, secundum actus virtutum. Et ita accipitur numerus sacramentorum secundum numerum virtutum: trium Theologicalium, & quatuor Cardinalium. sic Baptismus respicit fidem; quare fidei dicitur sacramentum, quòd est ianua sacramentorum. extrema Vñtio respicit Spem, quæ preparatur ad gloriam. ad actum verò charitatis adiuuat Eucharistia: ad actum Prudentiæ Ordo: ad actum fortitudinis, Confirmatio: ad actum Iustitiæ, Penitentia: tandem, ad actum Temperantiæ, Matrimonium. Et hæc de numero sacramentorum. quæ instituta fuerunt sub alio, & alio respectu. nã ut ait in textu Magister sent. quædam in remedium contra peccatum; quædam verò ad gratiam conferendam: quæ in parte non tenetur Magister: videtur enim velle innuere: quòd non sint omnia ad gratiam conferendam, insti-

tuta à Christo. qui venire distulit, donec homo de insufficiētia legis naturæ, & legis scriptæ conuinceretur: quibus iuuari poterat minimè. sed dicetis: cum in ipsis gratia consistat, & salus nostra; cur non statim post lapsum instituta? iam rationem unam intellexistis; alterā modo accipite, quæ talis. non fuerunt instituta statim: quia à Christi passione, & morte vim suam sortita sunt. Et hæc de puncto primo. In altero subsequenti ponitur hæc propositio. Coniugium ante peccatum, siue in statu innocentia, ad generationis officiū fuit institutum: at post peccatum in sacramentum, & in remedium contra carnalem concupiscentiam, de quo suo loco verba faciemus. hæc intantum.

## NUNC VERO DE BAPTISMO. TEX.

### Lectio XII.

**H**æc est tertia pars presentis distinctionis enodanda à nobis: ubi Magister sent. quinque pollicetur. primo, quid foret Ioannis Baptismus. Insuper, quo modo ab illo Christi differret. tertio, quam utilitatē conferret. quarto, sub qua forma baptizaret. quinto, dubium cum solutione. Quantum ad primum: Ioannis Baptismus erat ablutio exterior: nam lauabat tantum exterius, & non interius; quia gratiam minimè conferebat. solum ergo preparabat, siue disponebat homines ad Christi Baptismum: iccirco ipse dicebat; baptizo vos in aqua tantum, medius autem vestrum stetit, quem vos nescitis, qui baptizat vos non in aqua tantum, sed in spiritu, & veritate: igitur Ioannis Baptismus erat via,

¶

& dispositio ad Penitentiam, nec non ad Christi Baptismū. Hinc  
 secundo patere potest differentia loco, inter Ioannis, & Christi  
 Baptismum. nam ille Ioannis fiebat in aqua solum, & homines ad  
 penitentiam preparabat: at Christi Baptismus in aqua, & spiritu  
 Sancto; & in ipso peccatorum conferebatur remissio. At dicetis:  
 nonne aliquam Ioannis Baptismus utilitatem habebat? certè, ut  
 intuenti verba Magistri patet, triplicem utilitatē retinebat: qua-  
 rum prima: quia ad Christi Baptismum preparabat: altera desu-  
 mitur à nominatione: nam Ioannis Baptismus dictus est: eo quia  
 nihil ibi gerebatur, quòd Ioannes non faceret. tertio, quantum ad  
 genus utilitatem prestabat: quia quodam modo Sacramentum dici  
 poterat, inquantum Christi Baptismum significabat. inquantum  
 verò fuerat institutum ad assuescendum ad Christi Baptismum,  
 tunc sacramentale, non sacramentum nuncupandum. Insuper qua-  
 tenus ad Christi nunciationem institutum, quia sic baptizando,  
 Christi denotabat aduentum, nouæ legis fuit initium. Sub qua for-  
 ma autem Ioannes baptizaret, nunc quarto loco dicendum: nam  
 in nomine Christi venturi baptizabat: hinc, loco quinto dubitari  
 solet: An baptizati à Ioanne, iterum forent baptizandi baptismo  
 Christi. Magister distinguendo ait: quòd ponentes spem in ba-  
 ptismo Ioannis, & perfectam fidem de diuinis personis habentes,  
 non iterum erant baptizandi, sed per manuum impositionem Apo-  
 stolorum confirmandi. illi verò qui nec spem in Ioannis baptismo  
 ponebant, nec diuinarum personarum fidem perfectam habebant,  
 tales iterum baptizandi erant. qua in parte Magistri dictum non  
 probatur, nec tenetur. nam baptizati Baptismo Ioannis, adhuc  
 Christi

Christi erant baptizandi: tum propter generale preceptum, quo omnes obligabantur ad Christi Baptismum: tum quia medicina preparatiua suscepta, superest curatiuam recipere medicinam. At quia Ioannis Baptismus preparatorius, & Christi curatiuus, hinc fit: quod Ioannis Baptismo baptizati, adhuc Christi Baptismo essent baptizandi. Preterea: inducta dispositione nonne principalis forma inducenda restat? certè sic: at per Ioannis Baptismum fiebat dispositio ad Christi Baptismum: igitur ad gratiam recipiendam baptizati Baptismo Ioannis, iterum Baptismo Christi baptizandi. Et hæc pro presenti.

## AN SEPTEM SINT SACRAMENTA.

### LECTIO XIII.

**V**T magis nobis dilucida fiant dicta Magistri Sent. in presenti nostro sermone tria meditabimur. Sacramentorum nouæ legis numerum primo: à quo instituta sint secundo: preterea: num à Christi passione efficaciam sortita. circa primum de numero Sacramentorum, videtur, quod Magister in textu non rectè se gesserit, septem esse dicendo. nam unum tantum mihi probatur: ergo non septem. antecedens clarum est: nam Eucharistiæ datur sacramentum, quod totam continet gratiam, & gratiæ authorem: quare unum, & nõ septem. deinde, Lex Evangelica sua uis dicitur esse, sed Leuius unum sacramentum est obseruare, quam plura: unum ergo, & non septem. In oppositum se habet communis Sanctorum determinatio, quæ est: quod numero claudantur

claudantur septenario noue legis sacramenta. iccirco pro elucidatione huius difficultatis prima, ad rationes formatas respondendum: & primo ad primam concedendo, quòd Christus in sacramento Altaris contineatur totus, qui gratia author: non tamen ibi contineri dicitur gratiæ plenitudo, Sacramenti virtute, quo ad omnem effectũ, sed solũ quo ad cibationis effectum: quare sequitur minimè, cetera sacramenta superflua esse. ad alteram rationem dupliciter respondendum, & primo sic: quòd quamuis ad Patriam facilius in uno via foret sacramento, non tamen ita congrua, ut modo per septem sacramenta. vel dicatis: quòd licet sacramentorum multiplicatio onerosa appareat, considerando sacramenta in eo quòd signa tantum: non ob id onerosa in eo, quòd conferentia gratiam, quo modo Lex Christi suauior redditur, & non magis onerosa, ut videbatur concludere argumentum. septem ergo sunt sacramenta, iurè merito in textu à Magistro numerata, ut in hoc primo, paucis videre est verbis, puncto. A quo verò secundo, instituta audite: quia à Christo immediatè, ut verior opinio tenet: nam sacramentum intrantium, scilicet Baptismus, quando dixit: nisi quis renatus fuerit. & sacramentum redeuntium, scilicet Pœnitentia, quando dixit: nisi pœnitentiam egeritis: & sacramentum dignitatis, ut Eucharistia, ibi: nisi manducaueritis. de Baptismo similiter patet. Mat. ultimo. Euntes docete omnes gentes. de Confirmatione, dũ paruulis manus imposuit. Mat. 19. & Io. vigesimo. Accipite spiritum Sanctum. vel Actuum secundo. Eucharistia pœdicata est diffuse Io. 6. & instituta est in Cœna. Mat. 26. Pœnitentia promissa est. Mat. 16. tibi dabo clauēs regni Cœlorum, &c. Vnctio extrema



extrema Mat. 6. cum Apostoli unxerunt infirmos, & sanabantur: quod fecisse constat ex institutione Christi, & eius informatione, in cuius virtute sanabant. Matrimonium Mat. 19. & Mar. 10. ubi Christus approbat, & ratificat matrimonium, quod à Deo institutum, cum ceteris ad salutem, & ad Ecclesiam utilitatem. Et hæc de puncto secundo. In tertio meditandum: An à Christi passione vim suam habuerint: mihi primo aspectu videtur esse dicendum, quod non: quia à solo Deo: non igitur à Christi passione: insuper Arist. quinto Metaphysices ait: quod causa in actu, & effectus in actu simul sunt, & non sunt: hoc idem phisic. secundo: sed Christi passio nunc non est in actu: igitur, &c. in oppositum se habent Theologi omnes, & veritas ipsa: quapropter quid ad formata dicendum sit argumenta audite: habet enim concedi: sacramenta habere efficaciam à Deo principaliter: & à Christi passione meritorie, id est, tanquam à causa meritoria: sic, primum ruit argumentum. ad secundum distingo de duplici actu, exteriori, & interiori: primo modo currit ratio: at secundo modo nulla est: quia sic est in acceptione diuina: & ita dicendum: quod vim suam, habuerint sacramenta nouæ legis à Christi passione. Et hæc pro presenti lectione.

## AN IN PRIMO STATU FVISSET

## GENERATIO.

## Lectio XIII.

**M** Agister Sent. in textu unum de coniugio tangebatur, dicendo in officium in primo statu institutum: & quia ubi  
Matri-



*Matrimonium, ibi videtur posse sequi generatio: iccirco primo quærendum. An in statu innocentia fuisset per coitum generatio. insuper à quo Io. Baptismus institutus. tertio, & ultimo: An Io. Baptismo baptizati, iterum Christi, Baptismo baptizandi. circa primum negatiue sic arguo. primus homo in Paradiso erat, ut quidam Angelus, ait Damascenus: non igitur ibi fuisset generatio. insuper in illo statu nulla fuisset corruptio: igitur nec generatio: quare videtur, quòd male sit loquutus Magister Sent. dicendo: coniugiū institutum tunc temporis fuisse in officium. ex alio latere nonne mulier facta fuit in adiutorium viri? si sic: ergo videtur posse dici: quòd ibi in statu innocentia fuisset generatio. Pro dilucidatione huius difficultatis prima, velim sciatis: ex doctrina beati Aug. xiiii. de Ciuitate Dei: quòd in illo innocentia statu, fuisset quidem generatio, siue proles: at sine libidinis morbo: quia tunc omnes vires inferiores rationi subdebantur. aliter verò pro hoc statu euenire nulli dubium. quo supposito, ad rationes diluendas accedo: & ad primum Damasceni dictum, quo ad mentem concedo; at quantum ad vitam animalem, siue ad corpus, argumentum non cogit. Alterū argumentum concedi habet quantum ad corruptionem integritatis: nam in illo statu salua integritate feminei genitalis virile semen potuit immitti, inde proles nasci, ut dicit beatus Aug. xiiii. de Ciuitate Dei. Explanata questione prima: altera accedit: ubi videndum, à quo Io. Baptismus institutus. mihi sanè videtur esse dicendum, quòd non à Deo: & ne erubescam sine causa, loquendo, rationem principalem ad hoc vobis suadendum, veritatiq; consonā sic formabo; omne sacramentum à Deo institutum, vel fuit veteris,*

*vel noua legis: at Baptismus Io. veteris legis minimè fuit, quoniam ibi nihil de tali Baptismo inuenitur ergo. nec videtur posse dici: qđ noua legis fuerit sacramentum: quia talia per Christum sunt instituta, & numero septenario clauduntur: quare, &c. præterea: Io. Baptismus, si à Deo fuisset institutus, Io. Baptismus minimè diceretur; nam fieri debet denominatio à principali instituyente, & nō ab alio: potius ergo Dei, vel Christi dicendus, quam Io. In oppositum se habet illud, quòd superius dictum fuit de sacramento. nam cum sit sacræ rei signum, & Io. Baptismus sic se habeat, quia Christi Baptismum præfigurabat: Sacramentum itaque nuncupandum. His accedit: quòd Io. i. dicitur sic: Qui misit me baptizare in aqua, ille mihi dixit, &c. à Deo igitur Io. Baptismus institutus. Nunc argumenta contra veritatem formata, diluamus; deinde ad subsequenter questionem festinabimus. Ad primum ergo dicitur: quòd tale sacramentum, licet in veteri testamento non inueniatur scriptum: saltem debet sufficere, quòd in nouo testamento eodem spiritu conscripto pro tempore fiat de ipso mentio. erat secundum argumentum concludens non fuisse Io. Baptismum à Deo institutum, quia non Dei, sed Io. dicebatur: ad quòd de facili potest dici: qđ, Dei, & Io. fuerit. Dei principaliter; Ioannis verò ministerialiter: qui inspiratus, alios baptizare incepit; hinc singularis minister huius executionis fuit, non Petrus, non Paulus, nec Apostolorum quis alius; iure merito propterea Io. debuit Baptismus vocari. His tandem addendum. An iterum baptizandi forent illi, qui prius Io. Baptismo erant baptizati. Quibusdam visum est, qđ non: nam Io. Baptismus deuote suscipientibus valebat: igitur, non iterum*

iterū Baptismo Christi baptizandi erant illi, qui semel Io. Baptismo baptizati: quia valere est cōferre. Præterea: nonne Baptismus regeneratio dicitur? igitur, Io. Baptismo baptizati, non amplius rebaptizandi. Pro intellectu huius ultime difficultatis, unum velim supponatis, simpliciter verum: & est: quod Io. Baptismus in aqua tantum subat, nec gratiam conferebat: quo stante: rationes de facili erectæ ruent: prima etenim concedi habet d. spositiue, non collatiue: id est Io. Baptismus deuotè suscipientibus disponendo valebat: at non conferendo. Altera ratio quia laborat in equiuoco, propterea est nulla: nam de Christi Baptismo concedenda: at de Io. Baptismo neganda.

## QVID SIT BAPTISMVS.

Distinctio 2.

Lectio XV.

**P** Remissis ad sacramenta quibusdam necessarijs in superiori distinctione: Nunc in hac tertia determinandum erit de sacramentis, & primo, de Baptismo, qui omnium sacramentorum ianua existit. ordine itaque, ut procedamus, quinque in presenti explicabimus. quid baptizare: baptismi significata: quid Baptismus: formam baptismi: dubium tandem cum solutione. Quo ad primum: baptizare idem est, quod lauare. unde, ab eo, quod est lauare, oritur lauacrum, & lotio: iccirco Baptismus lauacrum regenerationis, & renouationis ab Apostolo ad Titum tertio: vocatur: significata verò Baptismi secundum Damascenum nouem

E 2

sunt.

sunt. unde, Baptismi nouem dicuntur. primus est diluuij tempore Noë: secundus est maris rubri, de quo Apost. i. Chor. io. omnes baptizati sunt in nube, &c. Tertius est lustrationis, qui fiebat ex aqua, & cineribus vitulae rufae combustae, & Christi passionem significabat. quartus Ioannis, de quo diximus: quintus est Baptismus Christi passiuè, quando fuit baptizatus à Ioanne. sextus Baptismus est penitentiae, qui purgatiuus à culpa, & non à pena. septimus dicitur fluminis, qui fuit institutus à Christo, & à culpa purgat, & à pena, de quo latius infra. octauus Baptismus est, linguis igneis, quem receperunt Apostoli in die Pentecostes; & iste purgat à culpa, & pena, & etiam à pena sequella, Nonus Baptismus sanguinis dicitur: & est perfectissimus: quia hominē ad celos euolare facit. Et si plures sunt Baptismi modi, ut dictum est, communiter tamen Doctores loquuntur de tribus: scilicet, de Baptismo fluminis, sanguinis, & fluminis. Baptismus fluminis, vel penitentiae dicitur contritio cordis, aut preparatio sufficiens ad gratiae infusionem. Baptismus sanguinis est martyrium pro Christo, seu iustitia susceptum voluntate propria, & dicitur martyrium Baptismus sanguinis, licet nō semper fundatur sanguis in martyrio: quia tamen vita semper extinguatur in martyrio, hinc sanguinis effusio sumi solet, pro quocumque tormento suscepto pro Christo. Et hec de sectis duobus. in tertio, quid sit Baptismus fluminis de quo hic nostra est intentio, audite. Baptismus est exterior ablutio corporis, sub debita forma verborum: id est cum expressa inuocatione sanctissimae Trinitatis. ab alijs solet sic describi: Baptismus est lotio hominis viatoris non dissidentis, facta in aqua elementari, fluida, ab alio, cum debita  
forma,

forma, & cum intentione debita proferente. ex institutione diuina efficaciter significans ablutionem animæ à peccatis. dicitur lotio generaliter ad denotandum omnem aquæ contactum fluidæ, quæ corpus, vel eius partem habet humectare, & dicitur ablutio in aqua, non aqua, quia baptisumus non est aqua, quæ est res permanens, sed lotio in aqua, quæ est operatio transiens. dicitur deinde hominis viatoris; ad excludendum secundum Gersonem, Angelos, vel Demones, & bruta. dicitur non dissentientis; ad differentiam adultorū; qui debent venire cum deuotione, & disciplina de veteri vita. Nollens enim baptizari, nec sacramentum, nec rem sacramenti suscipit: dicitur facta in aqua elementari fluida, ubi notatur baptisimi materia, de qua inferius. his quarto, baptisimi forma additur loco, quæ talis. inuocatio sanctissimæ Trinitatis, ut puta, in nomine Patris, & Filij, & Spiritus sancti, Amen. quam formam in Euangelio Mathei tradidit Christus, cum dixit: *Ite, docete omnes gentes, baptizantes eos in nomine Patris, & Filij, & Spiritus sancti: nec id mirum. nam accessus verbi ad elementum per Aug. fit sacramentum. At hic dicetis vos: in Actibus Apostolorum legitur: quosdā baptizatos fuisse in nomine Christi tantum, & bene, secundum Ambr. quia in nomine Christi, quod est vnctus, tota trinitas intelligitur: scilicet Pater vngens: filius vnctus: & spiritus sanctus vnctio. non ergo trinitatis requiritur inuocatio. ad hoc dicatis velim: tunc temporis illis permissum in primitiua Ecclesia in Christi nomine baptizare, ut Christi nomen, quod erat odibile, redderetur amabile. at rursus queretis ex huiusmodi occasione: si vnatum personam nominetur, & fides trinitatis in corde teneatur: An*

verus erit baptisumus? D. Ambr. ad partem declinando affirmati-  
uam dicit, quòd sic: quia in quolibet horum nominum tota trinitas  
intelligitur: dummodo adsit fides, & Ecclesiæ intentio. at si desit  
fides, & intentio faciendi, quòd facit Ecclesia, sacramentum est  
irritum. tutius tamen est tres nominare personas, dicendo: in nomi-  
ne Patris, & Filij, & Spiritus sancti: nam hoc determinatum est:  
nec dici debet in nominibus, quia forma debita non seruaretur, ubi  
una debet esse inuocatio, & trium personarum confessio. & hæc satis.

## BAPTISMVS EST ABLVTIO.

### Lectio XVI.

**N**E sicco videar velle pede præacta in textu præcedenti  
à Magistro Sent. pertransire: quatuor in presenti ex-  
ponam. primo, quo modo Baptisumus sit ablutio. insuper,  
An necessaria sit, & qua necessitate: tertio, in quo talis ablutio con-  
sistat. quarto, quotuplex martyrium. Quantum ad primum: Bapti-  
smus est exterior hominum ablutio, cum certa uerborum forma: &  
dicitur ablutio siue intinctio, aut immersio, quia homo in Baptismo,  
spiritu gratiæ in melius mutatur; & longè alius, quam erat, effici-  
tur; ablutio enim illa materialis, quæ fit exterius in corpore, signum  
est abluitionis spiritualis, quam, Deus interius facit in mente. Num  
verò necessaria, audite: nam si non foret talis ablutio viatori neces-  
saria Christus non ita dixisset: Nisi quis renatus fuerit ex aqua, &  
spiritu sancto, non poterit introire regnum Dei. hoc igitur volenti  
adipisci, sibi erit necessaria ablutio Baptismi. præterea: interiora

Domus



Domus tēporalis, volens q̄s intueri, nonne sibi ianua illius Domus  
 premittenda? multo magis igitur necessaria baptismi erit ablutio,  
 ianuam regni celestis volentibus ingredi. Vtū quia multiplicitas  
 necessitatis in nobis causa posset esse erroris, propterea velim sciatis:  
 Quadruplicem dari necessitatem: quarum prima desumitur à causa  
 efficiente: secunda à materiali: tertia à formali: quarta, & ultima  
 à finali; exemplum primæ, ut quando quis in vinculis positus, ibi de  
 necessitate manet: & hæc ab alijs coactionis necessitas vocari solet.  
 exemplum secundæ, dum dicitur: quòd homo de necessitate sit mor-  
 talis ex parte materiæ. exemplum tertiæ: ut homo est rationalis,  
 quæ à forma propositio est necessaria. exemplum quartæ, ex suppo-  
 sitione finis, ut pharmacum ad sanitatem acquirendam: quo ultimo  
 modo, homini baptismi est necessaria ablutio. His punctis duobus,  
 tertium nunc addendum, ut nobis fiat notum, in quo consistat ab-  
 lutio ista. in usu enim, & verborum applicatione videtur consiste-  
 re. nam D. Aug. ita consuevit dicere: Accedit verbum ad elemen-  
 tum, & statim fit sacramentum. ubi per elementum, aquæ usum  
 intelligit, idest abluionem corporis: quæ ablutio duplex est: actiua,  
 & passiua; actiua ab alio facta (quia nemo potest se ipsum baptiza-  
 re.) unde dicitur magis de necessitate baptismi, requiri ablutio pa-  
 ssiua, quia multiplicatis abluionibus passiuis, tantum baptismata  
 multiplicantur. Hic tamen unum scitu dignum notetis, velim; &  
 est: quòd ad veram, perfectamq; abluionem tria requiruntur, ut  
 de substantia, siue de baptismi essentia: scilicet materia: forma: &  
 ministri intentio: quæ tria beatus Aug. super Io. tractatu. 30. in  
 Tomo nono explicauit dicens. Accedit verbum ad elementum, &  
 fit

fit sacramentum : verbum scilicet creditum, & prolatum. nam si detrahatur verbum, quid ibi erit nisi aqua? tota ergo virtus à verbo est, non in eo, quòd dicitur, sed in eo, quòd creditur: & hæc de punctis tribus. In quarto, loquendum est de martyrio. martyrium enim dictio græca est, & testimonium significat: unde testis dicitur latine. est autem martyrium actus virtutis quadruplicis, ut puta fortitudinis, ut elicientis principaliter; Patientiæ verò, ut elicientis communiter; sed Charitatis, ut imperantis; & fidei, ut finis. & est triplex: corporis tantum, ut in innocentibus: affectionis tantum, sicut sunt patientes aduersitates amore Christi; aut per compassionem proximorum, de quibus Greg. dicit: sine ferro, martyres esse possumus, si patientiam in animo veraciter custodimus. tertium martyrium est voluntarium, ad quod quatuor concurrunt. primo, causa bona: unde 1. Pet. 3. si quid patimini propter iustitiam, beati. & Aug. non pena facit martyrem, sed causa; nam si solas passiones attendimus, coronantur, & latrones. propterea Saul non est martyr, qui ad euasione[m] illusionum, Phylistim se occidi procurauit. Io. verò Baptista, quia mortem substituit pro veritate, verè est martyr. quid si pregnans mulier pro fide chatolica occideretur? An in utero puer occisus martyr? Petrus de Palude dicit, quòd sic, corpore tantum, ut innocentes. insuper ad martyrium intentio recta requiritur. ideo Iudas Mathæus nō dicitur martyr, qui propter humanam verecundiam nolens declinare de bello, ait: Absit ut inferamus crimen gloriæ nostræ. 1. Mach. 6. tertio, ad martyrium voluntas non coacta requiritur, ideo latro à Christi dextris pendens, propriè non dicitur martyr, quia coactè penam subiit,

*Subijt, & causam latrocinij scilicet malam habuit. quarto ad martyrium requiritur persona distincta, quæ occidit. unde qui se precipitarunt, sine instinctu spiritus sancti, sine quo nullus debet se occidere, sed potius diuina gratia se committere, quæ ubique potest saluare, & liberare, martyres non sunt appellandi, e quorum numero fuit Eleazarus, ut habetur. 2. Mach. 14. similiter Sampson: qui licet communiter connumerentur inter sanctos Heb. ii. non tamen proprie dicuntur martyres, quia se ipsos occiderunt. At dicetis: ad martyrium perfectum quot necessaria? Respondetur, quod tria principalia: scilicet, mortis pena: sicut in beatis, Laurentio, & stephano: secundo patiendi voluntas: tertio causa: quibus tribus martyrium perfectum dicitur. & hæc satis.*

## AN RECTE BAPTISMVS FINIATUR.

## Lectio. XVII.

**O** Peregrinum esse duxi, hodierna die, examinare verba Magistri, ut cognoscatis: num recte se gesserit in tradenda nobis diffinitione baptismi: mihi sane; quod nō; apparet. nam ut sacramentum non dicitur verbum: ita nec ablutio: quare male Magister. quod autem res ita se habeat, de facili suaderi potest: non enim pars de toto predicatur: at baptismi pars est ablutio: igitur non recte dicitur, quod baptismus sit ablutio: quod autem ablutio sit pars baptismi, ad Aug. recurrite, ita dicentem: Accedit verbum ad elementum, & fit sacramentum: ablutio itaq; pars baptismi dicitur. præterea: ablutio illa corporalis transit, ut

F.

intuenti

intuenti patet : sed baptismus remanet : igitur , non debuit à Magistro finire , per ablutionem . pro dilucidatione huius difficultatis , velim sciatis : baptismum hic finitum fuisse , eo modo , quo potuit , pro formali scilicet , non pro materiali : quo stante , adhuc distinguendum erit de multiplici parte . nam quedam est naturalis : altera verò artificialis . cui duplici parti , correspondet duplex prædicatio , scilicet in recto , & in obliquo . insuper est notandum : quòd materiale sacramenti baptismi proximum , & immediatum , super quo immediate fundatur respectus signi , quod est formale in baptismo , non est aqua ipsa : talis enim ablutio magis propriè significat ablutionem animæ . si ergo totum materiale sacramenti baptismi sit ipsa ablutio , ita quòd verba non sint pars materialis , licet non sit perfectum sacramentum , nisi concurrentibus verbis , sic vera illa erit prædicatio : baptismus est ablutio si verò ipsa ablutio non sit totum materiale baptismi , sed pars tantum , & verba sint alia pars materialis , ut magis probabile videtur , & secundum D. Aug. tunc de facili talis non poterit prædicatio sustineri , quia pars integralis de suo toto non prædicatur , saltem in recto . His ita positis , ad rationes modo quid dicendum , audite . nam prima , si intelligatur , secundum quod ablutio dicit partem , tunc vera erit : non enim de toto in recto dici potest . at si ablutio sumatur pro toto materiali sacramenti baptismi , tunc prædicatio vera , qua dicitur : baptismus est tinctio , vel ablutio . quidam alij clarius respondentes , dicunt : in finitione baptismi ablutionem per modum signi fore accipendam : quòd signum habet referri ad animæ ablutionem per culpæ deletionem . Erat altera ratio , quod ablutio transit , at baptismus remanet : nõ ergo &c.

ad hanc dicatis: in sacramento baptismi duo considerari: unum exterius, alterum verò interius. si primo modo, conceditur ratio: nam actus ille exterior, siue ablutio illa, ut signū, in effectus abluitionis interioris transiit, non tamen secundum id, quo fit interius transire dicitur. unde Damascenus volens hanc nobis aperire veritatem, dicebat: aliud esse loqui de sacramento tantum, & aliud de re, & sacramento simul. licet ergo transeat primo modo, non tamen hoc secundo modo; sub quo sensu sumenda venit baptismi tradita finitio à Magistro. in sequenti ad baptismi formam accedemus.

## DE FORMA BAPTISMI.

### Lectio XVIII.

**C**Irca Baptismi formam versaturi, in presenti, de eius integritate sex esse docebimus. Primum dicitur esse efficientis perfectio: ut puta Pater, & Filius, & Spiritus sanctus: tanquam principale efficiens sacramentum Baptismi. unde dicitur: in nomine Patris, & Filij, & Spiritus sancti, Amen. Secundum est conferentis ostensio: ideo subditur, ego: ut instrumentale conferens. tertium est suscipientis conditio, vel dispositio: propterea additur, te: ut rationale suscipiens. quartum, est elementalis, vel materialis ablutio, dum dicitur, baptizo, scilicet, aqua. quintum, est vocalis, siue verbalis expressio: ibi: ego te baptizo. sextum, est mentalis intentio: necessaria enim est applicatio baptizantis ad baptizatum: unde subinfertur: ego te baptizo. primum patet ex modo baptizandi, nam dicimus: ego te baptizo, in nomine Patris, &

Filij, & Spiritus sancti, Amen. ubi tota sanctissima Trinitas ex-  
 primitur, ad ostendendum, hanc esse de necessitate baptismi: primo,  
 quia sic fuit à Christo instituta: secundo, quia hoc à Damasceno  
 confirmatur: tertio, ex parte reparationis humane: In nomine  
 ergo Patris, & Filij, & Spiritus sancti, baptismus debet fieri; al-  
 terum de integritate forme baptismi, idest modi baptizandi, est  
 conferentis ostensio, scilicet efficiens instrumentale: iccirco premit-  
 titur pronomen demonstrativum, ego: cuius ratio assignatur: quia  
 sicut principale agens, quod inuisibiliter agit, in inuocatione trini-  
 tatis significatur: ita requiritur, qd circa actum materiale agens  
 secundarium, & instrumentale ponatur, scilicet minister sacra-  
 menti, quod pronominè demonstrativum designatur. tertio suscipien-  
 tis baptismum requiritur expressio, cuius ratio est, quia per expres-  
 sionem secunda persona, actus baptizantis ad hunc baptizatum de-  
 terminatur: & ideo dicitur te. quarto, materialis ablutio neces-  
 saria ad baptismum dicitur, & ratio est, quia si quis verba profe-  
 rat, dicendo, ego te baptizo, &c. & non intingat aqua, nihil facit:  
 ratio est, quia baptismus abluitionem importat. quinto vocalis ex-  
 pressio, siue verbalis requiritur: nam si quis puerum immergeret,  
 & formam verborum non exprimeret, sanctum baptisma non face-  
 ret. denique mentalis intentio necessaria ad baptismum: nam mini-  
 ster non intendens conferre baptismum, tunc nihil faceret: quare  
 dicendum erit: quod ablutio baptismi fit primo à Deo instituyente,  
 & efficiente: insuper à voluntate ministri eliciente: deinde ab in-  
 tellectu dirigente: tandem ab inferiori potentia exequente. & ita  
 erit baptismus, de cuius forma hic aliquantulum loquuti sumus.



**A**D uberiorem doctrinam eorum, quæ diximus hæcenus de baptismi forma, multo plura dicenda supersunt. nam alia forma greci utuntur in baptizando: & alia latini. greci dicunt sic: baptizetur seruus Christi talis, in nomine Patris, & Filij, & Spiritus sancti, Amen. latini autē tali forma utuntur. baptizo te in nomine Patris, & Filij, & Spiritus sancti, Amen. & quamuis ex utraque forma baptismus sequatur, latinorum tamen congruentior, siue conuenientior est, quam grecorum, quia magis concordat cum verbis Christi instituentis baptismum. dixit enim Apostolis. Ite, docete omnes gentes, &c. in super conuenientior quantum ad expressionem baptizantis: nam greci in forma baptismi personam ministri minimè ponunt: baptizant enim sic: baptizetur seruus Christi, &c. at nos, in forma nostra dicimus: ego te baptizo, &c. est præterea conuenientior latinorum forma illa grecorum in expressione actus: nam, ipsi in sua forma actum baptismi significant sub alia persona, scilicet tertia, & sub alio modo, ut puta sub coniunctiuo, vel optatiuo: & hoc, ut dicunt, faciunt ad significandum, quod actus interior expectatur ab extra. tandem latinorum conuenientior in expressione personæ baptizate: quia persona baptizata ponitur in nominatiuo, & in tertia persona. Nos autem in forma, qua baptizamur, contra eos, facimus ista tria: primo enim baptizantis exprimimus personam pronomine demonstratiui prima persona, scilicet, ego, secundo, in actu baptismi utimur uerbo indicatiuo,

cativo, ut puta, baptizo. tertio personam baptizatam exprimimus pronomine demonstratiuo, cum dicimus, te: conuenientior itaque latinorum dici debet forma grecorum, propter rationes adductas. post quas inquirendum. utrum aliquid circa formam istam mutari possit: pro cuius intellectu, est sciendum, quod ille, qui aliquid immutat circa istam formam, aut intendit mutare ritum Ecclesie, & sic non est baptizans: aut intendit facere quod sancta mater Ecclesia, sed ex ignorantia, aut inaduertentia aliquid circa formam mutat: & tunc circa hoc erit sciendum: huiusmodi mutationem quinque fieri posse modis. uno modo totaliter mutando verba ipsius formae, & tunc non fit baptizans: dicendo V. g. baptizo te, in nomine genitoris, & geniti, & procedentis ab utroque. hic enim tres diuine non exprimuntur personae proprie. Alio modo transponendo verba ipsius formae. V. g. baptizo te ego: vel quocunque alio modo transponendo; & tunc quia manet idem sensus verborum, ideo, ex tali mutatione non impediretur baptizans. Alio modo fieri potest mutatio circa baptismi formam, addendo aliquid ad istam formam. & tunc, aut talis additio corrumpit sensum verborum, aut non: si sic, non est baptizans. V. g. si quis diceret, ut dicebat maledictus Arrius: baptizo te. in nomine Patris maioris, & Filij minoris, & Spiritus sancti: talis additio sensum verborum formae corrumpit, cum personarum equalitatem tollat, & sic non fit baptizans. aut talis additio non corrumpit sensum verborum formae, & tunc distinguendum: ille enim tunc temporis, qui addit aliquid, vel intendit mutare formam Ecclesie, vel non: si sic: nihil facit. at si id faciat ex deuotione quadam. V. g. dicendo baptizo te in nomina

Patris,

Patris, & Filij, & Spiritus sancti, Amen. & beatae Virginis :  
 tunc talis additio non mutat formam baptismi, nec impedit baptis-  
 mum. insuper, potest forma baptismi mutari, aliquid de ea diminu-  
 endo. & tunc, si dictio integra quaecunq; sit illa, diminuatur, nihil  
 fit, quia omnia verba ista: ego te baptizo, & c. sunt de esse forma.  
 si autem non minuatur dictio integra, sed pars dictionis, tunc ani-  
 maduertendum: quia aut talis diminutio erit in principio dictionis,  
 sicut in ista dictione Patris, vel quaecunque alia subtrahatur prima  
 litera, vel prima syllaba: talis diminutio impedit baptismum, cum  
 tollat sensum verborum. si verò diminutio fiat de fine dictionis. V. g.  
 remouendo ab hac dictione. Patris s. vel quid aliud tale: talis di-  
 minutio non dicitur baptismum impedire, cum maneat idem sensus  
 verborum. ut patet de illo linguae latinae ignaro: qui baptizabat sub  
 ista forma verborum: baptizo te in nomine Patria, & C. denique,  
 circa formam baptismi, dicitur fieri mutatio interrumpendo verba  
 forma: & tunc si tanta sit interruptio, ut baptizantis intentionem  
 impediatur: sicut si de mane diceret, ego baptizo te, deinde ad negocia  
 sua complenda iret: & in reddito diceret: in N. Patris, & Filij,  
 & Spiritus sancti, Amen. nihil faceret. si verò non sit tanta,  
 quòd baptizantis intentionem impediatur: sicut si dice-  
 ret: baptizo te in nomine Patris: & hoc dicto  
 astantibus dicat, tacete, vel orate, vel  
 quid aliud tale, deinde perfici-  
 at, ex hoc baptismus non  
 impeditur.

**A**Nequam accedamus ad baptismi institutionē; nonnulla alia attinentia ad baptismi formam percurramus: & primo, num hæc forma, ego te baptizo, &c. sit vera baptismi forma. insuper. An plures unum simul valeant baptizare. quantum ad primum, sic ratiocinor: effectus baptismi à virtute sanctissimæ Trinitatis dicitur provenire: atqui, tanta est virtus unius diuinæ personæ, si ut trium: in nomine igitur unius personæ confici poterit baptismus. insuper Christus docuit discipulos suos baptizare sine illi pronomine, ego: at Ecclesia utitur tali: non igitur forma vera baptismi. deinde Priscianus ait: verbum personæ primæ nobis nominatiuum significare: quare, sufficere deberet dicere, baptizo te, &c. at quia illud pronomen additur, ego: propterea non videtur esse vera baptismi forma, qua utitur Ecclesia. insuper actus baptizandi deberet magis conuenire principali agenti: sed Ecclesia talem ministro actum attribuit; quare talis forma non videtur idonea. ulterius sic instatur: baptismus cum cæteris sacramentis virtutem habuit suam à passione Christi: igitur in forma baptismi deberet mentio de passione Christi fieri: at nulla sit: quare forma nō congrua, quam seruat Ecclesia Sancta. insuper forma habet esse in materia illius, cuius est forma: at hæc verba, ego te baptizo, &c. non sunt in aqua baptismi, neque in ablutione: igitur, nō debet dici vera forma baptismi. denique, legitur in Actibus Apostolorum. 8. quod in nomine Christi baptizabantur viri, & mulieres: igitur,  
 & tunc

Et tunc poterit dari baptismus in nomine Christi. nam ait Apost. Una Fides, unus Deus, & unum baptisma. In contrarium se habet Ecclesia sancta, quæ baptizat in nomine sanctissimæ Trinitatis, scilicet, Patris, & Filij, & Spiritus sancti. Quæ veritate supposita, ad obiecta respondendum; & primo, ad primum, concedendo tantam fore vnius diuinæ personæ virtutem, sicut trium: non ob id fidei protestatio ita sufficiens dicitur, sicuti quædo tota trinitas voce exprimitur. quo ergo ad virtutem currit formatum obiectum: at non quantum ad expressionem, siue fidei protestationem sufficientem. ad illud de illo pronomine ego, Respondetur: tale pronomen duobus posse concipi modis: uno modo ex parte sacramenti: alio modo ex parte præcepti Ecclesiæ: si primo modo, fatemur tale pronomen non esse de necessitate sacramenti: at ex parte statuti Ecclesiæ Sanctæ, sic. quare debet apponi in forma baptismi: & qui illud scienter omitteret, peccaret: licet baptizaret. tertium argumentum ruit ex solutione secundi. at dicetis vos: vti in baptismo utimur hoc pronomine, ego, in numero singulari, nonne, & in plurali poterit dici: nos baptizamus vos: ad hoc dico: quod non: & ratio assignatur: quia, dicendo nos baptizamus vos: tunc sensus est, ego, & ille, nõ autem ego, & ego: quare nihil fieret. dum autem d. citur, ego baptizo vos, in casu necessitatis, actus exprimitur tunc temporis, qui ab uno potest agente exprimi: & sensus est: baptizo vos, idest te, & te, sic forma quantum ad significationem variatur minimè, quoniam plurale non est, nisi singulare geminatum; Ad argumentum quartum formatum de actione, quæ debet attribui principali agenti, & non instrumentali, dico: hoc esse verum principaliter: at ministeriali-

ter potest etiam instrumento ascribi, uti sit in proposito. ad quintum, de passione Christi potest dici: quod, Christi passio ad duo habeat referri: aut ad ministrum, aut ad sanctissimam Trinitatem: licet ergo Christi passio respectu ministri, principalis causa debeat dici: attamen respectu Trinitatis, causa instrumentalis dicitur, propterea commemoratur potius sanctissima Trinitas, quam Christi passio. ad sextum argumentum de forma, velim dicatis: hic mentionem non fieri de forma partis, quo modo currit argumentum: at de forma pro relatione signi capta. verba ergo non sunt forma, ut pars compositi, sed forma relationis signi. ad ultimum potest dici: Apostolos ex revelatione spiritus sancti baptizasse in primitiva Ecclesia in nomine Christi, ut nomen Christi Iudeis, & Gentilibus, quod odiosum erat, amabile, & honorabile redderetur: pro illo tunc ergo licebat, at modo non, sine speciali precepto spiritus sancti: nam ab Ecclesia iam determinata est forma baptismi. preterea: si baptismus nunc fieret inuocatione Christi, posset credi virtus operationis tanquam ab actore esse à Christo, & non à trinitate, & ideo valde consonum fuit, necessitate fidei, quod sacramenta, & maxime sacramentum necessitatis, ut est baptismus, exerceatur sub forma exprimente Trinitatem: ut sic in fide Trinitatis roborarentur fideles. & hæc de prima questione satis. cui altera nec titur, dum queritur: An plures simul unum baptizare possint. hic variae sunt opiniones, quas recensere certe longum esset: dicemus itaque nos paucis verbis: plures simul unum baptizare non posse, quia minister, ut communiter tenetur à Doctoribus, debet esse unus: nam dum baptizat, id in Christi persona facit: at Christi persona una est,



est, ideo plures unum baptizare non possunt. Et si dicatis, quod unus posset baptizare plures dicendo, ego baptizo vos, Et c. ergo à simili plures unum baptizare possent dicentes. Nos baptizamus te, in nomine Patris, Et c. dicendum, non esse simile: quia cum dicitur, baptizo vos: idem est, ac si diceretur, baptizo te, Et te: quando dicimus, nos baptizamus te, idem est, ac si diceretur, ego, Et tu, baptizamus; tunc mutatur aliquid in forma: nec id mirum, quia est differentia inter nos, Et vos: nam nos idem est, quòd ego, Et tu: vos autem, idem, quòd te, Et te. Et hæc de pollicitis.

DE INSTITVTIONE BAPTISMI. TEX.

Lectio XXI.

**P**OSTEA quam satis abunde hæctenus sumus loquuti de forma baptismi: consequens modo est, verba facere de tempore institutionis; ut cognoscamus, quando fuerit institutus baptismus. insuper, agendum de materia huius sacramenti. tertio de immersione facienda. quarto, dubium proponetur, Et statim diluetur. de tempore institutionis (ut rem aggrediamur) extant varia opinioniones: quidam enim volunt: quòd fuerit institutus, cum Dominus dixit Nicodemo: Nisi quis renatus fuerit ex aqua, Et Spiritu Sancto. Alij dicunt, quod post Resurrectionem, cum Dominus dixit: Ite, Et baptizate omnes gentes. quas opinioniones Magister dimittendo, fatetur Saluatorem suo Baptismo, hoc instituisse sacramentum, idest, quando à Io. in Iordane baptizari voluit: ubi tota Trinitas innotuit: quia Pater in voce: Filius in carne: Spi-

ritus Sanctus in specie columbæ apparuerunt: tunc enim contactu  
 sue purissimæ carnis, Christus vim regeneratiuam contulit aquis:  
 ut qui postea in eo mergerentur, inuocato nomine Trinitatis, à pec-  
 cato purgarentur. & hæc de primo puncto. in altero baptismi ma-  
 teria tangitur; quæ debet esse aqua pura: tum quia Christus in  
 aqua est baptizatus: tum etiam, quia sic ipse præcepit, dum dixit,  
 Nisi quis renatus fuerit, &c. insuper, baptismi sacramentum, cum  
 sit maxime necessitatis, & cõunitatis, ideo debuit habere ma-  
 teriam communem, uti est aqua elementalis, ut latius dicam in se-  
 quenti. Nunc fiat sermo de immersione, ad cognoscendum, num  
 semel baptizandus, vel bis, vel ter, habeat mergi. quò in casu ut  
 sanum sit iudicium, docet Magister Sent. ad consuetudinem locorũ  
 recurrendum. ubi enim fuerit consuetudo immergendi semel, si à  
 ministro seruetur, id sine peccato fiet: (nisi tamen consuetudo Ec-  
 clesiæ sanctæ obstet) docendo, & asserendo; baptizandum esse im-  
 mergendum pluries. Hic queso notetis: quod dum semel puer im-  
 mergitur, illa unica immersio non est sine magno mysterio: nam  
 denotat Fidei, & Ecclesiæ Sanctæ unitatem, nec non indiuiduæ  
 Trinitatis essentialiter unitatem. sibi, duplex in Christo natura  
 ostenditur, diuina scilicet, & humana. si ter, ecce sanctissima Tri-  
 nitas. insuper immersio Dominicæ sepulture typum exprimit: quæ  
 secundum totum fieri minimè debet, sed tantum secundum partem  
 ad periculum infantium euitandum; quæ pars, ut principalissima  
 in corpore humano erit caput. his quanto loco apponitur dubium de  
 circumcisione. nam queritur, quando vim suam amiserit; ipsa dubio  
 proposito facilis erit responsio: dicamus ergo: Circumcisionem, &  
 legalia

legalia omnia terminata fuisse, nec non vim suam in Christi morte, non ante amisisse, audiuis. itaque quo tempore sit Baptismus institutus: & cuius causa: purgatio etenim à culpa originali fuit. quo deinde mediante, ianua celi nobis aperta fuit, sed non ante hostiam saluatoris. laudemus ergo interim Deum benedictum, qui viam ad celum patefecit, & cursum facilem sacramentis esse docuit. in sequenti multo plura circa presentem materiam erunt dicenda.

## DE MATERIA BAPTISMI.

### Lectio XXII.

**C**irca baptismum principaliter, necessitas materiae consideranda venit, vel congruitas: necessarium enim est baptismum in aqua elementalī fieri. insuper meditandum erit, de qua aqua possit fieri. tertio duodecim casus ponentur. quo ad primum: quare Dominus baptismum fieri in aqua instituerit, Sex rationes assignari possunt: scilicet, ratione perspicuitatis: humiditatis: frigiditatis: utilitatis: communitatis: & facilitatis. primo ergo Dominus instituit aquam propriam esse baptismi materiam ratione perspicuitatis, vel transparentiae: nam aqua propter hoc aliquid de lumine habet, & ideo baptismō competit, qui vim illuminatiuam habet: secundum, quod in eo gratia confertur, quae mentis illuminatiua est. insuper, ratione humiditatis, ex qua vim habet mundandi aqua: in tali elemento baptismum fieri instituit Christus. nam baptismus sordes spirituales mundandi virtutem habet. tertio aqua propter suam frigiditatem in frigidat, & vim caloris reprimit:

reperitur: ita baptismus vim incentiuam fomitis reprimat, in aqua  
 propterea fieri debet. insuper aqua generationi, & viucentium rerū  
 confert maximè augmentationi: sic, & baptismus regenerationi  
 spirituali, si digne suscipiatur: quare in aqua instituit Dominus ba-  
 ptismum debere fieri. quinto, quia in omnibus mundi partibus ipsa  
 reperitur, propterea, ne quis à susceptione huius sacramenti se posset  
 excusare, in aqua ratione sua communitatis baptismum fieri precepit  
 Deus. sexto ratione suæ facilitatis, nam de facili sine magno potest  
 haberi pretio. ob has ergo rationes baptismi conueniens materia di-  
 citur aqua, quæ elementum diaphanum, humidum, & frigidum est  
 ex parte suæ naturæ: ex quorum primo significatur gratiæ illumi-  
 natio: ex secundo culpæ ablutio: ex tertio concupiscentiæ mitigatio.  
 de qua verò aqua, & de qua non fieri possit baptismus, queso in hoc  
 secto secundo dicamus: debet ergo in aqua pura, elementari fieri  
 baptismus. unde omnis excluditur humor, qui specie ab aqua ele-  
 mentari differt: non enim in aquis artificialibus distillatis, nec in  
 quocunque humore mixto, ut vino, sanguine, slegmate, sputo, vel  
 salina, vel urina: quæ omnia specie differunt ab elementari aqua,  
 possibilis est baptismus. hic tamen unum notatu dignū velim sciatis:  
 quod dum fit sermo de aqua, debet intelligi de aqua pura, non mixta:  
 quia si aquæ permixtio fuerit tanta, ut aquæ speciem tollat, tunc cō-  
 gruentiam materiæ huius sacramenti impedit. at dicetis, vos: quo  
 modo id cognosci poterit? Respondetur: ex nimia densitate de facili  
 id posse cerni: quandocunque ergo aqua intantum erit ingrossata,  
 quod à vera raritate aquæ recedat, & diaphaneitate per appositio-  
 nem luti, vel alterius liquoris diuersi, tunc non erit ibi baptismus.

& hæc

Et hec de duobus punctis. in tertio casus duodecim proponuntur circa parvulum baptizandum. Primus est: An non habens ordinem possit baptizare: ad hoc Respondetur: quod sic in casu necessitatis. nam ordinatio non dicitur de necessitate sacramenti baptismi, licet sit de solennitate. primo itaq; modo sic: at secundo modo non; secundus Casus: An Diaconus ex ordine suo baptizare possit: Respondetur, quod Diaconus proprius minister baptismi, vel alicuius sacramenti non est: quare ex ordine suo non poterit. Tertius casus: An non baptizatus baptizare possit: Respondetur quod sic: dummodo Ecclesie formam seruet, intentionemq; baptizandi habeat. Quartus casus: An quis se ipsum baptizare possit: Respondetur quod non: nam sicut nullares se ipsam generare potest: ita nullus se ipsum regenerare. Quintus casus: An malus minister baptizare possit: Respondetur quod sic: quia bonitas, siue malitia ministri non est de substantia baptismi, sed de conuenientia: non subtractis ergo illis, quae sunt de sacramenti substantia malus minister poterit baptizare. Sextus casus: An baptismus datus per meliorem ministrum meliorem dicatur habere effectum, quam datus per peiorem? Respondetur quod non: Et ratio assignatur, quia suum habet effectum ab agente principali, non instrumentali. Septimus Casus: An sacerdos in peccato mortali existens mortaliter peccet, cum baptizat? Respondetur: quod vel baptizat cum solennitate se habens, ut minister Ecclesie: vel in casu necessitatis, Et non quasi minister Ecclesie: si primo modo mortaliter peccat: at secundo modo, non. octauus casus: An recipiens baptismum, vel aliud sacramentum à malo sacerdote peccet? pro solutione huius difficultatis distinguo. nam  
sacerdos

sacerdos vel est precipuus ab Ecclesia, vel non: si sic: adhuc distinguo: quia vel recipit in casu necessitatis, vel extra: si primo modo adhuc distinguo: vel enim eius peccato communicat, vel non: si non, peccat minimè, baptismum in tali casu à malo recipiens, sicuti non peccat recipiendo à malo sacerdote non precipuo: nam iustum facit petendo sibi baptismum administrari. Nonus casus: quid agendum si sacerdos nolit baptizare sine pretio? Respondeo: quod in hoc casu baptizandus, vel est adultus, vel puer: si adultus, sufficit ei baptismus in proposito, vel in desiderio ad salutem: quia tunc dicitur baptizari baptismum flaminis id est contritionis: nec propter hoc debet symoniam committere baptismum pretio emendo: si verò baptizandus sit puer, tunc ille, qui offert puerum, potius debet puerum baptizare, quam pretium sacerdoti pro baptismum symoniacè dare, tamen licitum ei foret aquam emere, si alias aquam habere non posset. Decimus Casus: An sacerdos hereticus, vel alius infidelis baptizans Baptismi conferat Sacramentum. ad hoc dicitur: quod hereticus sacerdos, vel quicumque infidelis, dummodo debitam formam seruet, & baptizandi habeat intentionem, verum sacramentum confert: quia baptismus ex baptizantis merito non habet efficaciam, sed ex Christi merito. Undecimus casus: An Demon in figura sacerdotis apparens possit baptizare? Respondetur quod immergere quidem potest, at non baptizare. primo quia non est de Ecclesia nec actu, nec potentia: secundo quia sibi sacramentorum dispensatio non est concessa. Duodecimus casus est: An Angelus bonus in figura Dominis apparens, vel sacerdotis possit baptizare? Respondetur quod non: quia talis potestas Ecclesia militanti fuit concessa  
non



non triumphanti. insuper quia Angeli, ut comprehensores non dicuntur habere conuenientiam cum sacramento, neque cum Christo, qui est actor sacramenti. & hæc pro presenti.

AN BAPTISMVS IN AQUA

FIERI DEBEAT.

Lectio XXIII.

**V**T nobis facilis ad subsequentem distinctionem pateat adiutus, hodierna die nos duo perpendimus. & primo: An in aqua baptismus fieri debeat: insuper differentiam baptismi sumimus ab alijs. circa primum: solent argumentari quidam negatiuè sic: baptismus sepultura Christi videtur assimilari, nam Rom. vi. dicitur. consepulti enim sumus cum illo per baptismum; in mortem at Christi sepultura in aqua minimè fuit, sed in terra: baptismus ergo non in aqua sed in terra fieri debet. præterea: similes effectus à similibus solent prouenire causis: at baptismus, & circumcisio similem habent effectum: igitur ut circumcisio non fiebat in aqua nec baptismus debet fieri in aqua. In oppositum se habet illud Io. iii. nisi quis renatus fuerit ex aqua, & Spiritu Sancto non potest intrare in Regnum Dei. Pro dilucidatione huius quesiti perbreuis, velim primo supponatis: baptismum debere fieri in aqua ex institutione diuina. insuper non esse de necessitate salutis: quod fiat per immersionem: quia potest fieri per aspersionem, vel super effusionem, licet congruentius fiat per immersionem, & per tritum magis, quàm per unam. nunc ad argumenta illa duo formata quid dicendum

H

dum

dum accipite: primum etenim concedi habet de congruitate, non de necessitate: & ratio assignatur, quia presentatio sepultura minime est de sacramenti necessitate, sed tantum de congruitate, cum sit res extrinseca, & non contenta. significatio verò sacramentorum per se respicit effectum contentum, cui magis in aqua, quam in terra respondet. ad secundum de similitudine reperta inter circumcisionem, & baptismum quantum ad effectum dici potest: quod & circumcisio, & baptismus habent aliquid simile, in quantum significant aliquid spirituale, quo modo conuenit aqua baptismi cum instrumento circumcisionis, quia per utrumque fit ablatio alicuius: ibi preputij, hic verò sordium corporis. ibi ablatio originalis peccati, & hic sufficienter. in effectu ergo est similitudo: at in materia nequaquam. & ita ruit secundum argumentum. iam primo explanato puncto, superest secundum, ubi discrimen inter baptismum fluminis, & alia genera baptismi secundum Damascenum considerandum. nam fluminis baptismus in quatuor ab alijs differe videtur: scilicet ex parte dependentiæ: indigentia: continentia: & sufficientiæ. primo ex parte dependentiæ: quia illa baptismata scilicet fluminis idest contritionis, & sanguinis idest martyrij dependent à baptismo aque in proposito, vel desiderio: quia baptismus fluminis, & sanguinis idest penitentia, & martyrij non valent ad regenerationem, nisi ei, qui baptismum aque in proposito, vel desiderio habet: scilicet quando articulus necessitatis non urget. quod si urgeat, nec ob id Religionis sacramentum contemni debet: nam tunc illa duo baptismata in virtute baptismi aque in proposito agunt. secundo ex parte indigentia differunt: eo quia maioris necessitatis illud est, quod ab-

solutè

solutè necessarium est, quam illud, quod cum conditione, & secundum quid: at baptismus aquæ in actu, vel in proposito sic se habet: illa verò duo fluminis, & sanguinis solum sub conditione sunt necessaria, ubi baptismus aquæ haberi non posset: quare, &c. tertio ex parte continentia differunt: quia aqua baptismus duplicem virtutem continet: scilicet virtutem in significando: & virtutem in efficiendo. at illa duo baptismata sanguinis, & fluminis solum spirituales in animâ causant effectum, unde non dicuntur sacramenta, sed baptismata. quarto ex parte sufficientia differunt: quia baptismus aqua sine illis duobus per se sufficit: at illa non sine baptismo aquæ, vel in actu, vel in proposito. & hæc de duobus pollicitis à nobis.

QVOD ALII SVSCIPIVNT REM, ETC.

Distinctio 2.

Lectio XXIII.

**P**ostquam determinatum fuit hætenus de baptismo quantum ad ea, quæ sibi convenire dicebantur: consequenter nunc in presenti distinctione quarta de eodem agendum, quantum ad suscipientes. habito his paucis verbis nexu presentis cum superiori distinctione: ad divisionem modo accedo: dividi enim habet in secta tria hæc distinctio, in quorum primo declaratur in quotuplici discrimine sint accedentes ad baptismi sacramentum. in altero quorundam error excluditur. in tertio quo modo per baptismum parvulis gratia conferatur. Nos circa primam partem versaturi, quatuor perpendemus. differentiam primo suscipientium baptismi.

H 2

errorem

errorem quorundam secundo. quid de fide accedentibus ad baptismum tenendum sit tertio. instantiam quarto contra predicto. quo ad primum scire debetis: accedentes ad baptismum in triplici discrimine reperiri. quidam enim sacramentum, & rem sacramenti suscipiunt. alij verò sacramentum sed non rem sacramenti. alij rem sed non sacramentum, ut singula singulis corresponsdeant exempla, ita dicendum: quod illi, & rem, & sacramentum suscipiant, qui ab originali macula mundantur, ut adulti cum fide baptizati, & etiam paruuli. sed antea quam ulterius tendamus: errorem quorundam ex predictis emanantem secundo loco proponemus. quidam enim perperam sunt opinati: quod paruulis in baptismo non dimittatur peccatum, nisi sint electi ex predestinati: innitentes illi verbo Aug. sacramenta in solis electis efficiunt quod figurant: non intelligentes illud esse accipiendum ita, quod in electis sacramenta efficiunt ad salutem, in alijs ad remissionem. facere. quare, & solis electis, & paruulis sacramenta prodesse non negandum: licet in solis electis ad salutem loquendo de adultis efficiant, quod figurant, & paruulis quo ad peccati remissionem. illis ergo ad salutem, & istis ad remissionem. hinc apparet splendide horum error ex malo intellectu verborum Aug. qui euidenter in suo. Enchiridion dicit. à paruulo recenter nato usque ad decrepitum senem, sicut nullus prohibetur à baptismo: ita nullus est, qui non peccato moriatur in baptismo: non igitur negauit beatus Aug. baptismi sacramentum non prodesse paruulis: & hæc de puncto secundo, in tertio de suscipientibus sacramentum, sed non sacramenti rem agendum: nam fide accedentes solum sacramentum, & non rem sacramenti recipiunt:

unt: quod authoritatibus Sanctorum Patrum confirmatur: & primo authoritate beati Hieronymi dicentis. sunt lauacra gentiliū, & hereticorum: sed non lauant ad salutem. insuper Aug. ait: Iudeis omnibus communia sacramenta fuisse, sed non fuit omnibus communis gratia: ita baptismus communis est quidem omnibus baptizatis, sed non baptismi, Virtus, id est gratia sine fide: sic tē ergo accedentes licet sacramentum suscipiant, non tamen rem sacramenti. contra quam determinationem quarto loco instantia in medium adducenda: Nam beatus Aug. in libro contra donatistas de baptismo, Capite quinto, in tomo septimo videtur dicere: quod sic tē accedentes in ipso momēto, quo baptizantur, peccatorum remissionē recipiant, licet post peccatum, propter fictionem remissio frustretur: in accessu igitur ad baptismum dicetur esse remissio, & in recessu frustrari: quare, &c. insuper Apost. ad galatas dicit: quot quot in Christo baptizati estis Christum induistis: ergo sic tē accedentes videntur utrunque recipere. his ita positis, velim primo dicatis: Aug. ibi esse loquutum conferendo, & inquirendo, non determinando, nec asserendo: & ita ruit primaratio. ad illud verò Apostoli dicatis: quòd loquebatur de his, qui in suo baptismo conformantur, qui scilicet vetustati peccati moriuntur, sicut Christus vetustati pēna, isti enim Christum induunt per inhabitationis ipsius gratiam. vel sub alijs verbis dicatis: omnes induere Christum quantum ad perceptionem sacramenti: sed non quantum ad interiorem sanctificationem per gratiam, & charitatem: qui modus competit veris fidelibus, & hęc pro presenti satis.

IO. PAVLI PALANTERII  
DE ILLIS, QUI REM SACRAMENTI  
SUSCIPIUNT. TEX.  
Lectio XXV.

**Q**uoniam in superiori sermone nostro de multis facta fuit  
mentio: propterea ad uberiorem eorum doctrinam in  
presenti quinq; exponemus. primo quid sit *Adultus*.  
secundo quid puer. tertio quis fictus dicatur, & quot, modis. quar-  
to inquiremus: Num fictè accedens rem baptismi suscipiat. postre-  
mo: An Puer baptismi effectum recipiat. quantum attinet ad pri-  
mum: *Adultus*, ut scribit Brulefer, ille homo est secundū Iuriscon-  
sultos, qui compleuit 25. annos, quia usque ibi crescit, & tunc  
*adultus* dicitur. Alio modo *Adultus* est viator rationis usum ha-  
bens, per quem discernere potest inter bonum, & malum. dicitur  
habens usum rationis, ad differentiam fatuorum, & ratione carenti-  
um. cognoscens ergo peccatum, quod commisit, & habens gratiam  
ad cognoscendum iustum, vel iniustum contra legem Dei *Adultus*  
debet dici. Puer verò quandoque seruum significat, quandoque  
puerilem dicit gratiam: interdum pro filio sumitur: aliquando etiam  
Puer malitia, & aliquando moribus. Unde Puer malitia centum  
annorum maledictus est, ut scribit Gerson super Cantico Mariae.  
sed Puer moribus, in quo est innocentia, humilitas, obedientia, qua-  
lis appellatus est David annosus, & Abraam centenarius hic nos  
de puero loquimur prout venit à pueritia, & dicitur gratiam signi-  
ficare puerilem, non adhuc vigorem habens intellectum ad sce-  
cernendum hoc ab illo distinctè. Puer ergo hoc modo ille est, qui  
vfu



*usur*ationis actu caret, nec valet bonum à malo discernere. his ter-  
 tio addatur loco ficti natura, quæ est: aliud prætere foris, aliudq;  
 intus habere V. g. si quis vellet suscipere baptismum, eo modo, quo  
 Ecclesia intendit dare, & tamen oppositum habet in anima: vel  
 ostendendo se esse dispositum ad baptismum suscipiendū, & tamen  
 non est dispositus in animo, aut quia rectam fidem non habet, aut  
 quia mortale peccatum habet in actu, vel in proposito, vel compla-  
 centiam, vel nullam displicentiam de peccato: is fictus nuncupan-  
 dus. Num verò fictè accedens ad baptismum: effectum baptismi  
 recipiat quarto loco videndum. mihi sanè videtur esse dicendum  
 quod sic. nam sacramenta nouæ legis causa dicuntur, & sunt: tunc  
 sic. posita causa, & illius effectus debet poni: ergo fictè baptismum  
 recipiens, illius effectum videbitur suscipere. ad hoc velim dicatis:  
 quod posita causa, ponitur, & illius effectus, nisi quid impediatur: at  
 in proposito ex parte accedentis adest impedimentum: quare ratio  
 ruit. at rursus dicetis: sacramentum nonne gratiam significat? Re-  
 spondetur quod non ob id in ficto recipitur durante illius fictione:  
 at recedente fictione, tunc causa simul, cum suo effectū dicitur esse.  
 rursus instabitis vos ita dicentes per Apostolū ad galatas. quot quot  
 in Christo baptizati estis Christum induistis: at nullus induit  
 Christum, nisi per gratiam: fictè ergo accedens dicitur gratiam  
 Baptismi recipere; ad hoc dico: quod aliud est induere Christum  
 secundum nomen, & aliud secundum habitum, & rem: primo mo-  
 do in proposito de ficto loquendo concedi potest ratio: at secundo  
 modo non: quia baptismi effectum non recipit fictè accedens: solus  
 ergo ille propriè induit Christum, & quo ad nomen, & quo ad  
 habitum,

habitum, qui utrunque suscipit, scilicet, & sacramentum, & sacramenti rem. & hoc modo communiter sac. Et Doctores loquuntur de si. te accedentibus ad baptismum, vel sacramentum aliud. qui ponentes gratia cibicem, scilicet in fidelitatem, aut mortale peccatum, quod tunc actu voluntatis committunt, aut de quo commissio nullam de splicentiam habent: hi gratiam non consequuntur. dicitur enim sapientia primo: spiritus sanctus disciplina effugiet fictum. & Scotus: nolentem Deus non iustificat: & Aug. qui creavit te sine te, non iustificabit te sine te. quare inquit Scotus. qui habet peccatum, quod sibi nullo modo d. splicet, nullo modo gratiam recipit. at dicitur: sacramentum nonne suscipit? Respondeo quod sic: ostendendo se dispositum esse ad sacramentum: & tunc etiam recipit characterem: nam quicumque sacramentum suscipit non secus, & characterem: at gratiam non: nisi sit verè d. sp. situs, & consentiens simpliciter. at si contrariè baptizatus, dissentiens simpliciter, & baptizari nolens: nec sacramentum suscipit, nec sacramenti rem. & hæc de quatuor punctis. in quinto specularandum est: An pueri baptismi effectum suscipiant. mihi equidem primo aspectu videtur esse dicendum, quod non: quia non credunt, & ideo baptismi effectum suscipere non possunt. quod non credant audite: nam fides ex auditu est: at infantes audire nequeunt: igitur, &c. pro intellectu huius quesiti, de fide duplici distinctione est opus: quedam enim infusa: altera acquisita. insuper sciendum: quod in parvulis fides aliena requiritur, non offerentium, sed Ecclesie. In adultis verò fides requiritur propria, non ut recipiant sacramentum, sed ut gratiam consequantur, quæ est res sacramenti. nunc ad argumentum  
allatum

allatum quid dicendum patet: nunc licet infantes fidem propriam non habeant, nec illam acquisitam, sufficit, illis tamen aliena ad baptismi gratiam consequendam. & hæc satis.

DE ILLIS QVI SVSCIPIVNT REM,

ETC. TEX.

Lectio XXVI.

**Q**Uam breuissimè potuimus huius distinctionis primam dilucidauimus partem: consequenter impresenti ad secundam deuenimus: ubi Magister Sent. verba factur<sup>us</sup> de rem, & non sacramentum suscipientibus, Sex pollicetur. primo enim declarabit quosdam rem sine sacramento suscipere. secundo instabit contra prædicta. tertio soluet. quarto quorundam circa baptismum errorem ponit. quinto notandum. sexto adulti ad pueros penes fidem comparabuntur. quantum ad primum: ut cognoscere valeatis, qui nam sint rem suscipientes, & non sacramentum, una cum Magistro dicendum. omnes pro fide Christi sanguinem fundentes, nec non cum bona fide, & suorum peccatorum vera contritione morientes, nec copiam baptismi sacramentum recipiend<sup>o</sup> habentes: hoc in casu saluari, iust<sup>o</sup> si atq; sine aqua baptismi. cuius rei ratio est: quia Dei potentia sacramentis minimè est alligata, & ideo sine ipsis salutem potest conferre nobis. hoc exemplo latronis in cruce pendentis confirmari potest: cui Christus dixit: hodie mecum eris in paradiso: licet beatus Aug. non asserat: Vtrum baptizatus fuerit, vel non. & hæc pro primo puncto. in altero disputatiue procedendo

cedendo Magister cōtra prædicta auctoritatibus quibusdā obijcit, ut doceat : tales non posse saluari absque aqua baptismi. Nam Dominus Nicodemo dixit : nisi quis renatus fuerit ex aqua, & spiritu sancto non potest intrare in Regnum Cælorum. insuper nonne omnium sacramentorum ianua est baptismus ? quo igitur modo saluari poterunt illi, qui e, vita præsentis sine aqua baptismi recedent ? extant multe aliæ auctoritates pro confirmatione huius negotij, quibus in tertio puncto duplici modo est occurrēdum : primo sic : quod illi per veram penitentiam, veramq; contritionē, & fidem, possint regenerari, non habentes opportunitatem, & copiam recipiendi sacramentum. at habentes tempus opportunitatemue sacramentum in resuscipiendo, & ex contemptu non suscipientes : hi proculdubio non erunt salvi. sub quo sensu præallegatæ auctoritates intelligendæ. his quarto loco error quorundam circa baptismum contingens apponendus : nam quidam sunt opinati : adultum per fidem, & charitatem sine baptismo non posse saluari, nisi pro Christo sanguinem fundat : cui opinioni sic satisfaciendum : quod auctoritates huic fauertes debcant intelligi, si adsit tempus, & contemptus baptismi. nam si adsit fides, & vera contritio, nec non baptismum suscipiendi intentio, & tamen præuēti morte nequeant baptizari : tunc omnipotentis Dei benignitas pro sacramento eis, quod defuerat supleat, nulli dubium : habet enim D. Aug. super leuiticum Cap. 84. in tomo 4. inuisibilem sanctificationem quibusdam affuisse, & profuisse sine visibilibus sacramētis. & ita sectio quarta patet. in quinta datur tale notandum. quamuis, ut dictum fuit, quidam sibi visibili possint sacramento saluari, non propter hoc visibile sacramen-

*tum contemnendum : quoniam sacramenti contemptor inuisibiliter sanctificari non potest. ultimo loco fit comparatio inter adultos, & pueros, cognoscendi gratia: num eodem modo uni, sicut alteri profit fides, declinando itaque ad negatiuam partem Magister Sent. asserit non tantum pueris alienam fidem valere, quantum adultis fides propria. an hoc sit verum audite : in paruulis enim fides Ecclesia sine sacramento non sufficit : quia si moriuntur sine baptismo damnantur. at dicetis : cum nequeant pueri tale peccatum originale vitare, non eis pena talis esset ascribenda : ad hoc potest dici : quod, & si in se ipsis originale peccatum non possint euitare, in alio tamen potuerunt euitare : quare, &c. In adultis verò totum oppositum dicendum: per propriam etenim fidem, per charitatem, & contritionem, dummodo non adsit opportunitas baptizandi, neque contemptus, possunt saluari. & hæc pro presenti.*

SOLET QVÆRI DE SANCTIFICATIS. TEX.

Lectio XXVII.

**D**E tribus partibus in quas distinctio presens descendebat, duas hætenus explicatas habetis. superest tertia, & ultima in presenti consideranda: quæ quatuor continet dubia. quorum primum originem trahit ex sanctificatis per fidem, per charitatem, & contritionem: queritur ergo quid utilitatis subsequens sacramenti receptio conferat ipsis iam, ut diximus sanctificatis: videtur enim nihil conferre, nihilq; prestare: igitur superflua. ad hoc velim dicatis: superfluum minime esse dicendam: immo valde utilem

de utilem ipsis esse talem baptismi receptionē: nam licet per fidem, & contritionem iustificentur, & à peccati macula purgentur, nec non à debito pœnæ æternæ absoluantur: nihilominus teneri dicuntur ad satisfactionem, ad quā in Ecclesia penitentes obligantur: per susceptionem autem baptismi obligatio hæc, seu satisfactio remittitur, & à peccatis, quæ iterum post conuersionem attraxerunt, mundantur & gratia in eis, & omnis Virtus augetur. insuper fomes magis debilitatur: præter hæc, intra Ecclesiam numero, & iudicio Ecclesiæ collocantur. qui ergo mundus est, accedat ut mūdior fiat: qui fidē habet, accedat ut amplius siue plenius habeat: inquit enim beatus Hieronymus: fides quæ fideles facit in aquis baptismi datur, vel nutritur: non habenti datur: & iam habenti, ut plenius habeat: sanctificatis ergo multum utilis baptismi ipsa receptio. enodato iam dubio primo, alterum subsequitur sub tali verborum forma: nā queritur, cum in baptismo remittantur peccata, & pœnæ reatus soluantur, cur penalitates ex peccato consecutæ non tollantur. huic difficultati duplex responsio potest assignari: una est, ne talis ablatio penarum finale baptismi prægium videretur, & non Regnum æternum, ut ergo queratur vita, quæ à pœnis omnibus libera, & aliena erit, ob id penalitates remanere dicuntur. altera ratio assignatur, & est: ut scilicet baptizatis pugnandi materia, & vincendi datur. non enim aliquis vinceret, nisi pugnaret: nec pugnaret, si in baptismo omnes tollerentur penalitates: ratione ergo finis, & exercitij non tolluntur in baptismo penalitates. & hæc de duobus dubijs. quibus tertium neçtitur sub his verbis. cuiusnam rei baptismus ille sit sacramentum, & signum, cum prius iustificati postea baptizantur?



ur? Responderi potest ad hoc: quòd signum sit remissionis prius factæ, veluti in non perfectis iustificationis faciendæ. si tamen non adsit impedimentum. tandem, ut hæc distinctio claudatur si dubitatur: An pueri in baptismo gratiam recipiant. de adultis dignè recipientibus non videtur dubium, at de pueris sic: quia gratia dari dicitur ad voluntatis preparationem: sed paruuli actu voluntatis uti non possunt: igitur, &c. ex alio latere, si gratiam non reciperent non saluarentur: dicendum itaque venit: quòd gratiam per baptismum consequantur. & ad instantiam ita respondendum: paruulos in baptismo gratiam non suscipere: hoc duobus modis considerari posse: uno modo quantum ad usum in actu: alio modo quantum ad habitum, siue in habitu: primo modo non recipiunt in usu: at secundo modo sic in cuius rei signum illud extat, quòd cum deuenierint ad ætatem perfectam, habitu existente in via naturæ dicitur, uti posse: nisi aliud obstet, & impediat, quod peccando euenire posset. & hæc de pollicitis.

## DE CHARACTERE.

### Lectio XXVIII.

**H**OC nomen non videtur multum vsitatum in scriptura, nec apud alios Doctores, nisi Apocalyp. 13. ubi fit mentio de charactere bestię, ut de signo, vel in manibus, vel in fronte ad sectam bestię pertinente, non ut de aliquo signo animę impresso, quo ultimo nos intendimus loqui modo. Character ergo, ut accipitur à Theologis breuissimè sic describitur. character est signum

gnū spirituale à Deo solo anima impressum in susceptione irrecitabili  
 sacramenti, manens indelebiter de lege communi. qui cognoscitur  
 suscipiens esse in tali statu. & dicitur à Deo, quia respectu  
 characteris, nulla creatura habet causalitatem actiuam. & sicut  
 gratia à solo Deo creatur: ita, & character à solo Deo creatæ  
 animæ imprimitur. dicitur manens indelebiter, ad differentiam  
 virtutis, & gratiæ, quæ licet conferantur per sacramenta, non ta-  
 men dicuntur manere indelebiter. ratio autem indelebitatis cha-  
 racteris, sola voluntas diuina est, & ordinatio, qua ordinauit,  
 quod character post impressionem non deleatur: sicut ordinauit,  
 quod Angelus, vel anima post sui productionem esse non desinat:  
 & ideo additur in diffinitione de lege communi. at dicetis: num in  
 Damnatīs deletur character? Brulefer respondendo ait, quod nō:  
 & hoc ad ipsorum opprobrium, & maiorem confusionem: sicuti  
 in beatis ad maiorem eorum gloriam, & pulchritudinem. in quibus  
 verò sacramentis imprimatur character de facili intuenti sacramē-  
 ta patebit: nam in baptismo: in confirmatione: & in ordinis susce-  
 ptione: in alijs verò minimè. Num verò in essentia animæ, vel in  
 intellectu, vel voluntate, aut in tota imagine collocandus, quia hic  
 variæ sunt opiniones, iccirco in sequenti determinabimus  
 lectione; sat nunc sit cognouisse quid sit character, &  
 à quo, quia à Deo in signum gratiæ, non qui-  
 dem ex natura, sed ex institutione di-  
 uina. & hæc satis.

LECTIONES LIB. QVARTI. 71  
AN CHARACTER SIT IN  
ESSENTIA ANIMAE.  
Lectio XXIX.

**I**N gratiam eorum, quæ superius tacta fuerunt, duas in presenti nostro sermone excitabimus quæstiones: quarum prima: An character in animæ essentia ponendus. insuper: An omne peccatum quantum ad culpam per baptismum remittatur. quantum ad primam, quibusdam videtur esse dicendum, quod character in voluntate sit ponendus: nam character dicitur signū, vel fundamentum obligationis animæ ad Deum: at homo principaliter Deo obligari dicitur per voluntatem: character igitur in potentia volitiva, ut in proximo erit subiecto ponendus. insuper character dicitur esse proxima dispositio ad fidem: fides autem habet esse in intellectu: non igitur in essentia animæ neque in voluntate. ex alio latere, quoniam character dicitur dispositio ad gratiam, gratia autem in essentia animæ sicut vita ponitur: igitur, & character in essentia animæ. Pro determinatione huius difficultatis primæ, scire debetis: quod hic non intendimus de characterē loqui secundum, quod ad sectam bestia pertinet: at tantum pro eo, quod facit nos in cognitionem venire alicuius: quo modo ablutio baptismatis, etiam forma baptismi character potest dici, scilicet pro signo exteriori. alio modo pro actu siue pro signo animæ impresso, quod est præuium gratiæ in susceptione sacramenti irreiterabilis capitur character, ut hic, de quo extant variæ opiniones: nam quidam volunt subiectiue in animæ esse ponendum: quidam a'ij in essentia, potentia, intellectu, & voluntate,

voluntate, cum potentia animæ sit idem cum anima ipsa. D. Thomas ponit characterem in intellectu: Secus autem in voluntate. quidam autem in tota imagine trinitatem representante. pro quarum opinionum determinatione: primo supponendum: quod character impressus ad d. sponendum ad gratiam, & ad discernendum. ouem dem nicam à papis, in prima specie sit qualitatis: si verò dicatur quoddam infusum supernaturaliter d. sponens subiectum naturaliter, ad g. etia suscipiendum sacramenta: tunc erit in secunda specie. si ut qualitas inherens, erit in tertia specie: & si ut productum à Deo, tunc in predicamento erit passionis. si ut obligatorium distinctiui, erit in predicamento Relationis. quæ veris sunt logicis manifesta. Nunc ad obiecta formata quid dicendum audite: primum etenim formaliter loquendo de subiecto proximo characteris habet cōcedi. alterum verò secundum quid, quantum ad dispositionem. ad illud verò ponentium characterem in essentia animæ de facili est respondere: concedi hoc enim potest mediate, non immediate. insuper loquendo de subiecto remoto non de propinquo. ad illud verò dicentium, quod in tota imagine, dico: representatiue verum concludere. & hæc pro prima questione. post quam sequitur altera, ubi queritur: An omne peccatum tollatur per baptismum. mihi prima fronte videtur, quod non: nam solum per carnalem generationem originale contrahitur peccatum: igitur per baptismum, qui est regeneratio spiritualis tollitur nisi originale peccatum. præterea: si de se actuale peccatum telleret, tunc in Adultis baptizatis, non esset necessaria penitentia, quæ ordinatur contra actuale: at necessaria est, ut habetur actuum. ii. ubi dicitur, penitentiam agite, & baptizetur unusquisque

unusquisque vestrum: ergo. In contrarium se habet D. Aug. in Enchiridion. A paruulo recenter nato, usque ad decrepitem senem, sicut nullus prohibendus est à baptismo: ita nullus est, qui non peccato moriatur in baptismo: sed paruuli tantummodo originali: maiores autem moriuntur omnibus peccatis, quæ malè viuendo addiderunt. Pro determinatione huius secundæ difficultatis, scire debetis: baptismum in dignè suscipientibus ipsum, omnem quantum est de se culpam tam originalem, quàm actualem tollere. voco autem dignè suscipientem illum, cui displicet omne peccatum ab eo, commissum, tam mortale, quàm veniale. Nunc ad rationes adductas superest respondere: prima ergo concedatur de pueris, at neganda est de adultis. vel sic: quod primo originale tollatur per baptismum, & ex consequenti omne aliud contractum. ad secundam rationem distinguendum est de triplici penitentia: nam quedam dicitur sacramentum, & consistit in actu exteriori confitentis, & absoluentis: & hæc baptizandis quantumcūque adultis, non est necessaria: quia baptismus est omnium sacramentorum ianua. secunda penitentia est contritio sufficiens: gratia informata: & hæc non requiritur ante baptismum, alioquin Adultus baptizandus semper esset ante baptismum iustificatus. tertia penitentia dicitur quedam displicentia peccati commissi, quæ licet informis, & imperfecta, nec sufficiens ad delendum peccatum, ut est attritio: est tamen sufficiens dispositio ad suscipiendum baptismum, eo quia tollit fictionem: & de tali debet intelligi illud, quod dicitur Actuum. ii. & hæc satis.

IO. PAVLI PALANTERII  
AN PER BAPTISMVM OMNIS  
PAENA DELEATUR.  
Lectio XXX.

**D**V O alia prædeclaratis hodierna die erunt addenda quæ-  
sita: quorum primum: *An omnis deleatur pœna per ba-  
ptismum. insuper: An usu carentibus rationis, baptismus  
conferendus. quantum ad primum, mihi videtur esse dicendum,*  
*quod non: quia non tollit fomitem: sitim: neque virium sensitua-  
rum repugnantiam ad rationem, quæ omnia sunt originalis pœnæ  
peccati: ergo. In oppositum se habet Ambr. super illud Rom. xi. sine  
penitentia sunt dona Dei, & vocatio, &c. propterea pro intellectu  
difficultatis propositi & primo supponendum: qd per baptismum omnis  
pœna tollatur per se peccato originali debita. Nunc rationi adductæ  
ita respondendum: baptismum scilicet omnem tollere pœnam origi-  
nalis peccati, quæ sit eius, per se pœna: sicut priuatio gratiæ in præ-  
senti, & carentia gloriæ in futuro. pœna autem quæ originali peccato  
per accidens debetur non tollitur, ut est fames, &c. quia ista di-  
cuntur esse à natura per se: licet sint à peccato originali, ut à causa  
remouente prohibens. cur autem remaneant huiusmodi pœnæ supe-  
rius dictum fuit à nobis: quia ad maius meritum. explicata paucis  
verbis difficultate prima in hunc modum: subsequitur altera exami-  
nanda: *An scilicet usu rationis carentibus sit conferendus baptis-  
mus. pro parte negatiua sic arguunt quidam dicentes: uiuentibus  
uita humana debet dari baptismus: at carentes usu rationis huma-  
na uita minimè uiuunt, quia ratione non utuntur: igitur ipsis ba-  
ptismus**



piissimus non conferendus. insuper soli credentes debent baptizari iuxta illud: qui crediderit, & baptizatus fuerit, &c. sed carentes usu rationis credere non possunt: igitur baptizari non debent. Pro dilucidatione huius difficultatis secunda est sciendum: aliquos usu rationis carere triplici de causa. primo propter imperfectionem etatis, ut pueri, vel infantes: secundo propter infirmitatem, ut frenetici, vel amentes: tertio propter passionem somni, ut dormientes. de primis nulli dubium: nam illis dari debet in remedium salutis. de freneticis autem, atq; amentibus usu rationis carentibus est distinguendum: quia aut à natiuitate fuerunt tales, nec aliqua lucida habuerunt interualla: & de talibus idem, est iudicium, quod de pueris: aut amentiam irrucunt ex infirmitate, vel habuerunt aliquod lucidum interuallum: & isti nunquam tempore amentie sunt baptizandi, nisi casus necessitatis urgeat: aut ipsi fuerint in precedenti lucido interuallo in proposito. de dormientibus autem est dicendum: quod nullo modo sint baptizandi extra casum necessitatis. His premisis, ad argumenta nunc respondendum: & primo ad primum, distinctione premissa de uiuentibus humana vita: uiuere enim humana vita stat dupliciter: aut propter opera uitæ, aut propter principium uitæ: primo modo sunt homines ratione utentes: alio modo infantes: licet ergo uita humana per uitæ opera non dicantur infantes uiuere, quo modo currit argumentum: nullum tamen dicitur esse secundo modo loquendo de humana uita, qua uiuunt isti, & qua idonei sunt ad susceptionem baptismi: secundum argumentum de adultis currit: quare nullum. & hæc de pollicitis.

## QVIS BAPTIZARI POSSIT: ET QVIS NON.

Lectio XXXI.

**I**Nter omnia alia quæ de baptismo diximus nunc maxime varietas suscipiendi consideranda, nam ille qui est baptizandus, vel est paruulus, vel adultus: si paruulus: casus decem sub questione ponendi occurrunt. primus est: An in utero matris existens sit baptizandus. Respondetur ad hoc: quod non: quia nondum membris Ecclesie militantis connumeratur: insuper quia qui nondum natus, renasci non potest, sicuti, qui non vixerit, mori non potest. secundus casus: An dum est in utero matris baptizetur, baptizata matre, ad minus dum est in periculo mortis? Respondetur quod non: & ratio assignatur, quia licet puer secundum, corpus sit matri coniunctus, quod à matre contraxit: est nihilominus distinctus à matre secundum animam rationalem, quam ab extrinseco habet, scilicet à Deo. quare baptizata matre, non oportet, quod eius filius baptizetur. Tertius casus: An paruulus seminatus baptizandus? Respondetur: quod aut mortis periculum timetur, aut non: si non, uniuersalis egressio expectanda erit, antequam baptizetur: & ratio assignatur, ut scilicet natiuitas, secundum carnem, proportionetur natiuitati secundum spiritum. Si autem de periculo mortis timeatur, tunc ille puer baptizandus, ut inde animæ rationalis habebatur salus. Quartus casus: An indifferenter in quacunque parte baptizandus, aut in aliqua parte determinate? Respondetur sic: quod egressa principali parte, ut puta capite, in quo omnes perfectiones, vel animæ operationes magis manifestantur, debet baptizari. Secus

ri. Secus autem est de alijs partibus, ut de manu, & pede, quamvis non noceat, etiam si tunc aspergerentur ille partes aqua baptismali, quia diuina misericordia, non est artanda. si postea plenarie nascatur, non erit secundum quosdam rebaptizandus: at secundum D. Thomam nihil periculi accidet, si ad maiorem cautelam, si.b hac forma rebaptizetur: si non es baptizatus, ego te baptizo in nomine Patris, & Filij, &c. Quintus casus: An mater parturiens, vel quando est in periculo mortis scindi debeat, ut extrahatur puer, & baptizetur? Respondetur quod non: nam non sunt, facienda mala, ut inde eueniant bona. si verò scēctio fieri posset sine mortis periculo, aliter dicendum foret. Sextus casus: An paruuli in utero sanctificari possint? Respondetur quod sic: quia Deus virtutem suā rebus naturalibus non alligauit, ut non possit præter eas, cum voluerit operari, ut in actibus miraculosis facit. Septimus casus: An sanctificati in utero sint postea baptizandi? Respondetur, quod sic, ut patet de Ioanne Baptista: qui in utero sanctificatus, dixit se debere baptizari à Christo. Octauus casus est: propter quam causam sanctificatus in utero baptizetur? Respondetur, ut si habet, plenius habeat, & ut passioni Christi conformetur: insuper in signum precepti: nulla etenim sanctificatio ab obseruantia diuini mandati absoliuit: igitur nec à baptismi susceptione. addite vos id fieri in signū obedientiæ, & humilitatis, & characteris: quæ tria sanctificatus in utero habere dicitur, dum baptizatur. Nonus casus: An paruulus non habens usum rationis, cum baptizatur, sacramentum, & rem sacramenti recipiat? Respondetur quod sic: propter fidei Ecclesie consensum. Decimus casus: An sit melius in pueritia baptis-

mum

*num recipere: An usque ad etatem adultam differre? Responde-  
tur, quod in pueritia. primo ratione criminis: secundo propter  
corporis imbecillitatē: tertio propter Demonis oppressionem: quarto  
propter boni operis assuefactionem.*

## QVOD BAPTISMVS, ETC. TEX.

Distinctio 5.

Lectio XXXII.

**I**AM quartam expediuimus huius libri quarti Distinctionem,  
ubi erat sermo de sacramento baptismi, quantū ad suscipientes:  
accedit consequenter in ordine quinta: in qua de eodem agen-  
dum, quo ad conferentes. præmissis in hunc modum ordine, una cū  
Magistri intentione diuidi modo poterit præsens distinctio in Se-  
ctatria principalia. in quorum primo declarabitur, à quibus possit  
conferri baptismus in altero propositio animaduersione digna pone-  
tur. in tertio, & ultimo dubium cum solutione. quantum ad primū,  
à Magistro ne recedamus, ita dicemus: à bonis, & à malis verum  
baptisma posse dari ministris, & eque Sanctum esse ab utroque.  
non enim peior baptismus dicitur dari à bono, quam à malo, nec  
maius, nec minus, sed equale munus: quia non est hominis, sed Dei  
munus. quod auctoritate beati Aug. confirmari habet ita dicentis:  
baptismus talis est, qualis ille, in cuius potestate confertur: at in Dei  
potestate datur: igitur tam à bonis, quam à malis poterit hoc sacra-  
mentum administrari, quia in nomine Christi ministerium in ba-  
ptismo habent: licet sibi Christus potestatem retinuerit principalem,  
& hoc,

Et hoc, ne tot baptismi viderentur, quot homines, insuper ne homo in hominem spem poneret. Et hęc de primo puncto. in altero ponitur hęc propositio. Quamuis hereticus, seu scismaticus solum recipiat sacramentum, non tamen illius virtutem, Et incrementum accipit: supponendo, quod extra Ecclesiam, hoc sacramentum acceperit. at dicetis: quid hoc in casu agendum? Respondetur, debere ad Ecclesiam reuerti, non iterum, ut baptismum accipiat, quia integrum sacramentū iam accepit, si in nomine trinitatis prius baptizatus fuit: sed ut in societate charolica vitam recipiat. nam baptismus extra Ecclesiam charolicam prodisse non potest, sicut nec eleemosyna. enodatis hucusque Sectis duobus: tertium superest dubium continens: quod ex prædeclaratīs originem trahit. queritur enim: ex quo Deus dedit baptizandi potestatem hominibus ministerialem, Et sibi principalem retinuit, quę nam sit ista potestas, quam potuit dare hominibus, Et non dedit. existimarunt quidam talem fuisse potentiam dimittendi peccata: at si huiusmodi potuisset hominibus dari, non secus illa creandi, Et ita se ipsum dedisset Deus, nec non creatura creator esset effecta, quod nō est dicendum. pro dilucidatione huius difficultatis, genera plura potestatum sunt præmittenda. quorum unum, nec dedit, nec dare potuit Christus: alterum, Et potuit, Et dedit: cetera potuit, sed dare noluit. circa baptismum ergo sex annotari possunt potestates: Prima est auctoritas, quam Deus à se ipso, non aliunde habet potestatem interius à culpa mundandi. secunda est cooperationis, ut homo diuinitus accepta potentia in tali actu esset cooperator. tertia est excellentiæ, ut secundum abundantiorē gratiam existentem in baptizante maiorē conferret gratiam baptizando.

*baptizari de quarta est inuocationis, ut in nomine Petri posset homo baptizari, si ut in nomine Trinitatis. quinta est institutionis, ut si ut Christus potestatem habuit baptismum instituendi in aqua, ita alius haberet in aqua, vel alibi. Sexta ministerij, ut per hominem exterius, & verbum, & elementum posset ministrari. Primam nec dedit, nec dare potuit: ultimam dare potuit, & dedit: de intermedijs dicunt Doctores: quod dare potuit, sed non dedit, ne spēs in homine poneretur. quartam verò, & quintam minimè dedit, ne tot essent baptismi. de potestate autem cooperationis extat controuersia non leuis. nam Magister dicit in textu, quod illam dare potuit: attamen hic communiter negatur, nec eius opinio probatur. at quia D. Aug. hoc dicere videtur, propterea notandum venit: qđ cooperari alij stat dupliciter: vel per modum verè efficientis: vel per modum disponentis. primo modo Deus dare non potuit: quia creatura capax non fuit: nec hoc modo beatus Aug. intellexit. secundo verò modo dare potuit: ut homo gratiam, secundum actum interiorem baptizato obtineret, non ipsam efficiendo, sed impetrando: sicut dedit homini virtutem faciendi miracula, non quia ipse ea efficere, sed quia virtute sibi à Deo data, quotiens vellet, impetraret. & hæc de tota distinctione quinta pauca sufficiant.*

AN A MALIS MINISTRIS POSSIT  
CONFERRI VERVS BAPTISMVS.

Lectio XXXIII.

**C***Irca distinctionem prædeclaratam in dubium duo principalia solent reuocari: quorū primum: An à malis ministris verus  
da i*



dari queat baptisumus. insuper : An malus minister baptizando peccatum incurrat. quantum ad primum, sic proceditur. ut materia indebita sacramentum euacuat : ita indebitus minister qui malus : ergo à malis, non videtur posse conferri baptisumus verus. insuper aridum membrum corporis, non videtur participare actionē : ergo nec malus minister, cum sit aridum membrum istam poterit exercere actionem : non ergo à malis, &c. In contrarium se habet in litera Magister, iccirco pro Responsione sciendum : ministrū dici posse malum bisariam : uno modo moraliter : alio modo formaliter. si primo modo dico : quod baptismum potest conferre. si secundo modo nequaquam : & ratio assignatur, quia sic formaliter captus minister malus, Ecclesie intentionē minimē habens baptizandi, tunc verum baptisma, non confert. His ita positis, ad rationes formatas Respondeo, & ad primam, sic dico : quod minister malus licet de se, sit indebitus : est tamen debitus huius sacramenti minister, si habeat ea, quae ad sacramentum concurrunt. ad secundam cōceditur : ministrum malum, aridum esse membrum in his, quae pertinent ad meritum : quia talis administratio, non sibi ad meritum, sed potius ad peccatum dicitur. non tamen aridum membrum in his, quae pertinent ad ministerium, si concurrant in eo, quae sunt de ministri necessitate. explicata prima difficultate, altera subsequitur, & quod malus minister baptizando non peccet, sic primo probatur. offerens baptizandum malo ministro, non dicitur peccare : igitur, neque baptizando malus minister peccabit : prout : in casu necessitatis omnis homo, siue fidelis, siue infidelis baptizare potest : at actus talis communis, non videtur requirere strictissimam bonitatem, ac san-

*Etiam : ergo, &c. In contrarium, sic potest argui. peccator alia sacramenta ministrans peccare dicitur : ergo, & malus minister conferendo baptismum. circa questionem, hanc duo consideranda occurrunt : primum est : quod mali, cum sollemnitate baptizantes ministri peccant : primo propter irreuerentiam, quam sacramento faciunt, ut non sancti, sanctum administrantes : secundo quia contra conscientiam, quam immundam habent. baptizantes verò in casu necessitatis, & absque sollemnitate, ut vetula quædam, tunc excusarentur, quoniam nil contra ministerium indebitum agere viderentur. alterum videndum est : Num à malis baptisma, recipientes peccare dicantur : pro cuius intellectu est distinguendum : vel enim minister malus est præcisus ab Ecclesia, sicut hereticus, & excommunicatus, vel non. si sic : tunc distinguo : aut paruulus est baptizandus, aut adultus : si primo modo non peccat, quia rationis usum non habet secundum actum. si sit adultus, vel eum late probabiliter esse instrumentum præcisum : tunc non peccat : vel certitudinaliter nouit, & sic iterum distinguendum : nam vel consentit in malo, vel non : si sic, non est sine peccato : si non, & urgeat necessitas excusari videtur, dummodo Ecclesiæ contemptus, non adsit. His ita positis, nunc ad argumenta formata dicendum, & primo ad primum : quod malus minister baptizando respectu actus baptismi, nō peccat : attamen respectu præcedentis peccati, in quo persuerat, dicitur peccare, nec non offerens adultum baptizandum præciso illius peccato consentiendo, & Ecclesiæ præceptum parui faciendo. ad secundum argumentū Respondetur : quod quamuis ad actum communem baptismi non requiratur bonitas ministri, quin per malum possit*

possit conferri sacramentum: requiritur tamen in ministro bonitas, ut cuitet peccatum. ad illud in oppositum potest dici: quod baptis-  
mus est maioris necessitatis, quam alia sacramenta: & ideo in casu  
necessitatis poterit à peccato excusari plusquam alia sacramenta mi-  
nistrans, & hæc de pollicitis.

AN CHRISTVS, VT HOMO POTESTA-  
TEM HABVERIT OPERANDI  
INTERIVS, ETC.  
Lectio XXXIIII.

**V**T nobis pateat facilis Aditus ad subsequentem distin-  
ctionem, quesita duo impresentiarum examinanda pro-  
ponemus: quorum primum: An Christus secundum,  
quod homo habuerit potestatem operandi interiorem sacramento-  
rum effectum. insuper: An potestatem dimittendi peccata potuerit  
dare hominibus. circa primum, affirmatiue procedendo, sic ratioci-  
nor: filius hominis habet potestatem in terra dimittendi peccata, ut  
hëtur Mathei. ix. at peccatorum remissio interior effectus dicitur  
sacramenti: Christus igitur secundum, quod homo potestatem ope-  
randi interiorem effectum sacramenti habuit. præterea: si talem nõ  
habuisset potestatem Christus, Magd. & Petro non contulisset  
effectum sacramenti, sine sacramento: at hoc factum: ergo. In op-  
positũ se habet illud, quod Aug. dicit: in sacramentis diuina Virtus  
salutem nostram secretius operatur: at diuina Virtus, non est  
Christi secundum, quod homo, sed secundum, quod Deus: igitur  
L 2 Christus

Christus effectum interiore sacramenti, non operatur secundum, quod homo, at secundum; quod Deus. Pro dilucidatione huius questionis primæ est sciendum: triplicem sacramentorum dari potestatem: scilicet authoritatis: excellentiæ: & ministerij: authoritatis potestas illa est, qua aliquis virtute propria culpam remittit, & gratiam confert. illa verò ministerij potestas, per quam alicui sacramenta ministrare competit. Excellentia autem potestas media est inter istas duas, quoniam aliquid de authoritatis potestate participare dicitur, licet non plene. aliquid verò de ministerij potestate, & secundum hoc patet, quod Christus secundum, quod homo potestatem authoritatis respectu effectus sacramentorum minimè habuit: quia nulli competit, nisi Deo. excellentia verò potestas Christo in quantum, homo bene competit: cuius humanitas diuinitatis instrumentum, in quantum in eodem supposito sunt diuinitas, & humanitas. Hæc autem excellentia in quatuor consistit: primo quia ex passionis eius baptismus efficaciam habet: secundo quia instrumenta instituit: tertio quia quandoque sacramenti effectum, sine sacramento tribuit. quarto quia ad inuocationem nominis eius baptismus aliquo tempore cellatus fuit, ut in primitiua Ecclesia ex causa superius dicta. quod autem dictum est: quod Christus secundum excellentia potestatem dedit quandoq; effectum sacramenti sine sacramento, intelligendum est per modum meriti: quia authoritatis potestas ei in quantum homo nõ competebat. His in hunc modum premissis. rationes prius formatae de facili ruent. nam prima cõcedi habet sub hoc sensu: quod Christus in terra potestatem dimittendi, peccata habuit per authoritatem in quantum Deus: quod maxime potuit

per

per curationem paralytici, potestatem verò in quantum homo per ministerium excellentia, ut tactum fuit. per idem altera ratio ruit: nam Christus quando effectum hoc potuit in quantum Deus: & meruit in quantum homo. explanata iam prima questione; altera subsequitur, ubi rationibus quibusdam videndum, quo modo potuerit Christus potestatem peccata dimittendi dare hominibus. nam dedit potestatem expellendi Demones, ut dicitur Luca. iiii. ergo discipulis dare potestatem dimittendi peccata potuit. rursus apud Ioannem. xx. dixit Christus discipulis suis: accipite spiritum sanctum, &c. quare dimittendi peccata potestatem discipulis dedit. In contrarium illud Euang. se habet: quis potest dimittere peccata nisi solus Deus: ergo, &c. Pro intellectu huius secunda difficultatis est sciendum: quod Christus hominibus communicare minimè potuit potestatem authoritatis, quia illa non fuit eius, nisi in quantum Deus. de potestate verò excellentie, qua sibi communicata fuit tenetur cōmuniter, quod eam communicare hominibus potuit: sed non decuit. solam ergo Christus potestatem simplicis ministerij ad dispensandum sacramenta, qua ipse instituit, hominibus communicauit. His ita positis, nunc ad rationem dicitur primam: quod Christus non dedit discipulis eijciendi potestatem per modum authoritatis, & quasi virtute propria: sed solum per modum ministerij: scilicet orando, & inuocando nomen Christi. secundum argumentum debet intelligi solum de ministerio collato discipulis in sacramentorum administratione. ad illud in contrarium dicitur: quod venit intelligendum de authoritatis potestate, qua nulla puro homini communicari potest. & hæc satis.

QVIBVS

**S**extam d. distinctionem aggressuri de more nostro continuationem primo perpendemus: insuper ad diuisionem festinabimus. ex quo ergo Magister Sent. de baptismo egit per comparisonem eius ad ministros baptizantes, & ad baptizatos: consequenter nunc eius sententia est, de eius usu, & solennitate verba facere. habito nexu his paucis verbis, diuidi modo habet presens Distinctio in tres principales partes: in quarum prima, quibus baptizare liceat declaratur. in altera quo modo per ignorantiam congrue locutionis sacramentum anihiları possit. tertio quid sentiendū sit de illo, cui desit congruum testimonium sue regenerationis. nos duas ultimas dimittentes partes, breuitatis amatores, circa primam versabimur, Sex per ordinem considerantes. quibus primo competit baptizare: insuper contra dicta arguemus: notandum tertio ponemus: dubium quarto: solutionem quinto: instantiam demum contra solutionem Sexto. quo ad primum: loquuturi de baptismi ministro, bimembrem premittemus distinctionem: datur enim duplex minister baptismi: unus extra necessitatis casum, & talis dicitur esse solus sacerdos super verum Christi corpus potestatem habens. ad quem enim sola sacramentorum dispensatio pertinet, ad eundem quoque baptizare spectat: nullus ergo alius a sacerdote extra necessitatis casum ex officio poterit baptizare: in casu verò necessitatis aliter tenendum. tunc enim quilibet baptizare poterit, siue sit Vir,



ſu Vir, ſiue mulier, ſiue fidelis, ſiue infidelis: ſiue paganus, ſiue he-  
reticus debite baptizans in aqua, habens intentionē faciendi, quod  
iubet ſancta mater Eccleſia. hic tamen animaduertendum, ne infi-  
delis fideli, aut hereticus non heretico in baptizando preponatur:  
ſemper enim fidelis infideli preponendus: & ſemina Vir, & laico  
clericus in baptizandi officio. at hic video vos acumine intellectus  
ornati, loco ſecundo contra predicta, & auctoritate, & ratione  
poſſe argumentari: nam Cyprianus in materia preſenti dicebat:  
baptiſmum ab hereticis non poſſe conferri: immo ab eis baptizatos,  
eſſe, rebaptizandos. huic difficultati in hunc modum occurratis ve-  
lim, dicentes: Cypriani dictum intelligendum fore de baptizatis ab  
hereticis preter formam Eccleſie: vel id ex ignorantia prolatum  
fuiſſe: qua deinde in martyrio fuit purgata, ut beatus Aug. dicit.  
rurſus ratione inſtabitis ſic: hereticus extra Eccleſiam exiſtens, &  
ridiculoſe baptizans, nō videtur conferre baptiſmum: quare, &c.  
ad hoc dici poteſt: quod hereticus licet extra Eccleſiam corporali-  
ter ſit, non tamen dicitur extra ſecundum intentionem, intendendo  
ſcilicet, quod Sancta Mater Eccleſia iubet. inſuper licet ſit extra  
Eccleſiam baptizando, non tamen Chriſtus eſt extra, in nomine  
cuius ille baptizat. quid verò de huiusmodi ab heretico baptizatis  
ſentiendum? Reſpondetur: quod illis ad fidem venientibus manus  
ſic imponenda his verbis. Si non es baptizatus, ego te baptizo in  
nomine Patris, &c. preterea: video vos tanquam ab alta ſpecula  
ex dictis dubitare: quid ſentiendū ſit de eo, qui ludendo, & aquam  
aſpergendo ſuper aliquos non baptizatos dicit: ego baptizo vos in  
nomine Patris, & Filij, & Spiritus ſancti Amen. An baptizati?

Reſpon-

*Respondetur : quod talis , vel intendebat , quod Sancta Mater Ecclesia , vel non : si primo modo sunt verè baptizati , licet ille grauitè peccet ludendo , & deridendo , quia irreuerentiam facit sacramento. enodatis iam duobus Sectis , tertium accedit , ubi ponitur notandum ex trina immersione in baptismo facta , originem trahens . quamvis ergo infans in baptismo ter immergatur , non ob id triplex dici debet fluminis baptismus : nam trina illa immersio propter mysterium sanctissimæ , & indiuiduæ Trinitatis unum baptismum facientis , fieri dicitur . his quarto dubium apponitur loco : quaeritur etenim : An quis in utero materno baptizari queat : cui difficultati Respondetur : quod nō : nam qui mundum natus est renasci minimè potest . at instabitis Sexto loco contra solutionem allatam dicentes : nonne legitur de Io. Baptista , & Hieremia in utero materno sanctificatis : videtur itaque , quod quis in utero possit baptizari materno . Respondetur breui : talem præter legem communem sanctificationem fuisse . & hæc de pollicitis satis .*

SI BAPTISMVS SIT VERBIS, ETC. TEX.  
Lectio XXXVI.

**T** Ripartita fuit præsens distinctio , quarum unam in proximo præterito sermone meo partè explicauì . super sunt aliæ duæ modo enodandæ , quæ in Sex puncta subdiuidendæ . in dubia tria primo : insuper in unum notandum : deinde in tempus quo sit celebrandus baptismus : Quarto in distinctionem accedentium ad hoc sacramentum : in dubium quinto : & in notandum de charactismo ,

techismo, & exorcismo Sexto. circa primum moraturi, sub tali verborum forma, dubia tria proponemus: quorum primum se extendit ad corruptè verba baptismi proferentem. queritur ergo: *An ibi baptismus?* si verba corruptè proferatur. huic primo dubio Magister Sent. in textu respondendo ait: duo hic consideranda fore: unum ex parte intentionis, alterum ex parte imperitiæ proferentis: si primo modo sacerdos corruptè verba proferendo inducere errorem intendebat, vel heresim, tunc rebaptizandus fuisset: at secundo modo corruptio verborum proueniens ex ignorantia proferentis tantum, ut euenit in illo casu illius sacerdotis dicentis, baptiza te in nomine Patria, & Filia, &c. baptismum non viciat, sicuti determinatum fuit. huic primo dubio alterum nequitur dum queritur: *Vtrum illi sint baptizandi*, de quibus certa non habetur noticia, nec testimonium ratum clericorum, siue propinquorum. huic difficultati respondendum est, quod sic: nec ob id dicitur baptismus reiterari, cum nulla de his certitudo extet. his tertium additur animaduersione dignum dubium: *An scilicet ille, qui mimicè, & ioculando immergitur, inuocato nomine S. Trinitatis debeat dici baptizatus?* ad quod Respondetur, quod non: & ratio assignatur, quia tota fuit intentio ioculandi, & non baptizandi. explanato puncto primo, sequitur alterum, ubi ponitur notandum de pueris, ad baptismum spe commodi temporalis delatis: qui verum recipere dicuntur sacramentum, quoniam simpliciter fidem non abijciunt, licet spem inde bona temporalia consequendi habeant. nunc de tempore, quo tale possit celebrari sacramentum extra casum necessitatis agendum tertio loco venit: nam in Pascha, & in Pentecoste, idest in Sabbatho

utriusque solennitatis debet celebrari baptismus. at urgente necessitate, periculoq; imminente omni tempore dari potest baptismus. his quarto accedentium ad hoc sacramentum addenda distinctio: nam ad baptismum venientes, vel sunt adulti, vel paruuli: si adulti, fidē per se ipsos debent suam profiteri, & exprimere: paruuli verò, & alij qui per se non valent loqui, alijs pro se loquentibus possunt baptizari. quinto loco dubitari solet: ex quo sensu dicatur pro paruulo credò, vel fidem peto. cui dubitationi ita occurrendum: quòd sub sensu id fiat sacramenti baptismatis, quòd fidei sacramentum est: & quòd suscipere paratus sit, vel alij pro illo. unde quicquid à Patrino pro puero petitur in sacramento baptismi, cū ad statum idoneū deuenit puer, diligentissimè circa illū se Patrinus debet habere, & viam veram seruet, fidemq; retineat, cū pro eo in baptismo pompis Diaboli abrenunciare pollicitus sit. demum superest notandum de chatechismo, & exorcismo: qui chatechismus nil aliud dicitur esse, nisi instructio, per quā baptizandus instruitur de symbolo, & fidei rudimento. exorcismus verò dicitur adiuratio, per quam Diabolus adiuratur, ut expellatur. unde in eo dicitur: exi immunde spiritus.

hic tamen notetis velim: chatechismum, & exorcismum sacramentalia potius dicenda esse, quàm sacramenta.

& licet baptismum precedere dicantur, non tamen de necessitate: quia sine eis baptismus fieri potest, hæc in tantum de sexta distinctione.

LECTIONES LIB. QVARTI. 91  
AN QVIS ANTE NATIVITATEM  
EX VTERO, ETC.  
Lectio XXXVII.

**E**X Magistri Sent. dictis occasionem nactus, duas exami-  
nandas hodierna die proponam questiones: quarum prima:  
*An quis ex utero ante natiuitatē sanctificari possit. insuper:*  
*An ad baptismū ministri intentio requiratur. quantum ad primū;*  
pro parte negatiua sic arguitur: ut nullus à peccato actuali dicitur  
posse sanctificari, quādiu est coniunctus actui peccati: ita nec  
quis actu utero materno coniunctus poterit sanctificari: male ergo  
Magister, qui in textu oppositum dixit. præterea: omnes postquam  
nati sunt, baptismo egent: non ergo ante natiuitatem quis à Deo cu-  
ratur spiritualiter: ad quid ergo loquutus est de sanctificatis Ma-  
gister? ex alio latere in contrarium se habet illud Luca. ii. de Ioanne  
Baptista, & de Hieremia: qui antequam exirent sanctificati sunt.  
pro dilucidatione igitur huius difficultatis primæ, scire debetis, quid  
sit sanctificatio. est enim, per gratiam spiritus illustratio, siue pur-  
gatio à culpa. insuper solet sumi sanctificatio aliquando pro carnis  
abstinentia, quo modo Religiosi, & moniale sanctificati, siue sancti  
nuncupantur. aliquando etiam pro cultu diuino. unde sic Deo ser-  
uientes sancti vocantur. quandoque etiam sanctificatio dicitur om-  
nium Virtutum repletio Dei gratia. nos hic primo modo de sancti-  
ficatione verba facimus. his pro solutione argumentorum unum per  
necessarium de duplici sanctificatione addendum. nam duplex san-  
ctificatio datur: una secundum legem communem, que fit mediante

sacramento baptismi: altera ex gratia Dei speciali. Nunc ad argumentum primum distinguendum est ( ne laboremus in equiuoco ) de duplici coniunctione. una enim est infusionis animæ, per quam acquirit homo esse: altera nutritionis. si primo modo loquamur, tunc dicendum: quòd nullus ante animæ infusionem sanctificari possit. at si de secunda aliter tenendum. puer etenim matri per nutritionem coniunctus potest sanctificari in utero. Et quando instantia afferebatur de coniuncto peccato, similitudo neganda, nam, si actu nō munda-  
 datur pro tanto id fieri dicitur, quoniam in illo actu contrahit mortale: at infans in utero non, sic se habet: quare argumentum ruit. ad secundum argumentum Respondetur: quòd ante natiuitatem in utero existentes baptismo non egent, at post sic, vt Ecclesiæ gremio ascribantur: possunt tamen de lege speciali in utero materno sanctificari, vt factum fuit de duobus prenomminatis. enodata iam prima questione: altera examinanda subsequitur de ministri intentione: quibusdam enim videtur: quòd ad baptismum ministri intentio non requiratur. nam si fides nō requiritur: igitur nec intentio. quòd autem fides nō requiratur patet: quia hoc modo paganus, siue Iudeus baptizare non possent contra prius determinata, preterea: videtur quòd sola Ecclesiæ intentio sufficiat: ad quid ergo illa ministri? In oppositum se habet ipsa veritas, quæ est: quòd ad omnē actionem ex libero arbitrio procedentē agentis intentio necessaria: at sacramentorum administratio dicitur actio procedens à libero arbitrio ministri: quare necessaria erit ad baptismum intentio. His ita premissis, ad argumentum primum, similitudo de fide allata neganda, nec sine causa: nam fides vniuersalis causa est, intentio verò particularis:



*particularis : quapropter licet minister intendat , quòd Sancta mater Ecclesia : habet nihilominus ipsi Ecclesie suam intentionem applicare , & si non credat , illud valere . ad argumentũ secundum dicitur : ministri intentionem , quo ad sacramenti collationem requiri : at non quo ad effectum , sub quo sensu currebat argumentum formatum . in sequenti alias duas quæstiones proponemus , hæc pro presenti sufficienter pauca sint dicta .*

## AN CHATECHISMVS DEBEAT

BAPTISMVM PRAECEDERE .

Lectio XXXVIII.

**A**D huc quæsitæ duo supersunt examinanda , pro vberiori doctrina eorum , quæ dicta sunt in calce præcedentis distinctionis . quorum unum spectat ad chatechismum : alterum verò ad exorcismum . solet igitur primo quæri : *An baptismũ debeat præcedere chatechismus . insuper : An exorcismus , & utrũ efficacie alicuius sit . quantum ad primum , pro parte negativa arguunt quidam in hunc modum . vita doctrinam præcedere dicitur : at in baptismo spiritualis vita datur , & per chatechismum doctrina : non igitur baptismum præcedere debet . præterea : frustra exhibetur ei doctrina , qui doctrinæ capax minimè est : at paruulus sic se habet , non itaque baptismum chatechismus præcedere debet . In oppositum se habet Ecclesie consuetudo : propterea pro determinatione huius difficultatis videndum est primo , quid sit chatechismus , ex quo deinde , quòd quæritur apparebit . quantum ad primũ est sciendum :*

dam: quòd sicut in alijs doctrinis dantur communia quedam principia, quibus ignoratis, artem quoque ignorare necesse est: sic in Doctrina fidei, sunt quedam communia ad salutem necessaria, ut articuli Trinitatis: incarnationis: passionis: aduentus ad iudicium, alia verò subtiliora, ad que non omnes tenentur instrui: instructio ergo de communibus catechismus vocatur, & est circa fidei rudimenta, id est circa fidei generalia. hinc catechizare in disciplinis Christianæ fidei, nil aliud est, quam aliquem instruere in Christianæ Religionis rudimentis. & ita ex hoc patet secundum scilicet quòd congruè catechismus baptismum præcedat, quantum ad adultos, quia in baptismo fit obligatio ad observationem fidei, & eorū que ad fidē pertinent: quare instructione, & admonitione Adulti ad sacramenta fidei suscipienda inducendi, non cogendi. His ita positis, ad argumenta formata, quid dicendum de facili patebit: primum enim distinctione eget vita: nam vita duplex datur: una gratia, altera nature. hoc secundo modo potest cōcedi ratio prima: talis enim vita quamcunq; doctrinam præcedit. at loquendo de vita spiritali, & gratia, tunc dicendum: Doctrinam congruè huiusmodi gratiæ vitam posse præcedere: & ideo catechismus baptismū debet præcedere. ad secundum argumentum Respondetur: quòd quamvis de se puer doctrinæ non sit capax, obligari tamen potest ad ea, que sunt salutis per aliorum fidem, sicuti Ecclesia pro salute pueri accommodat ei cor alterius ad credendū. explicata prima questione, subsequitur altera, dum queritur: Vtrum exorcismus baptismum præcedere debeat, mihi primo aspectu videtur esse dicendū quòd non: nam causa prius expellenda, quàm effectus: at causa cur

*Demon*

Demon potestatem exerceat suam in hominibus dicitur peccatum: per prius ergo peccatum expellendum: & sic exorcismus baptismi præcedere minimè debet. insuper, si per exorcismum Dyabolus à paruulo expelleretur baptizando: aut hoc esset quantum ad corporalem effectum, aut spirituales: non primum, quia non omnis baptizandus est energuminus: non secundum, quia nullus per exorcismum liberatur à pena, nec à culpa: frustra igitur fit. In opusculum extat illud Celestini papæ, & habetur de consecr. dist. iiii. Cap. siue paruuli, siue iuuenes ad Regenerationis veniunt sacramentum, non fontem vitæ videant antequam exorcismis, & sufflationibus clericorum spiritus immundus ab his, abigatur. Pro dilucidatione huius difficultatis secunda, duo prænotanda: quorum primum quid sit exorcismus: est enim abiuratio, per quam Demonis potestas arceatur, ne baptizandum impediat à susceptione sacramenti. alterum exorcismi respicit effectum: qui dicitur remouere, impedimentum, quòd posset impedire à sacramenti susceptione: hinc sciendum: non posse dici sacramentum, quia non ordinatur ad culpæ expulsionem, & gratiæ collationem, sed sacramentale tantum. in quo quedam sunt, quorum virtus est solum in significando: quedam verò quorum est in efficiendo illa, quæ significant, si sint in factis absque verbis, ut sal in ore positum, & linitio narium, & aurium cum sputo: & unctio olei in pectore, & inter spatulas. primum significat discretiōnem diuinæ sapientiæ. secundum verò aptitudinem respectu fidei discends, & approbanda. His ita constitutis, ad rationes soluendas accedo, & ad primam dico: quòd quamuis Demonis potestas in hominem sit ex peccato primum parentum: nihilominus quia  
tantum

tantiū firmat adultos in malitia, & paruulum impedire à susceptione baptismi, in quo salus nostra procuratur: iccirco conuenienter prius per exorcismum Demonis potestas debilitatur, ut postea conuenientius salus paruulo detur. currit ergo ratio ab intrinseco, & hic nos loquimur ab extrinseco. ad secundum argumentum est dicendum: quòd per exorcismum Demon expellitur quātum ad corporalem effectum, non intrinsecum: quia non oportet baptizandum esse energuminum: sed extrinsecum: quia compescitur ne baptizandum à susceptione sacramenti impediatur. & hæc pro presenti.

## DE CONFIRMATIONE.

Distinctio 7.

Lectio XXXIX.

**E**X quo de sacramento intrantium, ut puta de baptismo ad aures Magistri Sent. determinauimus: consequens modo est aggredi sacramentum progredientium in via, scilicet confirmationis: circa quòd sacramentum sex per ordinem perpendemus. quidditatem confirmationis primo. materiam huius secundo. formam tertio. ministrum quarto. suscipientes quinto. efficaciam sexto. quo ad primum: sic finiri potest confirmatio. confirmatio est cōsignatio facta cū chrismate in fronte baptizati ab Episcopo, cum certa forma verborum ad audacter confitendum nomen Christi. ex qua diffinitione confirmationis materia potest patere: nam chrisma dicitur, in quo sunt duo, scilicet oleum oliuarum, & balsamus ex institutione Christi. cur autem chrisma huius sacramenti

mēti sit propria materia à Doctoribus talis assignari solet ratio. nam in chrisinate duo sunt, oleum, & balsamus, ut dictum, fuit: & istorum proprietates maximè huic sacramento conueniunt: quia oleum oliuarum est splendoris nutrimentum, ideo ponitur in lampade, ut possit durare. & iccirco oleum est signum maioris notitiæ luminis fidei, quàm præ alijs confirmatus debet habere: quia tenetur se expresse persecutoribus fidei obijcere, & fidem absque hoc, quod requiratur confiteri. balsamus autem ratione suæ fragrantia significat odorem bonæ famæ, & opinionis, quæ debet esse in confirmato. illud ergo est propria materia huius sacramenti, cuius proprietates maximè conueniunt effectui huius sacramenti: at olei, & balsami proprietates sic se habent respectu confirmationis: igitur, &c. Nunc de huius sacramenti forma verba faciamus: sunt enim verba, quæ Episcopus dicit, quādo crucem facit in fronte confirmandi, cum chrismate: quæ verba sunt ista. consignote signo crucis, & confirmo te chrismate salutis: in nomine Patris, & Filij, & Spiritus Sancti, Amen. post formam sequitur consideratio ministri huius sacramenti, qui dicitur solus Episcopus, cuius ratio talis: ut in politia corporali bene ordinata: ita suo modo debet esse in spiritali politia. sed sic est, quod in corporali politia bene ordinata promouere aliquem ad statum, & gradum excellentiæ super alios, ut V. g. facere militem pertinet ad illum, qui curam habet communitatis, ut puta Principem. quia ergo confirmatus per confirmationis sacramentum ponitur in statu excellentiæ super alios, quia confirmatus miles efficitur Christi: ideo conferre hoc sacramentum pertinet ad solum Episcopum. hinc maius baptismo dicitur hoc sacra-

mentum veneratione, licet baptismus plus valeat in peccatorum remissione. at dicetis: nonne huius sacramenti minister ab Episcopo poterit esse priuatus presbyter? Respondetur, quòd non, absq; auctoritate sibi delegata: vti factum fuit tempore Gregorij Papæ, qui necessitatis causa quibusdam Angliæ sacerdotibus commisit, quòd ungerent baptizatos in fronte, cum chrismate: & ita patet, quomodo possint esse presbyteri huius sacramenti ministri auctoritate sibi delegata. de suscipientibus præterea hoc sacramentum queso agamus: nam omnes baptizati, tam viri, quam mulieres hoc sacramentum confirmationis recipere debent. quid de pueris tenendum? Respondeo, quòd isti, cum usum rationis habere incipiunt, sunt confirmandi, quoniam tunc apti ad confitendum fidem Christi. effectus verò huius sacramenti tandem hic ponendi: datur enim in hoc Spiritus Sanctus, & robur ad audacter confitendum nomen, & fidem Christi. unde, nisi sit obex siue impedimentum ex parte suscipientis, noua gratia datur, vel antiqua augetur. insuper si bene, & dignè suscipiatur, peccata mortalia, & venialia oblita per ipsum dimittuntur. & hæc pro presenti.

## DE CONFIRMATIONE.

### Lectio XXXX.

**P**ost assignatā confirmationis descriptionem, altera hodierna die animaduersione digna, nobis à Gabriele sub. his verbis proponitur. confirmatio est unctio hominis viatoris baptizati, aliquantulum consentientis, vel ante susceptionem rationis  
*usum*



usum non habentis: facta in fronte, in figura crucis cum chrismate sanctificato, à ministro idoneo, simul cum debita intentione, certa verba proferente, ex institutione diuina significans vñctionē animæ, per gratiam roborantem, ad confitendum fiducialiter Christi fidem. Hec diffinitio causalis est, tangens materiam, ministrum, formam, suscipientem, modum, & finem. nam dum dicitur vñctio materia tangitur propinqua, & etiam confirmationis quidditas, confirmatio enim non est res permanens puta chrisma, sed operatio transiens, idest vñctio, seu actus ungendi in fronte. dicitur hominis baptizati, quia non baptizatus confirmari nō potest, nec ordinari, nec aliud sacramentum in operatione consistens suscipere: cum baptismus sit ianua, & fundamentum ceterorum sacramentorum, ut habetur de consecr. dist. iiii. dicitur aliquo modo consentientis, quia eodem consimiliter modo siquidem consensus requiritur in suscipiente sacramentum confirmationis, sicut in suscipiente baptismum. dicitur facta in fronte, ubi pars determinata corporis notatur, in qua si non fieret, confirmatio non esset. Nam vñctio, quæ fit in vertice, cū chrismate baptizato puero à sacerdote baptizante, confirmatio non est. in figura crucis, in signum, quod confirmatus minime erubescere debet Christi crucem confiteri, & absque timore. dicitur cum chrismate: nam si fieret, cum oleo sancto, aut oleo infirmorum non esset sacramentum, cuius principalis ratio diuina institutio. dicitur sanctificato: quia ut chrisma sit materia confirmationis requiritur, ut sit consecratum ab Episcopo. dicitur à ministro idoneo, ut est Episcopus, & solus talis aiunt quidam, alius tamen in casu necessitatis ab Episcopo poterit esse minister confirmationis,

cui Papa demandauit . Insuper dicitur , cum debita intentione ministri , quæ est uelle facere , quòd Ecclesia intendit : & sine debita intentione ministri non est sacramentum . dicitur certa uerba proferente , ubi forma huius sacramenti tangitur : quæ est : signo te signo crucis , confirmo te chrismate salutis , uel sanctificationis . in nomine Patris , &c . ubi tangitur huius sacramenti finis , ad quem fuit institutum , & est fidei Christiana confessio . conuenit præterea hoc sacramentum omnibus baptizati cuiuscunque fuerint sexus , ætatis , aut conditionis , ut in eis baptismalis gratia augeatur : quo maioris premij in beatitudine sint participes . conuenit etiam omnibus roborari ad ferendum persecutionem præsentem , uel futuram , quia omnes qui piè in Christo uiuere uolunt , persecutionem patiuntur . Nec mulieres excluduntur , quæ aptæ sunt ad spiritualem pugnam : nec pueri , licet ante usum rationis , rationis non sint in pugna : expectant tamen futuram : & ideo ante pugnam armari congruit . licet hoc sacramentum simpliciter ad salutem necessarium nõ sit , ut ait Scotus . his ita positis , supersunt consideratione dignæ conclusiones nonnullæ ponendæ : quarum prima hæc . non confirmatus alium ad confirmandum tenere non debet ; de consecr . dist . iiii . nam cum talis sit impotens ad standum , similiter impotens est ad alium tenendum , uel suscipiendum . altera conclusio . quilibet confirmatus potest non confirmatum tenere eiusdem , uel alterius sexus . excepto quòd uir uxorem suam , & uxor uirum suum tenere non potest , nec parens prolem : quia sic oriretur compaternitas inter coniuges . insuper nec plures unum tenere debent , ut in C . non plures de consecr . dist . iiii . sed unus unum hæc pro , & presenti .

LECTIONES LIB. QVARTI. 101  
AN CONFIRMATIO SIT SACRAMENTVM.  
Lectio XXXXI.

**C**Irca predeclaratam distinctionem aliquantisper immo-  
randum erit, ut cognoscamus: num dicta Magistri ve-  
ritati sint consona? queremus igitur primo: An confirma-  
tio sit sacramentum? insuper an conueniens huius sacramenti mate-  
ria sit christina? quantum ad primam difficultatem, videtur esse te-  
nendum: confirmationis sacramentū à baptismo minimè distingui:  
nam cui sacramento attribuitur actus credendi, eidē debet attribui  
confessio fidei: at hoc ascribitur baptismo, quia est sacramentum fi-  
dei, non igitur confirmationi: alioquin à baptismo non esset distin-  
cta confirmatio, & ita non esset sacramentum. insuper: si confir-  
matio sacramentum esset, cum omnia talia à diuina institutione vir-  
tutem habeant, & ipsa à Deo instituta fuisset: sed hoc non legitur:  
non ergo sacramentum. In oppositum se habet illud de Melchiade  
Papa, ut habetur de consecra. dist. iiii. Cap. de his verò. Scitote  
vtrunque esse magnum sacramentum, scilicet baptismum, & con-  
firmationem. Pro determinatione igitur huius primi quesiti, duo  
supponenda: quorum primum est: hoc sacramentum sicuti cetera  
nouæ legis sacramenta à Christo institutū. alterum est: simpliciter  
ad salutem esse necessarium, sed in casu: scilicet quando imminet  
persecutor, coram quo fides est confitenda. quòd autem simpliciter  
tale sacramentum ad salutem minimè sit necessarium patet exemplo  
puerorum: qui statim baptizati ante confirmationem si decedant  
saluantur: ergo. Nunc argumenta soluenda, & erit finis huius  
primæ

primæ difficultatis. primum itaque de baptismo concedi habet absolute loquendo, & tempore pacis: nam tunc fidem confiteri ad baptismum, ut fidei sacramentum pertinet. at tempore persecutionis, quando ex confessione imminet periculum mortis pertinet ad virtutem fortitudinis supposita fide, & ad hoc sufficit post baptismum ipsa confirmatio. ad secundum argumentum dicitur: quod hoc sacramentum fuit institutum à Christo: nec obstat, quod non legatur eius institutio: multa enim fecit Christus, quæ non sunt scripta, ut dicitur Io.xx. & hæc de prima questione. circa alteram est videndum: An chrisma sit huius sacramenti conueniens materia. primo aspectu videtur esse dicendum, quod non: quia ritus sacramentorum ab Apostolis nobis est traditus: at ipsi non leguntur confirmasse, cum chrismate: nõ ergo, &c. minor patet per illud Actuum. viii. per solam enim manuum impositionem confirmabant. præterea: sacramenta distincta in eadem non videntur communicare materia: at chrisma dicitur in sacramento ordinis materia, quatum ad Episcopalem consecrationem: non igitur materia in sacramento confirmationis. In oppositum se habent verba confirmationis, ex quibus materia conueniens colligitur: quare, &c. Pro dilucidatione huius difficultatis secundæ duo supponenda: quorum primum ad chrisma pertinet, quod conueniens materia huius sacramenti ponitur, ut ab Episcopo consecratum. alterum ad usum: nam usus est in consignatione frontis in modum crucis. His duobus præmissis, nunc ad rationes dicendum, & primo ad primam: quod Apostoli sine chrismate non confirmabant licet expresse hoc nõ habeatur in scriptura. vel dicatis: hoc potuisse fieri ex speciali gratia Dei, præter legem communem:

*communem: quòd Spiritus sanctus siue effectus confirmationis quibusdam daretur sine sacramento confirmationis. at secundum legem communem sacramenti: quòd sub signis visibilibus mediante chrismate confirmationem Apostoli darent non negandum. ad secundũ argumentum debet responderi: quòd rerum distinctio sit ex parte formæ non materiæ sumenda: Actus enim principaliter separat, & distinguit: & ideo nihil prohibet, eandẽ esse materiam in diuersis sacramentis, cũ verborum forma distincta: & sic est de chrismate in confirmatione, & ordine: quia ipsi adduntur formæ diuersæ.*

AN QVIS NON ORDINATVS CONFIRMATIONIS SACRAMENTVM  
CONFERRE POSSIT.

Lectio XXXXII.

**D**Ecreui pro maiori intelligentia eorum, quæ in textu Magistri posita sunt, in presenti meo sermone duo alia quesita proponere: quorum primum: *An quis non ordinatus confirmationis sacramentum valeat conferre? insuper: An ab Episcopo de mandato Papæ ab alio tale sacramentum possit conferri? quantum ad primum: ad partem affirmatiuam declinando sic audeo ratiocinari: perfectũ illud est, quòd sibi simile facere potest: igitur perfectè confirmatus alios poterit confirmare, licet non sit ordinatus. deinde, qui potest maius, poterit quoque, & minus: at Eucharistiæ sacramentum maius est, & perfectius: ergo simplex sacerdos, qui potest Eucharistiæ sacramentum conficere, non secus, & confir-*

confirmationis sacramentum conferre. In oppositum arguitur, quia tempore Apostolorum nō leguntur aliqui confirmasse, nisi soli Apostoli, ut in Actibus Apost. legitur: igitur tempore moderno nulli poterunt confirmare, nisi illi, qui in Apostolorum successerunt locum: at tales sunt Episcopi: ergo soli ipsi confirmare poterunt. Pro determinatione huius quesiti, est supponendum unū omnibus clarum: videlicet, quod solis Episcopis ex officio confirmare competat: primo quia scriptura concordat: secundo ex determinatione Ecclesie, quæ habetur de cōsecr. dist. 5. Cap. manus. Et in litera tangitur à Magistro: tertio ex probabili ratione. Nunc ad rationes formatas duas respondendum, Et ad primam, primo sic: quod in agentibus naturalibus, Et uniuocis signum perfectionis est, sibi simile facere. in agentibus verò per artem signū perfectionis artis est, quando aliquis illud facit, quod per artem facere disponit; in agentibus autem equiuocis non esset perfectionis facere sibi simile: quia agens equiuocum sui effectus speciem excedit: minister autem sacramentorum nō est agens naturaliter: sed per artem respectu eorum, quæ exterius subiacent suo ministerio: nam interiorē effectum solus Deus principaliter facit: Et ideo perfectus minister ille est, qui perfectē ea facit, quæ ad suum ministerium pertinent, Et nō ex eo, quod sibi simile facit, vel aliter dicatis: illud esse perfectum, quod sibi simile facere possit in his, quæ à natura specifica pendent: quod in proposito minimè venit. ad secundum argumentū dicitur: quod maior propositio vera est, quando minus includitur in maiori: tunc qui potest maius, dicitur quoque posse minus: at quando maius, Et minus sunt totaliter disperata, uti est in proposito, nō oportet, quod ille



ille, qui maius potest possit, & minus, & hæc de prima questione. circa alteram modo versemur, cognoscendi gratia: num de mandato Papæ ab Episcopo quis alius confirmationis sacramentum possit conferre. mihi sane, quòd sic apparet. nam de mandato Papæ, presbyteri cardinales conferunt ord. nes minores: ergo, & confirmare poterunt: patet consequentia: quia illud est maius isto. præterea in litera Magister dicit: quòd Greg. commisit simplicibus sacerdotibus, ut in Episcoporum absentia possent confirmare: hoc autem non fecisset, nisi facere potuisset: igitur, &c. Pro dilucidatione huius difficultatis secunde supponendum est primo: ad solos ex ordine pertinere Episcopos confirmare. quo stante ad rationes tunc respondendum, & primo ad primam sic: per non esse simile de minoribus ordinibus, qui non sunt sacramenta, sed sacramentalia: at confirmatio sacramentum est: quare, &c. ad illud Greg. sicut alias dicendum, quòd sic: nam Papa plenitudinis potestatem habet. & hæc de pollicitis.

## DE SACRAMENTO ALTARIS.

Distinctio 8.

Lectio XXXIII.

**D**E duobus hætenus sacramentis verba fecimus, scilicet de baptismo, quo regeneramur: insuper de cōfirmatione, qua roboramur: cōsequenter modo agendum erit de Eucharistia sacramēto, quò & nutrimur, & in bono consummamur. his paucis habita continuatione verbis presentis distinctionis, una

cum intentione cū superioribus : nunc in quot partes diuidi habeat hæc distinctio, queso silentio non inuoluamus : mihi etenim in quatuor, quòd secari possit apparet. in quarum prima, quòd quid est Eucharistia ponitur. in altera institutio declaratur. in tertia forma detegitur : in quarta notandum. circa primum : solet ita finire hoc sacramentum. Eucharistia est sacramentum corporis, & sanguinis Christi contentum, sub speciebus panis, & vini, virtute uerborum à sacerdote prolatorum. & dicitur Eucharistia ab ea, quòd est bonum, & charis, quòd est gratia, quia in illa continetur ille, qui est fons gratia, scilicet Christus, de cuius plenitudine gratia pro gratia accepimus. cuius excellencia quanta sit, de facili comparatiue ad illud antiquum manna apparebit : octo enim modis manna excedit. primo quia in hoc sacramento ille continetur, & sumitur, qui non solum est augmentum gratia, & virtutis, sed totius gratia fons, & origo est : quòd nunquam fuit in manna. secundo quia Eucharistia spiritualiter reficit : at illud manna antiquum corporaliter solum. tertio quia illi, qui panem illum manducauerunt mortui sunt : iste uerò panis, qui de celo descendit, se manducantibus uitam in æternum tribuit. quarto manna illud de celo : hoc super celum. quinto illud manna erat celi : hoc Deus celorum : nam qui de celo uenit super omnes est. sexto illud manna scaturrebat in alterum diem reſeruatum : hoc ab omni corruptione alienum : quicumque enim religioſe gustauerit, corruptionem non videbit. septimo illud manna datum fuit antiquis post transitum maris rubri, ubi submersis Egyptijs Hebrei sunt liberati : hoc celeſte manna, scilicet Christi corpus non nisi renatis per baptisum debet preſtari : octauo

ille

ille corporalis panis populum antiquum de terra promissionis per desertum eduxit : hec celestis esca fideles huius seculi desertum transientes in celum subuehit. unde rectè viaticum appellatur, quia in viam nos reficiens ad Patriam deducit. Et hec de quidditate, nec non sublimitate huius sacramenti in hoc secto primo nostri sermonis dicta sint satis. in altero tangitur institutio : institutum enim fuisse à Christo docet Magister in textu : quando ipse Christus corpus suum, Et sanguinem suis in cena porrexit discipulis, post esum agni Paschalis, tempore quo corporalem presentiam subtrahaturus erat discipulis. Et hec de secto secundo. in tertio huius sacramenti exprimitur forma, quæ talis ex parte corporis. Hoc est corpus meum: ex parte verò sanguinis dicitur esse talis. Hic est sanguis meus. quibus verbis prolatis, conuersio fit statim panis, Et vini in substantiam corporis, Et Christi sanguinis. cetera verò, quæ in missa dicuntur, ad Dei laudem proferuntur, Et per ea fit oratio pro populo, Et principibus. unde non sunt nisi laudes, obsecrationes, Et fidelium petitiones. at ex dictis dubitabitis dicentes : cur Christus post esum Agni Paschalis corpus suum tradidit discipulis, Et mos iste non seruatur à nobis? Respondetur hoc factum fuisse maximè ad denotandum finem legalium veteris legis : insuper ut memoria discipulorum hoc insingeretur sacrificium institutum ob suæ passionis ( loquor de Christo ) perpetuam memoriam. insuper ob suæ eximia charitatis indicium. præterea propter Ecclesiæ consolationem. ulterius propter nostram subuentionem : ut huius virtute sacramenti à vitijs purgemur : gratia impinguemur, in via confortemur, tandem ad gloriam, ut perducamur. quicquid enim corporalis facit cibus in

carne manducantis, hoc efficit cibus iste spiritualis in anima communicantis. hæ sunt ergo rationes, cur hoc post esum Agni Paschalis sit à Christo institutum: qualiter verò de cetero sumendum esset, discipulis ille reliquit, à quo institutum fuit, ut scilicet propter huius sacramenti reuerentiam, cibus iste prius quam alij cibi in os intret. ieiuno ergo stomacho hostia sacra sumenda. his tribus sectis quartū additur: ubi notandum de tribus in hoc sacramento consideratione dignis tale habetur. in hoc sacramento res inuenitur: sacramētum: & res, & sacramentum simul: quæ tria distinguenda. nam sacramētū dicitur species visibilis sub forma panis, & vini. Res verò huius sacramenti est gemina natura cōtenta, & signata: ut corpus Christi verum, quòd de Virgine traxit: & sanguis quem pro nobis fudit. alia verò signata, & non contenta, ut corpus Christi mysticum, quòd est unitas Ecclesiæ. ex quibus habet concludi: quòd in hoc sacramento tria inueniuntur distinguenda: vnum quòd est sacramentum tantum: ut species visibilis, & vinum, & panis. aliud, quòd est sacramentum, & res: ut caro Christi vera, & sanguis verus. tertium, quòd est res, sed non sacramentum: ut corpus Christi mysticum. Primum est sacramētum gemina rei, scilicet corporis Christi veri, & mystici, quia utranque rem significat, & utriusque rei expressam similitudinem gerit. secundum verò, scilicet corpus Christi verum, est res gemini sacramēti, scilicet speciei panis, & vini, & corporis Christi veri. tertium, ultimum res vnius sacramenti, & sacramentum vnius rei. & hæc pro presenti.

LECTIONES LIB. QVARTI. 109  
DE EVCHARISTIA.  
Lectio XXXXIII.

**V**ersabor hodierna die circa sacramentum Eucharistiæ, ut magis clarè, quæ in precedenti sermone tacta fuerat, vobis nota fiant. Eucharistia ergo, ut rem aggrediar, græca dictio est, & idem est, quod bona gratia. & (ut ait Aug. in sermone de sacramento altaris) Eucharistia est oblatio benedicta, per quam benedicimur, ascripta, per quã omnes in cælo ascribimur, rata, per quam in visceribus, Christi censetur, rationalis, per quã à bestiali sensu exuimur, acceptabilis, ut qui nobis displicemus per eam acceptabiles eius unico filio simus. & finiri solet à quibusdam alijs in hunc modum dicentibus. Eucharistia est species panis, vel vini, corpus Christi, & sanguinem virtute sacerdotalis consecrationis, verè & realiter continens. dicitur species, per quòd intelliguntur accidentia sensibilia, color, sapor, odor, humor, calor, pondus, & similia. & additur panis, vel vini, quia sub eis, vel alijs, quibus illa successerunt, fuit substantia panis, & vini. insuper dicitur corpus Christi, & sanguinem realiter continens, & in hoc includitur materia, forma, intentio requisita ad esse, vel fieri huius sacramenti. nam quicquid horum deficit, non continetur realiter corpus Christi, & sanguis. continet autem hoc sacramentum veraciter, & realiter sanctitatis authorem: hinc secundum Ricardum inter alia sacramenta est altissimum. & corpus Christi est sacramentum verum, & res: scilicet respectu speciei panis, & sacramentum respectu corporis Christi mystici. dicitur etiam panis, vel vini disiunctim,

d<sup>i</sup>sc<sup>i</sup>ntim, non copulatim, quia tam species panis sine speciebus  
vini, quàm vinum sine speciebus panis, sunt Eucharistia, quoniam  
utroque totum continent Christum, etiam coniunctim, non plus  
continent, quàm altera sola. hinc secundum Scotum: alia in signi-  
ficando, in significato, in continendo, & continendi modo excedit  
hoc sacramentum. in significando, quia alijs sacramenti certius signi-  
ficat. alia enim certe significant quantum est ex se, tamen quandoq;  
non habent effectum propter indispositionem suscipientis. istud autem  
nunquam suo significato caret, scilicet presentia corporis Christi,  
nec impediri potest per malitiam consecrantis, neque per indisposi-  
tionem suscipientis: nam habet suum effectum, non solum in suscipi-  
ente, sed extra in speciebus illis in pixide reservatis. In significato,  
quia alia gratiam significant accidentalem, & creatam, istud signi-  
ficat gratiam substantialem increatam, & gratia ceterorum sacra-  
mentorum creatricem, quia Christum gratiarum fontem. in conti-  
nendo, quia alia sacramenta non continent, quòd significant, quia  
gratia non est formaliter in ceteris sacramentis, sed bene in susci-  
pi-entibus sacramenta; istud autem in se realiter gratiam continet sub-  
stantialem, quam significat. in modo continendi, quia cetera sacra-  
menta non continent gratiam, nisi in usu: at hoc etiam ante usum.  
in hoc autem sacramento actus tres sunt, ut Brulefer scribit. Primus  
consecratio. secundus est ipsum sacramentum. tertius est ipsius per-  
ceptio. consecratio est quidam actus praeuius sacramentalis ad ipsum  
sacramentum, & sunt verba necessaria ad consecrationem. unde  
dicitur aliud à sacramento, quia transit, at sacramentum remanet.  
insuper quia non continent realiter Christum, & ideo aliud à sa-  
cramento



ramento. quo ad secundum ipse species dicuntur sacramentum, scilicet albedo, & rotunditas, quia prius erant informantia panem, & post consecrationem illa eadem remanent in sacramento Eucharistiae. Perceptio deinde dicitur quidam actus sacramenti, qui via est ad hoc, qđ corpus Christi sumatur à fidelibus: & ipsi, Christo uniantur, incorporenturue, ut membra capiti: digne enim suscipientes Christo, & toti uniuntur Trinitati. at dicetis: unum ne sacramentum hoc debet dici? Respondetur, quòd sic: nam est unum ratione signi, & causae. unum ratione animae, quae una perficitur refectione. unum quia ab alijs diuisum, & distinctum. unū quia ad unum ordinatum, & idem prefigurandum. unum quia ibi principaliter ratio boni. unū, quòd dicitur sacrificium, vel hostia, quia fuit simpliciter institutū in memoriam summi sacrificij in cruce pro omnibus oblato, & per ipsum iterum: filius Patri offertur, & sacrificij fructus suscipienti applicatur. & quia omnia sacrificia praecellit corpus, & Christi sanguis: ideo solet dici per antonomasiam, & excellentiam sinaxis, id est communio, quia per ipsum communicant omnes fideles sumentes in eadem gratia specie, & numero, quia ab omnibus idem Christus numero sumitur. dicitur, & viaticum, quo ad finem in Patria ad quem perducit. dicitur cibus, quatenus principaliter datur transeuntibus ex hoc mundo ad Patriam, ut confortans, & ad Dei beatitudinis montem deducens, est ergo viatorum cibus. est etiam cōmunio quia unit nos ipsi Christo, & unit nos inter nos ipsos, tanquam membra Capiti Christo inuicem. praeter illa nomina, habet haec propria, quibus dicitur panis vitae. dicitur panis Angelorum. quatenus continet Christum, qui

est beatitudo Angelorum, nec Angeli manducant corpus Christi spiritualiter, quia sacramentum non manducant: manducare enim sacramentum non conuenit Angelis, neque secundum naturam propriam, neque in corpore assumpto, cum manducare sit actus animae vegetatiuae, quem Angelus exercere potest minimè. si verò manducare sumatur, ut dicit unionem tantū cum Christo per gratiam, hoc modo Angeli manducant Christum, siue hoc sacramentū manducare dicuntur. multo plura forent dicenda, at pro presenti hæc pauca sufficiant.

## DE QVADRVPLICI PRAEFIGVRATIONE

### HVIVS SACRAMENTI.

#### Lectio XXXXV.

**E**X quo satis abundè, de quòd quid est sacramenti Eucharistiae verba fecimus in proximo præterito nostro sermone: consequens modo est de quadruplici huius sacramentifiguratione determinare. habebit ergo præsens sermo secta quatuor correspondentia figuris quatuor, hoc nobilissimum sacramentum representantibus. Et ut rem aggrediamur, prima figura Eucharistiae sacramentum significans dicitur fuisse agnus Paschalis ratione contenti: agnus etenim Paschalis rem in hoc sacramento contentam significat, idest Christi innocentiam, qui absque omni macula fuit. ad cuius euidentiam duo sunt notanda: modus, scilicet immolationis, Et commestionis. quo ad primum agni Paschalis immolatio Christi immolationem significat, iuxta illud Pauli ad Chor. V.

Pascha

*Pascha nostrum immolatus est Christus. quantum ad secundum  
 precipiebatur, ut agnus Paschalis in Domo comederetur: in signū  
 quod hoc sacramentum in Domo, idest in Ecclesia catholicorum  
 sit comedendum. insuper caro agni Paschalis comedebatur cum la-  
 ctucis agrestibus, quæ sunt multum amaræ: ad significandū, quod  
 Christi corpus debeat sumi cum penitentia, & peccatorum amari-  
 tudine, quæ multum hoc sacramentum sumentibus est necessaria:  
 altera figura sacramēti Eucharistie præcessit in manna, quod Deus  
 patribus pluit in deserto. at dicetis: quæ conuenientia erat inter  
 Christum, & manna? audite queso. manna de cælo dabatur, ut  
 in Psal. habetur. panem de cælo dedit eis: & Christus de se ait:  
 exiui à patre, & veni in mundum. insuper manna minutum erat,  
 atq; subtile: sic Christus secundum naturam diuinitatis ita subtilis,  
 ut nullo modo valeat comprehendi, nec quo ad generationem, nec  
 quantum ad cognitionem, neque quantum ad progressionem. exem-  
 plum primi, generationem eius quis enarrabit? exemplum secundi:  
 non videbit me homo, & viuet. exemplum tertij quando de utero  
 virginali est egressus, & quando ad discipulos ianuis clausis intra-  
 uit. tertio manna candidum erat, & album, sic Christi caro adeo  
 candida fuit, ut in ea macula nulla fuerit, iuxta illud Pet. qui pec-  
 catum non fecit. quarto manna mellis dulcedinem habebat: sic de  
 Christo legitur Canti. v. comedi fauum, cum melle meo: nā fauus  
 est mel in cera, & mel diuinitatis fuit in cera humanitatis in Chri-  
 sto: Lucæ xxiiii. Obtulerunt ei partem piscis assi, & fauum mellis.  
 nonne in Christo mellis dulcedo apparebat, cū dicebat: dimittuntur  
 ei peccata multa. insuper apud Matheum; tollite iugum meum super  
 P  
 vos,*

vos, & inuenietis requiem animabus vestris, iugum enim meum  
 suauē est, & c. quinto manna sapiebat in ore cuiuslibet, quod appe-  
 tebat, desiderabat, & delectabat. In Psal. gustate, & videte,  
 quoniam suavis est Dominus. Sexto manna indurabatur ad ignem,  
 & liquescebat ad solem: sic Christus per ignem diuinitatis existen-  
 tem in ipso, quia habitabat in eo diuinitatis plenitudo corporaliter,  
 ut Apost. dicit, roborabatur, & firmabatur in humanitate. unde  
 ipse dicebat: qui me misit mecum est, & non reliquit me solum.  
 rursus: Dominus mecum est tanquam bellator fortis. secundo lique-  
 scebat ad solem persecutionis. unde Canti. decolorauit me sol. & in  
 passione infirmabatur dicens: tristis est anima mea usq; ad mortē.  
 nonne liquecebat, cum factus in agonia prolixius orabat? septimo.  
 manna sexta die duplum collegerunt, scilicet cibos duplices: sic  
 Christus sexta etate accipitur duplicatus, quia Deus, & homo.  
 iuxta illud verbum caro factum est. octauo. manna in alterum diem  
 reſeruatum vermibus scatuebat: ita, si quis Christum contra Dei  
 mandatum sumit, & abscondit, ut aliter de eius diuinitate, seu hu-  
 manitate sentiat, quā veritas habet, vermibus scatet, id est penam  
 eternam generabit. Nono. nec qui plus colligebat, amplius habebat:  
 nec qui minus parauerat, minus reperiēbat: ita in proposito de cor-  
 pore Christi dicendum. Nam sumit unus, sumunt mille, quantum  
 isti, tantum ille, nec sumptus consumitur, & hæc de secunda figura  
 huius sacramenti, quantum ad proprietates in manna, & sacramen-  
 to isto repertas. tertia figura sacramenti Eucharistie fuit oblatio,  
 quam Melchisedech Rex fecit Abraæ de prælio reuertenti, cui pa-  
 nem, & vinum obtulit, quæ duo huius sacramenti figura fuerunt  
 sanguis,

sanguis, & aqua fluentes de latere Christi patientis in cruce. nam Christus per sanguinem redemptionis, & aquam ablutionis nos redimere à Diabolo venit, & à peccato. at dicetis: quo modo sanguis qui de latere Christi, exijt, signum huius sacramenti dici debuit, cum utrobique sit idem, & nihil sit signum sui ipsius. Respondetur ad hoc duobus modis: primo: quòd idē sub utraque specie manens sui ipsius non potest esse signum: bene secundum, quòd est in una specie, suimet ipsius signum poterit esse secundū, quòd in alia specie: ut in proposito euenit. quia sanguis, & aqua, quæ de latere Christi fluxerunt in specie propria Christi sanguinem significant velatum in aliena specie, ut est in sacramento altaris. secundo dicitur: quòd Christi sanguis, prout est in sacramento altaris, representatiuus est, vel demonstratiuus sanguinis, prout de Christi latere fluxit: licet tunc sanguis ille fuerit visibilis corporaliter: erat tamen figura eiusdem secundū, quòd inuisibilis spiritualiter sub velamine sacramenti cōtinetur. & hæc satis de huius sacramēti quatuor figuris dicta sint.

## DE HVIVS SACRAMENTI INSTITVTIONE.

### Lectio XXXVI.

**C**irca Eucharistia sacramentum adhuc nobis duo consideratione digna occurrunt. primum quorum temporis, quo institui debuit hoc sacramentum congruitatem respicit. alterum verò causam institutionis quadruplicem. ad evidentiam primi est sciendum: tempore legis naturæ institui non debuisse, nec tempore legis scriptæ, sed tempore legis gratiæ. primum patet: quia

post ligni vetiti esum, in carnem non est statim missum verbum: non igitur debuit in statu legis nature institui hoc sacramentum, nec tempore legis scriptę: quia Lex illa erat timoris, non amoris: quare, &c. debuit itaque tempore legis gratia sacramentum institui Eucharistia, scilicet post aduentum Christi in carnem, & non ante. at dicetis: si solū tempore legis gratia institui debuit hoc sacramentum: quo tempore, vel qua hora illius temporis? Respondeo, quod non debuit à principio Christi prædicationis institui: nec tempore. Resurrectionis: nec tempore ascensionis: sed in cena imminente tempore passionis. quod non debuerit in principio Christi prædicationis institui patet, quia quando prædicare incepit, tanti mysterij non erant Apostoli capaces. quare eis in fine hoc proponendum fuit. nec tempore Resurrectionis institui debuit, cuius ratio assignatur: quia tunc cum discipulis, ut Dominus, & quasi extraneus Christus fuit: at ante passionem, quasi socius, & eis amicus: ideo congruebat; quod eis signa relinqueret amoris, tempore suę passionis: non post ergo Resurr. etc. debuit. nec tempore ascensionis: quia recessus Domini in ascensione, transitus Domini ad gloriam fuit. solū ergo in cena institui debuit: primo propter corporalis presentia terminationem: nam non videbatur conueniens, ut simul in corporali presentia, et sacramentali haberetur. insuper propter veteris sacrificij terminationem, ne simul umbra, & veritas esse viderentur. tertio propter passionis representationem. quarto propter maiorem memorię commendationem. & hæc de primo puncto. in altero tangitur causa quadruplex institutionis huius sacramenti. prima dicitur esse mortis Christi commemoratio. quotiescunque enim manduca-

bitis



bitis panem hunc, & calicem Domini bibetis, mortem Domini annuntiabit. Secunda causa vitalis cibi ministratio, contra cibum illum primorum parentum. de cibo autē isto dicitur Io. vi. quicumque manducauerit ex hoc pane viuet in aeternum. tertia causa ad gustum diuinitatis inuitatio: instituit enim diuina sapientia sui corporis, & sanguinis sacramentum, vt nos inuitaret, & alliceret ad suae diuinitatis gustū, vnde Psal. dicit: gustate, & videte, quoniam suauis est Dominus. quarta causa institutionis huius sacramenti fuit, criminis quotidiani remissio. vnde Innocentius sic ait. dedit nobis Dominus hoc sacramentum salutis, vt quia nos quotidie peccamus, & ipse iam mori non potest: per hoc sacramentum, quod in eius memoriam mortis accipimus, remissionem peccatorum quotidie consequamur. & haec de pollicitis.

## DE MATERIA EVCHARISTSIAE.

### Lectio XXXXVII.

**L**oquuturus de materia Eucharistiae, quae duplex est, scilicet panis, & vinum, rationem assignabo, quare. haec duo sint huius sacramenti materia. quoniam ergo istud sacramentum ad spirituales nutritionem ordinatur. Nunc autem corporalis nutritio consistere dicitur in cibo, & potu corporalibus: & panis cibi rationem maxime habet, & vinum rationē potus: iccirco nutritio spiritualis in cibo, & potu spiritualibus consistit. & ideo in sacramento isto datur Christi corpus sub specie panis in cibum: & sanguis Christi sub specie vini in potum. vnde ita, dicit ipsemet Christus.

stus. caro mea verè est cibus, & sanguis meus verè est potus. sciendum autem est: quòd panis, qui est materia huius sacramenti, debet esse de tritico, aqua elementalì confectus. Panis, non pasta, in qua hoc sacramentum confici minimè potest. panis de tritico, quia in alio pane sicut de siligine, vel hordeo, vel de alio quocunque grano non debet celebrari missa; de aqua elementalì confectus Panis, ad excludendum omnem alium liquorem, siue aquam artificialem. insuper panis, ut hic loquimur, azimus esse debet, non fermentatus, licet ex vi sacramenti in pane fermentato posset confici. at dicetis: si Romana Ecclesia ex institutione Christi conficit in azimo: cur ergo quodam tempore confecit in fermentato? Leo Papa sic dicit: imminente hæresi Hebronitarum dicentium simul, cum Evangelio legalia observanda: sancti Patres ne consentire viderentur, voluerunt ad tempus instinctu spiritus sancti, ex fermento hoc confici sacramentum. cessante verò illa hæresi, postea Romana Ecclesia ad morem pristinum rediit, & semper in azimo confecit. & hæc de materia respectu corporis. nunc fiat sermo de vino per comparisonem ad sanguinem: debet enim esse vinum de vite: quia in alio vino, scilicet malorum granatorum, vel in quocunque alio vino celebrari non potest, nec in agresta, nec in aceto, quod sit omnino acetum: quia in vino aliquantulum acetofo posset consecrari, licet non deberet, qui aliud vinum habere posset. Ratio autem, cur hæc duo ponantur huius sacramenti materia, fuit institutio Christi, nec non comparatio. nam se grano tritici comparavit: non secus se vino, dum apud Io. dixit: ego sum vitis vera, &c. materia igitur consecrationis corporis Christi de tritico panis. materia verò sanguinis, id est consecrationis san-

nis sanguinis Christi, vinū de vite, ob proprietates, quas habet vinum. nam nutritiuum est: sic Christi sanguis spirituales vitam, & alimentum bene dispositis confert. insuper vinum est curatiuum, si sumatur secundum, quod expedit: sic caro, & Christi sanguis Luca xi. virtus de illo exibat, & sanabat omnes. vinum præterea calefactiuum, & in frigidatiuum, est: sic caro, & sanguis Christi spiritualiter corda frigida calefacit: quia secundum Damascenum Christus, vel sanguis eius, vel calor carbo diuinus. vnde Psal. nec est, qui se abscondat à calore eius; in frigidat quoq; calida. nam Eucharistia effectus est, mirabiliter concupiscentiæ feruorē diminueret. ulterius vinum dicitur lætificatiuum, & hoc ratione, qua dulce est. vnde in Psal. dicitur: & vinum lætificet cor hominis. insuper confortatiuum est. nā vinum ratione, qua odoriferum, & calidum, cor hominis, & omnia membra confortat, & roborat: audaciam tribuit: laborem, & dolorem sentire nō permittit, sic iste spiritualis cibus, & potus, scilicet caro, & Christi sanguis animam roborat, & confortat, eo quia eam subsistere, resistere: incedere: & perungere facit. primo facit eam subsistere, quia mentem illuminat, & fortificat, ne in peccatum cadat. secundo eam facit tentationis Demonis resistere, ne scilicet Demon præualeat, sed potius timeat, & succumbat de eo, qui dignè communicauit, eo quia Deus in anima communicantis existit. tertio corpus, & Christi sanguis animam facit incedere, in quantum ad melius operandum inducit, fortitudinemq; tribuit. quarto facit eam perungere. nam anima, qua secū cibum habet istum, & potum, scilicet carnē, & Christi sanguinem, tunc Christi contemplatur diuinitatem, & humanitatem: nec non

penas,

*genes, quas ipse Christus in sua passione, & cruce sustinuit, & amorem summum, quo se nobis in cibo dare voluit. denique vini proprietas dicitur esse talis: ut desiderium, et appetitum prouocet nostrum: est ergo vinum prouocatiuum desiderij, et appetitus. ita hoc sacramentum, ut Eccl. xxiii. habetur. Qui edunt me adhuc esurient, et qui bibunt me adhuc sitient. hec intantum.*

## DE EUCHARISTIAE FORMA.

### Lectio XXXXVIII.

**S**acramentorum omnium forma in certis, ac determinatis solent consistere verbis: et ideo sacramenti Eucharistiae in aliquibus. limitatis verbis forma consistit. ad sciendum itaque in quibus verbis consistat, scire debetis: in missa quaedam esse verba de solennitate tantum, & quaedam de necessitate. verba de solennitate, solum faciunt ad ornatum, & ad quandam missae decorem, ut sunt prose, & aliqui versus, qui infra Gloriam in excelsis Deo, & infra Sanctus, & infra Agnus Dei dicuntur. verba verò de necessitate illa: quae directè sunt de officio missae. Hic tamen notandum: duplicem dari necessitatem, præcepti scilicet, & sacramenti. de necessitate præcepti omnia verba illa dicuntur, quae à beato Petro Apostolo, & ab alijs summis Pontificibus successoribus suis instituta sunt dici in missa. de necessitate autem sacramenti illa verba sunt, quae Christus in cena protulit, quando sacramentum istud instituit. cum ergo secundum Philosophum forma sit illa, quae dat esse rei, & sine qua res esse non potest, hinc manifestum est: quod illa sola verba,

quae

quæ sunt de sacramenti necessitate, sunt huius sacramenti forma. V. g. ex parte consecrationis ista: Hoc est enim corpus meum, sed hic sciendum, quod illa coniunctio enim non dicitur de necessitate consecrationis, at solum de necessitate consecrantis, quia ea etiam voluntariè ommissa, est consecratio vera, licet consecrans grauitèr peccet, formam Ecclesie ex certa scientia quia mutat. subtilissimus Doctor Scotus, & sectatores eius inquirunt: aliqua verba debere præcedere pro integritate formæ, quæ sunt: Qui pridie, &c. inclusiue vsque ad illum locum: simili modo exclusiue, quæ necessaria ad formam consecrationis sunt: & ratio, quæ grauissimus iste Doctor ad hoc tenendū mouetur, est: quia consecrans verba consecrationis in Christi persona profert. oportet igitur, quod aliqua verba consecrationis præcedant, per quæ monstretur, quod sacerdos in Christi persona loquatur. ista autem verba sunt illa: Qui pridie quàm pateretur, &c. debent ergo præcedere huiusmodi verba: Hoc est enim corpus meum. quidam alij de sacramenti necessitate quatuor tantum esse verba dicunt. V. g. Hoc est corpus meum: alia verò de necessitate præcepti: & ratio assignatur ab istis. nam videtur sufficere sacerdotis intentio intendentis in Christi persona loqui, quòd fit, dum dicitur: Hoc est enim corpus meum: quare videtur consecrationis forma in his quatuor consistere verbis: Hoc est corpus meum. quid autem hoc pronomen demonstret, cum dicitur: Hoc est corpus meum, non leuis dubitatio est. ego verò supponendo id, quod dicit Scotus, quædam verba debere præcedere presentia, ut hæc dicta fuisse à Christo intelligantur, horum verborum sensum: Hoc est enim corpus meum sic exponam. Hoc quod sub illis specie-

bus continetur est corpus meum, sed non ante prolationem ultima syllabæ. vera igitur, & perfecta tunc dicitur esse oratio in animo auditoris perfectum generans sensum post prolationem ultima syllabæ: quare quousque tota oratio fuerit prolata de eius veritate non iudicandum. & hæc de forma consecrationis specierum panis. nunc agendum de forma specierum vini, circa quam duplex est opinio. una dicit formam hanc consistere in his verbis: Hic est enim calix sanguinis mei, novi, & æterni testamenti mysterium fidei, qui pro vobis, & pro multis effundetur in remissionem peccatorum. ita quod verba ista sunt de essentia forma, & qui aliquod istorum dimitteret, nihil faceret, & ratio assignatur: quia de integritate, &c. Henricus de gandauo, & sui sequaces dicunt: quod in istis verbis tantum, Hic est sanguinis mei, consistit forma consecrationis specierum vini: & tunc istis verbis dictis, ibi statim est Christi sanguis. alia verò verba: quæ sequuntur, scilicet æterni, & novi testamenti, &c. secundum istos non dicuntur de essentia forma, nec de necessitate sacramenti, sed solum de necessitate præcepti. quæ autem harum opinionum verior, do vobis iudicandum. nam prima communior, nec non tutior. altera verò instantias pati solet quasdam, inter quas hæc una sit. Si forma illa foret consecrationis specierum vini, ut Henricus dicit: tunc sacerdos populo in missa Christi sanguinem adorandum illis paucis prolatis verbis ostenderet: at non eleuat calicem statim dictis his verbis quousque compleuerit omnia verba usque ad remissionem peccatorum: quare, &c. insuper: Ambr. qui unus est de quatuor Doctoribus principalibus Ecclesiæ in missali suo formas sacramentorum omnium literis aureis scripsit: & in eodem omnia



nia verba predicta: igitur de intentione Ambr. fuit: quod omnia verba predicta sint forma cōsecrationis specierum vini. at dicetis: cum sit unum Eucharistia sacramentum, cur duas habet formas? Respondetur: quod quamuis dua sint formae partiales, una tamen est integralis, & una forma, quia unum est sacramentum, & una cōsecratio, licet dua sint formae earum cōsecrationum. & hęc pro presenti.

DE MINISTRO HVIVS SACRAMENTI.  
Lectio XXXXVIII.

**V** T iter prosequamur nostram, cum hactenus verba fecerimus de sacramento Eucharistia, nec non de materia eiusdem, & de forma, consequenter nunc loquendum de ministro. est enim minister huius sacramenti sacerdos ritè, & legitime ordinatus, qui potest, & missam celebrare debet, sine mortali peccato existens, & cui non sit prohibitum celebrare missam. dico qui potest, & debet: quia multi possent, qui celebrare non debent, ut sacerdotes heretici, vel excommunicati, vel scismatici, vel degradati. dico etiam ritè, & legitime ordinatus, ita ut nil omiserit, quod esset de ordinis essentia. dico insuper sine peccato mortali: nullus enim in mortali peccato existens, missam celebrare debet. Notandum tamen: quod aliquis in peccato mortali duobus modis esse potest. uno modo, ut sit in mortali notorio: alio modo in mortali occulto. primo modo V. g. si sit notorius hereticus, scismaticus, vel excommunicatus, vel symoniacus, vel fornicator. Si secundo modo

*sit in mortali occulto, tunc distinguendum: hoc etenim tribus potest  
 evenire modis. uno modo quia iam commisit, vel scit se commississe  
 tempore præterito aliquod peccatum mortale, de quo non dolet, nec  
 ipsum peccasse pœnitet, neque conteritur: & talis sic celebrans mor-  
 talissimè peccat. qui enim indignè manducat inquit Apost. nō diu-  
 dicat corpus Domini. Alio modo quis esse potest in peccato mortali  
 occulto, scilicet, quod commisit aliquod mortale peccatum, quod  
 minime fuit confessum, tamen de illo non recordatur peccato: &  
 tunc talis, aut diligenter conscientiam examinavit suam, antequàm  
 poneret se ad celebrandum, et nullo modo recordari potuit, & in  
 proposito persistit, si recordaretur illud peccatum, libenter confite-  
 retur, et de ipso pœnitentiam faceret: vel in genere de omnibus pec-  
 catis oblitus dolet, et sic talis non peccat celebrando: immo virtute  
 sacrificij missæ veniam meretur, et à peccato tali absoluitur. quo  
 modo eximij Doctoris Aug. verbum intelligitur: quod sacramen-  
 tum istud vivificat mortuos, idest illos, qui modo isto existentes in  
 mortali peccato celebrant. tertio quis in mortali peccato esse potest,  
 scilicet quod recordatur, se determinatè peccatum aliquod commi-  
 sisse mortale, et tunc aut iste iam in presenti confessoris copiam ha-  
 bet, aut non: si sic, antequàm celebret confiteri tenetur: et nisi con-  
 fitetur peccat mortaliter in celebrando. nec ibi sufficit generalis  
 confessio, quæ fit in missæ principio, quoniam solum ad peccata ve-  
 nialia, et non mortalia, se extendit confessio ista. Si autem talis non  
 habeat copiam confessoris, rursus dicendū, quod ibi, vel immineat  
 celebrandi necessitas, aut non: ut puta si sit curatus, et dies Domi-  
 nica, vel sollemnis dies alia, et populus sibi commissus vult missam  
 audire,*

audire, et scandalum foret in populo, si non celebraret: vel quia sibi alia imminet necessitas celebrandi. V. g. si sint nuptiae, etc. in istis casibus, et similibus tenetur ipse esse in proposito confitendi illud peccatum, quando opportunitatem habebit, et sic in nomine Domini missam celebrabit: quoniam Christus, qui est summus sacerdos, eum absoluit. postea confiteatur, quando confessoris copiam habebit. si autem iste, qui sic in mortali peccato existit, et nulla celebrandi necessitas extat, nullo modo se exponat ad celebrandum, quia absq; dubio sic mortaliter peccaret. et haec pauca sufficiant pro sermone praesenti.

DE ACCESSV AD HOC SACRAMEN-  
TVM. ET EIVS FRVCTV.  
Lectio L.

**L**Oquuturus de accessu huius sacramenti nobilissimi, verba illa praemittam Apost. Probet autem se ipsum homo, & sic de pane illo edat, &c. qui enim manducat indigne, &c. ubi sciendum: aliquem indigne accedere ad huius susceptionem sacramenti dignisimè tripliciter posse. & similiter dignè tripliciter. uno modo per comparisonem eius ad id quod sumitur, & sic nulla creatura dignè sumit, quia dignitatis creatura ad creatoris dignitatem, qui in hoc sacramento sumitur, sicuti finiti ad infinitum nulla unquam poterit esse proportio. Hinc Iob. 25. Nunquam potest homo iustificari comparatus Deo. nec id mirum: nam Luna non splendet, & Stella non sunt munda in conspectu eius: quanto magis homo putredo, & filius hominis vermis? secundo modo per com-  
parationem

parationem ad consecutionem effectus sacramenti huius, & sic indignè accedit, qui accedendo spirituales non consequitur per gratiæ augmentum nutritionem. Tertio modo per comparisonem ad culpam, quam manducando contrahit, & sic indignè accedit, qui accedendo mortaliter peccat, & ita nouo peccato mortali, se inuoluit. Probet igitur se ipsum homo, & sic de pane illo edat, &c. dignè enim manducare nil aliud est, quam sufficienter, se preparare, scilicet omnis peccati expulsiōe, reuerentia fide, & dilectione, sunt namq; quidam, qui secundum veritatem sufficienter, se preparant: quidam alij secundum probabilitatem: tandem quidam neutro modo, immo cōtemnunt. qui ergo, se preparant sufficienter, dignè manducant. qui se nullo modo preparant, indignè manducant. qui verò minus sufficienter, scilicet secundum probabilitatem potius quàm veritatē, dignè non manducant, quia sufficienter non se preparant, nec indignè, quia probabiliter. accedentes itaque ad hoc sacramentum, se sufficienter preparant, longeq; à mortali culpa existant. nā tunc temporis debita preparatione facta, varios sortientur huius nobilissimi sacramenti effectus, siue fructus. Eucharistia enim si dignè sumatur, à malo liberat, & in bono conseruat. venialia delet, & mortalia cauet. insuper per huius sacramenti virtutem, vniuersæ virtutes augentur, & omnium gratiarum fructus exuberant. insuper in quantum cibus animam nutrit, & roborat, & deperdita restaurat, & restaurata augmentat, quoniam ille cibus viuificat. unde Ioannis Sexto. qui manducat me viuet propter me. dignè ergo accedant, qui sacramentum hoc, & eius fructum suscipere volunt. & hoc est quod nos Paulus monebat dicens: Probet autem, se  
 ipsum

*ipsum homo, & sic de pane illo edas, & de calice bibas. hec intaim.*

## AN EVCHARISTIA SIT NOVAE

## LEGIS SACRAMENTVM.

## Lectio LI.

**C**Irca distinctionem istam octauam principaliter duo querenda. Primo: *An Eucharistia sit noua legis sacramentum. insuper: An unum. quo ad primum sic proceditur, & arguitur, quod Eucharistia nouae legis non sit sacramentum: nam collatae gratiae non est signum: igitur nec nouae legis sacramentum. antecedens clarum, quia post consecrationem, Eucharistia in altari manet, & nulli per ipsam gratia confertur: igitur non est gratiae collatae signum, & ita ex consequenti: non sacramentum. insuper: sacramenta nouae legis, ut superius patuit, efficere dicuntur id quod significant: at Eucharistia non sic, se habet: ergo nouae legis sacramentum non erit. minor, ut suspecta sic declaratur, quia virtus finita causalitatem aliquam non videtur habere respectu corporis, & Christi sanguinis. In contrarium se habet veritas ipsa: quapropter pro huius quesiti dilucidatione, est sciendum: sacramentum hoc, & alia efficaciter significare effectum, in quantum signa talia sunt: quibus positis infallibiliter ipsorum sequatur effectus, nisi adsit obex ex parte sumentis. sacramenta ergo efficiunt, quod figurant, id est signa sunt infallibiliter significantia effectum, id est gratiam, non quia effectiue respectu gratiae actiuitatem habeant: creatura enim ad hunc non, se effectiue producendum effectum extendit.*

*His*

*His ita positis, facile modo erit occurrere rationibus duabus. prima etenim currit loquendo de signo gratiæ accidentalis, siue inherrentis, at non subsistentis, cuius primo Eucharistia signum. altera in ordine secunda minorem habet suspectam, & ad probationem cōcedo: quod finita virtus, gratiam causare nequeat, nisi signifiatiue, & efficaciter: quare illis sacramenti Eucharistia speciebus huiusmodi non est ascribenda causandi virtus, nisi efficaciter, & signifiatiue, quo modo in corpore huius difficultatis diximus. explicata prima questione, paucisq; verbis enodata: accedit altera, dum queritur: An Eucharistia sacramentum unum sit. mihi prima fronte, quod non unum ex collecta apparet: ibi enim dicimus: purificent nos Domine sacramenta, quæ sumpsimus: non igitur unum, sed plura erunt Eucharistia sacramenta. pro intellectu huius instantia adductæ ex collecta, velim vos scire: de Eucharistia sacramento nos posse verba dupliciter facere: vno modo materialiter: alio modo formaliter. si primo modo, instantia currit, quia ibi plura signa materialiter, puta panis, & vini: at secundo modo, unum tantum, & perfectiue, quatenus, scilicet ex eis una perficitur refectio spiritualis, in cuius rei signum, inferius dicitur singulariter, hoc tuum sacramentum non sit nobis reatus ad penam. est ergo Eucharistia sacramentum unum, non ut unitas, indissolubilitatis, ut puncti: vel continuitatis: ut lineæ: vel essentia: ut in simplicibus, & compositis ex materia, & forma substantiali: vel suppositi: ut accidentis, & subiecti: sed est unitas perfectionis, quæ consistit in concursu omnium, quæ concurrunt, & requiruntur ad finem consequendum, ad quem res ordinata est. & hæc satis.*



LECTIONES LIB. QVARTI. 129  
DE DVOBVS MANDVCANDI MODIS.

Distinctio 9.

Lectio LII.

**E**X quo in octaua satis clare, & splendide, de sacramento Eucharistia secundum se loquuti sumus distinctione: propterea nunc consequenter de eodem, quantum ad usum, determinandum. diuidatur itaq; presens distinctio in secta quatuor. in quorum primo ponitur. Magistri Sent. intentio. in altero error quorundam excluditur. in tertio dubia quedam auctoritates declarantur. in quarto, & ultimo principale intentū concluditur. quantum ad primum: Magistri consilium est: Christi corpus modis sumi posse duobus: scilicet sacramentaliter, & spiritualiter: nec non utroque modo realiter, secundum duas res in hoc sacramento repertas. duplex ergo datur modus comedendi: unus sacramentalis, qui consistit in susceptione ipsius sub sacramento visibili, ut puta sub specie panis, & vini. alius modus spiritualis, qui consistit in unione ad Christum in hoc nobilissimo sacramento contentum. unde manducat ille spiritualiter, qui in unitate Christi, & Ecclesie manet quo modo soli boni hoc sacramentum spiritualiter manducare dicuntur. & ideo D. Aug. volens nobis aperire, quid foret Christum manducare, dicebat. nil aliud esse, quam eius corpus dignè accipere, & in ipso manere, & Christum in se manentem habere. ut quid ergo paras ventrem, & dentem? crede, & manducaſti spiritualiter. & utroque modo scilicet spiritualiter, & sacramentaliter, si sine peccato dignè accedas, nam boni utroq; mo-

R

do hoc

do hoc sacramentum sumunt. mali verò sacramentaliter tantum, ut Ecclesia canit. sumunt boni, sumunt mali, sorte tamen inquali. nam boni ad vitam: at mali ad iudicium. qui enim in Christo non manet, nec Christus in illo. & qui discordat à Christo, eius carnem manducat minimè, neque sanguinem, nisi sacramentaliter. hinc secundo quorundam dicentium, Christi corpus non sumi nisi à bonis, error apparet loco. nam etiam à malis, ut hoc docent authoritates D. Greg. beati Aug. & Pauli. D. Greg. in quarto dialogorū libro ita dicit: est quidē in peccatoribus, & indignè sumentibus Christi vera caro, & verus sanguis, sed non salubri efficientia. insuper beatus Aug. multi indignè accipiunt corpus Domini, de quibus Apost. qui manducat, & bibit calicem Domini indignè, iudicium sibi manducat, & bibit. at dicetis: quo modo fieri potest: quod bonum noceat? Respondetur: quod Eucharistiæ quidem sacramentum de se bonum dignè suscipienti est, at malum sumentī indignè. bonis ergo, ut bonum, multum affert fructum: malis verò, & indignis penam. tertio verus ponitur intellectus quarundam authoritatum, quæ dubiæ videbantur. ait enim Aug. bonus accipit sacramentum, & rem sacramenti: malus verò sacramentum, & non rem. rursus: non manducans manducat: & manducans non manducat. quo ad primam per sacramentum intelligere debetis Christi corpus proprium de Virgine natum: per rem verò spirituales Christi carnem, bonus ergo utranq; Christi carnē accipit: malus verò sacramentum tantum, id est corpus Christi sub sacramento, & non rem spirituales. ad alteram in ordine secundam: nō manducans manducat, sic dicitur: quod non manducans scilicet sacramentaliter,

mentaliter, aliquando manducat spiritualiter: & manducans sacramentaliter aliquando non manducat spiritualiter. ex quibus ultimo potest principale intentum concludi: quod hoc sacramentum, tam à bonis, quam à malis, diuersumode tamen possit sumi. & hæc pro presenti nona distinctione.

## QVID SIT MANDVCARE HOC

### SACRAMENTVM.

#### Lectio LIIII.

**I**N gratiam eorum, quæ tacta fuere in superiori nostro Sermone, impresentiarum quatuor perpendemus. quid sit manducare primo. insuper quot modis contingat hoc sacramentum manducare. deinde quid sit sacramentaliter manducare. denique quot modis spiritualiter manducare contingat. quantum ad primum: manducare idem est, quod honeste comedere: inde manducatio, quæ tria includit: scilicet fractionem, deglutionem, & nutritionem. quo ad secundum manducare sacramentum quadrupliciter fieri potest: ut puta manducare sacramentum, & non sacramentaliter: & manducare sacramentum sacramentaliter, & non spiritualiter, & utroque modo, scilicet sacramentaliter, & spiritualiter, quid autem sit manducare sacramentum, & nō sacramentaliter, audite: est enim hostiam consecratam manducare, quæ realiter, & vere Christi corpus continet. quo modo mali Christiani, infideles, & heretici sumunt istum cibum, sicut alium cibum, non discernentes eum ab alio communi cibo. deinde sacramentum manducare sacra-

mentaliter, est sacramentū manducare, ut signum corporis Christi in eo realiter contenti, & ita dicuntur recipere fideles credentes contineri sub speciebus, quas sumunt, corpus Christi, siue sint boni, siue mali, unde manducatio sacramentalis secundum Gersonē super Cantic. Mariae, duntaxat est actualis susceptio sacramenti corporalis cum informi fide, sine charitate. manducare verò sacramentū spiritualiter duobus accipi potest modis. uno modo ex parte modi, & sic est manducare corpus Christi, non sub propria specie visibiliter, sed sub tegumento accidentium panis inuisibiliter, & sic quicumque sumit sacramentaliter, sumit spiritualiter. alio modo ex parte effectus, ut est manducatio, quam sequitur specialis refectio, & animæ mutatio, quo modo sumunt, qui digne accedunt. unde sic spiritualiter manducare ( ut scribit Brulefer ) est cum fide, & spe, charitate Christo adherere. manducatio autem sacramenti solum spiritualis, non sacramentalis, fit per fidem huius sacramenti, quæ per dilectionem operatur, ut Refert Gerson. at dicetis: refertne dicere, manducare sacramentum spiritualiter, & manducare, corpus Christi spiritualiter? certe sic: quia manducare sacramentum spiritualiter, includit manducare species, quæ sunt sacramentum. at manducare corpus Christi spiritualiter non, & sic manducare spiritualiter est Christo incorporari, quo modo manducant, quicumque in Christum credunt, ac per charitatem ei uniuntur, & per hoc corpori suo mystico incorporantur secundum illud Aug. crede, & manducaſti: crede scilicet fide formata. adhereamus itaque ipsi Christo fide, spe, & charitate, ut hoc sacramentum valcamus spiritualiter degustare. nam ipse dixit Io. 6. Nisi manducaueritis

ritis

utis carnem filij hominis; &c. non habebitis vitam in vobis: quod secundum Aug. intelligitur de manducatione spirituali: triplex enim est manducatio. prima est sacramentalis, et hec officit, quia est mors malis. secunda spiritualis, et hec proficit, sed non sufficit. tertia sacramentalis, et spiritualis, et hec sufficit. sufficiant, quoque vobis, que paucis diximus in presenti Sermone de huius sacramenti multiplici manducatione.

## AN SINT DVO MODI MANDVCANDI

### HOC SACRAMENTVM.

#### Lectio LV.

**N** Acti ex verbis Magistri Sent. occasione predeclarat, in ante habita distinctione: questiones duas in presenti proponemus nostro Sermone. quarum prima ad manducandi modos Eucharistiae sacramentum duos pertinebit: altera vero ad eius necessitatem. queritur ergo primo: An recte sint duo assignati manducandi hoc sacramentum modi, scilicet sacramentaliter, & spiritualiter. mihi tunc primo aspectu videtur, quod non: nam unus tantum modus datur: ergo. antecedens patet, quia in baptismo una tantum regeneratio spiritualis: igitur, & in sacramento altaris unus modus spiritualis: Magister itaque male, se gessit in assignatione duorum. insuper uti se habet corporalis cibus, ita & iste spiritualis: sed corporalis cibus non sumitur nisi corporaliter: ergo iste cibus spiritualiter: quare unus manducandi erit modus, & non duo. ex alio latere D. Aug. in littera, & glosa super illud Pauli.

Pauli. qui manducat, & bibit indigne, duos manducandi assignat modos: sacramentalem videlicet, & spirituales: duo igitur manducandi erunt modi. suppositis intantum his duobus pro veritate manducandi modis, difficile minimè erit rationibus duabus primis respondere: nam prima falso nititur supposito, quia hæc duplex quoque distinctio poterit applicari baptismo: quidam enim abluuntur sacramentaliter, & quidam spiritualiter, ut alias diximus, & ideo ratio nulla. altera ratio neganda venit: quia non est simile de manducatione corporalis cibi, & spiritualis: nam corporalis cibus corporaliter tantum manducatur: at spiritualis utroque modo: iccirco inutilis fuit secunda ratio. enodata questione prima, subsequitur altera, dum queritur: An manducare hoc sacramentum, sit de necessitate salutis? pro parte affirmatiua consueuerunt ratiocinari quidam in hunc modum dicentes. cibi corporalis manducatio de necessitate est salutis: ergo, & cibi spiritualis de necessitate vite spiritualis erit. præterea sic arguitur auctoritate saluatoris apud Io. vi. ita dicentis: Nisi manducaueritis carnem filij hominis, & liberitis eius sanguinem non habebitis vitam in vobis: de necessitate igitur huius sacramenti manducatio ad salutem consequendam erit. ex alio latere, si foret hoc sacramentum de necessitate salutis, tunc sine huius manducatione, gratia haberi minimè posset: at oppositum euenit. quia debita sumptio huius sacramenti gratiam supponit: non ergo manducatio huius de necessitate salutis. insuper: si huius sacramenti manducatio de necessitate salutis esset: tunc pueri baptizati è vita presenti recedentes absque susceptione huius sacramenti damnarentur: at hoc non fit: igitur, &c. Pro dilucidatione huius difficultatis,



scultatis, est sciendum: aliquod sacramentum posse dici necessarium ad salutem dupliciter: uno modo ratione sui: alio modo ratione precepti. ratione sui, quando eius effectus ad salutem est necessarius. Et sic dicendum: quod sacramentorum quedam sint de necessitate salutis, quantum ad communitatem, ut ordo, Et matrimonium. nam sine ordine non essent in communitate, qui ministrarent sacramenta. insuper sine matrimonio cultus Dei deficientibus fidelibus non maneret: quare hec de necessitate precepti necessaria. dantur alia sacramenta singularem quamlibet personam respicientia, de numero quorum sunt baptismus, Et penitentia, qua simpliciter ad salutem sunt necessaria: baptismus quidem, quo ad omnes: penitentia vero quo ad lapsos in mortale peccatum. cetera autem sacramenta nulli dubium fore necessaria ratione precepti, ut Eucharistia, Et c. His ita premissis, de facili rationes formate ruent. prima etenim secundum quid concedi habet: at simpliciter negari: nam non est simile de manducatione cibi corporalis respectu nature, Et de manducatione cibi spiritualis: quia ibi attenditur continuatio rei: at in susceptione huius sacramenti non, sed voluntas. secundum quid ergo ratio concedenda: quia ibi necessitas ex parte continuationis, Et nature consideratur: at hic solum ex parte precepti. ad illam, nisi manducaueritis, Et c. dico: intelligendam esse de necessitate precepti, non de necessitate sui, scilicet effectus. Et hec de quesitis duobus.

AN SVMERE HOC SACRAMENTVM  
SIT SOLIVS HOMINIS.

## Lectio LVI.

**I**mpositurus extremam manum presenti distinctioni, quesita tria examinanda proponam. quorum primum: An solius hominis sit hoc sumere sacramentum. insuper: An peccator peccet mortaliter hoc Eucharistia sacramentum sumens. denique: An liceat sacerdoti Eucharistiam illi dare, quem sit in mortali peccato esse. quum ad primum: pro parte negativa sic arguitur. bruto vel Angelo in corpore assumpto videtur expedire huius sacramenti sumptio: non ergo solius hominis erit Eucharistia sacramentum sumere. insuper glosa super illud Psal. panem Angelorum manducauit homo, dicit: quod panis Angelorum est verum Christi corpus: igitur idem evenit quod prius: quare non solius hominis hoc sumere sacramentum erit. ex alio latere, usus sacramentorum, solum ad membra Ecclesie militantis pertinere videtur: at soli homines sunt huiusmodi: ergo. pro determinatione huius difficultatis primae, est sciendum: latum esse discrimen inter suscipere sacramentum sacramentaliter per se, & per accidens. nam per se homini solum huius sacramenti sumptio competit: alijs vero per accidens. Nunc ad rationes dico: quod prima currit secundo modo: at nos loquimur primo modo. altera ratio conceditur, scilicet quod Christi corpus, quod esca spiritualis est hominum sub sacramento, secundum se dici debeat Angelorum spiritualis refectio: quatenus ei uniuntur nuda veritate, & perfecta dilectione. at quantum ad incorporari ipsi Christo,

Christo, nec non uniri: solis hominibus competit huius sacramenti sumptio. quare Angelis quantum ad uniri, sed non incorporari; nobis verò utroque modo. deinde illis nudè, nobis sub speciebus panis, & vini. expleto quesito primo, alterũ subsequitur: ubi probandum venit: quòd sumentes hoc sacramentũ peccatores non peccent mortaliter. ut peccatores Christum in sua propria specie tangentes non peccabant, immo veniam suorum peccatorum consequuebantur: ita Christi corpus sumentes mortaliter peccare nõ videntur. præterea, uti peccator videndo, & tangendo non dicitur peccare: igitur neque, si sumat, mortaliter peccabit. in oppositũ se habet illud Apostoli. qui manducat, & bibit indignè iudicium sibi manducat, & bibit. pro determinatione huius questionis secunda est sciendum: quòd presens difficultas unum querit, & aliud supponit: nam supponit, quòd homo peccator hoc sacramentum sumere possit. querit insuper, utrum sumendo peccet. pro intellectu cuius notare debetis, quòd ille, qui sumit, vel est sibi conscius de peccato mortali, aut non. si sic, neque contritus, neque confessus, si habeat copiam confessoris, tunc sumendo mortaliter peccat. Nunc ad rationes Respondendum hoc uno presupposito: quòd Christus sub propria specie dicitur venisse, ut medicus ad infirmos; at sub sacramento se ipsum prebet tanquam medicinam non quidem morbum expellentẽ; at confortantem post morbũ expulsum: quare peccatoribus tunc licuit accedere ad Christum sub propria specie, qui venerat, ut medicus, at eis minime licet accedere ad hoc sacramentum, sub quo Christus existit, ut medicina confortatiua: nisi expulso morbo peccati. ad rationem secundam potest dici, non esse simile de visu, & gustu, quò ad peccatorem,

torem, qui habeat fidem, sed non charitatem. explanatis iam duabus  
 questionibus de tribus propositis: ultima superest explicanda: queri  
 etenim solet: nam liceat sacerdoti Eucharistiam dare illi, quem scit  
 esse in peccato mortali. circa difficultatem hanc varij varia dicunt:  
 nos verò breuibus percurrentes veritatem verbis dicimus, quòd  
 peccator perseuerans in peccato, vel est occultus, vel notus: si noto-  
 rius, ac manifestus, tunc ei debet negari hoc sacramentum, donec  
 vitæ præteritæ cum peniteat, si verò occultus aliter dicendum. &  
 hæc de pollicitis tribus satis.

## DE HAERESI ALIORVM.

Distinctio 10.

Lectio LVII.

**V**ersaturi circa distinctionem in ordine huius libri quarti  
 decimam: de nexu primo verba faciemus. insuper ad di-  
 stinctionis diuisionem properabimus. quantum attinet  
 ad primum: ex quò Magister Sent. loquutus est de sacramento  
 Eucharistiæ in se, & quò ad usum. consequens modo est de eiusdem  
 veritate contra aliter sentientes determinare: & hæc de nexu una  
 cum intentione. quantum ad diuisionem breui dicendum: in tria  
 præsentem secari posse puncta distinctionem, in quorum primo quo-  
 rundam circa sacramentum hoc ponitur error, in altero determina-  
 tio, in tertio, & ultimo veritas concluditur. quantum ad primum,  
 est sciendum, quosdam intantum errasse, malè sentientes de veri-  
 tate, ita ut ausi sint insaniam correpti, maliciam propriam prosequen-  
 tes,

tes, audaciùs huius sacramenti Eucharistiae veritatem denegare :  
 solum confitentes Christi corpus in sacramento altaris esse, ut signa-  
 tum in signo. pro fundamento dicebant suo, id Dominum notasse in  
 Euangelio his verbis: Nisi quis manducauerit carnem meam, &c.  
 quae verba minimè intelligentes dixerunt, durus est hic sermo :  
 quis poterit eum audire? & abierunt retrò. insuper D. Aug. hec  
 verba habet, Donec seculum finiatur, sursum est Dominus : quare  
 Christi corpus in sacramento altaris quòd sit, dicendum minimè  
 erit. præterea hoc iddem confirmari posse videtur verbis Saluatoris  
 dicentis, Pauperes semper habebitis vobiscum, me autè non semper  
 habebitis : quare, &c. posito errore quorundam in primo puncto  
 originem ducente ex malo intellectu verborum Domini : nunc se-  
 cundo loco veritas in medium asserenda, quae talis, verba Domini  
 intelligenda esse spiritualiter nò literaliter. unde ipse dixit, verba,  
 quae ego loquor vobis, spiritus, & vita sunt ; ac si dixisset, non esse  
 carnaliter intelligenda, sed spiritualiter : nam spiritus est qui viui-  
 ficat, caro autem nihil prodest. propterea Christus discipulis dice-  
 bat suis, Non hoc corpus, quod videtis, manducaturi estis, & illud  
 sanguinem bibaturi, quem effusuri sunt, qui me crucifigent sub forma  
 visibili; sed inuisibili, & spiritualiter. Sub quo sensu auctoritas Aug.  
 accipienda venit. V. g. Donec seculum finiatur, sursum est Domi-  
 nus : verum enim hoc est : quòd sursum visibiliter, at in sacramento  
 inuisibiliter. & licet Christi corpus de se visibile sit, sumitur tamen  
 in hoc sacramento altaris inuisibiliter. Ad auctoritatè illam de pau-  
 peribus dicitur : intelligendam esse de corporali presentia, non spiri-  
 tuali, & sacramentali, quomodo loquimur in presenti his lectis

duobus, tertium pro conclusione addendum: quod authoritatibus quibusdam nititur: & primo D. Abr. dicentis. si tantum valuit sermo Elia, ut ignem de cælo deponeret: non tantum valebit sermo Christi, ut substantias mutet? qui ergo ex nihilo facere, quod non erat, potuit, cur ea, quæ sunt in id, quod non erat, mutare non poterit? præterea de totius mundi operibus legitur: Quia ipse dixit, & facta sunt: fatendum itaque est, quod post consecrationem, corpus, & Christi sanguis existat sub illis speciebus sacramentaliter, & spiritualiter. verè ergo, & realiter Christi corpus in sacramento altaris esse fides catholica cõfitemur. Abeant ergo maledicti hæretici eorum duces, ex malo intellectu verborum Christi, nec non sanctorum aliorum præter rationem temerè negantes, sacramenti altaris veritatem. Nos verò totum oppositum sentientes, hylari vultu fateamur in sacramento altaris Christi corpus, & sanguinem verè, & realiter modò inuisibili, sub duplici specie contineri.

AN CHRISTI CORPVS REALITER SIT  
IN SACRAMENTO EVCHARISTIAE.  
Lectio LVIII.

**C**irca prædeclaratam distinctionem quatuor quæri posse, norunt Theologi perbellè, quorum duo nos hodierna die examinanda proponemus, & in sequenti alia duo percurremus. solet ergo primo in dubium reuocari, An Christi corpus de Virgine natum realiter sit in sacramento Eucharistiæ. insuper num ibi totus Christus. quantum ad primum, negatiuè primo sic arguitur:



ur : si in sacramento altaris Christi corpus esset, hoc vel per motū, vel per sui ipsius mutationē eueniret ; at in cēlo existens Christi corpus secundum locum à cēlo mutatum, nec secundum formam ponitur : quare de nouo non videtur esse posse in hoc sacramento. præterea, nullum corpus simul pluribus in locis dicitur esse ; at Christi corpus in cēlo est, non igitur poterit esse in sacramento altaris. ex alio latere oppositum habetur Chor. x. ubi Apost. dicit : panis, quem frangimus, nonne participatio corporis Domini est ? hoc autem non esset, nisi in sacramento altaris Christi corpus realiter foret : ergo. insuper Matthæi ultimo Christus dicit, Ecce ego vobiscū sum vsq; ad consumationem sæculi : hoc autem non debet intelligi de eius præsentia secundum diuinitatem, quæ omnibus rebus communis est, nec potest subtrahi salua consistentia rei. Intelligatur ergo de præsentia humanitatis, non in propria specie, illam enim subtraxit secundum quod ipse dixit : Pauperes habebitis semper vobiscum, me autem non semper habebitis. Relinquitur ergo, quòd hoc dictum sit de præsentia suæ humanitatis sub specie sacramentali. & hoc supposito fundamento vero, & reali, quòd ibi sit verum corpus Christi de Virgine natum. Ad rationes formatas nunc quid dicendum, audite. nam prima currit, atque concedi habet secundum cursum naturæ ; at fieri potest contrarium virtutis diuinæ, uti in proposito euenit. Altera ratio in ordine secunda circumscriptiuè est concedenda ; at sacramentaliter neganda. Non enim isdem ibi, & hic modus dicitur esse essendi in pluribus locis. nam Christi corpus ad hoc sacramentum non cōparatur ratione suæ quantitatis, sed ratione suæ substantiæ, propter quod pluribus in locis eodem modo præsens esse potest.

& hæc

Et hæc de prima questione dicta sint satis. inquirendum est con-  
 quæter: An totus sit in Eucharistia Christus, mihi sanè videtur esse  
 dicendum, quòd non: nam idem simul maius, & minus esse, quis  
 unquam vidit? at hoc eueniret, si Christus totus in hoc sacramento  
 foret: non ergo, &c. deinde Christi corpus ratione sue quantita-  
 tis ad locum circumscriptiue comparatur: at tale corpus in hoc sa-  
 cramento circumscriptiue minimè habet esse: non igitur ibi totus  
 existit. pro dilucidatione huius difficultatis secunda duo debetis sci-  
 re: unum pertinet ad totalitatem Christi in hoc sacramento: alte-  
 rum ad existendi modum. propter primum intelligendum est, quod  
 cū Christus nomet suppositum in duabus subsistens naturis, scilicet  
 diuina, & humana, quæ aliquo modo partes totius suppositi dici  
 possunt: in ipso triplicem est inuenire totalitatem. Prima est natu-  
 rarum, scilicet diuina, & humana in supposito. Altera est solius hu-  
 manæ naturæ quòd ad partes eius essentielles, quæ sunt materia, &  
 forma. Tertia dicitur partium quantitatiuarū, quæ distant secun-  
 dum situm, ut posset manus, & huiusmodi. Alterum est de modo  
 existendi in hoc sacramento, ubi quid directè, & concomitanter  
 considerandum venit. unde Christi corpus directè in hoc sacra-  
 mento ex vi sacramenti dicitur esse, reliqua verò omnia, quæ sunt  
 unum in supposito, cum corpore Christi, ut diuinitas, & alia hu-  
 iusmodi intrinseca, ut quantitas, & qualitas in hoc sacramento cō-  
 comitanter esse, & indirectè dicuntur. His præmissis, nunc ad ra-  
 tiones accedendum, & ad primam dicendum: quod concludat de  
 illo, quod habet esse in loco circumscriptiue, & sub modo quantita-  
 tiuo, non autē sacramentaliter, sub quo sensu hic nos loquimur. nam

Christi

*Christi corpus solum presens dicitur esse illis speciebus, absque sui commensuratione ad species, licet secundum se maius sit illis speciebus. Ad secundam rationem. Respondetur: quod quamuis Christi corpus quantum sit in hoc nobilissimo sacramento: tamen non dicitur esse in ipso ratione quantitatis, siue sub modo quantitatiuo, quia sic ibi foret circumscriptiue, & non ratione substantia, uti est. & hoc satis.*

AN CHRISTI CORPVS AD HOSTIAE  
MOTVM MOVEATUR.  
Lectio LVIII.

**S***uperfunt alia duo in presenti nostro sermone examinanda quesita, quorum primum: An Christi corpus ad hostiae motum moueatur. Alterum est: An in Eucharistia tale Christi corpus ab oculo glorificato queat videri. quantum attinet ad primū, pro parte affirmatiua sic arguitur: illud quod desinit esse, ubi prius erat, & incipit esse ubi non erat, motum esse videtur: at Christi corpus per hostiae motum desinit esse in altari, ubi prius erat, & incipit esse in ore hominis ubi prius non erat, ergo, &c. propterea: illud, quod vehitur, siue portatur saltem per accidens mouetur: at Christi corpus in hoc sacramento existens per sacerdotem ad infirmum portari dicitur: ergo ad hostiae motum mouetur. ex alio latere quo modo illud poterit dici moueri, quod nec per se, nec per accidens est in loco? Christi corpus in hoc sacramento sic se habet: nam nec per se, nec per accidens ibi, ut in loco dicitur esse: non itaque motus ei potest*

ei potest conuenire, confirmari habet hæc veritas, quia Christi corpus existens in cælo ibi manet quietum: quare, &c. in super: si moueretur, tunc ad hostiæ motum esset sursum simul, & deorsum: at hoc ex dictis non sapit verum: igitur Christi corpus non mouetur in hostia, ut prius fuit dictum. Nunc ad formata duo argumenta. His ita positis, de facili poterit responderi, nam primi minor falsa propositio dicitur, quia Christi corpus in hoc sacramento non desinit esse ubi prius erat, nec incipit esse ubi prius non erat per motum hostiæ: quoniam Christi corpus solum hostiæ presens ex vi sacramenti est: sed ad locum hostiæ nullam presentiam habet ratione, qua est in hoc sacramento: quia per aliam rationem comparantur species ad locum, & corpus ad species, ut ad sacramentum: & ideo manentibus speciebus quantumcunque transferantur de loco ad locum, Christi corpus, quod presens est, eis semper est ubi erat: quia in cælo localiter, & cum speciebus sacramentaliter, quæ licet transmutentur, non ob id Christi corpus mouetur, quia non dicitur presens loco, nisi quia presens est speciebus existentibus in loco. Ad argumentum secundum dicitur: quod concludit de illo, quod habet esse localiter in loco: at Christi presentia in sacramento localis non est: & ideo licet localiter species moueantur, ipsum tamen Christi corpus non dicitur moueri, nec per se, nec per accidens, nec nouum locum acquirere, ut in hac prima est videre questione, cui nec titur altera, quæ est, An ab oculo Christi corpus in hoc sacramento queat videri glorificato. mihi quod sic apparet: nam Christi oculus videt se in hoc sacramento, cum sit idem videns, & visibile: ergo, &c. consequentia patet: quia corpora nostra glorificata, conformia cor-  
pori

pori Christi erunt, ut dicitur Phil. iii. insuper: Angeli Christi corpus intuentur in hoc sacramento: ergo oculus glorificatus ipsum videre potest: ex alio latere, quomodo illud poterit videri, quod visum non potest immutare? Pro dilucidatione debetis animadvertere: oculum dupliciter considerari posse: uno modo proprie, & corporaliter: alio modo metaphoricè, siue spiritualiter. si primo modo loquamur de oculo corporali, tunc dicendū, Christi corpus in hoc sacramento à nullo videri. illud enim, quod videri habet, coloratum, & quantum esse debet. Si autem loquamur de oculo mentali, hoc est de intellectu: sic dicendum: quod Christi corpus in hoc sacramento oculo mentali glorificato videatur: non autem ab alio. primum patet, quia merito fidei succedit visio, secundum quoque: nam intellectus, qui dicitur oculus mentalis: vel est Angelicus, vel humanus: de Angelico non dubitamus, at de humano aliter dicendum: quia humanus intellectus non glorificatus, non videt nisi sensibilia, vel ex sensibilibus deducta. His ita positis, formatae rationes de facili ruent. currunt enim de oculo mentali glorificato. & hæc de quesitis duobus ultimis satis.

## DE MODIS CONVERSIONIS.

Distinctio 11.

Lectio LX.

**S**E se nobis offert in presenti nostro sermone explananda distinctio undecima: cuius nexus de facili his verbis cum superioribus poterit haberi. ex quo enim ad votum Magistri

T sumus

sumus hactenus loquuti de sacramento Eucharistiae, quantum ad suum esse: nunc de eo quantum ad eius fieri superest determinare. habito nexu, diuidi modo habet presens distinctio in octo puncta. in dubium primo. in oppositum secundo. in instantiam tertio. in conclusionem quarto. in triplicem rationem pro conclusionis insinuatione quinto. in notandum sexto. in considerationem de aqua appositione in hoc sacramento septimo. tandem in propositionem, cum probatione octauo. quantum ad primum: loquuturi de sacramento Eucharistiae quo ad fieri: primo queremus: qualis nam conuersio ista panis, & vini in corpus Christi censenda; utrum scilicet substantialis, vel formalis, vel alterius modi? primo aspectu Magistro non videtur esse formalis: & ratio assignatur, quia species, quae prius erant, scilicet sapor, pondus, figura, & albedo permanent. Quibusdam verò alijs loco secundo videtur, quod sit conuersio secundum substantiam, vel substantialis. motiuum quorum tale, quia substantia panis, & vini, essentialiter dicitur fieri corporis, & sanguinis Christi substantia. His tertio loco circa hoc ponenda venit obiectio. quidam enim insurgentes ita dicunt: si conuersio in hunc modum, ut nunc nunc fuit dictum, intelligenda foret, procul dubio quotidie Christi aliqua substantia corpus, & sanguis fieret, quae ante non erat: quare Christi corpus augetur, & de materia aliqua formari videretur, de qua in sua minimè factum fuerat conceptione. His doceo vos in hunc modum occurrere per distinctionem notatu dignam talem, de fieri secundum nouam corporis formationem: aut per quandam transubstantiationem virtute diuina factam, absque noua formatione, aut augmento, quo secundo nos hic loquimur



mur modo, non primo. unde quod prius panis erat, & vinum, post consecrationem, Christi corpus; & sanguis esse nulli dubium. unde Aug. lib. tertio de trin. Capite quarto dicebat. corpus Christi dicimus illud, quod ex fructibus terræ acceptum: & præce mystica consecratum sumimus in memoriam Dominicæ passionis. mirabile equidem hoc sacramentum, spiritu Dei operante inuisibiliter: quod panis dicitur, quo ad usum, non quantum ad materiam post consecrationem: quia facta non remanet substantia panis, sed species tantum remanere dicuntur. His quarto apponenda venit talis conclusio loco. Sub aliena specie corpus Christi traditur. An hoc verum, & cur fiat quinto loco triplex ratio assignanda venit. prima est ad fidei meritum, quæ est de his, quæ non videntur: altera ad horrorem vitandū; nam in cōmuni usu non habemus carnem crudam, & sanguinem manducare. Tertio, ne infidelibus daretur irridendi occasio. tribus ergo de causis, sub aliena specie Christi corpus occultatur, seu à fidelibus sumitur. Hinc sexto oritur loco notandū de tali sacramento: quod ideo sub duplici dicitur specie sumi, in signum animæ, & carnis in Christo. præterea, sub duplici ordinatur specie hoc sacramentum, ad salutem corporis scilicet, & animæ; continetur uero totus Christus sub utraque specie, nec tamen panis conuertitur, nisi in corpus: & vinum nisi in sanguinem, nec ob id in hoc duplex species unitatem sacramenti tollit: quia sub eadem specie sumitur idem. explicatis iam sex punctis, accedit in ordine septimum consideratione de appositione aquæ contentum. aqua enim vino admiscenda est in hoc sacramento, ad significandum unionem populi cum capite Christo. nec debet omitti scienter: quia eam Dominus apposuisse dicitur: insuper quia

est de necessitate precepti. quid si quis ex obliuione, vel ignorantia offerat vinum sine aqua, an conficere dicetur? ad hoc Respondetur, quod sic: grauius tamen corripiendus. denique ut distinctio presens claudatur, hæc propositio ponitur. Quamuis Christus in cæna corpus passibile, & mortale dedit: sumitur tamen nunc impassibile, & immortale. Pro cuius insinuatione dicendum: Christum tale corpus, quale tunc habuit passibile, scilicet, & mortale dedisse Apostolis. nunc verò quia impassibile, & immortale, iccirco tale sub duplici nobis, quale modo est, traditur specie. & hæc de undecima distinctione.

## DE CONVERSIONE.

### Lectio LXI.

**P**RO maiori intellectu eorum, quæ in superiori, tacta sunt distinctione: arbitror hodierna die verba facienda esse de conuersione. Solet enim, ut norunt Docti homines, multipliciter capi, uno modo pro quadam propria passione propositionum utroque termino participantium ordine conuerso, de qua in logica differitur. secundo modo pro mutatione rei positiuæ in rem positiuam: & est duplex, substantiæ in substantiam, & accidentis in accidens. substantiæ in substantiam duplex est, scilicet vini in sanguinem, & panis in corpus Christi. ubi non solum forma, sed & materia transit, & est supernaturalis. Alia partialis est, quando, scilicet elementum in aliud conuertitur, vel mixtum unum in aliud. Accidentis verò in accidens, ut conuersio Sancti Pauli à malitia in bonitatem.

Tertio

Tertio modo pro annihilatione alicuius rei, & dicitur tunc tēporis mutatio versio. quarto capitur pro cōuertentia, V. g. cum dicimus Relatiua dicuntur ad conuertentiam, & est mutua reciprocatio, siue referibilitas, sicut Pater refertur ad filium, ita, è conuerso filius refertur ad Patrem. Quid autem sit conuersio secundū Gabrielem, audite. nam nil aliud est, quam transitio vnius in aliud, in quo duo notantur, scilicet desitio vnius, & successio alterius. & hæc duplex est, vt alias diximus, accidentalis, & substantialis. accidentalis conuersio est, cum ad desitionem alicuius incipit, aut conseruatur accidens aliquod, vel habitudo, vt in calefactione aquæ ad desitionē frigiditatis aquæ, incipit de nouo calor esse in aqua, & sic conuertitur frigiditas in calorem, similiter aqua frigida in calidam conuertitur aquam. Sed frigiditas simpliciter conuertitur in calorem, quia simpliciter frigiditas desinit, & calor succedit. At frigidum in calidum secundum quid conuertitur, quia res, quæ frigida est, non desinit esse, puta aqua, nec aqua calida in casu incipit esse simpliciter, at secundum denominationem accidentalem. desinit enim aqua esse frigida, & incipit esse calida; conuersio tandem substantialis illa est, dum ad desitionem alicuius incipit esse substantia, quæ prius non fuit, vel conseruatur, quæ prius fuit. & dicitur substantialis, si terminus ad quem, fuerit substantia, sicut illa accidentalis, cuius terminus ad quem sit accidens. At ex dictis de facili dubitabitis dicentes: quotnam sunt conuersionis species? Responderi ad hanc instantiam ita poterit: quod quatuor: una, qua accidens in accidens conuertitur. Secunda, qua substantia in substantiam. Tertia, qua substantia in accidens. quarta, & vltima, qua accidens in substantiam conuertitur.

conuertitur. Substantialis conuersio adhuc duplex: quedam fit secundum partem eius, quod cōuertitur, & eius, in quod conuertitur. & contingit in his, quæ materiam communem habent, ut in generatione substantiali ignis ex aere. nam aer conuertitur in ignem, non secundum se totum: quia nō secundum se totum syncategorematicè, id est quodlibet sui definit, quia non secundum materiam, materia enim eadem numero manet in utroque, sed fit conuersio secundum formas tantum. Alia fit secundum totum, quando illud, quod conuertitur secundum se, & quodlibet sui definit esse, & terminus ad quem secundum se, & quodlibet sui nouum esse recipit, vel conseruatur in esse præhabito: & illa conuersio vocatur transubstantiatio, quæ dupliciter sumitur. uno modo communiter, alio uero strictius. & sic transubstantiatio est immediata successio substantia primò, & principaliter intentæ à conuertente ad aliquod positium. unde facta consecratione panis, tunc sub speciebus panis est Christi corpus verum, tale quale est in sua naturali consistentia, modo tali, quale est ad dexteram Patris, viuum, immortale, gloriosum, Deitati coniunctum, cum omnibus qualitatibus sibi inherentes. si autem fuisset facta consecratio in triduo mortis, tale fuisset corpus, quale iacuit in sepulchro, scilicet exanguis, & exanime, sed coniunctum Deitati suo modo de sanguine sub speciebus vini, de transubstantiatione verò communiter, alias dictum fuit: talis enim, & ad substantiam, & ad accidens se extendit, in sequenti ad questionem accedemus. hæc intantum dicta sint.

LECTIONES LIB. QVARTI. 151  
AN CVM CORPORE CHRISTI  
REMANEAT PANIS.  
Lectio LXII.

**C**irca presentem distinctionem multa solent in dubium reuocari : & primo : num cum corpore Christi panis substantia remaneat. insuper : An Deus quodlibet in quodlibet conuertere possit. quantum attinet ad primum : pro parte negatiua sic arguitur : si post consecrationem substantia panis remaneret, tunc hoc sacramentum non videretur esse maximæ veritatis : at hoc velle negare absurdissimum est : quare dum dicitur. Hoc est enim corpus meum, euidenter apparet, quod post consecrationem substantia panis non remanet. insuper : si post consecrationem panis substantia remaneret, tunc transubstantiatio nõ fieret : at secundum veritatem, transubstantiatio in hoc conceditur sacramento : non ergo post consecrationem, cum corpore Christi substantia panis remanet. Pro determinatione huius primæ questionis est primo sciendum de modo existendi in hoc sacramento : quod ibi Christus tanquam in aliquo ubi circumscriptiue non dicitur esse, & ibi ratione presentie ad locum, ita ut ly in hoc sacramento inueniri tanquam in loco dupliciter possit considerari : uno modo proprie, ut in aliquo ubi circumscriptiue : alio modo presentialiter, & largè loquendo de ubi, siue de loco. Primo modo Christi corpus circumscriptiue, & secundum esse extensum ibi, ut in loco non debet dici esse : at secundo modo sic. præterea : tria alia consideranda : primum est : quod substantia panis, & vini cōuertuntur in substantiam corporis Christi.

Christi, secundum est : quod tali mediante conuersione corpus, & sanguis Christi virtute diuina talem ordinem habent seu habitudinem ad species, sub quibus fuerunt panis, & vinum, quod sunt eis realiter presentes. Tertium est, quod quamuis iste modus sit de facto : non tamen negandum, quin alius modus sit Deo possibilis, ex his, quid ad rationes dicendum patet : nam pro veritate concludunt, quæ verò in oppositum adduci solent figmenta sunt, quia hoc sacramentum fidei *Mysterium* est. Iam dubio enodato primo : alterum subsequitur, ubi probatur quodlibet in quodlibet posse conuertere virtute diuina. nam potestatem habet Deus super totum esse : ergo, &c. insuper cuncta ex nihilo Deus fecit, & hoc maius est, quam unum ens in aliud conuertere : ergo. Tertio autoritate *Ambr.* hoc idem confirmatur. nam ipse super *Epistolam primam ad Chor.* dicit. Sermo Dei, qui ex nihilo facere potuit, quod nō erat : potest ea mutare, quæ sunt in id, quod non erant : non enim minus est dare nouas naturas rebus, quam mutare. In oppositum se habet *Boetius* in libro de duabus naturis, & una persona Christi dicens : illa sola inter se transmutari posse, quæ unius materie communem substantiam habent. quare, &c. Pro intellectu huius questionis secundæ est sciendum : quod conuersio differt à creatione, & ab annihilatione. Quod enim creatur omnino prius non erat, nisi in potentia agentis : quod verò annihilatur omnino non remanet : sed quæ cōuertitur in aliud, prius erat aliquid, in quo à creatione differt : & postquam conuersum est, aliquo modo manet in eo, in quod conuersum fuit : in quo differentia patet ab annihilatione. iusuper notandum : quod hæc conuersio fieri potest, vel in præexistens, sicut cum conuertitur



titur alimentum in corpus animalis : vel in non præexistens , sicut fit in generatione, & corruptione, ut conuertitur aer in ignem, qui ex eo generari dicitur. Quibus suppositis, est dicendum, quòd quodlibet nequeat conuerti in quodlibet, sed ea tantum, quæ in materia communicant. Nunc ad rationes adductas tres Respondendum, & primo ad primam sic : quod non ex hoc dicitur posse aliquod agens, unum in aliud conuèrtere, quia habet potestatem super totum, nisi illa, quorum unū in aliud debet conuerti communicent in materia : ratione cuius, unum dici potest in altero manere. ad secundam rationem negatur minor : & ratio assignatur, quia in creatione nihil contradictionis est : at in conuersione vnius diuersæ naturæ in aliud maxima apparet contradictio : quare, &c. ad ultimam desumptā ex Ambrosio dicitur : quod sicut Deus potest aliquid de nihilo producere, sic potest unam rem in aliam conuèrtere, tamen quamlibet in quamlibet, nisi ibi sit communicatio materiae.

## QUALIS SIT CONVERSIO SVB-

STANTIAE PANIS, ETC.

Lectio LXIII.

**H**Odierna die de modo cōuersionis substantiæ panis in corpus Christi primo loquendum. insuper de aquæ appositione, ut valeatis intueri : Num totus panis conuertatur in Christi corpus, nec non aqua vino miscenda in hoc sacramento ? quantum attinet ad primum : cum hæc cōuersio miraculosa sit, hinc dicendum : quod totum conuertatur in totum. præterea : si non to-

V,

tum

tum in totum, proculdubio remaneret subiectum, & sic inter conuerſionē naturalem, & miraculoſam nullum videretur diſcrimen, quia aliquod commune ſubiectum utraque haberet: at iam diximus differentiam inter conuerſionem, & naturalem tranſmutationem: ergo totum in totum, quod conuertatur fatendum. In oppoſitum dicetis vos arguentes: id quod conuertitur aliquo modo manet in eo, quod conuertitur: ſed totus panis quantum ad formam, & materiam, non poteſt manere ſaltem quantum ad formam, qua nullo modo manet poſt panis conuerſionem: ergo totum non conuertitur in totum. Pro dilucidatione huius primi queſiti eſt ſciendum: quod in conuerſione ſubſtantia panis in corpus Chriſti totum conuertitur in totum ſub hoc ſenſu: quod nec materia, nec forma panis manet in ſe, vel in corpore Chriſti poſt conuerſionem, quia verē annihilatur. unde virtute diuina fieri dicitur tranſubſtantiatio panis in corpus Chriſti. Hiſ ita poſitis, rationes adductæ concedendæ. quod enim hic ſit totū miraculoſum eſt. ad inſtantiā verō in contrarium adductā de ſacili poteſt reſponderi ſic: quod ſit intelligenda de conuerſione naturali: at hæc ſupernaturalis eſt. explicata prima queſtione ſuper eſt altera de apponenda aqua vino in hoc ſacramento altaris: mihi etenim videtur, quod apponenda non ſit: quia vel hæc fieret de neceſſitate: vel de congruitate: nullum horū dicendum eſt: ergo minor patet quo ad utrunque: & primo quantum ad neceſſitatem: nam duo ſunt de huius ſacramenti neceſſitate; puta panis, & vinum: quare non aqua. Nec de congruo, quia pani non apponitur aqua ad ſignificandam unionem populi cum Chriſto: ergo necque miſcenda vino. deinde non legitur, quod Chriſtus inſtituendo

institucendo hoc sacramentū aquam apposuerit : ergo , &c. In contrarium se habet illud , quod dixit Alex. Papa : & habetur de cōsecr. dist. ii. Cap. i. rursus Cyprianus ait : quod calix Domini non est aqua sola , aut vinum solum , nisi misceatur utrunque : & ita appositio aquæ necessaria . Pro Responsione sciendum : quod aqua vino miscenda , cuius tamen mixtio non dicitur esse de necessitate sacramenti : at de congruitate , & Ecclesie præcepti. insuper notandum : quod illa aqua , quæ in vino apponitur congruentius benedicitur per illa verba. In nomine Patris , &c. cum signo crucis : & huius ratio assignatur , quia omnia , quæ applicantur materia huius sacramenti sunt benedicta sicut calix : patena : corporalia : manus sacerdotis : & ideo rationabile est , quod aqua in vino apponenda primò benedicatur. debet autem apponi aqua in tam parum quantitate , quod non corrumpat vinum. His in hunc modum constitutis , ad argumenta respondendum , & primo ad primum : quod currit de necessitate sacramenti , quo modo appositio aquæ non est necessaria , quia , qui sine aqua celebraret , conficeret. ad illud verò de pane , & aqua potest dici : quod non sit simile. ad argumentum secundum Respondetur : quod quamvis expresse non habeatur aquam à Christo appositam : probabile tamen est , quod vino in institutione huius sacramenti aqua apposita sit. illud verò Cypriani dictum sic intelligendum : quod Calix Domini non possit esse aqua sola : nec vinum solum , nisi utrunque misceatur : debet ergo apponi aqua de necessitate præcepti. & hæc  
pro presenti .

## VBI ILLA ACCIDENTIA FVNDANTVR.

Distinctio 12.

Lectio LXIII.

**I**nterpretaturi duodecimam huius libri quarti in ordine distinctionem, quo modo à prædeclaratīs pendeat, primo docebimus. insuper ad diuisionem accedemus. quantū ad primum: ex quo Magister loquutus fuit de huius sacramēti confectiōe: consequenter nunc in presenti intendit verba facere de consequentibus confectiōe: ubi septem in ordine nobis pollicetur, in qua præsens distinctio consumitur. nam primo conclusio proponitur. secundo probatio. dubium tertio. significata partium hostiæ consecrata quarto. quesitum quinto, effectus in specie huius sacramenti sexto. modus hoc sacramentum frequentandi inquiritur septimo. circa primum, ut versetur hæc venienda conclusio, in hoc cœlesti sacramento species, siue accidentia remanent sine subiecto: an hoc sit verum queso secundo probationem, audite loco. ibi non est, nisi substantia corporis, & sanguinis Dominici: at hæc huiusmodi affectionibus affici non potest: quare ibi talia accidentia sine subiecto sunt, sed dicetis, ad quid ergo remanent? Respondetur propter tria, scilicet ad mysterij ritum: ad fidei suffragium: & propter gustum, nunc tertio inquirendum venit loco: num in hoc sacramento fiat vera, & realiter fractio, siue partitio. primo aspectu videtur ad partem declinandum esse negatiuam: nam Christi corpus frangi non potest, & alia substantia ibi non est: quare nec fractio realis. alij dixerunt in hoc sacramento concedendam esse fractionem secundum  
apparentiam

apparentiam tantum, nec ob id illusionem: sed potius ad fidei utilitatem. quidam alij existimarunt Christi corpus verè frangi, integrumq; non remanere. alij dixerunt: quòd sicut ibi species panis est, & non res in qua sit species: ita debet esse fractio, quæ non sit in aliqua re, cum nihil ibi frangatur: quòd mirabiliter de Dei potentia fieri dicunt. nos verò una cum Magistro Sent. liberè fatemur, in hoc sacramento concedendam esse veram ipsis sacramentalibus speciebus fractionem, nõ igitur Christi corpus frangitur: inquit enim beatus Hieronymus: quòd sub singulis fractionis partibus est totus Christus. Hylarius quoque dicit: ubi est pars corporis Christi, ibi est totum. His quarto venit addenda loco vera significatio partium hostiæ, in quas descendit per veram fractionem frangitur enim in tres partes: una significat Christi corpus in sepulchro iacens: alia verò Christi corpus in mundo viuens: tertia, & ultima Christi corpus post Resurrectionem. addit e vos: quòd in illa hostia consecrata fractio facta tria significat, scilicet Saluatoris passionem: fidelium unionem: & virtutis distributionem. ibi vera fractio, & in Christi morte animæ à corpore diuisio. ibi tres partes: non secus tria consideratione digna in Christi passione occurrunt, ut puta sanguis, corpus, & anima abinuicem separata. insuper pars una comeditur, quæ significare dicitur Ecclesiæ fideles in hoc mundo viuentes, quæ in calice ponitur, & cum sanguine miscetur, denotat in cælo exientes in plena beatitudinis participatione esse. ultima particula in purgatorio morantes innuit. At dicetis: cum in tres diuidatur in æquales partes hostia consecrata, quarum una sub figura triangulari manet? num Christi corpus triangulare? Respondetur quòd

quod non : quia ibi Christus sub modo quantitativo esse non habet, sed ut alias clare diximus. quatuor iam expositis sectis, quintum subsequitur, & est tale : num quotidie Christi corpus immolari dicatur ? insuper : num quod facit sacerdos in hoc sacramento proprie queat dici sacrificium, vel immolatio ? mihi sanè utrunq; dicendū fore videtur, licet non in re, sed tantū in similitudine, quod enim quotidie geritur, signum est memoriale, nec non figura immolationis semel factæ : & sic forma visibilis, quæ in altari, sacrificium dicitur, & est similiter immolatus fuit, quotidie tamen offertur : sed aliter tunc, & aliter nunc. nam inquit beatus Aug. super Psal. vigesimum. certum habemus, quia Christus resurgens ex mortuis, iam non moritur. Semel igitur fuit immolatus Christus, & semel hostia pro salute oblata, totum verò, quod singulis diebus offerimus, in eius mortis memoriam facimus. Preter omnia, quæ hætenus explicata, sexto tangitur huius sacramenti effectus loco : hoc enim à Christo sacramentum duplici de causa fuit institutum, scilicet in charitatis augmentum, & in medicinam nostræ infirmitatis. Nam quotidie labimur, & cadimus : propterea quotidie Christus pro nobis mysticè immolatur. unde virtus sacramenti venialium remissio potest dici. denique de modo utendi hoc sacramento agendum, ut cognoscamus : num sit frequentandum ? Pro intellectu cuius ad Ecclesie statuta recurrendam. & hæc de tota distinctione.



LECTIONES LIB. QVARTI. 159  
DE ACCIDENTIBVS SACRAMENTI ALTARIS.  
Lectio LXV.

**D**E more nostro distinctionem presentem examinare volentes, duo principalia se se nobis offerunt quesita: quorum primum: *An Deus quodlibet accidens sine subiecto facere possit. insuper: An sacramētales valeant naturaliter aliquid immutare species. quantum ad primum: auctoritate Prophyrj, & Philosophi septimo diuinorum sic arguitur. hec duo, vt Relatiua se habent: igitur accidens non poterit esse sine subiecto: nam accidentis est in esse: igitur, &c. preterea: vt se habet quantitas ad ipsam substantiam, ita qualitas ad quantitatem: sed qualitas esse nō potest sine quantitate, nec quantitas sine substantia: ergo albedo in hostia non erit sine subiecto: quod si esse posset sine subiecto, visum imutare non posset. quare, &c. In oppositum dicetis vos: veluti accidentis est inesse: ita substantiæ completa erit per se esse: sed Deus sua virtute facere potest, quod completa substantia non sit per se, sed in alio vt patet de humana natura in Christo: igitur poterit facere idem de accidente, quod minimè sit in alio, sed per se. Pro determinatione huius primæ questionis, est primo sciendum: quòd accidentia in duplici dicuntur reperiri differentia: quedam enim sunt absoluta, & quedam respectiua; voco ad presens accidens Respectiuum nō ex respectu ad subiectum, vel fundamentum, in quo dicitur esse: quia sic omne accidens Respectiuū dicitur, & nullum absolutum: at Respectiuum illud, cuius essentia est habitudo ad aliud: & esse est ad aliud se habere, vt est Relatio, & quęcunque includunt essentialiter*

entialiter respectum. Absolutum autem accidens illud est, cuius essentia non est habitudo ad aliud, nec esse eius est ad aliud se habere: sed in se quædam natura est, ut quantitas, & qualitas. est autem inter hæc accidentia differentia duplex: prima est, quod accidens absolutum quædam natura in se est, cui competit aliquis modus essendi. accidens autem Respectivum, solum dicit modum essendi alterius partis. secunda differentia est: quia accidentia absoluta propriè dicuntur esse in subiecto: at Respectiva in illa natura, in qua immediate sunt, magis esse dicuntur in fundamento, quàm in subiecto. præterea est sciendum: nos duplicia attendere posse accidentia in sacramento altaris: quædam, quæ fuerunt in pane, & vino, & manent pane, & vino desinentibus, quæ intelliguntur per species panis, & vini, & ea sunt, quæ post consecrationem sentiuntur, quæ tamen Christi corpus non afficiunt, sed continent ipsum per realem præsentiam, & hæc sunt, calor, odor, sapor, pondus, color, humiditas, & similia. Alia sunt accidentia corpori Christi inexistencia inhesionem, vel prædicationem, quæ nulli sensu percipiuntur, quæ etiam eidem corpori in cælo insunt, vel inesse possunt. His suppositis, dicendum modo est, quod accidens Respectivum nullo modo, sine suo esse possit fundamento. accidens autem absolutum, sine quocunque bene potest esse subiecto. Sub quo sensu communis est opinio omnium catholicorum: accidentia sacramenti altaris, sine subiecto esse. Nunc soluendæ rationes prius formatæ, deinde ad alteram accedemus questionem. prima ergo concedenda, quantum ad accidens respectivum, & quo ad inesse per concomitantiam, non autem per essentiam. Insuper naturaliter loquendo. de accidente verò absoluto,

absoluto, & superraturaliter, nulla est adducta, siue formata prima  
 ratio. Altera ratio admitti potest secundum ordinem naturæ: nam  
 licet albedo de se, sensus motiua sit, non tamen dicitur, ut separata  
 actû immutare sensum, licet potentia possit. huiusmodi ergo acciden-  
 tia tollunt actum, at non potentiam sensus. & hæc de primo quesito.  
 queritur secundo: An sacramentales species, aliquid valeant im-  
 mutare naturaliter. mihi primo aspectu videtur esse dicendū, quod  
 non: nam Angelus maioris dicitur esse virtutis, quam species in sa-  
 cramento remanentes: sed non potest quid immediatè immutare:  
 ergo neque huiusmodi species. Insuper Philosophi Regula firma est  
 in Physicis: quod omne agens in agendo repetitur: si ergo tales spe-  
 cies, de quibus hic loquimur aliquid naturaliter immutare possent,  
 non secus ab alio naturaliter immutari possent: at hoc non videtur  
 possibile, quia sic, vel desinereut esse, aut cederent in potentiam ma-  
 teriæ, aut annihilarentur, quæ omnia sunt absurda: ergo. ex alio  
 latere oppositum nobis apparet: quia omne, quod sentitur, sensum im-  
 mutat: sed species existentes in hoc sacramento naturaliter sentiun-  
 tur, quia color videtur, & sapor gustatur: igitur sensum immu-  
 tant. Pro intelligentia huius questionis est sciendum: huiusmodi  
 species in sacramento naturaliter quidem aliud immutare posse:  
 quod etenim ante consecrationem poterant, cur non, & post? quo  
 stante, ad rationes modo dicendum, quod prima nihil concludit,  
 quia non est simile de Angelo, & de speciebus sacramentalibus in  
 hoc sacramento existentibus: quia Angelus immediatè dare non  
 potest formam aliquam, at qualitates corporales habent generare  
 sibi similes qualitates, nec non contrarias corrumpere: quare, &c.

ad secundam rationē dicitur : quod nullum sequitur incommodum, dum quantitas virtute diuina desinit esse, quia tunc annihilatur, nec mirum, sicuti omnia per ipsum ex nihilo facta sunt. & hæc de duobus quesitis.

AN PER ADMIXTIONEM NOVI VINI  
DESINAT ESSE SANGVIS CHRISTI.

Lectio LXVI.

**P** Rēdeclaratis quesitis duobus in proximo præterito sermone nostro : duo alia hodierna die erunt addenda maxima animaduersione digna : quorum primum de admixtione noui vini speciebus huius sacramenti. Alterum de frequentatione eiusdē. queritur ergo primo : An si speciebus vini consecrati, alius admisceatur liquor desinat ibi esse Christi sanguis ? mihi quod sic prima fronte apparet : quia idem in numero non potest esse in subiecto, & sine subiecto : at hoc sequeretur, si post admixtionem noui liquoris ad species vini consecrati ibi Christi sanguis remaneret : ergo, &c. insuper quælibet pars mixti mixta est : tunc si aliquis, liquor ibi apponeretur, per totum mixtum illud nuncuparetur : at Christi sanguis in hoc sacramento non dicitur esse, cum substantia alterius corporis : per talem igitur admixtionem desinit ibi esse Christi sanguis ex alio latere nulli dubiū : quin Christi sanguis sub illis manentibus speciebus consecratis maneat : nam per quamcunque admixtionem alterius liquoris non ibi desinit esse sanguis, ut potē si modicum de vino : vel modicum de aqua admisceatur. Pro dilucidatione igitur  
huius

huius questionis primæ duo præmittenda sunt: quorum primum est: quòd Christi sanguis in hoc sacramento manet, quam diù manent consecrata species. Alterum respicit liquorem appositum: vel enim huius: modi liquor appositus speciebus sacramenti est eiusdē speciei, vel alterius. Si eiusdem speciei, tunc distinguendum: nam potest fieri appositio secundum eandem substantiam, sed non secundum qualitates quasdam. V. g. si vino rubeo consecrato vinum album apponeretur nō consecratum, tunc per talem videtur appositionem, si fiat in notabili quantitate, quòd vini consecrati qualitates corrumpantur. nam sensus docet, quòd color mutatur, sed nunquid propter hoc desinit ibi esse sanguis Christi? potest probabiliter teneri quòd non: quia talis apparentia colorum per accidens se habet ad sacramentum, nec propterea immutat ipsum. Si verò liquor esset alterius speciei, ut puta cum aqua vino consecrato admiscetur: tunc videndum: num appositum sit maius illo cui apponitur, vel equale, aut minus: si maius, vel equale, non solum quantitate, sed virtute corrumpitur species vini, & desinit esse sub his sanguis Christi. Si autem quod apponitur esset minus puta parua aqua, tunc talis à vini speciebus valentibus aquam totaliter alterare corrumpetur, & virtute diuina forma vini introduceretur. His suppositis, & rectè consideratis, de facili poterit iudicari de casibus circa materiam hanc occurrentibus. Nunc ad argumenta dicendum, & ad primū primo: nihil prohibere, quia accidens quod partes habet extensas, ut est quantitas secundum unam partem, sit in subiecto: & secundum aliam non sit in subiecto, nec hic apparet aliqua contradictio, quia hoc non dicitur secundum idem, sicut fit in hoc sacramento,

quando ei apponitur secundum speciem similis liquor. ad secundum dicitur: quod in appositione similium non est mixtio propriè dicta, de qua Aristoteles loquitur primo de generatione. Illa enim mixtio diffinitur secundum ipsum, quod est miscibilem alteratorum unio: hic verò sumitur mixtio per secus positionē partium, ita quod nulla pars ibi sit mixta, sed totum mixtum: quatenus partes continet diversorum. enucleata breui hac prima questione consequenter inquirendum est de huius sacramenti frequentatione: An scilicet laudabile sit quotidie hoc sacramentum sumere. mihi videtur, quod laudabile non sit: quia si sic: tunc pluries in die sumere foret magis laudabile: at hoc minimè verum, quia consuetudo Ecclesie se habet in contrarium: ergo. Insuper pluries baptizari minimè licet: igitur nec omni die hoc sacramentum sumere erit laudabile. Præterea: Agnus Paschalis, qui præfigurabat hoc sacramentum, semel tantum comedebatur in anno: semel igitur Eucharistia in anno sumendum erit hoc sacramentum. ulterius Ecclesia sancta semel Christi passionem in anno celebrat, cuius hoc memoriale sacramentum: omni igitur die velle sumere hoc sacramentum nō videtur esse laudabile. Quis itaque quotidie hoc sacramentum audebit sumere? nonne Centurio dixit ipse: Domine non sum dignus, ut intres sub tectum meum: quare, &c. pro determinatione huius difficultatis secunda, tria præmittenda, pro cognoscenda veritate. primum est: quotidie hoc sacramentum sumere expediens, & laudabile esse ex genere facti. Alterum est: ab huius sumptione abstinere quandoque ex parte facientis laudabile, quando non sit dispositus, sed indispositus homo. Tertium, & ultimum est: quod inter laudabiliter sumen-

tem,



tem, & laudabiliter abstinentem, melius videtur facere qui sumit, quàm qui abstinet. His ita pręmissis, quid ad formata argumenta sit dicendum patet. nam primum supposita recipientis dispositione melius quidem foret, magisq; laudabile pluries in diē hoc sacramentum sumere ex genere facti, nisi consuetudo in contrarium ipsius Ecclesie se haberet: ruit ergo primum argumentum non ex genere facti, sed ex non consuetudine. Ad secundum similitudo negatur, & ratio assignatur: quia in baptismo semel fit spiritalis regeneratio: hic autem nutritio, & ideo potest pluries hoc sacramentum sumi, sed illud non reiterari. ad illud de agno Paschali dicitur: quòd semel comedebatur, quia Christus semel mortuus: & propter hoc semel in anno Ecclesia Christi passionem celebrat. verum, quia in hoc sacramento nobis passionis Christi memoriale traditur: hinc quotidie per modum cibi hoc sacramentum sumitur, in signum quoque cibi illius, qui quotidie populo dabatur in deserto. laudabile igitur est, hoc sacramentum quotidie sumere. nam si quotidie acceperis, quotidie tibi Christus erit. ad dictum Centurionis Respondetur: quòd ex timore illius, orta humilitas, merito cuius, Christum suscepit ipse gaudenter. filialis ergo timor fidelem disponit ad humilitatē, nec non ad huius sacramenti susceptionem. & hæc satis.

## SI HAERETICI, ETC.

Distinctio 13.

Lectio LXVII.

**V**BI determinatum fuit de Eucharistie sacramento quantum ad esse, & fieri: consequenter inquirendum à quibus  
nam

nam possit hoc sacramentum confici. diuidatur itaq; presens distinctio in sex octo. in quorū primo ponitur propositio. in altero questum. in tertio Responsio. in quarto noua propositio. requisita ad huius sacramenti perfectionem in quinto. notandum in sexto. Epilogus in septimo. obiter quid sit hereticus in octauo. quantum ad primum: sit hec propositio; à malo sacerdote verum cōficitur sacramentum. pro intellectu cuius queritur secundo. An malus sacerdos conficere possit hoc sacramentum. Sanè, ut tertio habeatur loco Responsio, ita dicendum, quòd sic: totum enim quod hic fit, in merito consecrantis minimè fieri dicitur, sed in verbo Creatoris: diuina enim virtus secretius operatur sub tegumēto rerum visibiliuū salutem. unde beatus Aug. dicebat: intra Catholicam Ecclesiam in mysterio corporis, & sanguinis Domini, nihil à bono maius, nihil à malo minus perfici sacerdote. nec id mirum, quia in verbis Christi creatoris sacramenta conficiuntur. tamen ergo bonus, quam minister malus conficere dicetur: nam nihil bonitas, siue malicia sacerdotis ad consecrationem facere videtur. Cum itaque idem sit spiritus Sanctus in tota Ecclesia, qui inuisibiliter ea mysteria, & operando sanctificet, & sanctificando benedicat: proculdubio tenendum, quòd siue à bonis, siue à malis hoc conficiatur sacramentum. & hec de punctis tribus; in quarto ponitur de scismaticis, & hereticis sacerdotibus talis propositio. Ab Ecclesia Dei per excommunicationem, vel heresim præcisi non videntur hoc sacramentum posse conficere. qua in parte opinio Magistri non probatur: nam siue præcisi ab Ecclesia per excommunicationem, siue per heresim, extra quam corporaliter licet esse dicantur, possunt nihilominus dici,

dici, & intra hanc esse, quantum ad intentionem: quare cum sacer-  
 dotes sint, poterunt conficere, intendentes, quòd Sancta Mater  
 Ecclesia intendit. Si tamen aliquo modo Magistrum saluare ve-  
 litis, ita dicendum: loquutum fuisse de illis extra intentionem Ec-  
 clesie conficere tentantibus. His quinto loco, quot ad huius sacra-  
 menti perfectionem requirantur, audite: duo etenim sunt. scilicet  
 ordo ministri, & intentio, ut superius satis abundè diximus. Pre-  
 ter hec sexto notandum datur de brutis animalibus hoc sacra-  
 mentum sumere non valentibus. At dicetis: quid ergo sumunt, quando  
 hostiam consecratā accipiunt? hic Magister se hoc nescire fatetur,  
 nam dicit: quod Deus nouit. Seraphicus Doctor Bonauentura, ne  
 circa negotium hoc diù hesitaremus, paucis quid tenendum docuit,  
 distinctione premissa duorum, quæ in hoc sacramento consideran-  
 tur: quorum vnum Christi corpus inseparabiliter illis speciebus  
 unitum vocatur, quam diù rationem sacramenti habet, & sunt ha-  
 biles illa species ad humanum usum. Alterum ex parte comedentis,  
 scilicet bruti. nunc ad formā dubij ait Doctor Bonauentura: quòd  
 comeditur à bruto, Christi corpus non debet dici, cum ibi fiat con-  
 uersio in preiacentē materiam virtute diuina: quid ergo comedit?  
 dicitur: quod illas species reuersas, sub quibus tunc temporis desint  
 esse Christi corpus: qui potest capere capiat, & hoc vobis sufficiat.  
 Epilogat septimo Magister dum inquit: se de hoc mysterio breui-  
 ter dixisse a fidelibus catholicis fideliter tenenda: quibus si quis cō-  
 tradicit hereticus videtur. hinc octauo loco, quid sit hereticus de-  
 clarandum, sed non ante eius multiplicem significationem. nā quinq;  
 modis accipitur hereticus. vno modo pro omni excommunicato. se-  
 cundo

cundo pro sacrorum peruersore, uti est symoniacus. Tertio pro dubitante Christi fidem esse falsam, vel fictam: quo modo omnes Iudei, Sarraceni, & Pagani dicuntur heretici, & generaliter omnes infideles: & sic omnis, qui non tenet articulum fidei, hereticus largè dici potest, vel qui corde, & ore negauerit fidem. quarto modo dicitur omnis Christianus, vel qui se putat Christianum, errans contra catholicam veritatem pertinaciter hereticus, & sic propriè capitur. quinto omnis qui pertinaciter adhæret errori, qui sapit heresim, vel qui pertinaciter asserit, vel determinat aliquam heresim. habens ergo prauam, & erroneam circa fidem intelligentiam hereticus censendus. secundum verò beatum Aug. de utilitate credendi, hereticus ille, qui causa commodi temporalis, & gloria, vel falsum, vel nouas gignit opiniones, aut sequitur, tanquam meliores. & hæc de tota distinctione satis.

## AN PROPRIE SACERDOTIBVS HVIVS SACRAMENTI CONSECRATIO CONVENIAT.

### Lectio LXVIII.

**V**T nobis dicta Magistri magis nota fiant, in presenti nostro sermone duo queremus: quibus absolutis ad alia properabimus. primum est: quis hoc sacramentum consecrare possit. Alterum est: An liceat sacerdoti, omnino à celebratione, seu consecratione cessare. quantum ad primum, videtur esse dicendum: quòd huius sacramenti consecratio sacerdotibus propriè non conueniat: quia in eius institutione dictum fuit Apostolis: Hoc facite

facite in meam commemorationem : solis ergo Apostolis, & non simplicibus sacerdotibus huius sacramenti consecratio cōuenit. præterea : beatus Aug. ait : quod extra Ecclesiam catholicam non est locus veri sacrificij : at multi sacerdotes sunt extra Ecclesiam, saltem scismatici : igitur tales consecrare non poterunt : quare, &c. deinde sacerdos excommunicatus, vel degradatus in foro penitentiae non potest absolvere : ergo neque hoc sacramentum conficere : & ita patet, quod huius sacramenti consecratio sacerdotibus propriè non conuenit. In oppositum se habet determinatio Ecclesiae, quae dicit : quod hoc sacramentum nemo conficere potest, nisi solus sacerdos, qui ritè fuerit ordinatus : solis ergo sacerdotibus nouae legis sacrificium offerre conuenit. His ita positis, ad rationes adductas nunc respondendum. ad primam ergo dicitur : quod illud verbum Christi : Hoc facite in meam commemorationem, dictum fuit Apostolis, non tantum pro se, verum pro posteris, qui in eodem succedere debebant officio : non quo ad Apostolatam, sed quo ad simplex sacerdotium. quare sacerdotibus ritè ordinatis huius sacramenti consecratio conuenit. ad illud Augustini dicitur : quod extra Ecclesiam non est locus veri sacrificij ; quando Ecclesiae forma non seruatur : vel non est verum sacrificium quantum ad consecrantes, & sumentes, quia illud ad salutem non habent, sed ad perniciem. ad tertiam rationem similitudo negatur : quia in foro penitentiae excommunicato totaliter subtrahitur materia, quae est peccator subditus : at nullus dicitur subditus degradato, siue excommunicato, quo ad iurisdictionem Ecclesiasticam : in consecratione autem sacramenti Eucharistiae supponimus omnia concurrere de sacramenti necessi-

tate, scilicet materiam, & formam, & ministrum, & intentionem, quibus concurrentibus verum est sacrificium: iccirco nulla dicitur fuisse allata similitudo. explicata prima questione: altera subsequitur: ubi inquiritur. An sacerdotibus omnino à celebratione missæ liceat cessare, siue abstinere. mihi prima fronte apparet, quòd sic. nam uti licet Episcopo abstinere ab executione ordinis Episcopalis, ita sacerdoti à celebratione missæ. Insuper legitur de quodam Sancto Patre, quòd ordinatus in sacerdotem, nunquam post celebrauit: igitur sacerdoti huius exemplo licebit nunquam celebrare. ex alio latere, uti simplici laico non expedit penitus abstinere à communione, multo minus licebit sacerdoti omnino à celebratione abstinere. Pro responsione, quesitiue determinatione primo sciendum: quòd sacerdos non potest sine graui peccato totaliter abstinere ab omni celebratione missæ, nisi tale impedimentum corporale, vel mentale haberet, per quod legitime excusaretur: quòd non posset, aut non deberet celebrare. His ita positis, quid ad argumenta formata sit dicendum, audite: primum enim ruit ratione dissimilitudinis. nam executio ordinis Episcopalis populum respicit, seu corpus mysticum: & ideo siue faciat ea, quæ ad ipsum pertinent per se ipsum, siue per alium Episcopum non refert, quantum ad populum, cui est obligatus. At per ordinem sacerdotalem quis Deo obligatur ad offerendum sacrificium altaris, ad quod se per susceptionem sacerdotalis ordinis obligauit, à qua ipse non liberatur, si alius pro illo celebret sacerdos. ad illud de illo Sancto Patre potest dici: quòd habuerit aliquod occultum impedimentum, vel specialem reuelationem Spiritus Sancti de non celebrando. quare



*ab huiusmodi non est consequentia deducenda sine rationabili causa. & hæc pro presenti.*

AN EANDEM HOSTIAM PLVRES POSSINT SACERDOTES CONSECRARE.

Lectio LXVIII.

**E**Xtremam imposituri manum huic distinctioni tertiæ decimæ in ordine huius libri quarti, tria consideratione digna proponemus quesita. quorum primum: *An plures sacerdotes eandem valeant consecrare hostiam. Insuper: An solis sacerdotibus Eucharistia hoc sacramentum populo ministrare liceat. Deinde: An heretici tolerandi. circa primum negatiue sic arguitur: ubi unus totum facit, alij nihil faciunt: sed unus sacerdos verba proferendo supra materiam consecrat: quare, &c. Insuper in natura actionibus plura agentia ad unum immediatè concurrere nequeunt effectum: igitur neq; hic: non ergo eandem hostiam plures videntur consecrare posse. ex alio latere, si unus plures potest hostias consecrare: igitur à fortiori ratione, plures poterunt hostiam unā consecrare. Pro intelligentia huius difficultatis, velim sciatis: hanc duobus intelligi posse modis: uno modo, quòd plures sacerdotes simul consecrent hostiam unam: sic quòd unus partem unam hostiæ consecret: deinde alius aliā, hostia tamen integra remanente. Alio modo, quòd quilibet totam consecret. primum adhuc dupliciter intelligi potest: uno modo, quòd quilibet intendat solum consecrare medietatem hostiæ, eam non signando medietatem. Alio modo eam*

signando sensu, vel imaginatione, vel quocunq; alio modo. Si primo modo, plures sacerdotes non valent consecrare eandem hostiam. Si secundo modo, nec hoc possibile videtur: quòd una pars sine alia remaneat consecrata: quare plures nō poterunt unam, & eandem hostiam consecrare, ut aliquorum est opinio. Alius datur modus dicendi, & est: quòd plures sacerdotes eandem possint consecrare hostiam, dummodo simul verba proferant, concurrentibusque omnibus, quæ sunt de necessitate sacramenti: nec ibi plures consecrationes, sed una: quia virtus diuina secundum suum beneplacitum aliquem unum valet producere effectum per ministerium unius, vel plurium. His ita premissis, nunc ad primū argumentum dicendum: quòd quando plures simul proferunt verba consecrationis cum intentione firma super eandem materiam, tunc nullus eorum dicitur facere totum: sed virtus diuina assistens illa est, quæ totum facit, quandoque cum ministerio unius, & quandoque plurium. nam quæcunque in altari ponuntur, non ab homine, sed à Deo sanctificationem accipiunt. ad secundum argumentum est dicendum: quòd ratio benè procederet, si in sacramentis foret virtus creata, quæ secundum se sufficeret ad effectum huius sacramenti, hoc est ad faciendum, quòd hoc in sacramento esset corpus Christi: sed non est ita: immo ad hoc solum diuina virtus attingit: Deus enim nihil facit frustra: & ideo ex eius ordinatione non est, quòd plures virtutes concurrant, ubi una sufficit, totumq; facit. expleto primo quesito: alterum subsequitur, dum inquiritur: num solis liceat sacerdotibus hoc sacramentum populo ministrare. mihi videtur, quòd non: nam Diaconi officium habēt dispensandi sanguinē: igitur, & dispensandi Christi

Christi corpus : quare , &c. antecedens patet de beato Laurentio , cui commissæ fuit dominici sanguinis dispensatio . Præterea : huius sacramenti dispensatio non videtur consistere in materiæ consecratione : quare , quod simplici laico talis dispensatio competere possit , videtur : non ergo solis sacerdotibus . ex alio latere totum oppositum est legere in decretis de consecr. dist. ii. ubi expressè inhibetur : ne etiam infirmis sacerdotes per laicos hoc sacramentum transmittant . Pro responsione igitur tria præmittenda . primum est : quod nulli laico quantumcunque sancto hoc sacramentum alijs liceat ministrare . Alterum est : quod Diaconus dici debet sacerdotis proprius minister . Tertium est : quod à præcis hoc non sumatur sacramentum , ne in huiusmodi sacramenti susceptione quis fiat inobediens Ecclesie , incurratq; peccatum mortale . His præmissis , nunc rationes de facili ruent . nam prima habet concedi non immediatè , sed mediatè , id est mediantibus vasis : quo modo ad Diaconum hoc sacramentum ministrare pertinet . nec illud valet adductum de sanguine , & de Christi corpore : quia sanguis semper ministratur mediantè vase , at Christi corpus immediatè tangitur : quare similitudo nulla . unde licet Diaconus dominici sanguinis dispensator sit , nõ propterea Christi corporis , ratione dicta . ad secundam rationem de laico dicitur : quod aliud requiritur ad hoc sacramentum dispensandum : nam morum sanctificatio , non solum requiritur , verum etiam sacramentalis sanctificatio , qua cum laicus , quantumcunque sanctus careat : iccirco sibi tale dispensare sacramentum non licebit . Quid si inueniret hoc sacramentum cecidisse in lutum , & presens nõ esset sacerdos , nec Diaconus , nec alius minister inferior , & ipse .

Eucha-

*Eucharistiam sic inuentam tolleret, & ad sacerdotem portaret : an sibi hoc licitum fuisse fatendum ? certè sic. Quia hoc non pertineret ad dispensationem, sed solùm ad reuerentiam. His duobus explicatis quesitis : tertium accedit : An scilicet heretici sint tolerandi. Quibusdam videtur, quòd sic : nam peius est totam fidem negare, quam in aliquibus articulis errare : sed Iudei, & Pagani, qui negant totam fidem tolerantur : ergo, qui non negant totam fidem, sed aliquem, vel aliquos articulos, multo magis tolerandi. Præterea : Matthæi. xiii. Dominus præcepit, quòd zizania non colligeretur, sed permitteretur crescere usque ad messem : messis autem est finis sæculi : cum ergo heretici sint zizania, videtur quòd debeant permitti crescere usque ad finem sæculi. Insuper secundum beatũ Aug. nullus cogi debet ad credendum : quia credere est voluntatis : heretici ergo in aliquibus errantes articulis non sunt cogendi ad credendum. In contrarium potest dici : quia lupi sunt arcendi à grege officio pastorũ : & heretici sunt lupi : igitur à grege fidelium officio prælatorum, qui sunt Ecclesiæ pastores, debent arceri. Pro dilucidatione huius quesiti, primo, quid interpretetur p hoc nomen heresis, sciendum : insuper : num heretici sint ab Ecclesia tolerandi. quantum ad primum : heresis dictio græca est, & dicitur ab electione, quoniam unusquisque eligit disciplinam, quam putat esse meliorem. Insuper ab herendo suæ opinioni contrariæ Ecclesiæ dicitur heresis, quæ hereticum hominem facit, dum pertinaciter opinioni erroneæ adheret. unde beatus Aug. dicere solebat. errare potero, hereticus non ero. nec illi heretici dicendi, qui nunquam fidem receperunt, nec secundum actum, neq; secundum sacramentum, ut Iudei, Saraceni,*

raceni, & Pagani, qui infideles vocantur. Solus ergo ille hereticus, qui fidei per sacramentum est obligatus, & vehementer falsa adheret opinioni contraria fidei orthodoxa. quantum ad secundum potest dici: quod in crimine heresis est considerare criminis gravitatem, & eius nocumentum: est enim infectivum aliorum: nam multum proficiunt ad impietatem, & sermo eorum, ut cancer serpit: ex gravitate ergo criminis merentur heretici occidi: & bona eorum confiscari: quia gravius est maiestatem Dei eternam offendere, quam temporalem cuiuscunque hominis. attendendo autem ad aliam heresis conditionem, nequaquam in consortio fidelium, & maxime simplicium debent tolerari. His ita positis, nunc ad argumenta respondendum: & primo ad primum per non esse simile de Iudeis, Sarracenis, & hereticis. Quia nunquam Iudei, & Sarraceni fidem susceperunt: quare non sunt compellendi ad eandem servandam, sicuti heretici. ad secundum argumentum potest dici: quod Dominus precepit zizaniam non colligi, ne triticum eradicaretur: per quod datur intelligi, quod heretici non sint extirpandi, quam diu incertum est: an sint verè heretici, an Christini: at quando certum esset aliquem esset hereticum, tunc temporis sine periculo fidelium extirpari posset. ad tertium desumptum ex Augustino dicitur: nullum esse cogendum ad fidem recipiendam: at ad eam iam receptam conservandam sic. & si non servauerit, puniri debet: ut est in proposito de hereticis. & hæc satis.

## DE PAENITENTIA.

Distinctio 14.

Lectio LXX.

**S**uperius determinatum fuit ad aures Magistri Sent. de confirmatione, & Eucharistia, quæ sunt sacramenta ad perfectionem in bono ordinata. Nunc verò agendum de penitentia, quæ ad amotionem mali ordinatur. unde tractatus iste diuidi habet in partes quatuor: in quarum prima est sermo de penitentia secundū se: in altera de penitentia partibus: in tertia de ministro: in quarta de tempore, ut suo loco intelligetis. Nos circa primam versaturi, penitentia necessitatem primo proponemus. Insuper eius originem explicabimus. Pro intellectu primi puncti, hæc propositio ponenda. Penitentia ad vitam æternam consequendam necessaria, quam insinuandam, D. Hieronymum vocantem penitentiam tabulam secundam post naufragium, audite. Fuit enim humana naturæ naufragium primum, quando primus parens illam sibi iustitiam originalem à Deo datam, per peccatū amisit: cui misericors Deus, per tabulam primam, ut puta per baptismum succurrit. unde baptis-  
mus tabula prima vocatur: secunda verò tabula penitentiæ pro naufragio secundo, scilicet pro peccato mortali patrato. Necessaria ergo. Insuper, si non esset necessaria, Christus, & Ioannes Baptista prædicationem suam à penitentia non incepissent, dicentes: penitentiam agite, appropinquabit enim Regnum celorum: hoc idem docet Ecclesia his verbis. Missereris omnium Domine, & nihil odisti eorū, quæ fecisti desimulans peccata hominū propter penitentiam.

Necessaria



*Necessaria igitur est penitentia, cuius genus est sacramentum, & est duplex: interior, scilicet, & exterior. Illa interior penitentia habitus dicitur: exterior verò sacramentum. eius actus à puniendo, eo quia per hanc illicita puniuntur, ut in hoc primo puncto habetur; in altero penitentia tangitur origo: nam penitentia virtus timore concipitur. His ita positis, ac premissis, tanquàm preuijs, ad quòd quid est penitentia, in sequenti ad eius enodandam diffinitionem festinabimus.*

EST AVTEM PAENITENTIA

SECUNDVM AMBR. TEX.

Lectio LXXI.

**P**osita in proximo preterito sermone nostro penitentia necessitate, consequenter quidditas eius inquirenda, ubi tria facienda. quorum primū, quòd quid est penitentia respicit. Alterum quorundam errorem circa penitentiam. Tertium autem erroris determinationem. quantum ad primum: solet finiri penitentia sic ab Ambr. penitentia est preterita peccata plangere, & plangenda iterum non committere. D. Gregorius diffiniens penitentiam ita dicebat. Penitentia est ante acta mala, & peccata flere, & iterum flenda non committere. D. Aug. sic. Penitentia est quædam dolentis vindicta puniens in se, quòd se dolet commississe. & dicitur penitentia à pēna, & teneo tenes: unde penitentia, quasi pēniteo, in quantum, scilicet penitens per pēnam, quam sustinet punit se propter illicita, quæ commisit. At dicetis: cum diffinitionem quædam

Z dentur

dentur per essentiam, ut homo est animal rationale, quædam verò  
 per causam V. g. si diceremus: Dies est, Sol lucens: illa penitentia  
 quo modo appellanda? dicite paucis: quòd diffinitio per causam.  
 ubi notandum in huiusmodi finitione, duplicem actum appositum  
 fuisse: unum respectu præteriti, alterum respectu futuri. Ideo di-  
 cebatur mala præterita plangere, & plangenda iterum nō commit-  
 tere. primus actus dicitur in re, alter verò in proposito voluntatis  
 reperiri, & esse. & sicuti in re, & in proposito inuenitur peniten-  
 tia, ita duplex dicitur esse. Interior, scilicet una, altera exterior.  
 Illa interior de iure naturali, nec propriè sacramentum, cum talis  
 etiam possit fieri ante baptismum. secunda, quæ fit ad hominis arbi-  
 trium, necnon secundum Ecclesiæ præceptum, sacramentum est,  
 quòd per ministros Ecclesiæ iurisdictionem habentes habet mini-  
 strari. His addite, quòd lugere pro peccatis proprijs actus peniten-  
 tiæ dicitur esse, quæ virtus est iustitiæ. At pro malis alienis dicitur  
 alterius virtutis, ut puta misericordiæ. Tandem pro bonis æternis  
 lugere actus beatitudinis tertiæ, de qua dicitur: Beati qui lugent,  
 &c. de duratione autè penitentia, quid vobis dicturus sim, audite.  
 Certum enim est, quòd exterior penitentia, nec debet, nec oportet  
 esse perpetua. de interiori verò dupliciter poterimus loqui: vel se-  
 cundum actum, vel habitum: si primo modo non videtur, quòd  
 quæcat esset perpetua: at secundo modo sic, nam tenetur semper pec-  
 cator, siue penitens non velle peccasse in præterito, nec in futurum  
 velle peccare. ubi duplex detegitur dolor: unus, qui rationalis vo-  
 catur, ut peccati detestatio, alius sensualis, ut corporis passio. primus  
 in penitente semper debet esse: alter verò non de necessitate. Rursum  
 dicetis

dicetis vos : cum vnum quodlibet nouæ legis sacramentum consistet ex duplici parte, scilicet ex materia, & forma, quæ nam forma, & penitentia materia? Respondetur, quod duplex datur materia, proxima, & remota huius sacramenti. remota sunt peccata: proxima, sed non absolutè, dicitur actio humana, siue actus penitentis: verba verò sunt forma. V. g. Ego te absoluo. & hæc de primo puncto, in altera ponitur quorundam error, qui originem duxit ex finitione data de penitentia ab Ambr. error ergo talis est, quod non sit illa vera censenda penitentia, quæ peccato sequenti maculatur: verè enim penitentem dicunt isti ultra mortaliter non peccare: quod authoritate Aug. confirmatur, qui talem dicit penitentiam inanè esse. Insuper Greg. dicit talem grauioris esse penam. Isidorus vocat huiusmodi penitentiam irrisoriam: non igitur post penitentiam homines peccato maculari valent. errore posito in secundo puncto, nunc tertio veritas determinanda venit loco, dicamus igitur ad hunc errorem excludendum: quod cessatio à peccatis præteritis, & dolor de eis, cum proposito cauendi futura ad veram sufficit penitentiam. unde quando dicitur innanis, vel derisoria, &c. debet hoc intelligi, quando id fit sine proposito abstinendi a peccatis. quare irrisor ille, qui cum proposito iterum peccandi dolet. multo plura in subsequentibus intelligetis: at pro presenti pauca hæc sufficiant vobis.

## PAENITENTIA EST VIRTUS, VEL

GRATIA. TEX.

Lectio LXXII.

**P**ost omnes finitiones in medium adductas de penitentia, illa Magistri Sent. nunc. ponenda. diuidatur ergo sermo noster in duo secta: in quorum primo habetur penitentiae definitio tradita à Magistro. in altero narrantur effectus. quantum ad primum: penitentia est virtus à Deo nobis infusa, qua commissa mala plangimus, cum emendationis proposito: ipsi Deo nos reconcilians, quae definitio Magistralis est, & perfecta, continet enim quatuor causarum genera: materialem: formalem: efficientem: & finalem. primo igitur in ipsa definitione causa efficiens ponitur cum dicitur: virtus à Deo. nam à nobis penitentia virtutem habere non possumus, sed ipsam à Deo infundente benignitate sua obtinemus. & hoc virtuti infusa commune est: non est ergo virtus ex actibus acquisita nostris, non moralis, quia superiorem perficit partem, non intellectualis, de quibus Aristoteles in Ethicis. Infusa itaq; à Deo, qui nos iustificat effectiue. gratia verò formaliter in effectui: & fides habitualiter, necnon Dei mandata obseruata per usum, & iustitiae exercitationem. secunda causa dicitur formalis, & perfectiua, forma enim illa est, quae dat esse rei per Aristotelem. dum itaq; in textu dicitur nobis infusa, scilicet per gratiam gratum facientem forma tangitur, sine qua nulla penitentia verà, nec Deo grata: sine qua nullus dolor de peccatis utilis. Per nos quidem in peccata dilabi possumus, & demereri: at non possumus à peccatis desistere,

desistere, & refugere, vel opus meritorium agere sine diuina gratia, quæ forma est animam viuificans, & perficiens. conuerte igitur me, & conuertar: quia tu es Dominus Deus meus. Tertia causa materialis, & obiectiua subinfertur dum dicitur: quia commissa mala plangimus cum emendationis proposito. Ecce mala commissa actualia peccata mortalia commissa, quia voluntate: commissa, quia sponte non coacte. commissa delectatione: commissa Diaboli suggestione. quarta causa, scilicet finalis ibi, Deo reconcilians. Finis enim penitentia est Deum offensum placare: vitamq; æternam nobis donare. penitentiam igitur agite, ut bono increato tandem valentis perfrui. & hæc de puncto primo, in altero apparent penitentia effectus. nam per hanc omnia relaxantur peccata: euaditur infernus: vincitur dyabolus. Regnum celorum acquiritur. Pœna æterna in temporales mutantur: omnes defectus remouentur: omnes virtutes restituantur: omnes Angeli letificantur: paradysus impletur. O penitentia virtutum magistra ad te inducor lege naturali, lege diuinali, & exemplari. Lege naturali, ut de malo vertar in bonum. Lege diuinali, quia Christus pro peccatis nostris est passus. Lege exemplari, quia omnes Sancti nos ad penitentiam inuitant. Hei mihi, hei mihi: si huic homines adhererent, non tam peruersi, sed boni essent.

INANIS EST PAENITENTIA. TEX.

Lectio LXXIII.

**I**AM absoluimus huius distinctionis partem in ordine primam, ubi erat sermo de penitentia natura, siue quidditate. nunc in  
 hac

*hac secunda, tria viderda. Conclusio primo. Irresinatio secundo. Tandem quarundam auctoritatum determinatio, siue intelligētia, quo ad primam: laconicē, ut procedamus, hanc notatu dignam conclusionem ponemus. Viatoris bona opera, quae per sequens peccatum deficiunt. Pro cuius irresinatione distinctio operum praeimitenda hoc secundo venit loco. Quaedam enim sunt viua: quaedam mortua: quaedam alia mortificata. Illa viua sunt, quae in charitate, & gratia fiunt. Viua insuper ratione finis. Viua ratione gloriae adeptiois. Mortua deinde illa, quae ab homine in mortali peccato existente, & sine charitate fiunt. Quae ad vitam aeternam consequendam meritorie minimē valent: dispositiue sic: & moraliter meritoria nuncupari possunt. mortificata illa, quae prius in charitate facta, per sequens peccatū deficiunt: at rursus per penitentiam reuiuiscunt. unde pro maiori notitia huius secunda particula, super est tertio loco auctoritates quasdam superius allatas soluere: & primo se se nobis illa D. Aug. offert dicentis: quod penitentia quā consequens coinquinat culpā dicitur inanis. Quae auctoritas, intelligi habet ex parte finis, quia scilicet sine caret, id est penitentia fructu: qui duplex est: gehenna vitatio, & gloriae adeptio; recedente verò peccato per penitentiam, quae prius mortificata erant opera fiunt viua, dignaque mercede propria: maximē loquendo de illis in charitate factis. nam si de mortuis, inanis sermo est, quia opera, quae nunquam viua fuerunt, reuiuiscere non possunt. Quando autē Aug. dicebat: nihil prosunt lamenta, si replicantur peccata: hoc debet intelligi, quantum ad ingratitudinem iterū peccantium, quibus eadem replicatur pena, quia eadem quibusdam videntur redire peccata.*



peccata. His dicta duo addenda ab Augustino posita, quæ videntur facere, pro confirmatione precedentis erroris; unum est, quia Aug. ait, quod penitens semper penitentia debet tenere, ita tamen quod dolere gaudeat: quod intelligendum venit de perfectorum penitentia, usq; ad finem vite sue, quam ipsi continuant. Alium est: quod nihil de venia relinquitur, quando homo post penitentiam in peccatum relabitur. Quod esse verum Magister fatetur, vel quo ad peccatorum reditum simpliciter, vel quantum ad ingratitude, ut alias dictum est. Et hæc pro presenti satis.

DE SOLENNI, ET VNICA PAENITENTIA. TEX.  
Lectio LXXIII.

**H**æc est nouissima pars huius distinctionis exponenda, quæ sui prima diuisione in puncta quinque subdiuidenda: in quorum primo agitur de solenni penitentia, in secundo propter, quæ peccata imponenda, declaratur, in tertio D. Ambræ authoritas, qua dicitur, quod penitentia non sit reiteranda exponitur, in quarto nouus error circa penitentiam ponitur, in quinto, et ultimo reprobatur. quantum ad primum: penitentia solennis illa est, quæ a solo Episcopo imponitur. ubi sciendum, quod non dicitur solennis, quia fiat in publico: sed quia cum solennitate tali. nam in die cinerum illi, qui debent agere penitentiam istam, se in Ecclesia coram Episcopo, et sacerdotibus præsentant: et Episcopus præmissa aliqua monitione ostendit eis grauitatem, et suorum peccatorum enormitatem, et indutos cilicio eijcit eos de Ecclesia, illud respon-

responsorium cantando: In sudore vultus tui vesceris pane tuo. Sic sunt extra Ecclesiam usque ad diem cenæ, qua die recipiuntur, & ad Ecclesie ingressum admittuntur: non tamen ad communionem quousque fiat per Episcopum reconciliati. Ratio huius solennitatis triplex est. Una ad exemplar, & terrorem aliorum. Alia ad erubescentiam delinquentium. Tertia ad significationem electionis Ade de paradiso. & hæc pro puncto primo, in altero pro quibus criminibus imponenda sit, detegitur. nam pro gravissimis criminibus publicis, totam communitatem conturbantibus laicis fidelibus semel imponitur. His ita positis in duobus sectis, tertium additur, ubi D. Ambr. autoritas declaratur, qua dicebat: pœnitentiam non esse iterandam. Intelligatur ergo de solenni pœnitentia, qua non reiteranda, ne vilis habeatur, nisi aliud de consuetudine occurrat alicuius Ecclesie. nunc quarto novus error quorundam existimantium pœnitentiam non esse reiterandam est apponendus loco. quorum motuum dicitur fuisse incitatio, siue provocatio ad peccandum, ad quam invitationem tollendam, nisi semel post baptismum videbitur expedire peccatoribus pœnitentie sacramentum. Posito errore, huius reprobationem modo percipite. Si non reiteranda foret pœnitentia, procul dubio viderentur Deo posse hominum peccata placere: at hoc est falsum: pœnitentia ergo reiteranda. Hęc veritas exemplo David cõfirmatur, qui bis veniam impetravit: semel de commissione adulterij, & homicidij: postea de numeratione populi. Insuper nonne Christus dixit Petro in hoc proposito: Nō dico tibi septies, sed septuagies septies? ex quo patet verā pœnitentiam scpius agi posse. & quia errantes circa pœnitentiam innitebantur quibus-

dam

da verbis Apostoli in Epistola ad Hebræos: ideo dicit Magister: ibi Apostolum non negasse illam penitentiam: sed bene voluntarie peccantibus hostiam secundam: quia Christus semel passus. & hæc de tota distinctione.

## DE PAENITENTIA.

Lectio LXXV.

**V**T in sequenti ad examinanda dicta Magistri properare valeamus, in presenti adhuc circa penitentiam versabimur, duo in ordine considerantes. primo multipliciter penitentia: secundo varias eius finitiones. quantum attinet ad primum: solet multipliciter capi penitentia. primo modo pro dolore desperationis, ut de Iuda proditore, qui penitentia ductus, retulit triginta argenteos. & de damnatis. Sap. s. penitentiam agentes, & præ angustia spiritus gementes. Damnati enim penitebunt, non propter amorem iustitiæ, sed propter odium pænæ (at inquit S. Bonaventura) cum quo Ricardus concordat dicendo: quod non penitent in spe veniæ, sed propter penam horribilem. Secundo modo dicitur penitentia dolor interior, & secundum Ricardum capitur tripliciter, scilicet pro habitu penitentis: secundo pro actu penitendi: tertio pro dolore consequente. & hæc de prima parte: in altera variè diffinitur. nam dicitur actus, passio, vel habitus hominis ad punitionem peccati à se commissi voluntarie ordinatus. dicitur primo actus, qui generaliter accipitur pro actu imperato, scilicet velle vindicare, aut elicit, qui est detestari peccatum, vel imperato, qui

Ad

est

est exterior satisfactiua punitio. dicitur passio propter tristitiam, & dolorem, immo, & gaudium quod consequitur complacentiam in tristitia interiori, aut pena exteriori. nam & ipsa passio ordinata est ad punctionem peccati. dicitur vel habitus propter habitualement penitentiam. dicitur ordinata ad punctionem peccati, ad excludendum alios actus circa peccatum, ut complacentiam peccati, vel indurationem in peccato, aut delectationem in peccato commissio. dicitur voluntarie propter penam illatam, & à voluntate non acceptam, ut cum quis inuite sustinet penam. dicitur à se commissi, quia punitio assumpta pro peccato alterius non est penitentiae opus, sed misericordiae; à subtilissimo doctore Scoto penitentia sacramentum sic describitur. Penitentiae sacramentum est absolutio hominis penitentis, facta à sacerdote iurisdictionem habente, sub certa verborum forma, cum debita intentione prolata, ex institutione diuina, efficaciter significatiuum absolutionis animae à peccatis; explanatio huius diffinitionis hec sit, dicitur primo absolutio, idest quaedam sententia diffinitiuam absoluens rerum, non tamen sententia iudicis principalis, sed secundarij; vel commissarij, dicitur facta à sacerdote: ubi tangitur minister, qui solus est sacerdos potens hoc sacramentum ministrare, dicitur iurisdictionem habente. nam sententia à non iudice lata, est nulla, dicitur hominis penitentis, idest consentientis: quia ad veritatem sacramenti non requiritur, quod absoluendus sit penitens: sed peccatorum confessio requiritur, sine qua non est sacramentum. & in hoc tangitur materia huius sacramenti eo modo, quo hic materia inuenitur. unde triplex potest poni. Remotissima, & sunt peccata. Remota est peccator penitens: & propinqua est ipsa confessio.

nec hoc repugnat his, quæ diximus superius, dum de materia obiter huius sacramenti ageremus, dicitur sub certa verborum forma, ubi huius sacramenti tangitur forma, quæ est sacerdotalis absolutio, dicitur consequenter in diffinitione: cum debita intentione prolata: quia ministri intentio in omnibus sacramentis requiritur faciendi illud, quod Ecclesia intendit, dicitur ex institutione diuina efficaciter significans, &c. ubi duo tanguntur, scilicet institutio eius, sicut aliorum sacramentorū, quæ fieri non potuit, nisi per Christum secundum, efficaciam significationis eius, quia est signum certum demonstratiuum semper habens effectum, nisi ponatur obex. accedant ergo peccatores non fictè, sed cum vera contritione, quia eis restituitur gratia, per quam attingent ad salutis portam. & hæc satis presenti.

AN PAENITENTIA SIT VIRTUS.

Lectio LXXVI.

**V**T promissis stemus hodierna die quesita tria proponemus. quorum primum: An penitentia sit virtus. Insuper: An generalis. Postremo: An sacramentum. quantum ad primum: negatiuè sic arguitur virtus est de bono: at penitentia de malo: igitur virtus non debet dici. Insuper: nullus eorum secundum virtutem agentium stultus debet haberi, ut Ethicorum tertio dicitur: at de præterito penitere stultum videtur esse, quia præteritum non potest esse non factum: igitur penitere non est actus virtutis, nec penitentia virtus. Deniquè virtus dispositio est perfecti ad

optimum, ut habetur septimo Ethicorum: at penitentia non sic se habet, id est non est dispositio perfecti ad optimum, sed imperfecti, sicut verecundia: penitentia ergo non est virtus. In oppositum se habet Magister in textu: insuper inter legis precepta, quae sunt de actibus virtutum penitentia, preceptum unum est, iuxta illud Matthaei tertio: penitentiam agite, debet ergo virtus censeretur. Pro dilucidatione huius questionis primae est sciendum: quod penitentia dupliciter capitur: uno modo pro actu exteriori, qui est inter penitentem, & absoluentem, & hæc penitentia est sacramentum. Alio modo pro habitu interiore, vel actu, quo peccatum commissum displicet, quia est contra rationem, & iniuriam Dei: quia est contra divinum preceptum, & de hac penitentia quaestio queritur. Preterea est notandum: quod penitentia absolute non est virtus moralis, nec Theologica: licet respectu utraque dici possit. nam ut ad temperantiam reducitur moralis est: ut verò Deum summum bonum respicit Theologica. His ita positis, ad argumenta formata dicendum, & primo ad primum: quod virtus dicitur de bono quo ad actus: quia virtutis actus semper bonus: & quia non est solum bonum appetere bonum, verum etiam detestari malum: ideo virtutis obiectum non solum bonum, sed etiam malum dici potest, ut patet de fortitudine: quæ pro obiecto habet malum pœnæ, sicut penitentia malum culpæ. Ad secundum dicitur esse stultum dolere de facto, cum intentione conandi ad hoc, quod prius factum non fuerit: quod non intendit penitens. Sed solum dolere de præterito cum intentione non committendi simile. Primo modo currit argumentum: at hoc secundo modo nullum. Ad tertium neganda venit minor,

& ratio



Et ratio assignatur : quia licet verecundia imperfectionem ponat in eo, qui verecundatur : scilicet pronitatem ad committendum aliquid culpe, vel turpe, prout de verecundia loquitur Philosophus : non sic autem penitentia, licet supponat imperfectionem precessisse. Et hæc de prima questione. Nunc videndū : An penitentia virtus generalis nuncupanda ? Mihi primo aspecto videtur esse dicendū, quod sit generalis : quia est remedium contra omnem morbum : generalis ergo virtus non specialis. Insuper virtus, et vitium opponuntur : at penitentia omni opponitur vitio. Ergo debet dici omnis virtus. ex alio latere, quia penitentia liberum perficit arbitrium ad actum bonum, et determinatum, qui est penitere, propterea virtus determinata, siue specialis, et non generalis censcenda. Hic dimissis varijs opinionibus circa præsentem materiam occurrentibus, ad argumenta diluenda festinabimus, et ad primum distinctione præmissa ita dicemus : dari, siue aliquid dici generale dupliciter. uno modo per prædicationem, sicut vniuersale, quod generale vocatur per comparisonem ad ea, quæ sub ipso continentur : et sic virtus in communi dicitur generale remedium contra peccatum, sub suo sensu, hic penitentia dici minimè debet generalis virtus : nec generale remedium contra peccatum. Alio modo aliquid generale nuncupatur per causalitatem, eo quia eius causalitas se extendat ad plura : et ita penitentia licet sit virtus specialis : nihilominus generale remedium contra omne peccatum ponitur. nec id mirum, quia conditiones quas recipit in suo obiecto, inveniuntur in omni peccato mortali, scilicet in obedientia mandatorum Dei. Ad secundum argumentum dicitur : quod penitentia non apponitur omni vitio formaliter,

formaliter, sed solum impenitentia: & ideo non debet dici omnis virtus formaliter: opponitur tamen omni vitio causaliter: propterea delet omne peccatum. argumentum in oppositum probat, quod penitentia est virtus specialis: attamen in actum penitendi exire non potest, nisi praeiis actibus virtutum Theologicarum. Post hæc tertio querendum: An penitentia dici debeat sacramentum? Mihi sanè, quod non apparet: nam illud, quod est de iure naturali sacramentum non debet dici: at penitentia sic: non ergo sacramentum. minor ut suspecta, iam ex superioribus dictis est probata. nam ratio naturalis dicitur, quod qui deliquit penitentiam agat. Insuper ante legem novam fuit penitentia, nec non ante veterem: non igitur sacramentum. Assumptum patet. nam Iob. qui ante utranque legem fuit, dixit: ago penitentiam in favilla, & cinere. Non ergo novæ legis, nec veteris dici debet penitentia sacramentum. Tandem auctoritate Hugonis sic arguitur: sacramentum est materiale elementum: at nullum tale videtur in penitentia, non ergo sacramentum. ex alio latere baptismus sacramentum est contra originale peccatum: igitur penitentia, ut ordinata contra actuale peccatum erit sacramentum. Pro dilucidatione huius questionis est sciendum: quod penitentia hic sumitur pro actibus exterioribus, qui sunt inter penitentem, & absolventem, qui actus sunt confessio, & absolutio: & hoc modo sacramentum est. Quo supposito ad formatas rationes modo dico: quod prima, si sumatur pro confessione peccatoris, & absolutione sacerdotis, tunc nulla, quia non est de dictamine iuris naturalis. Altera ratio desumpta ex Iob. cōcedenda: sumendo tamen penitentiam pro pena quadam voluntarie assumpta ad satisfactionem

nem delicti, si aliquod commiserat: & sic non erat sacramentum. Tertia ratio intelligenda venit hoc modo: quod sumatur materiale elementum pro omni sensibili: & sic in penitentia est materiale elementum: videlicet verba confitentis, & absoluentis, quæ sensibilia quædam sunt, seu audibilia.

QVOD PLVRIBVS IRRETITVS PECCATIS.

Distinctio 15.

Lectio LXXVII.

**S**UPERius de penitentia quantum ad sui, quidditatem determinatum fuit: Hic verò de eadem, quo ad eius integritatem loquendum. distinctio igitur hæc in secta diuidenda tria: in quorum primo quidam errores tanguntur, in altero quid prosint Eleemosyna in mortali peccato facta, in tertio ex dictis unum infertur, ut suo loco declarabitur. Nos hodierna die circa primum versaturi tria faciemus. nam primo nonnullorum errores premitterimus. Insuper illos diluemus. Tertio perutilem de flagellis distinctionem apponemus. Ad primum itaque percipiendum, scire debetis: quosdam malè intelligentes sacræ scripturæ auctoritates: in hunc decuuisse errorem, ut dicerent penitentiam non esse iterandam: Insuper de uno fieri posse peccato sine alijs penitentiam. quorum motiuum ex verbis. Naum malè intellectis originem duxit. habet enim capite primo iste propheta hæc verba: Non iudicabit Deus bis in id ipsum; tunc sic arguebant isti dicentes: Si quis unum peccatum sacerdoti confiteatur, alijs tacitis, siue prætermisissis, & penitentiam

tentiam sibi iniunctam pro illo persolvat : ulterius pro illo non debet satisfacere, nec penitentiam agere : alioquin Deus bis in id ipsum iudicaret, dum sacerdos, qui Christi vicem in Ecclesia gerit bis pro eodem peccato penitentiam imposeret. de uno igitur solo sine alio poterit agi penitentia. Premisso errore in prima parte : in altera solvendus. dicamus ergo una cum Magistro Seni. auctoritatem allegatam, & ab his non bene intellectam, nos cogere minime. nam intelligi debet de illis solum, qui per flagella presentia corriguntur, & de malo in bonum commutantur, & perseverant. tales equidem iterum non iudicantur. At secus est de illis, qui in presenti vita per flagella non corriguntur, ut Pharaeo Exo. vii. talibus enim iudicium in presenti videtur incipi, & in futuro terminari. Quod testimonio beati Aug. referente Magistro in litera potest confirmari. Inquit enim ipse vindicta Dei hic incipiet, & ardebit usque ad extremam damnationem. quare peccatores nolentes hic à Deo puniri, & in futuro retrahant pedem à malo iuxta illud propheticum : declina à malo, & fac bonum. alioquin in malo perseverantes, & hic, & in futuro flagellabuntur. His tertio loco de flagellis perutilis addenda venit distinctio talis. quinque modis flagella contingunt nobis. nam aliquando infliguntur, vel ad meritorum augmenta, ut perpulchre. Iob. docet nos exemplum, vel ad virtutis custodiam, ut fuit in Paulo, cui datus est stimulus carnis, vel ad corrigenda peccata : ut Mariæ Num. xi. inflata est lepra, vel ad Dei gloriâ. ut patet in Ceco nato. vel ad initium pene futurae, ut patet in Herode, qui scaturivit vermibus : ut habetur Act. xv. Rogitemus ergo nos ipsum, qui sumus filij Dei amoris, ut flagella in nos mittat ad futuram

turam penam euitandam: vel ad meriti auctiōē: vel ad virtutis custodiam: vel ad corrigenda peccata nostra: ut gloriam tandem consequi valeamus penitentia: quæ una: quia ad unum finem ordinata, ut puta ad deletionem culpæ. Et hæc pro præsentī lectione.

ILLA ERGO AVTHORITAS

NAVM, ETC. TEX.

Lectio LXXVIII.

**M**VLtis de causis flagella imitti à Deo in rationales creaturas, dictum fiat in hesterno sermone nostro. Nunc verò adhuc circa partem primam huius distinctionis versaturi: quinque per ordinem perpendemus. primo quasdam auctoritates Hieronymi super dicto verbo Naum. Insuper introducemus sanctorū testimonium, quòd videtur fauere prædicto errori. Tertio veritatem aperiemus. quarto dubium: Et dubij solutionem quinto. quantum ad primum: vir iste dicit: genus humanum diluio Gene. vii. Sodomitas igne. Gene. xix. Egyptios mari: Exo. xiiii. Et Israelitas in eremo temporaliter punitos: ne in æternum punirentur, quia Deus non punit bis in idipsum; quòd generaliter non est intelligendum: at de illis tantum, qui inter flagella penituerunt. Qui etenim per flagella temporalia puniuntur, nec corriguntur, cum hoc postea æternaliter puniuntur. Quòd confirmari potest auctoritate beati Ioannis dicentis: leuia peccata leui, Et temporali supplicio puniri: pro leuibus enim quis æternaliter non punitur, nisi ex accidenti. grauius verò hinc grauius habent purgari supplicio, Et in

futuro æternaliter punienda: illa scilicet, de quibus inter flagella penitentiam non egerunt: quare ut concludamus, hilari vultu fatendum: prædictas auctoritates nihil pro dicta opinione facere, ut in hoc primo puncto est videre: in altero sanctorum auctoritates introducende pro confirmatione prædicti erroris. prima est Gregorij dicentis: unam civitatem complui, & non aliam, sicut dicit Amos iiii. & est quando homo de uno peccato penitentiam agit, & non de alio. Insuper Ambr. dicit: si fides desit, pœna satisfacit, ut possit de aliquo peccato satisfacere. His addi ipsorum poterit ratio pro sui intenti confirmatione, quæ talis. Si quis de uno peccato satisfecit, & ipsum penitet: alijs peccatis tacitis: de quibus postea si confessus fuerit: non videtur rationabile, nec secundum consuetudinem Ecclesie pro eodem peccato, nisi reiteretur: ut ei bis penitentia imponatur: non ergo iteranda penitentia. Pro veritate declaranda in hoc tertio puncto erit primo dicendum: Gregorij auctoritatem intelligendam fore quo ad criminis desitionē: quo modo una civitas complui dicitur, & alia nō: id est homo dicitur posse cessare ab actu unius peccati, licet ab alio non desistat: ob id non sequitur, quod de uno sine alijs veniam obtineat, ad auctoritatem Ambrosij nunc dicitur: quod ibi fides sumenda sit, nō pro fidei habitu: at pro scientia peccati: aliquando enim peccatum est, cuius conscientiam homo non habet: quia quod non recolit per flagelli pœnam purgatur: dum tamen homo patienter flagella acceptat. Quarto dubitatur loco. Vtrū ei sit imponenda satisfactio, qui iam satisfecit. dubio propositio quinto diluitur loco, dum dicitur cū Magistro, quod sic: quoniam prior satisfactio nec digna, nec vera fuit. nam secundum beatum

Aug.



*Aug. satisfacere est peccati causas excidere: & eorum suggestionibus aditum non indulgere: quæ duo ille non facit, qui in alijs peccatis remanet.*

## ITEM SANE. TEX.

## Lectio LXXIX.

**E**Nodata prima parte huius distinctionis: sequitur altera in ordine secunda explicanda, circa quam versaturi quatuor faciemus. nam primo de eleemosynis in mortali peccato factis ratione finis loquemur. Insuper de satisfactione notandum in medium adducemus. Tertio aliorum opinionem de satisfactione proponemus. Quarto prædictarum authoritatum veram intelligentiam ponemus. Pro intellectu primi puncti est sciendum: triplicem eleemosynam dari: una quarum in contritione consistit, quando quis se Deo offert sacrificium, iuxta illud Psal. Sacrificium Deo spiritus contribulatus, &c. de huiusmodi eleemosyna sapiens dixit. Misere animæ tuæ placens Deo. Quo modo eleemosyna capta satisfactionis pars nequaquam dicenda: sed pars integralis contritionis. Datur alia eleemosyna, quæ consistit in proximi passione. V. g. cum quis compatitur alienis miserijs. De qua Iob. ab infantia mea crevit mecum miseria, & ab utero matris egressa est mecum. Tertia eleemosyna in largitione manuali dicitur consistere, quando quis indigenti aliquod temporale exhibet. de qua Saluator Lucae ii. Date eleemosynam, & ecce omnia munda sunt vobis, & Ambr. dicebat. Pasce fame morientem, si non pauperis, fame occidisti: sub hac eleemosyna

mosyna septem misericordiæ opera contineri, nullus est qui de hoc  
 dubitet. His ita positis: quid modo dicturus una cum Magistro;  
 audite. Eleemosyna, quas faciunt in peccato mortali existentes, nec  
 sunt meritoria, nec Deo placentes. unde beatus Aug. pro confirma-  
 tione veritatis huius dicebat. Quidam in peccato permanentes, pu-  
 tant per eleemosynas, quas faciunt, mereri aliquam peccati purga-  
 tionem, propter quod Dominus dicit: date eleemosynam: & ecce  
 omnia munda sunt vobis: quia non bene intelligunt: sunt enim elec-  
 mosynarum genera multa. nam eleemosynam facit, qui necessaria  
 administrat: qui peccanti in se indulget: qui subleu sibi corripit:  
 qui pro proximo orat, ut peccatum sibi remittatur. Inter omnes au-  
 tem has eleemosynas maior est dilectio inimici: & præter has illa  
 maior, quam quis sibi facere debet. unde qui auct per aliquam præ-  
 dictarum eleemosynarum peccata sua mundare: prius sibi ipsi elee-  
 mosynam debet facere; & animæ suæ misereri: quod non faciunt  
 illi, qui in peccatis permanent, & simul et eleemosynas faciunt.  
 Primo ergo ordinatè ut procedamus: nobis ipsis interius eleemo-  
 synam faciemus, illas non omittentes exterius. Tunc nobis omnia  
 munda erunt, si à nobis eleemosyna incipiet, & ad alios se deinde  
 extendet. Audiant hic peccatores in malo quotidie perseverantes:  
 querantque animam interius à vitij purgari, ut valeant gratiam  
 hic, & in futuro gloriam consequi. Date ergo eleemosynam, &  
 ecce omnia munda sunt vobis, aliter non. Enucleata parte prima:  
 altera subsequitur, ubi notandum de satisfactione tale ponitur. Illis,  
 qui de uno peccato satisfaciunt sine alijs, iterum satisfactio impo-  
 nenda. Quidam verò alij (ut tertiam partem aggrediamur) sunt  
 opirati:

opinati : quòd illa satisfactio de vno , sine alijs fuerit insufficiens tempore illo , quo fiebat : at quando postea de alijs peccatis doleat : tunc effectũ habere suum , sicut baptismus , recedente fictione . Hanc suam confirmant opinionem , primo per auctoritatem Augustini dicentis : quòd Deus gratiam suam alicui confert : & etiam remunerat priora bona facta ante statum gratiae : & quod Deus diligit bonum , quòd in peccante plantauit : & ita satisfactionem in statu peccati approbat . Secundo ad hoc idem potest induci auctoritas Hieronymi dicentis : quòd Deus bona facta in statu peccati remunerat , & facit peccatorem ea metere , quae seminauit : & hec de tribus punctis . in quarto videndum , quo modo praedictae auctoritates intelligantur : nam de bonis factis in statu gratiae , quae per peccatum mortificatur , intelligendae : quia postea per penitentiam dicuntur reuiuiscere : talia Deus diligit , & remunerat : illaque metere facit : non autem illa , quae fuerunt facta in statu peccati . Potest etiam aliter dici : quòd praedictae auctoritates valeant intelligi de bonis factis in statu peccati , quae Deus remunerat , non tamen remuneratione gloriae aeternae , sed temporali , vel etiam aeternum diminuendo supplicium . concludamus itaque : quòd sine charitate vera penitentia nequeat esse : & quod bona , quaecumque charitate facta sunt , & per peccata mortificata , nec per penitentiam viuificata , ad aeternam remunerationem minimè valeant , licet ad supplicij diminutionem .

SATIS

**E**Xtremam imposituri manum huic distinctioni: circa nouissimam partem versabimur in presenti, quinque facientes. nam primo quasi probatum intentum concludemus. Insuper errorem supradictum improbabitur. Tertio documentum proponemus. quarto Illatum. quinto, & ultimo notanda duo. Quantum ad primum: videtur esse concludendum quasi probatum satis abunde intentum: quod de uno peccato sine alijs penitentia agi minime possit. Hinc secundo supradictus error reprobandus huic veritati contrarius auctoritate beati Augustini dicentis: quod Dominus nunquam aliquem sanauit, quem totaliter non sanauerit: in quo nos docuit (& ecce documentum tertio) quod de uno peccato sine alijs fieri penitentia non potest: alias sequeretur: quod criminoso, cui inimicus esset veniam daret: & quod peccator absque Dei timore veniam consequeretur, nec non dimidiam veniam a Deo: vel etiam integram sine vera penitentia: quae omnia sunt absurda: igitur, & opinio praedicta. Inferamus propterea quarto loco unum notatu dignum: scilicet non valere penitentiam, nisi de omnibus factam. Hinc pullulant duo notanda quinto: quorum primum sic se habet. Illa vera penitentia dici debet, quae ad baptismi puritatem ducit, & quae verè uitae mutationem facit: quae peccatum abhorret, & scelus corrigit: propter quod permanens in opere peccati, veram penitentiam habere non potest. Alterum in ordine sic se habet: quod etiam in fine vera penitentia agi potest absque restitutione, quando scilicet

do scilicet non adest facultas emendandi, vel restituendi. Si verò  
ad sit facultas, nullo modo vera potest penitentia agi, nisi ablatum  
restituatur. & hæc pro presenti.

AN QVIS DE VNO, ET NON DE ALIO  
VALEAT SATISFACERE PECCATO.

Lectio LXXXI.

**C**Irca prædeclaratam distinctionem solet queri primo: An  
quis de vno peccato valeat satisfacere, non de altero satis-  
faciendo. Insuper: An bona opera extra charitatem facta  
alicuius boni meritoria. Tertio: An diminutionem pena merean-  
tur. Quantum ad quesitum primum: pro parte affirmatiua sic ar-  
guitur: nexa adinuicem non dicuntur esse peccata: igitur vnum  
sine alio poterit auferri. Antecedens patet: quia si non ita esset,  
tunc qui vnum habet omnia haberet. Præterea: Deus magis mise-  
ricors, quam homo dicitur, & est: at homo vnius debiti satisfac-  
tionem sine alio recipit: igitur Deus vnius peccati satisfactionem  
sine alio recipiet. Ex alio latere dicetis vos: quo modo poterit homo  
in peccato existens satisfacere pro alio? Pro dilucidatione huius  
questionis primæ debetis scire: quòd homo in pluribus existens pec-  
catis, non potest de vno satisfacere sine alio, loquendo de satisfactio-  
ne includente reconciliationem amicitia, & solutionem debiti pæ-  
næ. His ita paucis præmissis, nunc rationes soluendæ. quarum prima  
intelligenda venit quatum ad commissionem, siue patrationem pec-  
cati: at quantum ad deletionem nulla est. Peccata ergo primo mo-  
do

do non sunt connexa, at secundo modo sic: ita ut de uno satisfactio fieri nequeat sine alio. Altera ratio neganda, merito minoris, que falsa, & hoc ratione inaequalitatis: nam in obligatione debiti non dicitur esse nisi inaequalitas iustitiae opposita: quia unus rem habet alterius, & ideo ad restitutionem non exigitur, nisi quod iustitiae restituatur aequalitas: quod quidem fieri potest de uno debito, & non de alio. At ubi est offensa, ibi est inaequalitas non solum iustitiae opposita: verum etiam amicitiae: & ideo ad hoc quod per satisfactionem offensa tollatur, non solum oportet, quod aequalitas iustitiae restituatur per recompensationem aequalis pena: verum etiam, quod restituatur aequalitas amicitiae: quod esse non potest, dum aliquid est, quod amicitiam impedit. Explicata prima quaestione: altera subsequitur, dum queritur: An opera bona extra charitatem facta alicuius boni meritoria. Mihi sane, quod sic, apparet: quia nullum malum impunitum, nullumq; bonum irremuneratum. Insuper dimittere malum, nonne est vitare penam? igitur facere bonum propter vitacionem pena, erit meritorium alicuius premij. In oppositum se habet D. Aug. dicens: quod peccator non est dignus pane, quo vescitur: igitur nec quid aliud mereri dicetur. Pro Responsione, illa triplex distinctio de merito praemittenda: datur enim meritum digni, condigni, & congrui. Nunc ad rationes quid dicendum, audite. nam prima de merito congrui habet concedi, & de premio temporali, aliter non. Secunda non secus recte intuitu soluitur. His quesitis duobus tertium apponitur, dum queritur: An talia bona facta extra charitatem pena mereantur diminutionem. Pro parte affirmatiua sic arguitur: uti mala causa sunt intensiois pena: non  
secus



secus bona remissionis causa eiusdē dicenda, ergo. Insuper D. Aug. in Enchir. ita dicit: opera bona suffragiorum, quæ sunt per alios, ad pœnæ infernalis diminutionem valere, igitur. Pro intellectu huius quesiti est sciendum: quod de pœna dupliciter verba possunt fieri. vno modo respectu iam debitæ: alio modo respectu futuræ stante hac consideratione: dicitur modo ad argumentum primum: quod bona opera facta extra charitatem valent ad pœnam futuram evitandam, quam omittentes quandoque ea incurrerent. Ad secundum argumentum dicitur: quod Aug. dictum nō sit intelligendum de suffragijs respectu damnatorum: sed illorum, qui sunt in purgatorio, & damnati non eternaliter, sed temporaliter. His ergo Ecclesie suffragia prosunt, vel ad plenam remissionem, vel ad tollerabiliorem damnationem. & hæc pro presenti.

## AN ELEEMOSYNA SIT SATIS-

FACTIONIS PARS.

Lectio LXXXII.

**I**N gratiam eorum, quæ dixit Magister Sent. opere pretium erit quesita duo in presenti examinare. quorum primum: An eleemosyna satisfactionis pars censenda. Insuper: An eleemosynæ spirituales corporalibus sint potiores, vel vice versa. quantum ad primum: negativè sic arguitur. Illi fieri debet satisfactio, in quem offensa commissæ: at Deo non datur eleemosyna, in quem culpa cōmissa: non igitur ipsa eleemosyna satisfactoria. Præterea: satisfacere dicitur actus iustitiæ: at eleemosyna actus misericordiæ:

Cc

diæ:

dia : non ergo satisfactoria. In cōtrarium se habet illud , quòd glosa  
 dicit , super illud Luca. iii. facite dignos fructus penitentiae : at hoc  
 esse non potest nisi ratione satisfactionis : eleemosyna igitur pars  
 satisfactionis. Pro determinatione huius difficultatis premissæ , est  
 sciendum : quòd eleemosyna satisfactoria dicitur sub hoc. sensu :  
 quia opus bonum est , & penale. Quo stante de facili rationes ruent  
 prius formatæ . Prima ergo ratio concedatur , loquendo de satisfac-  
 tione immediate : at mediatè neganda. nam satisfactio pro culpa  
 fieri debet illi , in quem commissæ , vel alij de eius voluntate , &  
 ordinatione : quo modo per eleemosynam fit ipsi Deo satisfactio ,  
 non immediate : sed pauperibus de eius voluntate. Altera ratio se-  
 cundum se , & extra casum necessitatis suadet eleemosynam opus  
 esse misericordie nobis : at in quantum iniungitur à sacerdote , &  
 acceptatur à penitente ad recompensandam diuinam offensam , tunc  
 est opus iustitiæ. Primo itaque modo ratio formata currit : at secun-  
 do modo nulla est. Explicata iam questione prima : altera subsequi-  
 tur percurrenda. Solet etenim queri : An eleemosyna spirituales  
 potiores sint corporalibus , vel e conuerso . Quibusdam visum est ,  
 liberè fatendum fore : corporales potiores spiritualibus : quia illa  
 potior videtur esse eleemosyna , per quam dans plus sibi subtrahit ,  
 ut indigenti subueniat : at hoc fit per corporalem eleemosynam :  
 ergo . Minor patet , quia dans corporalem eleemosynam minus  
 habens efficitur , quam in spiritualibus dans eleemosynam spiritua-  
 lem. Potior. Itaque eleemosyna corporalis illa spirituali . Insuper  
 illa potior , qua indigentia magis necessaria subuenitur : at hoc fit  
 per corporalem eleemosynam : ergo . In oppositum se habet illud  
 omnibus

omnibus notum, scilicet bona spiritualia corporalibus esse potiora :  
 at spiritualis eleemosyna est de spiritualibus bonis : potior igitur  
 prenominata. Pro dilucidatione est primo sciendum : quot numero  
 corporales dicantur esse eleemosyna : septem enim communiter  
 ponuntur : quæ in hoc versu continentur . *V*isio : potio : cibo : re-  
 dimo : tecto : id est nudum vestio : colligo : id est hospitem recolligo :  
 condo, id est sepelio mortuum. eleemosyna quoq; spirituales septem  
*V*. g. consule : id est doce ignorantem : & dirige dubitatem. Ca-  
 stiga delinquentes : solare tristem : remitte, id est indulge peccan-  
 tibus in te : fer : id est porta infirmitates, & aliorum gravamina :  
 ora pro omnibus . Insuper sciendum præter hæc : quod potior, &  
 maioris meriti est spiritualis eleemosyna, quia ex charitate, quæ  
 animam principaliter respicit. Nunc ad argumenta accedo, & ad  
 primum dico : quod illa eleemosyna, per quam homo plus sibi sub-  
 trahit, magis satisfactoria est, quia magis penalis : non ob id oportet,  
 quod sit potior, & magis meritoria illa spirituali, quæ ad melio-  
 rem finem, & immediatius ordinatur. Ad secundum dicitur : quod  
 necessitas quidem indigentia facit eleemosyna magis debi-  
 tam esse, sed non meliorem. unde Gregorius in Home-  
 lia dicit : melius esse animam semper victuram  
 verbo vitæ reficere, quàm ventrem  
 moriturg carnis terreno pane sa-  
 tiare. & hæc pro presen-  
 ti lectione .

IO. PAVLI PALANTERII  
DE TRIBVS; QVAE, ETC.

Distinctio 15.  
Lectio LXXXIII.

**S**extam decimam distinctionem hodierna die explanaturi de nexu primo differemus: Insuper ad diuisionem accedemus. Quo ad nexum quid dicturus sim, audite. Ex quo Magister Sent. loquutus est de penitentia in genere: consequenter intendit modo in specie de penitentiae partibus verba facere. Et haec de nexu. Diuidi nunc potest praesens distinctio in puncta sex principalia: in quorum primo ponitur propositio, in secundo vera penitentiae modus, in tertio confitendi modus, in quarto quae vera, ac condigne penitentiae nuncupanda, in quinto triplex distinctio penitentiae, in sexto quae venialium sit penitentia. quantum ad primum haec sit propositio. Perfectio penitentiae consistit in tribus: scilicet in cordis contritione: oris confessione: Et operis satisfactione. Nec id mirum, quia Deum hisce tribus consueuimus offendere modis: scilicet corde: ore, Et opere. In cuius rei signum Christus tres suscitauit mortuos: unum in domo: alium extra portam: tertium iam fetidum in sepulchro. Tres ergo mortes: una, quasi in domo, scilicet cum in corde consentitur libidini. Altera, quasi prolata iam extra portam, cum in factum procedit assensio: tertia cum vi male consuetudinis animus premitur, quasi iam fetens in sepulchro. Huic verò triplici morti triplici remedio occurritur: contritione, confessione, Et satisfactione. compunctio nobis commendatur ibi, scindite corda vestra, Et non vestimenta uestra. Confessio ibi, Iustus in principio sermonis

monis accusator est sui; satisfactio à Ioan. precipitur ubi ait: facite dignos fructus penitentiae. Et hæc de primo puncto, in altero ponitur modus veræ penitentiae, Et primo quantum ad cordis compunctionem in penitentia necessariam. Qui ergo vult perfectè peccata delere: peccati consideret circumstantias, quas Aug. innuit. Scilicet criminis qualitatem, in loco in tempore, in perseverantia, in varietate personæ, nec non quasi hoc fecerit tentatione, Et in ipsius vitij multiplici executione. Oportet enim fornicantē penitere secundum sui status excellentiam, vel officij, vel secundum modum meretricis, Et in modum sui operis: nec non qualiter turpitudinem egerit, si in loco sacro, si in tempore orationi constituto, ut puta diebus festiuis, vel in ieiunij tempore. Insuper consideret quantum perseverauerit: tunc desinat peccator, ut sibi Deum inueniat propitium. Et hæc de sectis duabus, in tertio traditur modus confitendi peccata: diuidi enim confessio debet minimè, sed integra esse. unde verecundia ducti, diuersa diuersis sacerdotibus confitentes quidam, non in laudem Dei, sed in hypocrisim incurrunt, sit itaque integra confessio, caueatq; peccator ad sacramentum altaris accedere, antequam per veram satisfactionem fuerit in bono eius conscientia confirmata. His tribus prædeclaratis, additur quantum de condignis penitentij, quæ secundum auctoritates Sanctorum pro qualitate, Et quantitate criminum imponuntur. Qui vult ergo fructus dignos facere penitentiae restringat à ludis, Et huius seculi spectaculis, veram penitentiam impredientibus, veramq; satisfactionem: alioquin fructus penitentiae indignos, falsam uè penitentiam, nec non satisfactionem faciet ille, qui statum non dimittet primum, ut Deus cor  
eius

eius ad penitentiam illustret. Nunc quinto loco triplex penitentiae consideranda est distinctio: datur enim penitentia quaedam, quae agitur ante baptismum: Adultum etenim, qui baptizatur, veteris vitae, antequam nouam inchoet, in baptismo oportet penitere. Alia penitentia, quae post baptismum fit: & est duplex: una quae pro peccatis fit mortalibus: altera pro venialibus ex humana infirmitate prouenientibus. Quae licet leuia videantur: attamen multiplicata grauant, & opprimunt, sicut aqua paulatim intrans nauem submergit. Postremo quae fit venialium penitentia declaratur loco: ad deletionem enim venialium, & leuium sufficiunt oratio Dominica, & eleemosyna, cum contritione aliqua: addita confessione, si adsit facultas. nam non sufficit illi qui grauiora peccata commisit à malo recedere, & bonum facere: nisi etiam studeat secundum modum peccatorum suorum Deo per penitentiam satisfacere. Quare si habens venialia peccata hoc tenetur facere, multo fortius, & vehementius, qui grauiora commisit. & haec tota distinctio satis.

## QVID CONTRITIO.

Lectio LXXXIII.

**E**Rat sermo in superiori distinctio de tribus partibus penitentiae, scilicet de contritione, confessione, & satisfactione: de quibus in specie loquendum, & maxime de contritione. Ad videndum ergo quid sit contritio notandum: quòd hic solet contritio sumi ad similitudinem contritionis, quae fit in corporalibus. nam res corporaliter conteri dicitur, quando in minutas partes



partes conteritur. Dolor igitur de peccatis contritio dicitur, non  
 fractio, quæ respicit partes magnas. ubi sciendum: tria in contritio-  
 ne esse attendenda. Primo quid sit illud, quod conteritur. Secundo  
 à quo conteritur. Tertio ad quid contritio terminetur. Illud quod  
 conteritur est peccatoris corpus: quod est vas quasi fictile, peccati  
 veneno repletum: & ideo indicans authoritate Dei contritionem  
 Iobe. dixit: Conuertimini ad me in toto corde vestro, in ieiunio,  
 & sletu, & planctu, & scindite corda vestra, scilicet in contri-  
 tione. Illud à quo conteritur cor peccatoris, est duplex mola, qua-  
 rum una superior, id est sursum elcians, & est spes veniæ proueni-  
 ens ex consideratione diuinæ misericordiæ. Aliam mola est deorsum  
 deprimens, & ista dicitur timor pænæ, veniens ex consideratione  
 diuinæ iustitiæ. Has duas molas debet tenere verus penitens, &  
 nunquam deferere, nec eas diabolo pignori tradere, desperando de  
 salutē, nec non de peccatorum suorum enormitate. Illud tandem ad  
 quod contritio terminari dicitur, est: ut cor peccatorum durum,  
 ut lapis emole scat, & lique fiat, ut cera, iuxta illud Psal. Factum  
 est cor meum tanquam cera lique scens. De quo alibi dicitur. Cor  
 contritum, & humiliatum Deus non despicies. Visa igitur pro-  
 prietate istius nominis contritio, sic à Magistris finitur. Contritio  
 est dolor voluntariē pro peccatis assumptus, cum proposito confiten-  
 di, & satisfaciendi. Dicitur primo dolor, quia contritio medici-  
 na peccati est, & in peccato fuit delectatio, ita in contritione dolor,  
 ut contraria cōtrarijs curentur. unde de ista Apoc. dicitur. Quan-  
 tum glorificauit se, & in delitijs fuit in peccati perpetratiōe: tan-  
 tum date tormentum, & luctum in contritione. & notandum:

quod

quod non solum in contritione est dolor, sed etiam est & gaudium : quoniam cum peccator recordatur se per peccatum offendisse Deum creatorem suum, qui eum creauit ad imaginem suam : Patrem suum celestem : qui eum pascit corporaliter, & spiritualiter : & redemptorem suum, qui eum liberauit per proprium suum sanguinem à pena, & à perpetua damnatione : recolit etiam se per peccatum paradisi gloriam amisisse, & inferni penam incurrisse dolere debet. At quando cogitat per talem dolorem elongari à peccato, & reconciliari Deo, gaudet : dum se peccati naufragium euasisse videt. Sequitur voluntariè assumptus : quia sitalis dolor non esset voluntarius proculdubio Deo non esset gratus : nam coacta seruitia Deo non placent. Sequitur cum proposito confitendi, & satisfaciendi. verè enim contritus in proposito esse debet confitendi, & satisfaciendi, quando opportunitatem habet : alias sua contritio nulla esset. In re ergo, vel in voto ista tria requiruntur, scilicet contritio, confessio, & satisfactio ad veram penitentis perfectionem ; cōtritio verò ex quatuor, vel quinque integratur, ut scribit Gerson, quæ sunt : motus liberi arbitrij in Deum super omnia diligendum. Insuper motus eiusdem liberi arbitrij in detestationem peccati. Tertiò infusio gratiæ gratum facientis. Quarto expulsio culpæ. Quinto præuentio, scilicet diuina, quæ liberum arbitrium mouetur, & excitatur ad ea, quæ dicta sunt. & hæc pro presenti pauca sufficiant.

LECTIONES LIB. QVARTI. 209  
DE CONTRITIONIS QVANTITATE,  
ET EIVS QVALITATE.  
Lectio LXXXV.

**C**ontritionis quantitas mensurari consuevit penes doloris quantitatem, quæ essentialiter est ipsa contritio, vel à contritione causata. Notandum ergo duplicem in contritione inueniri dolorem, secundū quod duobus dicitur modis dolor. Nam uno modo idem est quod displicentia voluntatis, in quantum scilicet voluntati displicet aliquam rem fore, vel fuisse. Alio modo dolor idem est, quod passio in sensualitatem redundans, idest in carnem, ut quando præscinditur pars corporis, vel ipsum corpus vulneratur. Loquendo de dolore primo modo, talis dolor essentialiter ipsa contritio esse dicitur, & si maximus esse debet, si vera contritio sit. Nec id mirum, quia contritio si vera sit, absque charitate esse non potest, immò semper cum charitate. Ad hoc autem quòd aliquis habeat charitatem, quantumcunq; paruum, necesse est, quòd super omnia diligat Deum: sic quod pro nullo damno, vel commodo velit offendere, vel offendisse Deum: & ideo cum peccatum sit offensio Dei, voluntati informatae charitate debet displicere. & sic loquendo de dolore, prout dolor displicentiam dicit voluntatis, maximus esse debet. Dolor autem causatus, siue creatus in sensualitate, ut effectus contritionis, non oportet, quòd in contritione maior sit quocunq; alio dolore: & hæc de contritionis quantitate. nunc de eiusdem qualitate loquuturi septem conditiones, quas contritio debet habere, tangemus. primo enim debet esse discreta, unde cum spe

Dd

venia

venia debet esse: ita quòd verè contritus nunquã debet desperare de Dei misericordia: uti Caim, & Iudas fecerunt. Secundo debet esse amara. unde Ezechias: Ecce in pace amaritudo mea amarissima. amara, quia peccator delectatus fuit in cogitatione illicita: amarior, quia consensit: amarissima, quia opus illicitum perpetravit. Tertio debet esse lachrymosa. unde Psal. Lauabo per singulas noctes lectum meum, scilicet conscientia, lachrymis meis stratum meum rigabo. Quomodo Maria Magdalena fecit, quæ lachrymis lauit pedes Domini nostri Iesu Christi, ideoq; fuerunt sibi remissa peccata. Quarto debet esse premeditata: iuxta illud: Recogitabo tibi omnes annos meos. Quinto vniuersalis esse debet, idest de peccatis omnibus. Sexto debet esse durabilis, idest continua, ut dicemus infra. Septimo integra esse debet, idest cum proposito confitendi, & satisfaciendi, alias non esset contritio, sed derisio. & ita patet qualis debeat esse contritio.

## QVANTVM CONTRITIO DEBEAT DVRARE.

### Lectio LXXXVI.

**A**D cognoscendum, quantum debeat durare contritio, premitteremus necessaria quædam in primo segmento. Deinde, de quibus debeat esse contritio, aperiemus: tertio, & ultimo causas contritionis inductiuas narrabimus. Pro intellectu secti primi est sciendum in contritione duplicem inueniri dolorem, quorum unus dicitur detestatio, siue displicentia voluntatis, & iste semper debet durare, quam diu homo vinit: sub hoc sensu tamen, quando-

quandocunq; sibi occurrat peccati memoria, quòd tunc illud fecisse sibi displiceat. & ita verbum beati Aug. in libro de penitentia debet intelligi, ubi dicitur, semper doleat, & de dolore gaudeat. Semper ergo, quando occurrit de peccato memoria. At dicetis (posio quod aliquis sciret per diuinam reuelationem peccatum sibi fore remissionem) debet ne adhuc displicentiam habere? Respondetur quod sic; alioquin peccator diceretur peccare, quia sicut culpa est velle peccare, ita culpa velle peccasse. est alius dolor in contritione, qui resultat in sensualitate, quando scilicet homo ex displicentia peccati prorumpit in fletu, & lachrymas; & talis dolor non oportet, quòd duret semper, cū paucissimi sint, qui vna hora possent peccata flere. & hec de contritionis duratione. Nunc secundo, de quibus debeat esse contritio, speculandum; pro cuius intelligentia notandum, dari duplex peccatum, scilicet actuale, & originale: actuale illud, quod contrahitur actu proprio, ut puta quando homo agit, quod agere non debet; originale verò illud, quod contrahit homo ex origine, in quantum scilicet descendit ab Adam secundum rationem seminalem. hac distinctione premissa dicitur modò, quòd homo de originali culpa conteri non tenetur, quia actu proprio non dicitur commissum, sed hìc notetis, quòd quamuis nullus de necessitate teneri videatur cōteri de originali peccato, attamen Adulto, congruum esset, accedenti ad baptismum de huiusmodi peccato displicentiam habere in genere, non autem in specie, in quantum scilicet omne, quod separatur à Deo, debet displicere. solum ergo debet cōteri homo de actuali peccato. At hic notandum in genere duplex dari peccatum actuale. Nam quoddam est mortale, quoddam veniale. De peccato autem

mortali debet homo conteri, & sigillatim de quolibet singulariter confiteri, ita quòd non sufficit generalis confessio, immò quilibet verè pgnitens diligenter debet examinare, & discutere suam conscientiam, ita quòd recogitet dies, horas, loca, tempora, personas, & omnes circumstantias, in quibus, & cum quibus, peccare potuit, & peccauit: & ita sicuti sibi memoria de peccato occurreret specialiter, & singulariter conteratur de quolibet, secundum tamen quòd unum peccatum est grauius altero: nam intensius de uno, quàm de altero debet dolere. At dicetis vos, quid fiet de peccatis oblitis? Respondeo, & dico quòd quis suorum peccatorum oblitus esse potest duobus modis, vno modo in speciali, sed non in generali, id est benè recordatur se mortaliter peccasse, sed tamen non recordatur de peccati specie. & talis debet conteri de peccato in generali, & in speciali de sua negligentia, per quam in obliuionem sui peccati venit. Alio modo potest esse oblitus sui peccati, ita quòd nec in generali, nec in speciali recordatur, & adhuc conteri in generali tenetur. unde frequenter quilibet dicere debet istum versum David: *Delicta iuuentutis mea, & ignorantias meas ne memineris.* quo autem modo homo de peccato veniali conteri teneatur, hic aliquantisper dicemus, & inferius magis abundè. Notandum igitur, tria dari genera venialium peccatorum: nam quoddam est veniale ex sur-reptione, non ex voluntate, & de tali non tenetur homo in speciali conteri, nisi de congruo. aliud est veniale ex voluntate, cui si consentiat incidit homo in mortale, sicut delectatio morosa in cogitatione de actu carnali, veniale est: at si ibi sit consensus, tunc mortale, & de tali veniali, quando occurrit memoria, de eo debet homo

conteri



conteri, & penitere, diligenterq; aduertere, ne sit ibi, vel fuerit consensus. Quoddam aliud veniale est, quod per sui frequentationem peccandi libidinem auget, & ibi tanta peccandi poterit esse libido, quòd illud, quod de natura sua erat veniale, ex libidine illa fieret mortale. V.g. mendacium iocosum de sua natura veniale quidem est: at totiens mentiri iocose, intantum libidinem mentiendi poterit augere, quod fiat mortale: & ideo de tali debet homo conteri, & penitere, nec non precauere, ne multiplicetur. & hæc de factis duobus. Nunc tertio videndum, quæ sint causæ contritionis inductivæ: sex enim solent numerari, quarum prima, & principalis amor Dei: nam quod principaliter hominem retrahere à peccato debet, & si peccauerit, quod corrigat, & se emendet, amor Dei est: & in anima peccatoris sic generatur, quando peccator cogitat, & recognoscit Dei bonitatem, & iustitiam, cui displicet omne malum, & nullo modo aliquod malum impunitum relinquit, & se multa mala commississe recogitat, quæ displicent valde voluntati diuinæ, & propter quæ dignus est puniri, tunc grauitèr timet. Insuper quando ulterius cogitat Dei pietatem, & misericordiam, qui paratus est omni dolenti penitenti parcere, & culpam remittere, quantumcunque magnam, sperat de venia: & sic ad detestandum peccatum mouetur, & iste motus attritio vocatur, idest quædam imperfecta contritio: & ita Deus, qui nunquam deficit, lumen gratiæ infundit in animam peccatoris, & illo lumine peccator illustratus, in Dei amore calefit, & detestatione peccati, ita quòd seruilis amor præcedit, & preparat cor peccatoris ad contritionem: sed amor, & seruior charitatis perficit ipsam. Altera causa est pudor,  
sue

sive verecundia de peccatis commissis, quæ quantumcunq; secreta, & occulta sint, Deo tamen manifesta sunt, & aperta: & ideo, nisi peccator de illis conteratur, penitentiamq; agat, ea Deus toti mundo manifestabit: quare homo peccator ad contritionem, & penitentiam mouetur. Tertia causa dicitur esse peccati detestatio, sive abominatio vilitatis eiusdem, tanta enim est vilitas peccati, quod de filio Dei facit seruum Diaboli. Quarta causa est consideratio de die iudicij, & penis inferni, ad quas euitandas peccator ad contritionem mouetur. Quinta causa est de amissione cælestis gloriæ: quando enim peccator cogitat se propter peccatū suum paradisi gloriam perdidisse, non est mirum, si dolet, ut veniam delictorum suorum cōsequi possit. Sexta causa dicitur esse dolor de multiplici offensa creatoris: quando enim peccator cogitat, se Deum offendisse, qui eum creauit de nihilo, & eum sua insigniuit imagine, & redemit suo sanguine, non est mirum, si doleat, & de peccatis his pniteat. unde beatus Ber. dicebat. Dolor de peccatis debet esse acer, acrior, acerrimus. Acer, quia Deum offendimus creatorem. Acrior, quia offendimus Patrem nostrum, qui pascit nos multipliciter, & gubernat. Acerrimus, quia nostrum offendimus redemptorem, qui nos sanguine suo liberauit à vinculo peccatorum, & crudelitate Dæmonum, nec non ab acerbitate gehennæ. Doleat ergo peccator de peccatis suis, & speret in Domino, & in pietate, & in misericordia: nam, ut dicit sapiens, qui sperat in Domino saluabitur.

**L**oquuturi de confessione parte secunda penitentia, ne confusio apud nostrum sit aliqua intellectum, tria perpendemus. Confessionis varia significata primò. Insuper descriptiones eiusdem. Tertio necessitatem. quantum ad primum, varia secundum Theologos dicuntur confessionis esse significata. nam D. Aug. primo docet duplicem dari confessionem, laudis scilicet, & fraudis. Confessio laudis est attestatio diuinæ perfectionis, ut cum Deum prædicamus omnipotentem, pium, bonum, misericordem, & iustum. Sic filius confessus est Patrem, & confessio hæc non penitentiam semper, sed gratiarum actionem significat, ut in Psal. legitur. Confitemini Domino, idest laudate Dominum, quoniam bonus: quoniam in sæculum misericordia eius. Rursus confitebor tibi Domine in toto corde meo, &c. Hic secundum Scotum notandum, quod confessione laudis nullus dignè confitetur, nisi prius suscitatus, quia non est speciosa laus in ore peccatoris. Confessio fraudis accusatio dicitur, qua se ipsum peccator accusat: & hæc secundum Scotum dicitur esse accepta Deo in ore peccatoris, hoc est eius, qui adhuc est peccator, dum tamen non sit peccator in voto, seu actu interiore, vel exteriori. est præterea confessio delicti, quæ fit ad interrogationem iudicis. Insuper datur confessio mentalis, & vocalis. Mentalis illa, quæ soli Deo fit, & hæc est de iure naturæ. vocalis verò illa, quæ fit sacerdoti, & hæc non est de iure naturæ, quæ varijs solet describi modis à Magistris, & ab Augustino primo sic.

*fic. Confessio est latentis peccati manifestatio, & ( ut idem ait )*  
*Confessio dicitur, per quam morbus latens spe veniæ aperitur. un-*  
*de, ut Sanctus Bonaventura scribit, peccatum est in anima, quasi*  
*Apcstema in intrinsecum, quod in confessione rumpitur, et sanies tunc*  
*temporis ad exteriora trahitur. Ab alijs communiter confessio sa-*  
*cramentalis finiri in hunc modum solet. Confessio est secreta delin-*  
*quentis accusatio suorum commissorum peccatorum coram sacerdote*  
*iurisdictionem in eum habente spe veniæ consequenda. & dicitur*  
*confessio sacramentalis, quia illa diffinitio non datur de confessione*  
*cordis, quæ fit coram Deo in cubiculo cordis: neque de illa, quæ fit*  
*in iudicio contentioso, at de ea, quæ fit in foro animæ secreto. & di-*  
*citur in finitione secreta ad excludendam confessionem generalem,*  
*quæ fit in publico: hæc enim sacramentalis non est, licet ex ea sic cõ-*  
*fitens venialium peccatorum consequi possit remissionem. Dicitur*  
*accusatio, quia qui se coram sacerdote excusant, non confitentur, sed*  
*magis se laudant, exemplo Pharisei bona sua annumerantis. Dici-*  
*tur suorum peccatorum, quia non debet esse accusatio aliorum. Di-*  
*citur coram sacerdote ad illam excludendam, quæ fit sodali, quæ*  
*licet quandoque sit utilis, non tamen est sacramentalis. Coram sa-*  
*cerdote, quia in presentia, non in absentia, per se ipsum secundum*  
*Aug. non per nuncium, vel per Epistolam, quandiu per se ipsum*  
*dicere potest. Dicitur iurisdictionem in eum habente, quia si fieret*  
*coram alieno, non suo Iudice, sacramentalis non dicitur esse. Dici-*  
*tur spe veniæ consequendæ, ubi finalis causa tangitur confessionis,*  
*quæ est peccatorum remissio: & hæc de scētis duobus. Superest tertio*  
*rimari confessionis necessitatem ad salutem, quæ intelligi duobus mo-*  
dis

dis habet, scilicet in voto, & in actu: nec id mirum, quia ubi morbus, ibi medicina necessaria: mortaliter ergo peccati Confessio necessaria, ut qui per peccatū mortuus prius fuerat, vitam animę recipiat. in sequenti multo plura intelligetis, Deo duce, atq; fauente.

QVI CONFITERI TENEANTVR.

Lectio LXXXVIII.

**A**Rbitror post ea, quę dicta sunt in superiori nostro sermone, duo alia addenda fore de confessione, quorum primum in eorū gratiam, qui teneri dicuntur ad confessionem. Alterum, verò pertinet ad ipsum tempus, quo homo debet confiteri. quò ad primum, omnes Adulti, postquam ad annos discretionis deueniunt, ita quod valeant discernere inter bonum, & malum, semel in anno ex statuto Concilij generalis confiteri tenentur, ut habetur extra de penitentia, & re. Ca. omnis utriusque sexus. & transgressores illius statuti viuentes ab Ecclesia ingressu arcantur, & morientes Christiana careant sepultura. Sed dicetis: ponamus, quod quis inueniatur, qui conscientiam de aliquo mortali peccato non habeat, sed solū de venialibus: An talis confiteri sit obligatus? Responderi potest ad hoc: quod sic, propter vinculum precepti, licet non propter vinculum peccati. Rursus dicetis: ponamus, quod quis ita sit circa diuina attentus, ut remorsum conscientia de aliquo peccato, nec mortali habeat, nec veniali: an talis teneatur cōfiteri? Responderi ad hoc potest: quod homo, quantumcunque perfectus sit ex gratia Dei, tenetur Ecclesie preceptum

Ee

seruare:

seruare: & ita se confessori suo presentare his verbis. non habeo conscientiam de aliquo peccato, tamen propter Ecclesie preceptum, me vobis presento: & hec de primo puncto. In altero disputandum est de tempore, quo teneatur homo confiteri. teste enim sapiente, omnia tempus habent. videndum ideo est de tempore, quo facienda confessio: an scilicet statim post perpetratiōem peccati, vel usque ad tempus statutum in decretali possit differri. Ad huius cuiusdam est sciendū: nos de confessione duobus modis posse loqui, vel quantum ad propositum interius, vel quantum ad verbum exterius. Si primo modo, videntur ferè communiter omnes Doctores dicere, quod homines tenentur proponere velle confiteri tempore statuto, & primo conteri: quia sine proposito confitendi, & satisfaciendi peccatum in contritione non dimittitur. Alij dicunt: quod peccator existens in peccato mortali, quando habet discreti, & idonei sacerdotis copiam, & peccati commissi memoriam, suum confiteri debet peccatum. nec videtur ob stare decretalis ista, Omnis utriusq; sexus: quia non dicit illa decretalis, quousq; differenda sit, sed quod non expectetur ultra. Insuper talis decretalis contra negligentes fuit edita, non contra diligentes. cum itaq; hinc inde sint opiniones diuersæ circa presentem materiam, quid dicendum? pro determinatione huius difficultatis, quosdam premitam casus, in quibus tenetur ad confessionem peccato mortali obnoxius in actu. Primus ergo casus secundum Scotum, & alios Doctores, dicitur esse talis. cum imminet iudicium damnationis, vel misericordie, ut est in articulo mortis. Secundus casus, quando vult exercere actus aliquos, quibus debetur reuerentia specialis: ut cum vult communi-

care:



care: tunc enim secundum omnes Doctores non sufficit sola contritio ad dignè communicandum, sed sacramentalis requiritur confessio, nisi, ut vult Palud. quando necessitas urget, & potens absoluerè abest. Tertius casus est, cum aggreditur actus arduos, in quibus frequenter, & sepius imminet mortis periculum, ut in bello, aut in transitu per loca infidelium, vel latronum, aut navigatione per aquas periculosas. Insuper quando sua conscientia dicat sibi statim esse confitendum: quia tunc cam deponere tenetur. ex his dicendum: quod licet non videatur quibusdam statim esse confiteri necessarium; est, nihilominus multum congruum iuxta illud sapientis. Non tardes conuerti ad Dominum: & ne differas de die in diem: subito enim veniet ira illius, & in tempore vindictæ disperdet te. & hæc sufficiant de tempore, quo tenetur homo cōfiteri.

## DE CONFESSIONIS QUALITATE.

### Lectio LXXXIX.

**A**ciuri hodierna die de confessionis qualitate primò: Insuper de eiusdem iteratione: pro intelligentia puncti primi notandum erit: quod Dauid in secundo Psalmo penitentiali summarie ponit confessionis conditiones, dicens. Dixi, confitebor aduersum me iniustitiam meam, & turc misisti impietatem peccati mei. ubi innuit, quod confessio debet esse premeditata: ideo dicit: dixi, idest in corde meo disposui. Secundo debet esse aperta, non palliata: ideo dicit: confitebor, idest non tacebo: & non palliabo excusando, vel defendendo me. Tertiò debet esse ac-

Ec 2 cūfatoria:

cufatoria: ideo dicit: *aduersum me, idest contra me.* Quarto debet  
 esse *verecunda*: ideo dicit: *iniustitias idest peccata, de quibus homo*  
*verecundatur.* Quinto debet esse *propria*: ideo dicit: *meas, nō alie-*  
*nas.* Sexto debet esse *meritoria*, nam sequitur, *Et tu remisisti im-*  
*pietatem peccati mei.* ut autem magis particulariter procedamus  
 notandum erit: quod confessio debet esse simplex, ita quod nihil  
 admisceatur cum eis, quæ requiruntur ad peccatorum quantitatem.  
 debet etiam humilis esse: nam valde humiliter se debet habere con-  
 fitens in verbo, & signo. Insuper debet esse pura, idest cum recta  
 intentione facta: & fidelis, idest vera, ita ut nihil falsitatis admi-  
 sceatur. debet etiam esse frequens: frequenter enim est utile per pe-  
 nitentiam resurgere ulterius. debet esse nuda, idest non inuoluta  
 verborum obscuritate. deinde discreta, idest, quod maius est confi-  
 teatur cum maiori pondere. Et libens, idest facta non de necessitate,  
 sed libera voluntate. & *verecunda*, quod non sic debet intelligi,  
 quod penitens debeat verecundari de confessionis actu, sed de pec-  
 catis, quæ confitetur: quod est contra quosdam, qui in recitando  
 peccata sua, quasi se iactare videntur de seculari aliqua vanitate.  
 Et *integra*, idest facta sine celatione alicuius peccati, quod confi-  
 tens tunc habeat in memoria, de quo alias non fuerit legitime con-  
 fessus. & hoc etiam dicitur contra diuidentes confessionem pluribus  
 sacerdotibus, dicendo partem uni, & partem alteri. Et *secreta*,  
 quia ibi agitur de secretis conscientia. Et *lachrymabilis*, lachrymis  
 procedentibus ex peccati dolore. Et *accelerata*: multum enim est  
 expediens peccatori, ut citò confiteatur, quia *abyssus abyssum inuo-*  
*cat*, idest unum peccatum ad aliud inclinatur. debet etiam esse fortis,  
 idest

idest, penitens debet esse ita constantis animi in confitendo, ut  
 nihil propter verecundiam pertinens ad suae conscientiae purgatio-  
 nem omittat. Et accusans idest penitens: ita debet se ipsum accusa-  
 re, ut in sui excusatione peccatū suum in alium non torquat: sicut  
 Adam dixit: mulier, quā dedisti mihi sociam, dedit mihi de ligno,  
 & comedi. debet etiam esse parata parere: penitens enim debet esse  
 paratus obedire sacerdoti in susceptione, & expletione penitentiae,  
 quam rationabiliter ei iniungit. ex his conditionibus quaedam sunt  
 de necessitate, quaedam de congruitate confessionis sacramentalis,  
 & haec pro primo puncto satis: in altero agendum venit de confes-  
 sionis iteratione, ubi doctores aliquos videntur ponere casus, in  
 quibus de necessitate salutis iteranda confessio est. Primus est pro-  
 pter sceleris enormitatem. V. g. quando aliquis habet aliquē casum,  
 de quo suus non potest eum confessor absolvere, & remittit eum ad  
 superiorem: tunc debet confessionem, quā fecerat inferiori, iterare,  
 ut sciat, quae penitentia sit ei imponenda, nisi forte superior, quātum  
 ad casum illum, committeret vices suas inferiori. Secundus casus  
 propter ignorantiam confessoris nescientis imponere penitentiam  
 pro peccatis confessis. Tertius casus est propter contemptum satis-  
 factionis, ut quando aliquis fuerit confessus de peccatis suis, & con-  
 tempsit facere penitentiam sibi impositam, & excidit à me-  
 moria sua. Quartus casus est propter malitiam fictio-  
 nis peccatoris, scilicet quando aliquis retinet  
 aliquod mortale peccatum in confessio-  
 ne. & haec de pollicitis.

**A**ccedit ultima pars penitentiae exponenda hodierna die, quae dicitur satisfactio: de qua Gabriel verba faciendo dicit: quod uno modo generaliter accipitur, & sic à Scoto describitur. Satisfactio est redditio voluntaria æquivalentis, aliàs indebiti: & dicitur redditio, quia non est absoluta datio. Dicitur voluntaria, quia si esset exacta violenter, non esset satisfactio, sed satisfactio. Dicitur æquivalentis, quia satisfactio ad iustitiam commutativam pertinet, quae exigit æqualitatem rei ad rem, tamen prout utique sapiens determinabit: scilicet per essentiam, qui est Deus peccato offensus, & hoc importat nomen satisfactio. Dicitur etiam aliàs indebiti, quia si illud quod redditur esset aliàs, id est pro alio debitum, non correspondet illi, sed alteri. Consistit autem talis satisfactio, ut scribit Gabriel pro peccato regulariter magis in actibus penalis, vel passionibus voluntarijs, quam in alijs actibus bonis non penalis: culpa enim ordinatur per debitam penam: & ideo secundum diuinam iustitiam culpæ debetur pena, & ita reddendo penam debitam pro peccato satisfacit. & dicitur regulariter, quia potest quis quandoque per actum bonum non penalem satisfacere pro peccato. nam Deus actum incensum charitatis acceptare potest pro punitione debita uni culpæ, iuxta illud 1. Pet. iiii. Charitas operit multitudinem peccatorum. Secundo modo satisfactio solet accipi stricte, ut distinguitur contra alias partes penitentiae, quam Cortesius, persolutionem vocat, & sic eam describit Scotus.

Satisfactio

Satisfactio est operatio exterior laboriosa, seu penalis voluntariè assumpta ad puniendum peccatū commissum à se, & ad placandam diuinam offensam, vel est passio, aut pena voluntariè tollerata in ordine ad peccatum, vel peccati remissionem. ordinatur etiam, ut literis mandauit Gabriel ad placationem diuinæ offensæ, ad remissionem pænæ, ad excisionem radicū peccatorum, & ad restitutionem minus iustè possessorum. & ita, ut patet intuenti ad plura dicitur ordinari, quæ adhuc duplex est, reconcilians, & Deum placans. & de illa dicitur, quod fieri non potest de uno peccato, & non de alio. unde Aug. impium est à Deo dimidiam sperare veniam. & hæc satisfactio, qua quis satisfacit Deo ex deuotione, & in gratia, meritoria ab aliquibus vocatur. Alia pænæ solutiuā dicitur, quæ penam temporalem soluit, de qua Scotus loquendo ait: q̄ fieri potest de uno peccato, & non de alio: ut patet in reciduiante, qui implendo iniunctam penitentiam post reciduiam satisfacit pro peccato prius dimisso absque satisfactione pro peccato recidiuè. Secundum autem Aug. satisfactio penitentiae est peccatorum causas excidere, & earum suggestionibus aditum non indulgere. excidere, id est remouere per dolorem, ut scribit Brulefer. & suggestionibus, &c. per quod innuitur firmum propositum de futuro.

Secundum Anselmum satisfacere est honorem debitum Deo impendere pro peccato. diffinitio

Augustini respicit recessum à malo.

Ista verò Anselmi respicit accessum ab bonum. & hæc pro presenti.

AN CONTRITIO CONFESSIO, ET SATIS-  
FACTIO SINT PARTES PAENITENTIAE.

## Lectio LXXXI.

**C**irca distinctionem prædeclaratam aliquatulum moraturi, duo quesita proponemus in presenti. quorum primum: An illa tria numerata, scilicet contritio, confessio, & satisfactio partes penitentiae dicenda. Insuper: An convenienter assignata. quantum ad primum, pro parte negativa sic arguitur. simplici defectui simplex remedium debetur: at peccatum est simplex defectus, quare simplex debet sufficere remedium: tale penitentia est: non ergo illa tria, scilicet contritio, confessio, & satisfactio partes penitentiae dicenda. Insuper: si forent partes, aut integrales, aut subiectivae: non integrales, quia sic totum non pronunciaretur de parte: at nunciatur, dum dicitur, conteri est penitere, & satisfacere similiter: non ergo integrales partes, neque subiectivae, quia in qualibet parte subiectiva totius ratio saluatur sine alia, nam Sortes dicitur perfecte homo dato quod plures in humana specie non essent: at perfecta ratio penitentiae non dicitur saluari in una sine alijs: ergo. præterea: si essent partes penitentiae, vel ut virtutis, aut sacramenti: non primum, quia Virtus forma simplex est in anima, & indivisibilis: non secundum, quia omne sacramentum est sensibile: at contritio non sic, quia habet esse in corde. denique fructus non videtur esse pars eius, cuius est fructus, nam pomum arboris non dicitur pars, sed fructus, & ultimum, quod expectatur: satisfactio non secus ultimum quoddam dicitur: non ergo penitentiae pars. In

contrarium



contrarium se habet Magister in textu, qui dicebat ad penitentiae perfectionem leges tria exigi: penitentiae itaque partes censendae, scilicet, contritio, confessio, & satisfactio. contritio attribuitur Patri; quia maxime potentia est iustificatio impij: quod fit per contritionem. Confessio Filio, quia fit per verbum, quod dicitur filius. Satisfactio, quae penitentiae bonitatem complet, Spiritui sancto, cui bonitas appropriatur. Nunc rationes diluenda, ut ad alia festinemus completo hoc primo sermone. Dicitur ergo ad primam, quod non sequatur, si peccatum sit simplex, quod remedium simplex debeat esse: quia legislator iuste potest multas partiales penas statuere, tanquam unam vindictam integram uni peccato correspondentes. & ita ratio prima de facili ruit. Altera ratio concedenda venit sub hoc sensu, quod penitentia, ut totum predicetur de contritione diuissim, sed non adequatè: ac coniunctim de tribus illis partibus adequatè: quare sine istis tribus partibus penitentia integra esse minime dicitur. Tertia ratio concludit: quod neque sint partes sacramenti penitentiae, neque penitentia virtutis, sed tantum actus imperati ab illa virtute: unde poenae concomitantes dicuntur effectus remoti actus penitentiae. Vltima ratio, quantum ad opus exterius habet concedi: attamen pars eius, quod est puniri, non debet negari. Completo primo quesito, in quo satis clare patuit, quo modo contritio, confessio, & satisfactio dici debeant penitentiae partes, accipiendo partem pro quocunque, quod requiritur ad penitentiam antecedenter, vel consequenter. Nunc speculandum erit: An scilicet haec tres sint assignatae conuenienter partes. Mihi sanè, quod non, apparet: nam contritio in corde ponitur, & ita ad interiorem dicitur pertinere peni-

tentiam: Insuper confessio in ore, & satisfactio in opere, quæ duo ultima ad penitentiam spectant exteriorem, quæ sola sacramentum dicitur, cum sensui subiaceat: nõ ergo conuenienter hæ sunt assignata partes. Præterea, in sacramentis nouæ legis gratia confertur: at in satisfactione aliqua gratia non confertur: quare nec penitentia pars censenda. Pro intellectu huius difficultatis secunda præmittenda erit illa distinctio de duplici parte, scilicet quantitatis, & essentialis, ut habetur in quinto Metaphysica. exemplum secundi physicè loquendo, ut materia, & forma. Logicè verò, genus, & differentia. Exemplum primi, ut quantitas sacramenti, quæ se tenet ex parte materie: unde superius dictum fuit: sacramenta consistere in rebus, & verbis. His ita præmissis, de facili ruent rationes: nã prima currit essentialiter loquendo de contritione, siue secundum suam essentiam: habet enim hoc modo in corde esse, nec non dicitur pertinere ad penitentiam interiorem: at virtualiter ad exteriorem, inquantum implicat confitendi propositum, & satisfaciendi:

altera ratio debet negari: quia satisfactio duobus modis potest considerari: uno modo in proposito, alio modo in executione: quibus duobus modis gratiam dicitur conferre nobis: primo scilicet, ut est in proposito: se-

cundo in executione auget eam. In conferendo ergo, & in augendo nobis gratiam dicitur conferre, & hæc pro presenti lectione.

AN

## AN VENIALE PECCATVM SINE

MORTALI POSSIT REMITTI.

Lectio LXXXII.

**A** Dhuc duo alia quesita percurrenda erunt, deinde ad subsequentem properabimus distinctionem. Solet ergo queri primo: An veniale peccatū sine mortali possit remitti. Insuper: An ludi: spectacula: militia: & negotia penitentiam impedire valeant, quantum ad primum, pro parte affirmatiua sic arguitur. Peccata quæ non sunt nexa adinuicem sic se habent, quod, vnum sine alio dimitti potest: at veniale, & mortale sic se habent: ergo veniale sine peccato mortali poterit remitti. Insuper veniali finita pena debetur, & mortali infinita: at illam homo in mortali peccato existens soluere potest: igitur veniale poterit remitti sine mortali. Pro intellectu huius questionis est sciendum: peccata connexionem non habentia ita se habere: quod vnum sine altero possit condonari: quo state ad argumenta formata difficile non erit respondere. Dicamus igitur ad primum: quod veniale possit remitti sine mortali ratione prædicta. Ad secundum non secus respondendum: nam veniale peccatū charitatis feruori opponitur solum, & mortale formaliter charitati: quare veniale sine mortali poterit dimitti. paucis sic enodata questione prima verbis: nūc circa secundā versandum: ubi videndum: An ludi: spectacula, & huiusmodi impedire penitentiam valeant. mihi primo aspectu videtur esse dicendum, quod nō: primo de ludo: quia illud, in quo virtus consistere, potest, non impedit: at in ludo virtus consistit, ut tertio Ethicorum

dicitur: igitur ludus penitentiam minimè impedit. Præterea: multa dantur alia peccata spectaculis grauiora, quæ penitentiam non impediunt: igitur nec prænominata impedimenta ponenda. in super illa, sine quibus Respublica conseruari nequit, operum penitentiae impedimenta dici non debent: at sine negotiatione, & militia cõseruari non potest, quia per militiam hostes Rempub. impediētes comprimuntur, & per negotiationem necessaria procurantur: huiusmodi ergo non videntur impedire posse penitentiam. In contrarium se habet Magister in textu, nec non Greg. ergo. Pro dilucidatione itaque huius questionis secunda est dicendum: aliqua vitanda esse à verè penitentibus de necessitate: aliqua verò de cõgruitate. illa sunt de necessitate vitanda, quæ mortale peccatum includunt. illa verò de congruitate, quæ sunt occasiones peccatorum. Præterea, de ludis est distinguendum: nam quidam de se turpitudinem & culpam habent, uti ludi, qui à viris, & mulieribus agebantur in theatris ad luxuriam prouocantes. Alij sunt procedentes ex gaudio deuotionis, sicut fit, quando cum organis unus dicitur versus Sequentiæ, & à choro alius. Alij sunt mediocres de se nullam turpitudinem habentes, quos Philosophus liberales vocat: & in his quis potest inueniri modus virtutis, seruatis tamen debitis circumstantijs. Circa spectacula similiter distinguendum, quia quædam sunt rerum turpium, & ad peccatum prouocantium, sicut inspectio ludorum theatralium. Alia verò sunt rerum ad deuotionem incitantium, ut inspectio historiae passionis Christi, & Sanctorum. Alia sunt spectacula media, à quibus penitens plus se debet temperare. De militia autem, & negotiatione, & ceteris officijs,

officijs, quæ de propinquo habent peccatum annexum, sciendum est: quod si pœnitens à talibus vult abstinere, laudabile est: si autem nō vult sufficit vitare peccata ipsis annexa. Per hæc responsio ad argumenta omnia patet, præter quam ad secundum: ad quod dicendum: quod spectacula prohibentur pœnitentibus: aut quia sunt peccata, aut occasiones peccatorum: vel quia magis quàm alia distrahunt animum, quem debet homo habere collectum in Deum. Et hæc de pollicis.

TRIA PROPONVNTVR QVAERENDA.

Distinctio 17.

Lectio LXXXIII.

**V**ersaturi in presentia circa decimam septimam in ordine huius libri quarti distinctionem, de continuatione primo verba faciemus: Insuper ad diuisionem properabimus. Quantum ad primum: videtur, quod hæc distinctio cum superiori habeat continuat̃ in hunc modum: ex quo .n. Magister de pœnitentiæ partibus determinauit: nunc consequens est, circa determinata questiones tres mouere incidentes: iuxta quas diuidi hēt p̃sens distinctio. nos circa primam versaturi, in ordine quinq; ponderabimus. propositionem primò. questionem unam secundò. tres opiniones circa questionem primam tertio. questionis determinationem quarto. concludemus quinto. circa primum, hæc præmittenda venit propositio. in cordis vera contritione peccatum à Deo dimittitur, si votū confitendi, & satisfaciendi firmiter concipitur.

cipitur ad hanc insinuendam dubitat loco secundo Magister sent.  
 An ad peccati remissionem confessio oris, & satisfactio operis: vel  
 sola contritio sine his sufficiat. circa hoc tertio sunt tangenda tres  
 loco opiniones. quidam enim dixerunt contritionem sine confes-  
 sione sufficere: ad quod confirmandum plures adducunt autori-  
 tates, per quas nituntur ostendere, quod solum propositum confite-  
 di, & interior cordis gemitus ad peccati deletionem sufficiant.  
 Unde, & leprosi mundati sunt, quando ostenderunt se Sacerdoti-  
 bus. Insuper Lazarus prius suscitatus interius, quàm foras prodijt.  
 Quidam uero alij fatentur confessionem necessariam, nec sine ipsa  
 peccatum dimitti, si adsit tempus illam faciendi. quidam alij sunt  
 opinati, quod sine solutione alicuius pœnæ remissio queat fieri. his  
 quarto questionis addenda venit determinatio loco: quæ est: quod  
 sine exteriori confessione, & pœnæ solutione peccata deleantur per  
 contritionem, & humilitatem cordis, & confitendi propositum,  
 dummodo contemptus confitendi exterius, & satisfaciendi non  
 adsit. at ubi facultas adest, proculdubio necessaria dicitur esse con-  
 fessio, & satisfactio. auctoritates autem supradictæ ad cordis con-  
 tritionem, & internam penitentiam referenda. hinc dicendum:  
 quod sicut peccati remissio donum Dei est: ita penitentia, &  
 confessio, per quam peccatum deletur à Deo est. quare ultimò, ut  
 tota concludatur determinatio, erit dicendum, quod antequam  
 fuerit confessio in ore, si votum sit confessionis in corde, tunc pec-  
 catorum sequatur remissio. nec ob id confessionis necessitas seclu-  
 denda, si tempus adsit: alioquin clauæ Ecclesiæ frustra viderentur  
 instituta, nec peccatori cōtrito daretur culpa remissio. In sequenti  
 alias



*alias duas huius distinctionis partes percipietis. hęc protando dicta sint à nobis.*

SI SOLI DEO CONFITERI SVFFICIT, TEX.  
Lectio LXXXIII.

**D**uidebatur presens. Distinctio in segmenta tria: quorum primum hactenus explanauimus: alia verò duo in presenti explicanda supersunt: quae in septem puncta principalia subdiuidi possunt. In quorum primo ponitur quesitum. In altero pars affirmatiua. In tertio negatiua. In quarto noua questio. In quinto pars negatiua. In sexto unum notandum. In ultimo quarundam authoritatum verus intellectus. Quantum spectat ad primum, queritur: An soli Deo, & non sacerdoti confiteri sufficiat: vel etiam sacerdoti confiteri sit necessarium. Dubio proposito in primo puncto: superest secundo quasdam pro parte affirmatiua authoritates in medium asferre: quarum prima ipsius Psal. ita dicentis. Dixi cōfitebor Domino, & tu rem, &c. soli ergo Deo cōfessio facienda. praeterea Ambr. loquens de Petro dixit: lachrymas eius lego, satisfactionē non lego: sufficit ergo soli Deo facta confessio. Rursus Ioannes Chrysostomus. non tibi dico, ut te prodas in publicū, neq; apud alios te accusēs: sed obedire te volo propheta dicenti, reuela Deo vitam tuam. ante Deum ergo tua confitere peccata: apud verum Iudicem cum oratione, delicta tua pronuncia, non lingua, sed conscientia tua memoria: & tunc demum spera, te misericordiam posse consequi. post partem affirmatiuam subsequitur negatiua tertio loco

loco videnda, quæ est: quod præter confessionem Deo factam oporteat confessionem facere sacerdoti, si adsit facultas. nam satisfactionis modus, & peccatorum reconciliatio ad Ecclesiæ ministros pertinent, quæ fieri nequeunt sine confessione, & erubescencia, quæ est in peccatorum confessione, & ad eorundem operatur remissionem. unde leprosis fuit dictum, ut ora sua ostenderent sacerdotibus. Sacerdoti ergo facienda confessio, & non soli Deo, cui honor quidem, & gloria sit semper in secula: quia clauces ligandi in terra, atq; soluendi nobis ministris tradidit. His quarto loco dubium de confessione addendum. solet enim queri: An Confessio possit, vel fieri debeat laico. mihi sanè ( ut partem tueamur negatiuam ) quinto loco videtur esse dicendum, quod non. nam laico non est authoritas absoluenti concessa, sed sacerdoti: quare non laico, sed discreto sacerdoti facienda confessio. unde Aug. dicit: qui vult confiteri peccata, ut inueniat gratiam, querat sacerdotem, qui sciat ligare, & soluere: ne, cum negligens circa se extiterit, negligatur ab eo, qui eum misericorditer monet, & petit, ne ambo in foueam cadant, quæ stultus euitare noluit. Hic sexto nobis notandum datur loco inseruiens proposito: nam inquit Beda: leuia peccata socijs publicari posse, etiam si adsit copia sacerdotis: dummodo ex contemptu non prætermittatur sacerdos: grauiora autem sacerdoti confitenda. At Magistro videtur tutius esse, nec non perfectius, simul leuia, & graui sacerdotibus confiteri peccata, quibus concessa soluendi, atq; ligandi fuit potestas. tandem, ut claudatur hæc distinctio ultimo loco quarundam præmissarum authoritatum intelligentia danda. dum ergo audietis Chry. dicentem: peccatorem in publicum non se debere prodere

prodere, hoc ita intelligendum: quod non expediat coram multis hominibus suum publicare peccatum: sed sacerdoti tantum. ad illud verò *Ambr.* dicentis: lachrymas lauare delictum: hoc habet intelligi, si confessio saltem soli sacerdoti facta sit: & si non fiat publica confessio criminis. quod autem dicit, se lachrymas Petri legisse, non confessionem: ad hoc potest dici: quod ob id non excluditur confessio: multa enim sunt facta, quæ tamen non sunt scripta: vel fortè nondum erat confessio instituta. quod autem *Prosper* inquit: quod sufficit, quod aliqui se ipsos puniant: intelligendum est hoc sine confessione publica: at non propter hoc excluditur confessio priuata, quæ sacerdoti fieri debet. quare tenendum: quod sine confessione peccatum non remittatur, si facultas adsit. necessaria itaq; confessio, quia pars penitentiae est: insuper quia per confessionem sacerdos intelligit, qualiter debeat de peccato iudicare. deinde, quia per confessionem redditur peccator humilior, & cautior. & hæc de tota distinctione.

## DE IMPII IUSTIFICATIONE.

### Lectio LXXXV.

**C**VM multa dixerit *Magister Sent.* in prædeclarata distinctione de confessione, atque de contritione: quibus impius iustificari dicitur. Nunc meritò nobis propositum est, de impij iustificatione loqui. circa quam quidditas primo consideranda: insuper integritatis exigentia: tertio ordo concurrentiū ad huiusmodi impij iustificationem. quantum ad primum: impij

Gg

iustificatio

*iustificatio idem esse dicitur, quod criminis remissio. vel sic. iustificatio est transmutatio de statu culpæ ad statum gratiæ. ab alijs dicitur sanatio mentis, vel cordis. Quot autem ad impij iustificationem requirantur, in hoc puncto secundo speculandum. Nā quatuor esse ponuntur. Infusio gratiæ: assensio animæ: compunctio culpæ: tandem remissio offensæ. An infusio gratiæ requiratur, audite: si enim culpa commissæ contra Deum tollenda, cum ipsa natura se ipsa hoc nequeat: gratiæ igitur infusio necessaria erit. Insuper nulli peccatum dimittitur sine charitate, quæ uniuersa operit delicta: sed sine Dei gratia haberi non potest: quare ad impij iustificationem necessaria gratiæ infusio erit. assensio quoque animæ ad iustificationem requiritur. nam qui iustificari desiderat, oportet, quod in infusione diuinæ gratiæ acquiescat. Quia nisi p assensum, desiderium, & conatum acquiescat, nunquam gratia infundetur: ed quia talis tanquam inuitus, & inuoluntarius est indispositus. Hoc idem Augustini auctoritate confirmari habet: qui ita dicit: qui creauit te sine te præueniente, non iustificabit te sine te, scilicet consentiente, & peccatum detestante, quantum in te est. Præterea: hoc idem bene fateri videtur dum inquit: donum diuinæ gratiæ absque consensu recipientis esse non posse. Rursus hæc veritas confirmari à simili potest: ut enim ille, qui oculum clausum tenet, naturale lumen vel sensibile recipere non valet: ita ille, qui non se preparat, vel disponit ad gratiam, quod in se est faciendo, spirituale lumen, diuinæ scilicet gratiæ, in se recipere minime potest: & ideo nec iustificari. infusio itaque gratiæ ad iustificationem impij necessaria primo, deinceps animæ assensio. Tertio culpæ displicentia, siue compunctio,*

punctio, vel culpa contritio requiritur ad hoc, quod peccator iustificetur. unde apud Psal. dicitur: Sacrificium Deo spiritus tribulatus, & contritus est sacrificium, quo peccata solvuntur. Quarto & ultimo ad impij iustificationem culpa, vel offensa remissio requiritur. & hoc per rationem à iustificatione desumptā probatur: nam dicitur iustificatio transmutatio quædam de statu culpa ad statum gratiæ, vel iustitiæ. In motu autem tria requiruntur: primum est motio mouentis. Secundum est motio mobilis. Tertium est consecutio finis. Ita in iustificatione impij tria sunt. Infusio gratiæ primò. assensio animæ secundò. contritio vel compunctio culpa, ex qua sequitur remissio offensæ tertio. & hæc de punctis duobus. In tertio quem ordinem teneant prædicta quatuor ad impij iustificationem cōcurrentia speculandum. Nam, ut intuenti patet, ordine temporis simul esse dicuntur: ex parte verò peccatoris iustificati, prius est culpa remissio, quam gratiæ infusio: at ex parte Dei iustificantis e conversò, quia prius est gratiæ infusio, quam culpa remissio.

unde inter opera Dei iustificatio impij operatio maxima dicitur ex parte facti: licet creatio Dei sit opus maximum ex parte modi agendi. iusti verò glorificatio maius opus Dei, quam sit peccatorum iustificatio ex

parte doni: nam maius est donum gloriæ, quam gratiæ. & hæc pro præsentī lectione.

## AN CONCVRRENTIA AD IMPII IV-

STIFICATIONEM SIMVL, ETC.

Lectio LXXXVI.

**C**irca distinctionem presentem versaturi duo maxime principalia inquiremus: & primo: An concurrentia ad impij iustificationem simul sint: vel ordinem habeant, quod unum aliud precedat. Insuper: An ante confessionem, & satisfactionem in contritione culpa remittatur. Quantum attinet ad primum: mihi videtur esse dicendum, quod sic. Nam huiusmodi sunt in eodem instanti, simul ergo. Antecedens patet: quia impij iustificatio fit per gratiam: at gratia infunditur in instanti: concurrentia itaque ad impij iustificationem simul esse dicuntur in eodem instanti. Preterea: ad impij iustificationem ex parte hominis nisi contritio requiritur: & ex parte Dei gratia infusio: at non est vera contritio, nisi sit gratia formata: sed gratia peccatori minime datur, nisi contritus sit: quare huiusmodi ad impij iustificationem simul. ex alio latere cum ad iustificationem motus liberi arbitrij requiratur in detestationem peccati, nec non in dilectionem Dei, quae frequenter gratia infusionem, & peccati remissionem precedunt: non video, quo modo praedicta simul esse dici debeant. Pro determinatione huius difficultatis primae: supposito, quid sit iustificatio, quae nil aliud est, quam peccatorum remissio: quae effectivè est à Deo: à gratia verò formaliter: à fide, & charitate habitualiter, siue in habitu: & à mandatis Dei in usu, siue in exercitatione divina iustitiae: consequenter secundo erit sciendum: ad impij iustificationem



nem ex parte peccatoris requiri peccati detestationem. Nam actus actiuorum non dicuntur esse, nisi in patiente bene disposito. His tertio ad impij iustificationem concurrentia maxime addenda duo: quorum vnum dispositionem peccatoris respicit: alterum verò gratiæ infusionem. Si de primo loquamur, nulli dubium, quin ordine naturæ dispositio, & tempore præcedat. At disposita materia, in illa ultima dispositione agens supernaturale Deus, qui in instanti operatur, simul gratiam infundit, & culpam dimittit. Concurrentia ergo ad impij iustificationem simul sic: & non, esse dicentur. Nunc argumenta diluenda, & erit finis. ad illa duo prima igitur argumenta responsio patet: solum enim probant: quod ad iustificationem concurrentia, ut contritio, & gratiæ infusio simul sunt, quod iam fuit concessum. Argumentum verò in oppositum de motu liberi arbitrij dicitur: frequenter gratiæ infusionem præcedere: maxime, quando peccati detestatio est insufficiens. Enodata iam questione prima: altera de contritione subsequitur, dum queritur de eius efficacia. Mihi etenim videtur: quod ante confessionem, & satisfactionem culpa in contritione non remittatur: quia vnum peccatum sine alio dimitti minimè potest: sed oportet, quod omnia simul dimittantur: at simul de pluribus peccatis nullus conteri potest: igitur in contritione plura non dimittentur peccata, neq; vnum tantum, cum nequeat sine alio dimitti. Præterea: ut absolutio confitentis ad culpæ dimissionem ordinatur, ut patet ex forma absolutionis, ita satisfactio ad pænæ expiationem ordinatur: at in contritione ante satisfactionem non videtur pænâ expiari: igitur neque culpa ante confessionem. In oppositum se habet glosa sup illud Psal. Sacrificium

Deo

Deo spiritus contribulatus, cor contritum, & humiliatum, &c. ubi dicit: quod contritio cordis est sacrificium, in quo peccata solvuntur. Pro determinatione igitur huius difficultatis secundæ duo præmittenda: quorum primum, quid sit contritio. Alterum est: An culpa in contritione condonetur. Quo ad primum: contritio, ut alias dictum est: dolor est de peccatis voluntariè acceptus, cum proposito confitendi, & satisfaciendi. Ad cæius intellectum est sciendum: quod dupliciter dolor accipitur: uno modo pro displicentia voluntatis: alio modo pro passione sensitiva partis: quo secundo modo hic minimè sumitur, sed primo. quatum ad secundum est dicendum: peccatum ante actualem confessionem dimitti: si tamen in ipsa contritione adsit propositum confitendi, & satisfaciendi, alias non esset vera contritio. Nunc formatæ rationes diluende, deinde sermonem claudemus præsentem. quantum ergo pertinet ad primam dici potest: contritionem duobus considerari posse modis. uno modo, quatum ad sui principium: alio modo, quo ad sui terminum. voco contritionis principium cogitationem, qua quis cogitat sigillatim de peccatis, & dolet ( & si non dolore perfectò. ) terminus autem contritionis est, quando ille dolor perficitur, & gratia informatur: & iste dolor simul de omnibus sigillatim dicitur cogitatis. cum ergo ab aduersarijs dicitur: quod nullus simul conteri potest: hoc negandum: licet enim contritio, quatum ad sui initium specialem exigat distinctionem de singulis peccatis: attamen, quo ad sui cõsumnationem, & terminum una dicitur esse generalis: in qua peccata omnia dimittuntur. Ad secundam ratione breui Respondetur: quod in contritione non solum culpa dimit-

tatur:

atur: sed aliquid de pena: ut suo loco patebit.

## DE CONTRITIONE QVAESITA DVO.

Lectio LXXXVII.

**Q**uoniam in calce superioris nostrae lectionis mentio facta fuit de pena: ideo hodierna die duo quæsitæ proponemus: quærentes primo. An per contritionem aliquid de pena culpæ, seu peccato debita dimittatur. Insuper. An contritionis dolor debeat esse maximus. quantum ad primum: pro parte negatiua primo sic arguitur. ut euenit in humana iustitia, ita in diuina: quia humana dicitur ad instar diuinæ: at in humana nihil de pena dimittitur peccato debita, licet homicida penitentiam agat de suo peccato: igitur neque in contritione per peccati displicentiam aliquid de pena peccato debita dimittetur. Preterea: ad perfectam penitentiam requiritur contritio, confessio, & satisfactio: sed si per contritionem pena dimitteretur, tunc satisfactio locum non haberet: non igitur in contritione videtur, posse peccato debita pena dimitti. ex alio latere si non sic. tunc habens contritionem de suis peccatis gaudere minimè posset: at oppositum euenit, pena ergo per contritionem quod dimittatur non negandum. Pro determinatione huius quæsitæ est sciendum: aliam non contrito peccatori penam deberi, & aliam ipsi contrito. Nam non contrito inferni pena debetur, quæ perpetua est, iuxta illud Matthæi. Ibi hi in supplicium æternum. contrito autem temporalis pena secundum illud Matthæi. penitentiam agite, &c. Insuper notandum: quod in vera contritione

contritione simpliciter, & absolutè loquendo totaliter pena non dimittitur: sed commutatur in temporalem, de qua presens questio procedit. His ita premisis, nunc ad rationes quid dicendum accedite: nam duobus primè possum respondere rationi modis. primo similitudinem negando de Iustitia humana collata ad diuinam: & ratio est: quia peccatorum condonatio magis misericordiae dicitur opus esse, quàm iustitiae: vel aliter dicendum: quod Princeps mortis penam alicui propter peccatū debitam relaxare possit, vel in aliam commutare, uti nos in proposito loquimur. Altera ratio curreret, si tota pena in contritione dimitteretur: at quia nemini hoc potest constare, scilicet de dimissione totalis penae, propterea satisfactio dicitur locum habere in confessione. declarato primo quesito, solet queri secundo. An contritionis dolor maximus debeat esse. Mihi (ut quibusdam faueam) videtur esse dicendum, quod non: quia quandoque contritus non tantum lachrymatur pro peccatis, sicut pro morte amici, vel pro lesione aliqua corporali: ergo. Præterea: ille dolor, quo modo maximus, cum gaudij admixtionem habeat? at hoc euenit in contritione: non ergo, &c. ex alio latere dolor contritionis de malo est: igitur de maiori malo dolor debet esse maior: at peccatum maius malum est temporali quocunque: contritionis itaque dolor maior quocunque alio dolore. Pro dilucidatione huius questionis secunda est sciendum: contritionis dolorem duplicem esse. quorum unus displicentia voluntatis dicitur, in quo essentialiter consistit ipsa contritio. Alius est sensitivæ partis, qui effectus vocatur contritionis, ut lachrymae, &c. Insuper notandum: quod dolor contritionis primo modo captus ad duo comparari

parari potest: vel ad dolorem, qui de alijs rebus habetur: vel ad dolorem de uno peccato ad dolorem contritionis de alio peccato. si primo modo debet dici maior eis: cuius ratio ab Augustino assignatur dicente: quod dolor in amore fundatur: ex hoc enim, quod aliquid amamus, de eius amisfione dolemus. Hinc de peccato commissio dolore ingenti afficimur, quia à Deo summo bono separamur. si verò dolor contritionis de uno peccato comparetur ad dolorem contritionis de alio: sic quilibet dolor maximus esse debet: sed sicut unum peccatum grauius altero datur: ita dolor unius contritionis maior dicetur dolore contritionis alterius: quamuis omnia peccata mortalia eque grauiasint, inquantum nos gratia priuant: quedam nihilominus grauiora dicuntur, inquantum penam maiorem, siue ampliore mmercentur. His ita positis, de facili argumentaruent. Nam primum de lachrymante non primo habet concedi, sed secundo: quia immediate, & per se lachryma tristitie effectus contritionis doloris esse dicuntur: secundo verò doloris sensibilis. Secundum argumentum de gaudio admixto contritioni non diminuit, nec tollit dolorem, immò auget spe venie: quare cum tale gaudium non sit maximum, propterea argumentum formatum fuit nullum. & hæc de pollicitis duobus.

AN CONFESSIO AD SALVTEM NECESSARIA.

Lectio LXXXXVIII.

**E**Xactissime, quæ de cōtritione dicenda erant pertractauimus hucusq; Nobilis. Audit. Superest modo consequēter dīo ad  
Hb confessio-

confessionem pertinentia hodierna die quesita proponere. quorum  
 primum est de necessitate confessionis: nam solet queri. *An ad sa-*  
*lutem sit ipsa necessaria. Insuper. An peccator post peccatū statim*  
*conteri, ac confiteri habita sacerdotis copia teneatur. quantum ad*  
*primum pro parte negativa sic arguitur. Deus homini salutem po-*  
*test conferre: non igitur necessaria confessio. Assumptum patet:*  
*quia suam Deus sacramentis minimè potentiam alligauit. Insuper*  
*Ecclesia potest quem dispensare, ne confiteatur: non igitur necessa-*  
*ria. Preterea: Magdalena, & Petrus, qui peccarunt saluati sunt,*  
*nec ob id inueniuntur, quod sacramentaliter sua sint peccata confessi:*  
*igitur ad salutem non videtur necessaria esse. In oppositum se habet*  
*Boetius, qui libro de cōsolatione ait: si medicinā expectas, oportet,*  
*quod detegatur vulnus. At hominum vulnus est peccatum, pro*  
*salute ergo acquirenda, confessio ut necessaria faciendā. Pro de-*  
*terminatione huius questionis prima duo videnda. Primum est:*  
*An confessio sacramentalis ad salutem sit necessaria. Insuper. An*  
*quis per Ecclesiam dispensari possit, ne confiteri teneatur. quātum*  
*ad primum breuibus dicitur: necessariam esse confessionem ad sa-*  
*lutem acquirendam habita copia sacerdotis: cuius ratio est, quia*  
*omne remedium contra culpam ordinatum, cum quā minimè stat*  
*gratia de salutis necessitate est: at confessio sic se habet: ergo. quā-*  
*tum ad secundum dici potest: quod nullus possit dispensare, quin*  
*ille, qui mortaliter peccauit, suū confiteri teneatur peccatum. Nec*  
*id mirum, quia Pontifex, & omnes eo inferiores solum ministri*  
*sunt, & dispensatores sacramentorum institutorum per Christum,*  
*secundum illud Pri. Cor. iiii. Sic nos existimet homo, ut mini-*  
stros



stros Christi, & dispensatores ministeriorum Dei. At minister legem institutam per legislatorem tollere non potest: ergo. Nunc ad argumenta Respondendum, & primo ad primum, quod concludit verum, loquendo de Dei potentia absoluta: at de ordinaria aliter dicendum. Ad secundum antecedens negatur ratione iam tacta in corpore quesiti. Ad tertium potest dici: quod Magdalena, & Petrus non post Christi passionem peccauerunt: & ideo non ad confessionem tenebantur: vel sic: quod Christus, qui excellentia habuit potestatem, eis effectum sacramenti sine sacramento dare potuerit, & de facto dederit. Explicata prima de propositis duabus questione: sequitur altera de peccatore. An scilicet statim post patratum peccatum conteri, ac confiteri teneatur habita sacerdotis copia. Mihi prima fronte, quod sic, videtur. Illud enim, quod sine termino debetur, dicitur deberi statim: at peccator, ubi peccauit, conteri, ac confiteri debet: nec est aliquis ad hoc certus terminus positus: igitur statim confiteri tenetur. Preterea: in sacramentis contemptus mortale peccatum est, ut Hugo de sancto Victore fatetur, & alij omnes: ergo mortaliter ille peccabit, qui non statim post peccatum conteretur, atq; confitebitur. In oppositum videtur se habere illud, quod in decretali omnis viriusque sexus habetur. Ubi preceptum ponitur de Confessione, & de Eucharistie perceptione: at qui ante Pascha non cummunicat mortaliter non peccat: ergo, &c. Pro determinatione huius questionis secunda est sciendum: aliquem ad contritionem teneri posse dupliciter. uno modo sub conditione: si velit esse in statu gratiae, & salutis, & hoc modo non est dubium, quin peccator statim post peccatum conteri te-

neatur: quia sine contritione in statu salutis, & gratia non potest esse, & ideo qua ratione vult secundum: eadem ratione oportet, eum velle primum. Alio modo potest intelligi, aliquem teneri ad contritionem ex precepto, ita quod, nisi cõteratur, peccat mortaliter tanquam precepti transgressor, & hoc modo peccator regulariter non videtur teneri statim post peccatum conterri. De confessione autem actuali dicendum est: quod ad eam faciendam statim absolutè nullus obligetur. At tempore, quo imminet necessitas, confessio non dimittenda, licet preceptum de confessione affirmativum sit, & non obliget nisi pro tempore. talis autem necessitas in casibus quinque consisist. Primus est: quãdo homo Eucharistiam recipere habet, quia nullus quantumcunq; contritus sacerdotis copiam habens, absque confessione hoc sacramentum recipere debet. Secundus casus à primo dependet, & est Ecclesia statutum, siue preceptum: precipit enim: quod Confessio ultra Pascha non differatur. Tertius est propter mortis periculum. Quartus casus, cum aliquis peccatum habeat, à quo nequeat absolui, nisi à superiore presente. Quintus: quando quis ex scrupulo conscientia arbitratur, se teneri ad confitendum statim. His ita positis, ad argumenta nunc Respondendum, & ad primum primo sic. quod illud, quod sine termino debetur, statim debetur: confessio autem sacramentalis sine termino non debetur: quia quamvis ex sacramenti natura nõ sit prefixus certus aliquis terminus: nec etiam ex Christi precepto: tamen generalis terminus dicitur prefixus, videlicet tempus vite presentis, intra quem terminum peccator confiteri potest: nec dicitur astringi ad terminum aliquem certum, nisi in prenomiatis casibus.

casibus. Ad secundum dicitur: quod Hugo loquitur de illo, qui sine sacramento decedit de presenti vita: qui excusari minime potest à cōtemptu, nisi necessitatis articulus eū excuset. & hæc pro p̄senti.

# AN SACERDOTI CONFESSIO, VEL

ALTERI FACIENDA?

Lectio LXXXIX.

**D**Vo alia ad confessionem spectantia adhuc in presentia inquirenda nobis se se offerunt: quorum primum. An sacerdoti de necessitate confessio facienda, vel alteri. Insuper. An proprio sacerdoti, & non alij, etiam priuilegium, vel mandatum habenti. quo ad primū: mihi videtur esse dicendum, quod sufficiat confiteri non sacerdoti. Nam confessio promulgata fuit à beato Iacobo sub his verbis. Confitemini alterutrum peccata vestra: cuilibet ergo fieri poterit confessio. Preterea: Ecclesiarum Rectoribus est præceptum, ut vultum pecorum suorum agnoscant: at quandoq; Rector nō est sacerdos: igitur confessio non sacerdoti poterit fieri. In oppositum dicetis vos: in veteri lege iudicium discernendi lepram à lepra cur ergo solis sacerdotibus datum? videtur ergo: quod confessionis iudicium ad solos pertineat sacerdotes. Pro determinatione huius quesiti, scire debetis: quod confitens, vel copiam sacerdotis habet: vel non: si habet, tenetur de necessitate maxime in casibus superius p̄suis confiteri. Si autem sacerdotis copia careat: tunc dicunt quidam, quod laico cōfiteri teneatur, & hoc in signum humilitatis, nec non verecundiæ peccatorum suorum:

rum: quæ verecundia pars satisfactionis est maxima. Sed istud non videtur necessarium: quia cessante principali, cessat quoque accessorium: sed Confessio principaliter fit propter absolutionem: quare sicopia sacerdotis desit, tunc temporis penitens dicitur ab obligatione confessionis absolutus: nõ erga laico confessio facienda, nisi ex sola humilitate, vel ad habendum consilium, vel ad verecundandum propter Deum, quibus modis, tunc id utile foret. His ita positis, ad formata argumenta, quid dicendum, audite. Primum enim ex suppositione diuinæ institutionis venit intelligendum: per quam confessio sacramentalis solis sacerdotibus faciendi, quibus Christus potestatem dimittendi peccata dedit: ut patet Ioannis xx. quo supposito Iacobus confessionem eis faciendam monuit. Ad secundum argumentum dicitur: curatum vultum subditi sui dupliciter cognoscere debere. vno modo quantum ad exteriorem conuersationem: An peccator sit notorius, an non. quantum cognitionem potest habere Rector non sacerdos. Alio modo quantum ad interiorem conscientiam in sacramento confessionis: quam solus debet habere sacerdos. Et hæc de formatis rationibus. solet queri secundo. An proprio debeat fieri sacerdoti confessio, Et non alij priuilegium, vel mandatam habenti. Mibi primo aspectu videtur esse dicendum: quod proprio sacerdoti, si vultum subditi debeat cognoscere sui. Insuper ad idem glosa ordinaria Bernardi super illo capitulo Omnis utriusque sexus. Expresse dicit: quod predicatores, Et minores per priuilegium sibi concessum non possunt absolueri sine licentia parochialium sacerdotum: ergo. In contrarium sic arguitur: quia quicquid potestas potest inferior, nec non maxime superior.

superior. Sed de licentia Episcopi potest sacerdos, audire confessiones: ergo à fortiori de licentia Papæ, vel de privilegio sine curati licentia, quis poterit eius subditum audire. Pro determinatione huius quesiti est primo sciendum: quod totius sue diocesis ordinarius est Episcopus: qui potest in toto suo Episcopatu officium tale committere omnibus alijs puta sacerdotibus Secularibus, nec non Regularibus, immò, & monachis, quamvis hoc quidam negare videantur propter multa iura, qua habentur. Si ergo hoc Episcopus potest, quanto magis Pontifex id poterit. Cum ergo isti, qui ex privilegio predicant, & confessiones audiunt, sicut Vicarij D. Papæ, & Episcoporum, eis confessi, non iterum tenentur confiteri sacerdoti suo Parochiali; quia tales sunt, quasi quidam particulares penitentiarij. Nec illud obstat dictum in illa decretali utriusq; sexus: loquitur enim de sacerdote proprio, ut proprium diuiditur contra commune. unde iste sensus est: quod confiteatur proprio sacerdoti, id est non alieno. His ita positis, Nunc ad rationes formatas respondendum, & primo ad primam: concedatur ergo ex ordine semel in anno, aliter non. Altera ratio ruit: quia summorum

Pontificum glosa interpretationes minimè vidit:

vel si sic: forsitan suam sequi voluit hac in

parte opinionem. Nisi igitur aliquid

obstet in contrarium, habenti

mandatum, vel privile-

gium confessio sic

ri poterit.

## AN CONFITENS, SED NON PAENITENS

ECCLESIAE, PRAECEPTVM IMPLEAT?

Lectio C.

**T** Andem, finem vi imponamus premissae distinctioni, questiones duas animadversione dignas proponemus in presenti: quorum prima. *An Ecclesiae praeceptum de confitendo semel in anno, confitens, & non penitens, implere dicatur.* Altera est. *An uni integraliter sit facienda confessio.* Circa primum, ut versemur, pro parte affirmatiua sic primo arguemus. Statutum de confitendo semel in anno penale est, & ideo ultra quam sonent verba non se debet extendere: quare confitens, & non penitens, dicitur praeceptum Ecclesiae implere. Insuper Ecclesia mandat, confessionem impenitentis recipi, ut habetur extra de penitentia, & remissione: Ecclesia igitur praeceptum à confitente, & non penitente impletur. Ex alio latere dicetis vos, si quis confiteatur, nec illum peniteat, quomodo veniam delictorum suorum consequetur? videtur itaque, quod talis Ecclesiae praeceptum non adimpleat. Pro solutione sciendum: quod non penitens dupliciter sumi potest: uno modo pro dolente de peccato non sufficienter. Alio modo pro fictè dolente. Si primò modo, Ecclesiae praeceptum, qui confitetur adimplere dicitur: quia de sufficientia doloris de peccato per certitudinem potest constare. Si secundò modo, durante fictione talis confessio huiusmodi fictio non valet, nec dicitur Ecclesiae praeceptum adimplere, quia intendit quod semel in anno debeat confiteri homo cum suorum peccatorum contritione. His ita positis. Nunc argu-  
menta



menta dilucenda, & primo primum, deinde secundum. Dicamus ergo ad primum: quod Ecclesia statutum de confitendo semel in anno, siue sit solum exhortatorium, siue preceptorium, non debet à fidelibus salutem suā querentibus reputari penale: at salubre: quia si quid ibi sit penalitatis, totum medicamentum debet dici salutis: & ideo implendum, ut salutariferum. Ad argumentum secundum dicitur: quod Ecclesia mandat impenitentis confessionem recipi ad eius instructionem: non ad absolutionē: nec ad Eucharistiae sumptionem, ante veram contritionem, & confessionem. Iam exposita questione prima, altera subsequitur de integritate confessionis: ubi pro negatiua parte sic primo arguitur. Confessio nonne fit propter absolutionem? certē sic: at euenire potest, quod ille, cui peccata cōfiteretur sua peccator, eum de omnibus absolueret non possit, & hoc propter aliquem casum superiori retentum. Ergo confitens tali confessori omnia peccata confiteri non tenetur. Præterea: ut confitens videtur partem peccatorum posse manifestare suorum scilicet scripto: igitur à simili uni ministro poterit partem, & alteri partem detegere: & ita integraliter uni minime, & eidem facienda confessio. Ex alio latere, cum peccator veniam de uno peccato sine alio consequi nequeat: igitur dicendum, quod confitens non debeat de uno sine alijs confiteri peccatis. Pro dilucidatione huius quesiti hoc unum supponatis velim: uni, & eidem cōfitenda esse peccata: quo stante de facili argumenta formata ruent. Nam primum concedi habet, quo ad quorundam peccatorum absolutionem, quam prelati secundum Ecclesie sibi retinent consuetudinem. ob id non tollitur confessionis integritas: quin scilicet uni, & eidem inte-

graliter confessio debeat fieri. Secundum argumentum currit de illo, qui alium non habet modum confitendi peccata sua, quam per signum, ut patet de muto. At de habentibus modum alium sibi possibilem non ita dicendum. Et hæc pro presenti.

## DE SACERDOTIS REMISSIONE.

Distinctio 18.

Lectio CI.

**E**Xpeditis necessarijs, quæ pro maiori notitia dictorum Magistri Sent. in decima septima distinctione declarata sunt: consequenter oratio nostra vertetur ad decimam octavam in ordine huius libri quarti distinctionem dilucidandam: ubi primo continuatio consideranda: insuper diuisio. quo ad primum: ex quo superius sumus loquuti una cum Magistro de penitentia, quantum ad eius partes: consequenter nunc determinandum venit de potestate dispensantium hoc sacramentum habito nexu presentis cum superioribus distinctionibus: modo diuisio consideranda venit: diuidi enim potest presens distinctio in secta principalia tria: scilicet in caput, corpus, et pedes. Nos verò circa duo principalia versaturi, quatuor faciemus. nam dubium primo proponemus. Insuper de clauibus loquemur. Tertio quorundam opinionem circa sacerdotis remissionem adducemus. Denique difficultati occurremus. Quantum ad primum: queri solet, cum in sola contritione cum proposito tamen confitendi peccatum condonetur, non solum quo ad maculam, verum etiam quo ad pænæ reatum ante confessionem sacerdoti

cerdoti facta: quid ergo sacerdos in sua absolutione dimittat: & quid virtus clauium tunc temporis operetur. Dubio premissio in secundo primo: Magister in secundo verba de clauibus facit in gratiam veritatis: inquit ergo in presenti: intentionem non esse suam de clauibus temporalibus, siue corporalibus, sed de spiritualibus loqui: quæ nil aliud esse dicuntur, quam discernendi scientia, & iudicandi potentia: quia iudex Ecclesiasticus dignos recipere habet, indignosq; à Regno Dei excludere, ut puta ab Ecclesia, vel sacramentorum perceptione, quæ vis ligandi, & soluendi Ecclesie sacerdotibus competit, & non hereticis: & hæc de segmentis duobus. Superest tertium exponendum, vbi videndum: quid sacerdos in absolutione operetur, cum solus Deus culpa maculam abstergat, & à debito mortis eterna absoluat: an scilicet in absoluendo à peccato culpam, vel etiam penam tollere possit. Circa hoc duæ extant opiniones, quas in textu ipse Magister recenset. Quibusdam enim videtur: quod Deus animam à morte suscitet; & sacerdos deinde penæ reatum dimittat. Unde dicunt: Dominum prius Lazarum suscitasse, & viuificasse: deinde Apostolis soluendum reliquisse. Alijs verò visum fuit: quod sicut solus Deus animam viuificat interius tollendo culpam: sic, & reatum penæ eterna relaxat. Unde beatus Aug. exponens illum Psal. Beati, quorum remissa sunt iniquitates, &c. sic ait: quorum tecta sunt peccata, idest cooperta, & abolita. Si enim texit Deus peccata, noluit aduertere: si noluit aduertere, neque etiam animaduertere, idest punire, sed ignoscere: solus ergo Deus peccata dimittit. Et quando Deus videt peccata hominum, tunc illa ad penam imputare dicitur. At quando faciem

auertit, illa ad penam minimè reseruat. D. Hieronymus super eodẽ Psalmo ait: Quibus Deus peccata dimittit, tegitne in iudicio reuelentur. Item Cassiodorus dicit: Qui grauius habent peccata, alijs Deus imputat: alijs per misericordiam non imputat. Quare ex his apertè ostenditur: quod Deus ipse penitentẽ soluit à debito pena, maximè quando intus illuminat contritionem inspirando, quæ non est sine charitate: solus ergo Deus ille est, qui delet iniquitates, & peccata populi. & hæc de tribus punctis. Nunc quarto loco difficultati proposita ita occurrendum. Nam Deus per se ipsum, & principaliter dicitur absolvere, & sacerdos ministerialiter. & licet apud Deũ peccator per contritionem dicatur absolutus, tamen in foro Ecclesiæ non sic iudicatur: quare auctoritate concessa sacerdotibus in facie Ecclesiæ peccator est absolueudus, ut magis abundè patebit in sequenti nostro sermone.

## QVO MODO SACERDOTES LIGANT. TEX.

### Lectio CII.

**H**æc est tertia pars huius distinctionis, circa quã versaturi quatuor faciemus. Nam primò docebimus; quid sit soluere, & ligare, & quot modis sacerdotes ligent, & soluant. Insuper quæsitum proponemus. Tertiò illud soluemus. Quartò, & ultimo ex prædeclaratis iterum dubitabimus. quo ad primum: sacerdotes ligare dicuntur, quando satisfactionem pro penitentia imponunt. soluere verò cum de ea aliquid dimittunt. In primò opus iustitiæ exercent: & in secundò opus misericordiæ. Ex quibus

quibus apparet, quid sit ligare: nam est penitentem obligare ad penam satisfactoriam, quod ad claves pertinet, ut perbelle docet Aug. qui dicit: quod penitentia sine arbitrio sacerdotis frustratur: & Ecclesie cōtempnibiles facit claves. Dicuntur etiam sacerdotes solvere, & ligare per excommunicationem: quando per Ecclesie sententiam à loco orationis, & Sanctorum communione, nec non à fidelium consortio cōtumacem præscindunt, ut erubescat, & pudore sceleris cōuersus penitentiam agat. Tunc verò soluitur, quando penitentiam profitens communioni admittitur, & Ecclesie Sanctæ reconciliatur. At quam diu manet excommunicatus, tam diu dicitur gratia diuina priuatus, nec non protectione Angelica, ita ut derelictus liberius cadat in peccatum. Præterea: Diabolus in eum potestatem habet: denique illi Ecclesie orationes non prodesse putantur: & hæc satisfactionem vilipendentibus pena infligitur. Explānato iam puncto primo de quatuor propositis: alterum subsequitur, dum queritur: quo modo secundum hos modos ligandi, atq; soluendi illud verum sit, quod Dominus dicit: illa esse in cælis soluta, & ligata, quæ in terris sacerdotes ligauerunt, & soluerunt, cum ipsi quandoque ligatos, & solutos ostendant, qui non sunt coram Deo absoluti: Insuper cum interdum indignos ligare, & soluere dicantur. Dubio proposito, quid Respondendum tertio docet loco Magister, dum inquit. Intelligendum esse, quod tunc solutio, & ligatio sacerdotis diuino iudicio approbetur, quando clavis discretionis adhibita sit, secundum meritorū exigentiam. unde dum sacerdos in iudicando errat: tunc, qui ligatur, apud Deum iudicē ligatus non habetur: nisi contemnat Ecclesie sententiam. unde secundum

cundum Origenem: interdum qui foras mittitur, intus est. Et qui foras est, interius retineri videtur. Explanatis iam tribus punctis quartum superest: ubi occasione huius queritur: quæ sit illa macula: & quæ interiores illæ tenebræ, à quibus Deus animam purgat cum penitentiam immitit. Huic difficultati, ut satisfaciamus, ita dicendum: quod illa macula non sit mala voluntas: quia iam transiit: nec dici potest penitentia cōtemptus: quoniam illud est nouū peccatum: dicatur itaque dissimilitudo, siue quædam elongatio à Deo: quæ tanquam macula inest animæ, à qua per penitentiam purgatur. quantū verò ad tenebras interiores ita dicendum: quod hominis peccantis intellectus obtenebretur, & naturalia vitientur, nec non Dei gratia priuetur. Quæ priuatio gratiæ, & deterioratio bonorum naturalium mentis caligo interior est: à quibus omnibus homo per penitentiam curatur. Nam medici spirituales dicuntur in suo ministerio sacerdotes: quorum munus curare est: gratia autem viuificare. & hæc de tota satis dicta sint distinctione.

## QVID SIT CLAVIS.

### Lectio CIII.

**P**RO maiori intellectu eorum, quæ in prædeclarata distinctione à Magistro sententiarum sunt dicta: quatuor per ordinem ponderabimus hodierna die: definitionem clavis primò. Quid sit ligare secundò, & quot modis contingat. Tertiò quo modo erret clavis. Quartò, num quis se ipsum absolueret possit. Pro intelligentia secti primi est sciendum: quod sicut in his corporalibus



valibus clavis dicitur esse instrumentum ad amouendum aliquod obstaculum. Ita in spiritualibus cum inueniatur obstaculum ingrediendi in Regnum celeste, ad illud remouendum spiritualis illa potestas sacerdotibus à Deo concessa clavis nuncupabitur. Quæ sic diffinitur. Clavis est potestas ligandi, atq; soluendi, qua Ecclesiasticus iudex dignos recipere, & indignos debet à Regno excludere. In qua diffinitione quinque tanguntur. *Authoritatis principium* primò, cum dicitur. Clavis est potestas. *Secundò subiectum* ibi: iudex Ecclesiasticus, qui non solum ordinem debet habere sacerdotalem, qui sequitur caracterem: sed etiam iurisdictionem secundum potestatem superioris. *Tertiò clavis actus duplex* tangitur: scilicet excludere, & recipere ad similitudinem clavis materialis, cuius est aperire, & claudere. *Quartò in diffinitione clavis tangitur discretionis iudicium* in hoc: quod dignitas, & indignitas illius, in quem actus clavis exercetur, pensatur. *Quintò eius obiectum*, quando dicitur à Regno. ubi notandum: quod non dicitur ab inferno, sed à Regno: eo quia clauis inferni Deus sibi soli retinuit. & hæc de primo puncto. Ligare verò secundo loco quid sit, audite. Nam largè loquendo est, non absoluere: vel ligare dicetur nil aliud esse: quam ad penam remanentem obligare: nam sacerdos totam non habet remittere penam, sed aliquid de pena. Istud autem aliquid, quod sacerdos dicitur remittere, non est determinatum in quantitate, sed in proportionem. Si verò breuius velitis procedere, dicatis: sacerdotem virtute clauium tribus modis ligare. Primò quo ad culpam non absoluendo ab ea. Secundò quo ad penam sensus, pena temporali ligando. Tertiò quo ad penam damni, ligando per sententiam

tentiam excommunicationis. His duobus factis tertium venit addendū de errore clavis: q̄ dicitur errare, cū sacerdos abutitur clauē. V. g. quando absoluit non sui iurisdictioni subiectum: similiter, quando indignos absoluit. De errore verò clavis scientia alias verba faciemus. Tandem, ut sermo presens claudatur noster, speculandum erit: Num quis sacerdos se ipsum absolvere possit. Mihi, quod non, apparet: quia clavis potestas pro materia requirit aliquem sibi subiectum: at aliquis sibi ipsi non potest esse subiectus: ergo. Preterea: in iudicio temporali quis reus, & iudex esse non potest: igitur neque in iudicio spiritali. Nullus itaque se ipsum poterit absolvere. & hoc pro presenti nostro sermone.

## AN CLAVES IN ECCLESIA CONCEDENDAE.

### Lectio CIIII.

**C**irca distinctionē premissam dubium de clauibus unum animaduersione dignum proponendum. Quo exposito ad alia properandum. Queritur ergo. An clauē in Ecclesia concedendae. Quidam ad negatiuam declinantes partem ita ratiocinantur. Christi hoc peculiare est, scilicet Regni celorum clauē habere: non igitur in Ecclesia sunt. Assumptum patet per illud Apoc. 3. Claudit, & nemo aperit: aperit, & nemo claudit. Solus ergo Christus. Preterea: Aug. autoritate contra Donatistas sic arguitur. à peccato nō absoluit nisi columba id est Christus: igitur, &c. tertio sic. Clavis scientia, cuilibet ordinato confertur minime: nam prius inuentus ignarus, se non inuenit scientem post ordinatio.

ordinationem, quam esset ante : non igitur clauēs in Ecclesia videntur esse. Insuper ad quid clauēs, cum celi ostium sit apertum ? malè igitur Magister Sent. de clauibus videtur fuisse loquutus. In oppositum se habet illud, quod Dominus dixit Petro Matthæi. vi. tibi dabo clauēs Regni celorū. In Ecclesia ergo concedendę clauēs. Pro dilucidatione huius quesiti est primo sciendum : unam esse tantum clauem secundum essentiam : at duas secundum actus, & officia. Insuper supponendum : duplicem dari clauem excellentiæ, & ministerij. Quibus præmissis, ad rationes formatas nunc respondere non erit difficile. Prima ergo cōcedi habet de clauī excellentiæ, non ministerij. Altera ratio desumpta ex Augustino debet intelligi de Christo principaliter, & de membris eius, quibus dignè sit peccatorum remissio ministerialiter. Ad tertiam de clauī scientiæ est sciendum : quod per clauem scientiæ nos non debemus intelligere, aliquam dari scientiæ clauem, quo modo ratio formata videtur velle : sed authoritatem noscendi, idest inquirendi, & examinandi causam rei. Hęc ergo illa clauis est, quæ in susceptione ordinis sacerdotij confertur, non autem scientiæ. Ad ultimam instantiam dicitur : cælum quidem de se apertum esse, at alicui clausum per peccatum : ad quod amouendum impedimentum in Ecclesia clauēs conceduntur. Laudetur ergo Deus, qui talem dedit benignitate suā potestatem sacerdotibus. & hęc satis.

**E**X quo vidimus in Ecclesia claves dari, quibus peccator habet absolui: consequenter in presenti de harum usu loquendum: ut quid tenendum nos lateat minimè. Presens itaque sermo noster in secta duo diuidetur: in quorum primo de clauium usu loquemur. In altero de excommunicatione. quantum attinet ad primum: solet queri. An usus clauium se extendat ad dimissionem culpæ, & pænæ nec ne. Mihi primo aspectu videtur dicendum esse, quod se ad culpæ deletionem extendat: nam saluatoris apud Ioannem extat auctoritas talis capite xx. Quorum remiseritis peccata remittuntur eis: vis ergo clauium ad perfectam culpæ condonationem se extendit. Insuper: nonne in penitentia gratia confertur ad peccati remissionem? at hoc penitentia sacramentum à sacerdote administratur, cuius dicitur dispensator: usus itaque clauium ad culpæ dimissionem se extendit. Ex alio latere dicetis vos: solius Dei est gratiam dare: non ergo, &c. Pro determinatione huius quesiti, scire debetis: clauium duplicem dari usum: quorum unus est discernendi dignos ab indignis à Regno celorum. Alter dignos recipiendi, indignosque excludendi. Insuper in memoriam reuocare debetis vestram, in peccato mortali tria inueniri. Primum est deordinatio actus, in qua formaliter culpa consistit. Secundum est carentia gratia, quæ dicitur offensa, siue macula. Tertium est reatus pænæ. quantum ad primum: claves non dicuntur ad talem culpæ dimissionem, siue macula aliquid operari:

rari: quoniam actus deordinatio tollitur p̄ displicentiam natura  
absolutionem precedentem: quæ sit virtute clauium. quantum ad  
secundum, quod est carentia gratia, dicendum est: quod clauium  
authoritas se ad culpæ dimissionē extendat: & gratia collationem  
per modum ministerij: quo ad tertium nihil dicam: quia virtute  
clauium p̄na æterna peccato mortali debita in temporalem muta-  
tur p̄nam. Nunc argumenta soluenda, deinde ad subsequentem  
festinabimus questionem. Concedatur itaque primum ministeria-  
liter: at non principaliter. Alterum quoque currit, quo ad culpæ  
remissionē ex officio ministerij: nam interius Deus operatur. Ad  
argumentum. In oppositum dicitur: quod debet intelligi principa-  
liter. Explanato iam primo quesito: alterum accedit, dum queri-  
tur. An Christi sponsa, ut puta Ecclesia, uti debeat excommuni-  
catione. Pro parte negativa arguentes quidam ita aiunt. Nullus  
in hostis manus, nisi de illius salute desperetur, tradendus: sed de  
nemine in via est desperandum, quia corrigi potest: igitur per ex-  
communicationem nullus in diaboli potestatem tradi debet. Præ-  
terea: ut fatentur omnes: excommunicatio maledictio quedā est:  
at nullus debet maledicere, ut Paulus ad Rom. Cap. 12. testatur.  
Quare Christi sponsa non videtur debere uti excommunicatione.  
Ex alio latere dicetis vos: cur ergo Christus apud Mattheum lo-  
quens de contemnente Ecclesiam dixit: sit tibi sicut ethnicus, &  
publicanus? videtur ergo: quod Ecclesia uti possit excommuni-  
catione. Pro Responsione duo hic videnda. Primum est, quid sit  
excommunicatio. Secundum est pro qua causa debeat ferri. quan-  
tum ad primum: solet finire excommunicatio à quibusdam sic. Ex-

communicatio est separatio à communione Ecclesie, quo ad fructum, & generalia suffragia, siue temporalia, quæ sunt in conuictu ciuili, siue quo ad spiriualia, quæ propriè sunt Ecclesie suffragia: à quibus omnibus separatur excommunicatus: quia ei minimè licitum est communicare alijs, nec participare Ecclesie suffragijs, neq; sacramentis. & hæc diffinitio excommunicationi maiori competit. Pro quo autem ferri habeat, audite. Nam pro mortali solum debet ferri, nec pro omni, sed pro contumacia: & hoc totum ad salutem animæ dormientis in peccato: non autem ad perditionem. His ita positis, rationes formatae de facili ruent, si dixerimus ad primam: nullum esse tradendum in hostis manum ad perdendum, sed ad flagellandum, & perficiendū, ut scilicet à culpa resipiscat. Concedatur ergo prima ratio primo modo: at hoc secundo modo nulla. Altera ratio expositione eget: nam maledictio duobus habet concipi modis. Vno modo ut consistit in optatione pænæ: & tunc talis non dicitur licita. Alio modo ad delinquentis correctionem, & tunc non solum licita, verum sancta: sub primo sensu ratio bona: at hoc altero modo nulla. & hæc de pollicitis.

## QUANDO HAE CLAVES DANTVR, ETC.

Distinctio 19.

Lectio CVL

**D**Ecimam octauam iam absoluimus distinctionem, accedit modo decima nona exponenda: in qua Magister, ubi ostendit clauium potestatem secundum se: consequenter quorum



quorum sit clauēs habere hic vult determinare. Diuidatur igitur  
 hec distinctio in puncta nouem. In quorum primò, quando clauēs  
 dentur, declaratur. In secundò obijciuntur contra dicta. In tertio  
 Respondetur. In quartò dubium proponitur. In quintò quid te-  
 nendum distinctione declaratur. In sextò notandum vnum de  
 duplici benedictione. Instantia in septimo. Solutio in octauo. In  
 nono verò sacerdotis qualitas tangitur. Pro intellectu primi puncti  
 considerandum erit, quando, & quibus dentur clauēs. Nam ut  
 norunt omnes per ministerium Episcopi in promotione sacerdotij  
 clauēs dari dicuntur: simul enim cum quis sacerdotij ordinem re-  
 cipit, & clauēs. Nunc secundo loco solent obijcere quidam vna  
 cum Magistro Sent. contra hanc determinationem, maxime quā-  
 tum ad scientiæ clauem dicentes: hanc non solum habere sacerdo-  
 tes: plures etenim non sacerdotes scientiam discernendi habent:  
 præterea eamulti sacerdotes carent: non igitur omnibus conferri  
 videtur in tali ordine ab Episcopo sacerdotibus scientiæ clauis.  
 Huic difficultati tertio loco Respondendo Magister ait. Hanc  
 scientiæ clauem, quæ discernendi scientia dicitur, non omnes sa-  
 cerdotes habere. unde in consecratione scientiam non habentes,  
 neque hanc clauem recipere dicuntur. Non sacerdotes verò quam-  
 uis scientiam discernendi possint habere: ob id clauem non dicun-  
 tur habere, cum ea claudere, vel aperire nequeant, quia officio sa-  
 cerdotij non funguntur. At si tales ad sacerdotium promoueantur,  
 tunc temporis clauēs recipere dicuntur: quoniam etiam ante, habi-  
 ta scientia habentur: qua in parte non Probat Magister, quia  
 videtur velle, quòd scientia discernendi, ut notat habitus scientiæ  
 sit

*fit clavis, quod non est verum. Nam huiusmodi habitus scientiæ clavis dici non debet, nec talis clavis suscipitur in susceptione ordinis, sed illa, de qua alias diximus: quare hac in parte Magister dimittendus. Quarto loco querit Doctor de clauis potentia: An omnes hanc dicantur habere sacerdotes. Quidam sunt opinati, quod non omnes cum habeant, sed solum Doctrinæ imitatores simul, & vitæ Apostolicæ. Altera opinio est, quam approbat ipse Magister: quod omnes sacerdotes talem habeant potentia clauem. Licet solum dignè tali vi valeant autoritate: qui vitam, & doctrinam Apostolicam seruant: quare autoritates, quas prima adducit opinio pro se, non negant malos sacerdotes potentia clauem habere: at solum dicunt, vi dignè eis posse, qui doctrina, & vita Apostolica præditi sunt. & hæc de punctis quinque. In sexto præmissa illa duplici consideratione de duplici opinione clauis potentia Magister nobis notandum tradit de duplici benedictione. Quædam enim solis dicitur conuenire sacerdotibus ex officio. Alia verò, quæ iustis exhibetur hominibus. Ad quam insinuandam septimo loco ita instandum contra prædicta quadam autoritate, quæ videtur dicere: quod omnes viri sancti benedicere habeant, & non solum sacerdotes: cuius oppositum prædictum est in quadam autoritate. Nunc octauo loco ita Respondendum: quod alia sit benedictio, quæ fit ex merito sanctitatis: quæ omnibus hominibus competit, Alia verò quæ solum ex autoritate ordinis, quæ solis congruit sacerdotibus. Quam licet omnes dicantur sacerdotes habere: soli tamen boni maxime eam dicuntur habere, quia ea rectè vtuntur. Nec ob id vita mala sacerdotum subditos ledere valet, si bona faciunt, quæ ipsi dicunt.*

cunt. Hinc subditi discant non multum sacerdotis discutere vitam, hoc enim ad verum spectat iudicem. Sed dicetis: cur ergo Dominus per prophetam malis comminatur sacerdotibus, quod maledicturus sit eorum benedictionibus? Et specialiter illis sacerdotibus, qui viuificant animas, quæ non viuunt: Et mortificant animas, quæ non moriuntur? videntur itaque hæc aduersari prædictis. Ad hanc cauillationem tollendam erit dicendum: hoc intelligendum esse secundum quosdam de sacerdotibus præcis ab Ecclesia: vel etiam de illis sacerdotibus, qui sine scientia, Et bona vita præsumunt soluere, Et ligare. Occasione cuius, qualis debeat esse sacerdos ultimo loco dicendum. Debet enim habere quinque conditiones: scilicet potestatem, scientiam, prudentiam, bonitatem, Et sigillum. Primo potestatem ordinis: secundò potestatem iurisdictionis: tertio potestatem, quo ad usum. Deinde scientiam, ut valeat discernere inter peccatum, Et non peccatum, inter mortale, Et veniale: Insuper Prudentiam penitentem instruendo, interrogando, hortando, animando, ad spem, Et c. Et sobriè inuestigando. Quartò debet habere bonitatem in conscientia, quia si in mortali confessiones audiat, mortaliter hoc sacramentum administrando peccat. Quintò debet habere sigillum, Et esse secretus: ita quod quocunque præcepto ei facto etiam à Papa, non debet manifestare, quæ in confessione audiuit. Et hæc satis.

AN SOLI SACERDOTES NOVI TESTA-  
MENTI HABEANT CLAVES.

## Lectio CVII.

**E**Xamināda venit decima nona distinctio huius libri quarti in ordine: circa quam versaturi, duo quesita in specie proponemus. Quibus declaratis, patebit aditus ad subsequentem vigesimam. Primo ergo solet quæri. *An claves soli habeant novi testamenti sacerdotes. In super. An sacerdos quilibet uti clave possit in quemlibet.* Circa primum. Pro parte negativa sic arguitur. *hostiarijs in sua ordinatione claves traduntur, nec sacerdotes sunt: novi igitur testamenti sacerdotes soli non dicuntur habere claves. Rursus excommunicare, & absolvere ad claviū potestatem pertinere videtur: at multi non sacerdotes dicuntur excommunicare, & absolvere, ut electi, confirmati, officiales, archidiaconi. Ergo multi non sacerdotes habere dicuntur claves. D. Ambr. In oppositum se habet, dum ait: Hoc ius scilicet ligandi solis sacerdotibus esse concessum.* Pro determinatione huius questionis est primo sciendum: veteris testamenti claves non habuisse sacerdotes: quia regnū celorum aperiri non potuit ante Christi passionem, merito cuius est sublatum impedimentum naturæ: quare ante Christi passionem, quæ facta est in nouo testamento alicui non debuerunt claves conferri: usus tamen claviū, & potestas dicitur figuratiter præcessisse in officio sacerdotum legalium. Quorum officium circa tria consistebat: scilicet in aperiendo, & claudendo hominibus mundis, & immundis secundum ritum legis materiale templum. In oblatione sacri-

sacrificiorum: & collatione sacramentorum legalium: & in munda-  
 tionem aliquarum irregularitatum, quæ secundum dicebantur in-  
 currere legem. His ita positis, ad rationes modo respondendum, &  
 ad primam primò sic: quod traditio clauium, quæ sit in ordinatione  
 hostiarum nō significat traditionem clauium spiritualium, de quibus  
 hic loquimur: sed solum significat traditionem potestatis ad execu-  
 tionem offi. ij, ad quod ordinatur: quod est custodia eorum, quæ sub  
 clauibus Ecclesiæ materialibus reseruantur. Ad secundum dicitur:  
 quod ex delegatione actus excommunicandi alijs à sacerdotibus  
 conuenire potest, non tamen talis actus directè clauium, & per se  
 esse dicitur, sed solum ligare, & soluere in foro penitentia: ante-  
 cedit tamen, & disponit ad usum clauium: quare nulli mirum, si  
 excommunicare alijs, quam sacerdotibus possit competere. Explica-  
 ta questione prima: sequitur altera, dum queritur. An quilibet sa-  
 cerdos possit uti clauē in quemlibet. Mihi primo aspectu, quod sic,  
 videtur. Nam quæ virtus materialis potest in unam materiam, po-  
 test etiam in omnē sibi similem. V. g. ignis potest comburere lignum  
 aliquod aridum: ergo quodcunq; aliud similiter dispositum: à simili  
 spiritualis potestas per quam sacerdos potest absoluerē aliquem pec-  
 catorem, se extendet ad omnē absoluerendum: quare, &c. Præterea:  
 quando Christus dixit suis discipulis illa verba: quorum remiseri-  
 tis peccata, &c. ibi in verbis nulla limitatio fuit facta: omnis igitur  
 sacerdos dicetur sua potestate quemlibet posse peccatorem absol-  
 uere: ex alio latere: si iudicium seculare est ordinatum, multo ma-  
 gis debet esse ordinatum Ecclesiæ iudicium in foro penitentia. At  
 illud non se ad quēlibet hominem extendit: igitur neq; hoc. Pro diluci-

datione huius questionis secunda est primo sciendum : *clauem multiplicem dari spirituales : qua celum homini potest referari. Una dicitur sana doctrina. Luca undecimo ait saluator : Va vobis legis peritis, qui tulistis clauem scientia. glosa. Auctoritatem docendi ad veritatem saluificam : ipsi non introistis, scilicet male viuendo : & eos, qui intrare desiderabant prohibuistis, falsa doctrina, vel malo vestro exemplo corrumpendo illos simplices. Alia caluis spiritualis est vera penitentia, qua celum aperit. Matthei tertio : Penitentiam agite, appropinquabit regnum celorum. Tertia clauis est sanguis Christi, & pena. Vnde Ambr. ait. Sanguis Christi, clauis est Paradisi. Quarta clauis dicitur ipsa potestas collata à Deo supernaturaliter sacerdotali dignitati. & dicitur esse duplex iurisdictionis, & ordinis. Illa iurisdictionis materiam subiectam requirit, sicut Dominus seruum. Clauis verò ordinis non semper dicitur in actu habere materiam de illa verò scientia clauis nil dicam : quia quandoque potest errare : & hoc duobus considerari potest modis : vel ex parte sacerdotis, vel ex parte confitentis. Ex parte sacerdotis, quando omittit necessaria inuestigare : Puta : an confitens sit contritus, an non : insuper dum non pertinentia ad hoc forum petit, vel dum superfluis abundat : quibus modis, & alijs peccat. Potest etiam contingere error ex parte confitentis : quia scilicet fictus sit, &c. His omnibus premissis, ad argumenta formata quid dicendum, audite : primum enim indirectè concedi habet : at directè, negatur. Nam ille solus directè potest, &c. cui cura animarum commissa. Ad secundum Respondetur : quod quamuis in illis : verbis : Quorum remisistis, &c. non sit limitatio de personis*



personis facta: attamen ex verbis deinde Petro dictis Io. Vlt. Pasce oues meas, &c. facta fuit restrictio: quod nullus possit ea, quae sunt cura animarum in foro poenitentiae absolueret, nisi Petrus, vel Petri successor: vel ille, cui per successorem Petri commissum. & haec pro presenti.

DE HIS, QUI IN FINE PAENITEN-

TIAM AGVNT.

Distinctio 20.

Lectio CVIII.

**E**X quo Magister verba fecit de sacramento poenitentiae, nec nō de potestate ministrorum hoc sacramentum dispensantium: propterea hic de quibusdam consequentibus tractandum. Diuidatur ergo haec vigesima Distinctio in puncta sex. In quorum primo ponitur propositio. In altero pro insinuatione poenitentiae tempus ponitur. Notandum de poenitentia iniuncta in presenti vitae tertio. Conclusio in quarto. Insinuatio in quinto. Dubium denique cum solutione in sexto. Quo ad primum, sit haec propositio. Et si serotina poenitentia mortuo vitam valeat impetrare: periculosum tamen est usque in finem vitae poenitentiam differre, atque procrastinare. Pro cuius insinuatione nunc loco secundo poenitentiae tempus declarandum: quod usque in vitae finem durare dicitur. Beatus tamen Aug. dicere videtur: quod illi, qui solum in fine vitae poenitent, in statu securo non transeunt de hac vita: quae verba intelligenda sunt de illis, qui non ex Dei amore, sed timoris

morte penitentiam faciunt. Vel dicatis: *Beatum Augustinum* pro tanto securitatem siue certitudinem huic penitentiae minimè dare, quia sit difficile in huiusmodi statu veram penitentiam agere: ut puta propter filios: propter uxorem: propter mundum: mortisq; dolorem: quae omnia in illo statu solent de facili hominum à cōuersione ad Deum retrahere, ut norunt nimis hunc mundum diligentes. Non tamen negandum est: quin in fine vitae suae penitentiam agentes dignè valeant penitere. unde penam, quam hic minimè soluunt, in purgatorio soluent, nisi tam vehemens esset contritio, ut ad delicti punitionem sufficeret. Hic tertio notandum de penitentia aliquibus in presenti iniuncta, quam si non adimplerunt, in purgatorio punientur, nec non de illa non condigna pro peccato commisso sibi iniuncta: nisi vehemens occurrat contritio, quae sufficienter in illis peccata valeat punire. At dicetis: quae pena contrito imponenda? hic *D. Aug.* respondendo ait: diuersimode secundum ipsum contritionis modum imponendam esse. His quarto additur haec conclusio. Ab infirmis in periculo mortis peccatorum inquirenda est confessio, & penitentia pondus subleuandum elemosynis, & amicorum orationibus. Pro cuius insinuatione hoc loco Magister docet, quid agendum sit cum illis, qui in fine penitentiae vitae suae. Morientibus ergo satisfactoria pena minimè imponenda: nisi postquam conualuerunt: innotescenda erit tamen: alijs verò secundum liberū arbitrium sacerdotis imponenda. Nec morientibus unquā deneganda reconciliatio: alioquin hoc faciens sacerdos, illarum animarū esset reus. Quid si non petat? Respondetur: quod sufficit, si prius reconciliationem petierit, licet modo ne-

queat

queat propter infirmitatem. His denique additur dubium tale. *An sacerdos inconsulto Episcopo publicum crimen, vel excommunicatum valeat absolvere. Respondetur ad hoc: quod non: nisi ultima necessitas cogat. Insuper non absente Episcopo debet sacerdos simplex cauere illo inconsulto excommunicatum absolvere, virginesq; consecrare. Quid si moriens nequeat sacerdotem habere? ad hoc dicendum: quod tunc temporis sufficit bonum habere propositum, quod sacerdotem petijt. tunc illa, quæ oblatio offeretur, non respicienda, sed recipienda. & hæc de tota distinctione, quam in sequenti examinabimus sermone.*

AN SIT TOTALITER LIBERATVS, QUI  
COMPLET PAENITENTIAM SIBI  
commisam à sacerdote?

Lectio CIX.

**E**Xaminaturi vigesimam huius libri quarti distinctionem, de more nostro questiones duas proponemus, quarum prima. *An ille peccator totaliter dici possit liberatus, qui paenitentiam sibi iniunctam à sacerdote implet. Insuper. An vnus pro alio satisfacere possit. quantum attinet ad primum: pro parte affirmatiua sic instatur. Vt penitens taxationem penæ debet acceptare per sacerdotem: ita Deus illa contentus esse debet, quia sacerdos arbiter est inter Deum, & penitentem: igitur, &c. Insuper: si sacerdos peccatori maiorem penitentiam imponeret, quam culpa debeatur, tunc peccator ad satisfaciendum teneretur: non secus*

secus, si inuiuat minorem, videtur, quod eā faciendo sit liberatus: nam Deus pronior dicitur ad miserendum, quam cōdemnandum: ergo. Pro intellectu huius difficultatis prima est sciendum, quod semper maior pēna pro maiori culpa sit imponenda. Insuper, quod si pēna imposita non sit condigna pro solutione pēna debita culpā, tunc peccator simpliciter liberatus dici debet minime. His ita posit-  
tis, ad rationes formatas, quid dicendum, audite: nam prima ani-  
maduersione digna est, licet enim sacerdos arbiter sit, habet tamen  
potestatem limitatam, scilicet quo ad culpā remissionem, & pēna  
virtute clauium, quantum exigit pēnitentis contritio, nō autem quo  
ad taxationem, vel pēna dimissionem pro arbitrio voluntatis. Ad  
secundam rationem dicitur, quod quantum ad forum Ecclesia,  
peccator ad pēnitentiam faciendam sibi impositā obligatur, eamq;  
faciendo liberatur, siue sit condigna, siue non: attamen quo ad forū  
Dei, nec sufficit minor, nec maior, quā condigna requiritur: un-  
de si peccator, cui pēna imposita maior in duplo, quam sua exigit  
culpa, decederet, peracta sola medietate pēnitentia ad cēlum euo-  
laret: nec residuum in purgatorio exsolueret ratione paulo ante ta-  
cta. Cōpleta prima paucis verbis q̄stione, subsequitur altera, dum  
queritur. An unus pro alio valeat satisfacere. Mihi primo aspectu  
videtur esse dicendum, quod non, nam unus pro alio nequit confi-  
teri, igitur nec pro alio satisfacere: nec id mirum, quia hec ad se  
inui cem ordinantur. Ex alio latere sicuti unus homo pro alio ex  
amore debitū potest soluere: igitur à fortiori videbitur, quod unus  
pro alio apud Deum valeat satisfacere. Pro Responsione est notan-  
dum: quod iste pro quo vult satisfacere: aut viuus est: aut mortuus.

Si

*Si uiuus, aut ipse potest, aut non. si potest, dico, quòd uiuus pro alio satisfacere non potest: diuina etenim iustitia exigit, ut qui peccat, satisfaciat, & hoc si per se potest, si autem non possit per se satisfacere, tunc dico, quod alius potest pro ea satisfacere. Sed ad hoc multa requiruntur, quædam ex parte illius, pro quo satisficit, quædam verò alia ex parte illius, qui satisfacit, quædam alia ex parte utriusque. Insuper quædam ex parte operis satisfactorij. Ex parte illius, qui satisfacit, requiritur propinquitas, scilicet, quòd ille, qui satisfacit, propinquitare sit obligatus illi, pro quo satisfacit. V.g. si filius, pro Patre impotentè, vellet satisfacere: præterea ex parte illius, pro quo satisficit necessitas exigitur, nec non impossibilitas, ita ut per se nequeat satisfacere. Nec id mirum, quia Deus non obligat ad impossibile. Vt etiam ex parte utriusq; charitas requiritur, charitas enim radix merendi est. Insuper ex parte operis maioritas requiritur, ut scilicet ille, qui vult pro alio satisfacere, plus faciat, quàm ille, pro quo debet satisfacere. Præterea est sciendum, quòd ille, pro quo quis vult satisfacere, vel est mortuus, vel uiuus; si mortuus, aut est in paradiso, & tunc non indiget, quòd aliquis pro eo satisfaciat, quia ut ait Beatus Aug. In iuriam facit martyri, qui orat pro martyre. Aut est in inferno, & tunc secundum opinionem omnium Theologorum nihil, quod fiat pro eo, sibi proficit, quia in inferno nulla est redemptio: aut in purgatorio, & tunc potest satisfieri pro eo à uiuis. & ita dicit Aug. in libro pro agenda cura mortuorum. unde animæ defunctorum quatuor modis solui dicuntur, aut oblationibus sacerdotum, aut orationibus sanctorum, aut charorum elemosynis, aut cognatorum ieiunio. His ita intellectis, ratio*

de facili in oppositam partem adducta ruit, quia non est simile de confessione, & satisfactione: nam una harum ad culpam ordinatur, ut confessio, altera verò ad debitam penam. & hæc satis.

DE PECCATIS, QVAE POST HANC  
VITAM DIMITTUNTUR.

Distinctio 21.

Lectio CX.

**E**X quo de penitentiae tempore verba fecit Magister Sent. consequenter quaestiones quasdam circa determinata excitabit, & illas soluet. Ecce paucis nexus cum superioribus una cum intentione authoris. Diuidatur modo praesens distinctio in puncta octo, in quorum primo ponitur una conclusio, quaesitum in altero, Responsio in tertio, instantia in quarto, propositio in quinto, dubium in sexto, solutio in septimo, Notandum demum de sacerdote in octauo. Quo ad primum hæc sit conclusio. Veniale peccatum post hanc vitam etiam remittitur, ad quam indagandam veritas dubitat loco secundo Magister. An etiam post hanc vitam peccata aliqua dimittantur: pro cuius solutione tertio autoritate Domini utemur loco ita dicentis, qui peccauerit in Spiritum Sanctum, non remittetur ei, neque in hoc seculo, neque in futuro, ex quo datur intelligi, sicut Sancti Doctores tradunt, quod quaedam peccata in futuro dimittantur, quaedam enim culpe in hoc seculo relaxantur, quaedam verò parua in futuro. unde Beatus Aug. dicit eos, qui edificant lignum, fœnum, & stipulam, & qui peccata venialia



venialia secum portant, per ignem purgatorij saluari, quo huiusmodi delicta cremabuntur: post hanc ergo vitam quedam peccata dimittentur. At quia hic sermo habitus est de purgatorij igne, propterea debetis scire: quod ille ignis quosdam tardius, quosdam vero citius purgabit, & purgat, secundum quod aliqui magis, vel minus corporalia bona in hac presenti vita dilexerunt. unde dilectionis gradus per hec tria notantur, scilicet lignum, fenum, & stipulam. Illi tamen, qui superedificant aurum, argentum, & lapides preciosos, tam ab igne aeterno, quam purgatorio securi sunt. His quarto contra predicta instantia talis afferenda loco. si per lignum, fenum, & stipulam venialia intelliguntur: cum nullus sine venialibus inueniatur, ergo nullus erit, qui huiusmodi non edificet: & ita etiam viri perfecti, qui edificant aurum, argentum, & lapides preciosos, lignum, stipulam, & fenum edificent, & quod alij sunt, qui adificant lignum, fenum, & stipulam sicut imperfecti, qui quamvis Deum contemplantur, & proximum diligant, & opera bona faciant, tamen non dicuntur superedificare aurum, argentum, & lapides preciosos, per que predicta tria intelliguntur. Nec id mirum, quia hec tria excellenter minimè habent, at cum aliquo inordinato amore rerum temporalium. Insuper dantur quidam edificantes aurum, argentum, & lapides preciosos, sicut perfecti, qui quidem sunt contemplationi Dei intenti, quæ per aurum intelligitur, & dilectioni proximi, quæ per argentum intelligitur, & ceteris bonis operibus, quæ per lapides preciosos intelliguntur. Isti edificare dicuntur non lignum, fenum, & stipulam; sed imperfecti, qui simul cum Deo cogitant, quæ sunt mundi, nec non

lignum, fenum, & stipulam adificant, & cum talibus edificijs  
 transeunt, igneq; purgatorii cremabuntur, licet transitorie, at-  
 tamen grauitur puniuntur: hic etenim misericordia exhibetur; illic  
 verò iustitia. & hæc de secto quarto satis dicta. In quinto ponitur  
 talis propositio. Sicut per generalem confessionem, & veram con-  
 tritionem veniale deletur, sic etiam mortale, cuius noticia non ha-  
 betur, etiam si non recitetur. Ad quam insinuandam sexto dubita-  
 tur loco. An confessio prosit, si in ea singula peccata non exprimantur.  
 Ad hoc de facili poterit sic Responderi seprimo loco, quòd  
 singula peccata mortalia, quorum quis memoriam habet, sigillatim  
 exprimenda, at quorum memoriam minimè habeat, saltem genera-  
 liter confitenda; venialia verò, quia innumerabilia, tunc generali-  
 ter ea confiteri sufficiet. unde in Ecclesia generalis solet fieri con-  
 fessio per quam venialia remittuntur, & etiam mortalia, quorum  
 memoriam non habemus. & uti penitens celare peccata non debet,  
 quæ ipse fecit, & quorum memoriam habet, ita debet attendere,  
 ut peccatum non confiteatur, quod non fecit, alioquin men-  
 tiretur, & sic peccaret. His ultimo loco Notandum  
 tale addetur, quòd sacerdos omnibus debeat  
 modis peccata confitentium celare,  
 quòd si non fecerit deponendus.  
 penitens verò animadu-  
 ertat proprium  
 non  
 dimittere sacerdotem absque ratio-  
 nabili causa, & hæc satis.

LECTIONES LIB. QVARTI. 275  
AN POST HANC VITAM ALIQUA  
PECCATA REMITTANTVR.

Lectio CXI.

**E**Xaminaturi predeclaratam distinctionem, breui ut procedamus, quesita duo percurremus: primo quærentes. An post hanc vitam quo ad culpam aliqua condonentur peccata. Preterea. An veniale in damnatis pena puniatur aterna. quantum spectat ad primū, negatiuè procedentes arguunt quidam dicentes; existentes in purgatorio de cetero peccare non possunt, igitur nec resurgere. Consequentia patet, quoniam facilius dicitur esse peccare, quam à peccato resurgere, ergò. Preterea, Gregorius nonne, ita dicit, quòd talis in iudicio quisque futurus sit, qualis de corpore exhibit? igitur qui de hac vita cum veniali exit, in iudicio cum tali apparebit: quare malè Magister Sent. qui totum oppositum dixit in textu. Ex alio latere Gregorius quarto Dial. nec non Augustinus pertractans illud Apostoli: si quis adificat lignum, &c. Chor. tertio in oppositum arguunt: propterea quid circa materiam hanc tenendum sit, aperte considerabimus, supponentes primo in peccato saltem mortali tria inueniri, quorum primum dicitur actus deordinatio, in qua macula consistit, sicut in deordinatione membri corporalis consistit turpitudine corporis. Alterum dicitur priuatio gratiæ, quæ offensa est: denique pena reatus. Hæc autem in veniali peccato videntur esse præter priuationem gratiæ. Insuper sciendum, quid sit peccatum remitti, quò ad culpam, vel maculam, nam tunc dicitur condonari quò ad ista, quando scilicet

actus voluntatis reordinatur per debitam displicentiam quò ad offensam, & hoc quando gratia restituitur. Quò verò ad reatum pene, quando pena, vel condonatur, vel soluitur. His tertio addendum, quòd culpa mortalis nullo modo post hanc vitam dimittatur, neque venialis, si cum mortali sit, venialis tamen sine mortali post hanc vitā potest dimitti. His premissis, formate rationes de facili ruent. Dicamus igitur ad primam: esse facilius peccare, quàm à peccato resurgere, quandiu liberum arbitrium sit flexibile ad utrunque: sed quando confirmatum est in bono, ut est in illis, qui sunt in purgatorio, tunc impossibile est peccare: bene facile apparet, peccatum detestari, cum hoc sit bonum, in qua detestatione reordinatio voluntatis cōsistit, & venialis peccati, quò ad culpam dimissio. Argumentum itaque primum, siue ratio prima primo modo concedenda; at secundo modo nulla est. Altera in ordine secunda ex verbis Gregorij desumpta sano modo intelligenda: nam Gregorij dictum habet intelligi de qualitate, in qua status cōsistit, quæ non mutatur, nisi mutetur status, & talis est gratia, vel culpa mortalis, qualis enim quis de corpore exit, talis in iudicio apparebit secundum has qualitates, non ergo intelligendum est de ea, quæ statum non mutat, ut venialis culpa. Per hoc idem tacitè Responderi poterit ad illud glosæ super illud prima Canonica Io. quinto. Est peccatum ad mortem, &c. debet enim intelligi de peccato mortali, quod opponitur veniali. Explanata paucis, & enucleata questione verbis, altera subsequitur, dum queritur. An veniale peccatum pena debeat aterna puniri in damnatis. Mihi primo aspectu videtur esse dicendum quòd non: & ratio, quæ me mouet,

mouet, prima est, quia venialia mortali nō videntur peccato aqua-  
 ri. Preterea, Deus iustus est; nec pro eadem culpa dicitur vnum  
 plus; & alium minus punire: cum ergo in purgatorio veniale non  
 puniatur, nisi temporali pēna: igitur in damnatis pēna aeterna mi-  
 nime punietur. In oppositum extat illud, quod dicit Iob. In infer-  
 no nulla est redemptio, sed si peccatum veniale pēna aeterna non  
 puniretur in damnatis, tunc ibi aliqua redemptio esset: igitur, &c.  
 Pro dilucidatione huius difficultatis secunda est sciendum: quod  
 veniale peccatum, cum non inducat mortem, nec tollat gratiam,  
 pro quo aliquis puniatur in inferno: vel fuit quod ad culpam in prae-  
 senti vita dimissum, vel non; si non, communiter tenetur, quod  
 pēna aeterna in inferno puniatur quod ad durationem. At dicetis,  
 nonne veniale peccatum sine mortali potest dimitti? si sic: ergo  
 pēna aeterna non debet puniri. Respondetur, quod veniale sine pec-  
 cato mortali bene potest dimitti in statu viae; at in termino non sic  
 euenit. His ita positis, Nunc ad argumenta Respondendum, &  
 primo ad primū sic: qđ licet venialia intensiue peccato mortali non  
 dicantur equari, attamen secundū durationē sic. vel dicatis, veni-  
 alia multiplicata, hic nō dimissa, in damnatis equaliter, sicut vnum  
 mortale peccatū puniri. Quid si vnum tantū veniale foret in dam-  
 natis? ad hoc dicitur, quod ratione annexi adhuc pēna puniretur  
 aeterna. Ad secundū argumentū dicitur, qđ propter status diuersos  
 diuersimode veniale habet puniri in purgatorio pēna temporali, &  
 hoc ex iustitia Dei: in inferno verò pēna aeternali, & hoc pro iustis  
 causis, atq; diuersis, inequaliter aliqui puniri dicuntur, semper ta-  
 men ex diuina iustitia. Dum ergo iusti in purgatorio pēna tēporali,  
 siue

sue temporaliter puniuntur, & damnati eternaliter, nulla est iniustitia: at bene esset, si damnati veniali peccato dimisso punirentur eternaliter, hic ergo pena finita veniali culpa debetur: at meritò annexi in inferno alia. unde authoritas Iob. adducta in oppositum venit intelligenda, de pena per se peccato mortali debita cui per se infernus ipse debetur, non autem veniali, nisi quatenus culpa adiungitur mortali. & hæc pro presenti.

## AN GENERALIS CONFESSIO QUID VALEAT.

Lectio CXII.

**Q**Uoniam mentio facta fuit de generali confessione in distinctione superiori, propterea duo alia excitare quaesita in presenti decreui, quorum primum, An generalis confessio quid valere dicatur: Insuper. An in quolibet casu peccata sibi confessa teneatur celare sacerdos. Circa primum, viam negatiuam tenentes, arguunt quidam primo sic. Confessio ad peccata manifestanda est ordinata sacerdotibus, quorum iudicio se supponunt peccata confitentes: at per generalem confessionem confitentis nequaquam peccata manifestantur, immò remanent adeò occulta sicut prius, quia in illis, quæ in generali confessione dicuntur, nō est quis, qui non peccet, igitur generalis confessio nihil valet. Vltcrius, si valeret, hoc maxime esset ad venialium remissionem, sed non id dici potest, quare nihil valet. Minor ut vobis suspecta sic declaratur, nam si ad vnius dimissionem valeret venialis: ita, & alterius, igitur omnium, vel nullius, non omnium, quia post talem confessionem



confessio ē confitens dicere postet se nullum habere peccatum, quod  
 est contra illud Io. primo. Si dixerimus, quod peccatum non habe-  
 mus, &c. igitur ad nullius dimissionem valet. Ex alia parte quia  
 Ecclesie consuetudo minime inanis est: dicendū itaque erit, quod  
 generalis confessio, qua fit in completorio, & in prima, & quando  
 sacerdos vult ad celebrandum accedere, ut purior accedat aliquid  
 valeat. Pro dilucidatione huius questionis prima tria supponenda.  
 Primum est, quod generalis confessio ad meritū valeat: secundum  
 est, quod ad uenialium dimissionem peccatorum: tertium: quod  
 ad mortalium oblatorum. Primum patet, quia omnis actus charita-  
 re informatus meritorius est; at confessio generalis actus uirtutis  
 est, quia humilitatis, ergo meritorius, supposito, quod sit charitate  
 informatus. Quantum ad secundum est dicendum, quod per gene-  
 ralem confessionem, aut homo uenit in specialem noticiam aliquo-  
 rum peccatorum uenialium, & displicentiam; tunc temporis  
 habet illorum, vel tempore recondatur de dictis, & factis tunc,  
 quo in casu generalis confessio ad talium ualeat proculdubio peccato-  
 rum dimissionem. At hic notandum, quod duplex generalis con-  
 fessio datur, una sacramentalis, quando quis in secreto sacerdoti  
 confitetur graua peccata, quorum meminit, & alia uenialia in ge-  
 nerali. Alia non sacramentalis, qua fit coram omnibus in Ecclesia,  
 ut in Prima, vel Completorio. Prima uirtutem uenialia remitten-  
 di peccata ex quatuor habet. V. g. ex confitentis contritione, ex  
 confessionis humilitate; ex absoluentis oratione: tandem ex ui cla-  
 uium: Secunda uero solum ex tribus uirtutem habere dicitur, at  
 non ex quarto, quia illi sacerdotis non adiungitur absolutio. Quod  
 ad

ad tertium est dicendum, quòd mortale peccatum, vel est totaliter oblitum eo quia se commississe peccator non recordatur, vel est in particulari oblitus, non autem in generali, quia se patrasse mortale peccatum optimè nouit, licet quale fuerit ignoret. In primo casu generalis sufficit confessio: quia Deus ab homine non requirit plus quam possit, & ei possibile sit; at ei qui totaliter sit oblitus non est possibilis in speciali contritio, & confessio nisi in generali, quare illi sufficit. In secundo autem casu generalis non sufficit confessio, & contritio, sed conteri tenetur de oblito peccato tanquam de mortali, ex quo recolit illud mortale fuisse, quòd ad genus peccati. Debet quoq; de negligentia dolere, propter quod peccatum commissum, est oblitus. Si verò illud sibi succurrat, tunc cōfiteri tenetur in speciali, quia ignorantia cessat, quæ cum speciali peccati confessione prius excusabat. His ita dispositis, ad rationes duas formatas tunc Respondendum, & primo ad primam sic, quòd sola sacramentalis confessio fit, ut per eam innotescat conscientia confitentis sacerdoti, & hoc fieri debet quotiescunque sit possibile quòd ad peccata mortalia saltem; at quòd ad venialia nequaquam hoc de necessitate dicitur, quia non cadunt de necessitate sub sacramento confessionis. Generalis autem confessio, quæ fieri consuevit in Ecclesia in Prima, & Completorio sacramentalis est minime, unde ei non adiungitur absolutio: valet nihilominus ad venialium modis quibus alias dictum fuit deletionem. Ad secundam rationem Respondetur: quòd per confessionem, & contritionem generalem venialia dimittuntur omnia peccata; nisi forte aliqua in confitentis affectu retenta, & tunc non dicitur simpliciter confessio, & generalis contritio, nec hoc

hoc aduersari videtur illi Ioannis dicto, quia non intendebat dicere, quia sit momentum aliquod, quo homo esset sine peccato mortali, & veniali, sed quòd vita ista à nullo agitur, quin quandoque in aliquod veniale incidat. Explanato primo dubio, alterum examinandum accedit, nam solet queri: An sacerdos in quolibet casu celare sibi peccata confessateneatur? pro parte negativa ego sic ratio- cinor. Magis curandum est de propria conscientia, quam de alte- rius fama: at si sacerdos in testem pro peccato aliquo sibi confesso adducitur, & iurare cogitur de veritate dicenda, hoc in casu ne se infamet, videtur, quòd sibi liceat reuelare confessum, non ergo in quolibet casu, quod in confessione audiuit celare tenetur. Deinde, quis per se ipsum peccatū confessum manifestare potest, igitur illud idem poterit per sacerdotē internuncium: quare, &c. In oppositū se habet illud Innoc. extra de penitentia, & remis. Cap. Omnis utriusque sexus: caueat sacerdos verbo, vel signo, vel alio quouis modo prodat aliquatenus peccatorem. Pro determinatione igitur huius questionis secunda primo est supponendum, quòd confessionis celatio sit ex iure diuino, uti ipsa confessio. Insuper quòd in hoc nullus potest per aliquem dispensari ad penitentis peccatum mani- festandum, neque à Papa. Nec id mirum, quia quod est à Christo institutum, ab alio nō potest mutari, quare, &c. ultimo notandum, quòd de licentia confitentis communiter tenetur, quòd confessor nequeat, quæ in confessione audiuit, manifestare. His ita positis nunc ad argumenta formata respondendum. Ad primum ergo dici- tur, quòd sciens quid per confessionem solum, si in testem adduca- tur, iurareq; cogatur de veritate dicenda, potest sine conscientia

serupulo dicere, se nescire, quia cum loquatur, ut subditus (quia coactus non tenetur respondere, nisi de his, que scit, ut subditus) verum, quia audiens cōfessionē nulli dicitur subditus, nisi Christo, cuius uicē gerit: ideo coactus tunc dicere poterit; se nescire, nec mentiri dicetur, quia quodam modo scit, & quodam modo non, ut hic homo nescit: at ut Dei minister sic. Ad secundum argumentum Respondetur, quòd verum concludit extra confessionem, aliter non. Insuper de possibili sic; at de conuenienti non: nam dando huic licentiam esset in pręiudiciū sacramenti. & hæc pauca vobis sufficiant pro presenti.

## SI PECCATA DIMISSA, ETC.

Distinctio

22.

Lectio CXIII.

**E**X quo determinatū fuit de tēpore penitentiæ, consequenter Magistri propositū est, de quibusdam spectantibus ad eius effectū loqui, id est de peccatorū remissione. Habita continuatione una cū intētiōe his paucis uerbis, nunc diuidi habet Distinctio presens in octo puncta, in quorū primò extat dubiū animaduersione dignū. In altero varia circa hoc opinionēs tanguntur. In tertio excusat se Magister ab hac quesiti propositi determinatione. In quarto alterum quesitum proponitur. In quinto soluitur instantia. In sexto cum solutione propositio. In septimò, & in octauo premissæ questionis assertur vera solutio. Quantū attinet ad primum, dubitari solet. An dimissis in contritione peccatis, si homo postmodum

modum confiteri contemnat, vel in pristina peccata, vel in consiliis incidat, peccata prius dimissa redeant. Causa huius difficultatis orta videtur fuisse ex opinionibus diuersis. Quidam enim dicebant peccata semel dimissa per gratia perditionem, iterum ad penam replicari, alij veris placuit, huiusmodi iterum à Deo peccata non imputari: quare non sine causa, dubitat loco primo Magister, & in secundo puncto circa tale dubium diuersas tangit opiniones, nam quidam dicunt, ea redire, & pro suae opinionis confirmatione, de seruo nequam parabolam adducunt, à quo vniuersum videtur debitum prius dimissum esse exactum. Praeterea Ambr. ait, donate inuicem, si alter in alterum peccat, alioquin Deus repetit dimissa. Gregorius similiter ex dictis Euangelicis ait, quòd si ex toto corde non dimittimus, quod in nos delinquitur, & hoc rursum exigitur, quod iam nobis per penitentiam dimissum fuisse gaudebamus. Item Aug. dicit: dimitte, & dimittetur tibi: nam si non dimiseris, reuocabo te, & quicquid dimiseram replicabo tibi. His ergo testimonijs semel peccata dimissa redire videntur. Aliorum opinio est, quòd ante peccata dimissa non redeant iterum, nisi propter ingratitudinem, propter quam quis reus, ut ante constituitur, ac si pristina peccata redirent. Insuper non videtur iustum, quod quis semel iudicatus, iterum iudicetur, non ergo peccata semel condonata reuersi iterum dicentur. Ad hoc dici potest, quod non propter hoc, his super eodem peccato quis iudicatur, sed quia non perfecte, penituit, & ingratus exiit, condignè non persoluendo. Hinc inde diuersis circa presentem materiam opinionibus adductis, tertio loco Magister se excusat à determinatione huius questionis relinquens.

eius studium studioso lectori, eo quia utraque opinionum doctores fauentes habeat. Nos propterea in sequenti quid de hac tenendum sit questione docebimus, & hęc de sectis tribus. In quartò queritur, cum sacramentum sit sacra rei signum, quid in penitentia sit sacramentum, & quid res. Ad hoc ut ipse respondeat quinto loco, ita dicit, quòd exterior penitentia est sacramentum, & interior res sacramenti ad mentem aliorum. Hinc sexto instat loco sic. Sacramenta noua legis efficiunt, quod figurant: at penitentia non dicitur efficere interiorem, igitur nec erit sacramentum. Solutio secundum eorum opinionem talis datur, quòd sit hoc verum de sacramentis illis, quae in noua lege sunt instituta, ut baptismus, confirmatio, & Christi corpus: penitentia verò non est talis, quia in primis parentibus fuit. & temporibus eorum instituta, sicut & matrimonium. Rursus alio modo instare quis poterit cum Magistro sic. Sacramentum debet precedere rem: at exterior penitentia interiorem minimè præcedit: quare, &c. ad hoc respondendum, quòd etiam in alijs sacramentis sæpè res consuevit præcedere sacramentũ, sicut è conuerso, ut in adultis contritis gratia ante baptismum confertur. His septimo talis addenda venit propositio loco tam exterior penitentia sacramentum, quàm interior dicitur esse. Nec ob id duo sacramenta, at vnum completum. Hinc demum questionis præmissæ secundum aliorum opinionem affert Magister solutionem dicendo, qui tam exteriorem, quàm interiorem vnum autumant sacramentum esse penitentiam, idem est, ac si dicerent, non duo, sed vnum, uti species panis, & vini vnum est sacramentum completum. unde exterior penitentia sacramentum est tantum; interior autem res,



& sacramentum; remissio vero peccatorum res solum: & ita tria in hoc sacramento, sicut in alijs sacramentis, inueniuntur. In sequenti dicta Magistri ponderabimus, hęc intantum.

AN DIMISSA PECCATA PER PAENITENTIAM IN RECIDIVANTE eadem redeant.

Lectio CXIIII.

**Q**uestionem illam, quam insolutam dimittebat Magister Sent. hodierna die examinaturi, quatuor faciemus, nam primo dubitabimus. Insuper arguemus; tertio notanda apponemus; quarto, & ultimo argumenta diluemus. Solet ergo queri: An semel dimissa per penitentiam in recidiuante valeant eadem redire peccata. Doctores hac in parte loco secundo quidam pro parte affirmatiua in hunc modum ratiocinari videtur, & primo authoritate Aug. contra Donatistas lib. 1. C. 5. Redire dimissa peccata, ubi fraterna charitas non est, apertissime Dominus in Euangelio in illo seruo docet; eo quia Dominus dimissum debitum repetijt. Preterea, ut seruus manumissus per culpam, quam committit in Dominum suum in pristinam seruitutem reducitur, ita à fortiori peccator à seruitute peccati liberatus, per culpam in quam reciduat, & in Deum peccat, meritò in pristinam peccatorum seruitutē reducitur: quare semel dimissa peccata redire dicuntur. Multa alia solent formari argumenta, quę omnia de facili diluentur ex positis in tertio puncto. Pro dilucidatione ergo huius ardue difficultatis

difficultatis supponendum in primis erit, neque de Dei potentia absoluta, semel peccata per penitentiam dimissa eadem numero reuerti; Deo enim authore, ut ait Beatus Aug. nemo fit deterior, neque de potentia ordinaria, quia d. sposuit Deus penitentis peccata post penitentiam esse tecta secundum Aug. exponentem illud Psalmi Beati quorum remissa sunt iniquitates, & quorum tecta sunt peccata. Insuper notandum venit, neque de facto, neque de possibili eadem semel dimissa in recidiuante peccata posse redire. Demum est sciendum, quod semel dimissa peccata redire, quinque habet concipi modis: vel genere, vel specie, vel numero, vel specie pene, vel obligatione pene. His ita positis, ut magis veritas pateat, nobis duas proponemus conclusiones, quarum prima est, nullo modo eadem numero semel dimissa per penitentiam peccata possunt reuerti. Altera conclusio eadem possunt redire peccata in specie, vel peccati, vel pene quod ad obligationem. Nunc argumenta formata diluantur, & erit finis presentis nostri sermonis. Primum ergo de illa parabola intelligatur de pena, quae exigitur à seruo illo, qui noluit dimittere conseruo suo, quae fuisset exacta ab eo propter principale delictum, & ita quantum ad penam id est concedendum. Ad secundum argumentum dicitur, quod manumissus seruus propter ingratitudinem in pristinam reducitur seruitutem, non ex causa precedente, sed ex noua, nec in eandem cum priore numero, sed in similem: & ita eodem modo per sequentem culpam sequentem penitentiam, reducetur homo in peccati seruitutem, non ut sit seruus, nisi ex actibus sequentibus, quare eadem numero dici minime poterit; sed precedenti similis, & hoc merito sua ingratitudinis, quae

ingra-

ingratitude nil aliud est, quàm obliuio beneficii cum contemptu, ut puta quando est locus, & tempus agendi gratias, & recognoscendi: & sic speciale peccatum est sub omissione. Secundum Bernardum ingratitude est hostis gratiæ, inimica salutis, quoniam nihil ita displicet Deo, quemadmodum ingratitude: unde ingratus ille, qui virtutibus plenus Deum omnino non nouit. ab alijs sic ingratitude describitur, quòd sit actus omissionis, qui tribus fieri solet modis. Vno modo omittendo laudare eum, cui obligati sumus. Secundo malum pro bono reddendo. Tertiò infamando eum, siue diffamando, à quo bona recipimus. & hæc pro presenti sermone satis.

## DE CAUSA ABSOLUTIONIS.

### Lectio CXV.

**V**ersaturus in presenti, ad vberiore doctrinam eorum, quæ dicta sunt in calce prædeclaratæ distinctionis à Magistro Sent. circa absolutionem, quatuor perpendam, scilicet causam effectiuam, materiam susceptiuam, formam debitam, vel completiuam, tandem verba significatiua. Primo consideranda venit causa absolutionis effectiua, nam causam absolutionis à culpa duplex est, scilicet principalis, & effectiua instrumentalis, ac dispositiua altera. Prima causa absolutionis Deus est, qui principaliter, & effectiue, & propria authoritate omnia peccata remittit: Isa. xliii. Ego sum ipse, qui deleo iniquitates tuas propter me. ratio autem cur solus Deus principaliter peccata dimittat; & absoluat, multiplex dicitur: prima est propter confidentiam erigendam. Secundo

cundo propter infinitam Dei omnipotentiam ostendendam, quia infinitum est peccatum, ideo infinita potentia requiritur; tertio propter Dei noticiam intimandam, quarto, & ultimo propter Dei presentiam exprimendam. Nam presentia summi boni omne malum excludit. Secunda causa instrumentalis absolutionis à culpa est ipse sacerdos, qui non effectivè absoluit à culpa; sed virtute clauium instrumentaliter, & dispositivè. unde sacerdos vi clauium in confessionem gratiam non efficit, & ex consequenti à culpa non absoluit; at bene confitens in confessione, & absolutione disponitur ad hoc, quòd ei gratia infundatur, & à culpa absolvaatur, si obicem non ponat. Est tamen sciendum, quòd sacerdos in absolutione, ut instrumentum operatur non mortuum, ut securis, at vivum, & animatum. Et hæc de primo puncto. In altero materia susceptiva congrua consideranda venit, nam sacerdos virtute clauium à mortali culpa, nec non à pena aliqua temporali absoluit; non tamen à pena aeternali. quòd autem à mortali culpa absolvat per illud Io. patet. quorum remisistis peccata remittuntur eis, &c. grandis certè, inquit Gregorius, honor, sed graue pondus istius est, ut qui nescit tenere moderamina vitæ suæ, iudex fiat vitæ alienæ. At fori è dicetis, finita virtus effectum minimè infinitum producere potest; non igitur sacerdos à culpa, quæ infinita est, dicitur absolvere. Respondetur ad hoc, finitum, ut finitum, non posse agere in infinitum, ut principale agens; at, ut instrumentale principalis agentis, bene potest. Primo modo currit ratio; at secundo modo nulla est. Rursus dicetis vos: solus Deus peccata dimittit igitur: Nullus alius. Respondetur, quòd dictio illa exclusivæ nō excludit instrumentum

ab operatore. unde solus Deus peccata remittit principaliter, & effectiue, & propria virtute; at sacerdos ministerialiter. Solus ergo Deus per modum authoritatis; per modum verò ministerij sacerdos. Insuper solus Deus efficit gratiam, dum effectiue operatur ad culpæ remissionem, sacerdos verò dispositiue. unde, licet nequeat ad interiorem mundiciam creatura creatori cooperari effectiue; saltē dicetur posse cooperari dispositiue. Quare in proposito, quia penitentia non efficit gratiam, nihilominus per huiusmodi penitentiam homo ad hoc, quod ei gratia infundatur, disponitur. & hæc profecundo secto. In tertio declaratur forma debita, vel propria, vel completa sacramenti penitentiae, quæ verba respicit illa; ego te absoluo. Sed hic notetis varias inueniri circa formam huius sacramenti opiniones. Nam quidam existimant, nos debere, uti verbo deprecatiuo dicentes, quodcunq; petieritis esse soluēda, erunt soluta; sed hæc est falsa opinio, quia habens clauēs non solum rogat, vel petit, sed à peccato soluendum soluit. Multæ aliæ extant opiniones falsæ, quas recensere uelle nimis longum foret. Sit ergo hæc uera forma, ego te absoluo, &c. pro cuius confirmatione extat consuetudo Ecclesiæ, quæ non potest errare. Insuper illud Matthæi xvi. tibi dabo clauēs regni cælorum, &c. at ingenio pollentes uideo, vos dubitare sic. Qui non ligat, non soluit: sed sacerdos non ligat, igitur nec dicere debet, ego te absoluo. Respondetur, quod hoc facit sacerdos per ministerium, quod Deus per propriam authoritatem, ac directè gratiam apponendo. unde sacerdos tanquàm Christi minister soluere dicitur à peccato, sacramentum gratiæ exhibendo; Insuper ligare non apponendo, vel non præbendo. Præter hoc qui-

dem ligat, quando ad penam, quam iniungit, obligat: soluit quoque à pena, quam in parte dimittit. & hæc de punctis tribus. In quarto, & ultimo verba formæ significatiua consideranda sunt: duplex enim circa absolutionis formam, ego te absoluo, est opinio. Quidam enim opinantur, quòd dum dicitur, ego te absoluo, idem sit, ac si diceretur, ego te absolutum ostendo; sed intellectus iste falsus est, quia hoc modo in sacramento nouæ legis non esset, nisi ostensio, vel significatio; at hoc est falsum, quia nō solum figurant, sed efficiunt. Dimittatur itaque huiusmodi, ut futilis, & falsa opinio. Dicatis vos interim, quòd horum verborum germanus sit sensus, ego te absoluo: idest sacramentum, vel ministerium absolutionis tibi impendo, vel confero. At fortè arguetis, quòd temerariè dicat sacerdos, ego te absoluo, idest sacramentum absolutionis confero, cum sibi incertum sit, an confitens interius absolutus sit. Respondetur ad hoc, quòd quamuis incertus sit sacerdos, num confitens à Deo sit absolutus, nihilominus assertiuè dicit, ego te absoluo, quia certus, est, quòd sacramentum ei tribuit, quod peccatum remittere, & viuificare potest. Nam in eo gratia cōfertur, & culpa remittitur. Deinde ex signis confitentis de illius contritione iudicat: propterea asserit dicendo, ego te absoluo. Benedictus ergo Deus, qui talem potestatem absoluendi dedit suis seruis. & hæc satis.



## DE SACRAMENTO VNCTIONIS EXTREMAE.

Distinctio 23.

Lectio CXVI.

**E**X quò de sacramento ingredientium, siue intrantium, ut puta de baptismo, determinauimus: Insuper de confirmatione, de Eucharistia, & penitentia, quæ sunt progredientium sacramenta: Nunc consequenter agendum est de vñctione extrema, quæ sacramentum exeuntium dicitur. Diuidatur itaque presens distinctio in puncta sex. In quorum primo ponitur conclusio. In altero pro insinuatione vñctionis extrema tangitur materia. In tertio notandum. In quarto institutionis causa. In quinto huius sacramenti ad alia conformitas. In sexto, & ultimo quesitum cum determinatione. Quò ad primum ita Magister fatur. Extrema vñctionis infirmorum, quæ fit in oleo consecrato per manus Episcoporum, tria genera sunt secundum mentem Doctorum. Pro cuius insinuatione secundo tangitur loco vñctionis extrema materia, quæ est oleum per Episcopum cōsecratum. Ex his tertio genus triplex vñctionis colligitur. Est enim vñctio quædam principalis, quæ fit chrismate, & oleo scilicet mixto balsamo: & tali vñctione unguntur Reges, & Pontifices in capite; confirmandi autem in fronte, & baptizandi in vertice. Datur alia vñctio, quæ cathecumeni inter scapulas unguntur. Tertia verò vñctio est illa, quæ unguntur infirmi. Prima vñctio nec est sacramentum, nec aliquid sacramentale, quia nec per se gratiam causat, nec ad aliquod sacramentum suscipiendum, vel perficiendum ordinatur. Secunda

sacramentalis est; sed non sacramentum, quia scilicet ad sacramentum ordinatur. Tertia, & ultima propriè sacramentum est, & unctio extrema, siue sacramentum, sicut nomen sonat, quia post id aliud non speratur. unde solum infirmis, & periculose egrotantibus, ita quod de vita eorum desperetur, debet dari, & ideo quandiu probabiliter speratur de euasione, non debet dari, & est per se ultimum, per accidens tamen, ut si cõualescit, potest esse post ipsum aliud; at dicetis, quod nam discrimen est inter has unctiones prædictas? Respondetur, quod prima duæ simplici oleo sunt benedictæ. De institutione autem huius sacramenti nil quarto loco dicam, quia hoc Dominus Iesus Christus instituit per se, sicut & omnia alia, nam ab eo virtutē, & efficaciam habent, & dum dicitur; hoc sacramentū fuisse institutū ab Apostolis, uti velle videtur Magister in textu; dicatis hoc intelligendū fore instrumentaliter, & executive nō principaliter, & authoritatiuè. & cū dicitur, qđ nō legitur in Euāgelio, hoc nihil obstat, sunt etenim multa alia, q̄ fecit Iesus, quæ si scribantur p̄ singula, nec ipsū, arbitror, mundū posse capere. Causa verò institutionis huius sacramēti duplex fuisse dicitur, iuxta duplicē sanitatē, scilicet animæ, & corporis, ut in sequenti magis abundè patebit. post hæc quinto loco huius sacramenti conformitas ad alia ponenda: etenim in hoc sacramento est aliquid, quod est sacramentum tantum, ut exterior unctio, & aliquid, quod est res sacramenti, ut unctio interior, id est peccatorum remissio, & virtutum appositio, & ideo sacramentum hoc contemnere, vel negligere periculosum est. His omnibus sexto loco quesitum additur tale; An hoc debeat, & possit sacramentum reiterari. Primo aspe-

ctu

fluſi voluerimus intueri D. Aug. mentem dicemus, qđ non. Nam iniuriam ſacramento facit, qui ſacramentum reiterat, non ergo, &c. ad hoc velim reſpondeatis dicentes, quòd Aug. tantum de tribus loquitur ſacramentis, ſcilicet de baptiſmo, confirmatione, & ordine, que nullo modo iterada ſunt. Alia verò iterari poſſunt, vt Euchariftia, penitencia, & matrimonium: quare vnctio etiam iterabitur, ſi morbus iteretur. Dum enim morbus iteratur, non ſecus, & medicina; ſed vnctio extrema eſt, vt medicina; quare ſi morbus iteretur, nec non, & medicina, ideſt vnctio extrema. & hæc de tota diſtinctione.

## DE EXTREMA VNCTIONE.

### Lectio CXVII.

**N**E, vt mus ſuper farinam, videar velle dicta Magiſtri Sent. pertransire, opere preſtium eſſe duxi, ſeptem in preſenti de vnctione extrema proponere enodanda. Quorum primū ſacramenti vnctionis reſpicit materiam. Alterum formam. Tertium miniſtrum. Quartum effectum. Quintum eos, quibus ſit hoc ſacramentum dandum. Sextum partes corporis, in quibus fieri debeat. Tandem: An debeat iterari. Quòd ad primum: materia ſacramenti extreme vnctionis eſt oleum oliuarum ab Epifcopo benedictum. & ratio, quare oleum oliuarum ſit huius ſacramenti materia, dicitur Chriſti inſtitutio: qui iſtud fieri in oleo inſtituit, quando Apoſtolos miſit oleo ungere infirmos, & ſanare eos. & huic concordat promulgatio beati Iac. qui dicit: infirma-

tum quis ex vobis, inducat presbyteros Ecclesie, & orent super  
 eum, ungentes eum oleo sancto. est hic sciendum: quod quando in  
 scriptum est simpliciter oleum inuenitur, intelligi debet de oliuarum  
 oleo, quoniam illud simplex est: alia autem non: sed inuenta fue-  
 runt propter illius olei defectum, sicut oleum nucum, oleum lini, &  
 similia, vel propter aliquam medicinam, ut oleum amygdalarum,  
 vel laurinum, & similia. Quare tale oleum huius sacramenti ma-  
 teria, & non aliud. Confirmari hoc idem potest ratione proprie-  
 tatis huius olei, quæ est, dolorem mitigare: ideo in vulneribus poni  
 consuevit; & quia huius sacramenti effectus spirituales dolorem,  
 & corporalem mitigare est, ut infra dicetur: hinc oleum hoc, san-  
 ctificatum ab Episcopo, congrua materia extrema unctionis: &  
 hæc de primo puncto. In altero detegitur extrema unctionis forma,  
 quæ respicit verba à sacerdote sic prolata. Per istam sanctam un-  
 ctionem, & suam piissimam misericordiam indulgeat tibi Deus,  
 quicquid deliquisti per visum, auditum, &c. sed hic sciendum:  
 quod differentia est inter formas aliorum sacramentorum, & istius:  
 quia formæ aliorum sunt indicatiua, ut intuenti patet discurrendo  
 per singulas formas: at forma istius sacramenti optatiua est, ut su-  
 scipienti patet. At dicet quis: quare in forma sacramenti huius  
 magis utitur Romana Ecclesia optatiuo verbo, quam in alijs for-  
 mis? dicendum est: quod ideo quia, ut patebit infra, istud sacra-  
 mentum non debet dari, nisi morti propinquis: qui iam in recessu  
 sunt: & ideo, sicut moris est, quod illis, qui sunt in recessu optetur  
 salus: ita forma ista Ecclesia recedentibus ex hac vita optat salu-  
 tem. & hæc de forma. Nunc tertio agendum venit de huius sacra-  
 menti

menti ministro. Nam solus, & non alius debet dici minister presbyter, ad quem Christi corpus dispensare pertinet. Nec est instantia de baptismo, quia baptismus est maxime necessitatis, ideo expedit, quod ministrum maxime communem habeat. At dicetis: num unus debet esse presbyter, vel plures? mihi equidem videtur quod ex autoritate allegata plures debeant esse: quia dicit presbyteros in plurali. D. Thomas in presenti ait: quod si non possint haberi plures, sufficit unus cum ministris: ita tamen quod semper presbyter inungat, verbaq; dicat. & si antequam perfecerit, moriatur, vel aliter impediatur, alius perficere debet illud, quod remanet perficiendum, scilicet sacramenti residuum extremae unctionis. Consequenter oratio dirigatur nostra ad huius sacramenti effectum. Sicut enim euenit in infirmitate corporali, ita suo modo debet esse in infirmitate spirituali. In infirmitate autem corporali sic est, quod posito, quod aliquis curatus sit ab infirmitate, adhuc remanet in eo aliqua corporalis debilitas proueniens ex pristina infirmitate: & ideo duplici medicina eget, una, quæ sit aegritudinis sanatiua, vel expulsiua, & alia, quæ sit debilitatis, quæ remanet, reparatiua. Sic est spiritualiter: nam spiritualis infirmitas est peccatum. unde Psal. in persona peccatoris: Miserere mei Domine, quoniam infirmus sum; sana me Domine, quoniam cõturbata sunt ossa mea. Medicina illius infirmitatis sanatiua penitentia est: at postquam homo sanatus est ab ista infirmitate, adhuc remanet in eo debilitas quedam spiritualis, contra quam istud sacramentum ordinatur. unde effectus istius sacramenti est sanatio istius spiritualis debilitatis. Est insuper alius effectus, quia per ipsum peccata veni-

alia

alia, & etiam mortalia oblita remittuntur, & gratia habita augetur, & noua confertur, si tamen dignè suscipiatur. Datur alius effectus ex consequenti, & est sanitas corporalis, si sit expediens animæ suscipientis: quæ omnia per auctoritatē Iac. inductam probantur. Infirmatur quis ex vobis, inducat presbyteros Ecclesiæ, & orent super eum, ungentes eum oleo in nomine Domini, & oratio fidei saluabit infirmum, & allenuiabit eum Dominus à languoribus suis, & si in peccatis sit remittentur ei. Quinto loco, quibus debeat hoc sacramentum dari, videndum, ut ergo ex prædicta auctoritate colligitur, non videtur dari debere, nisi infirmis: quia dicitur: infirmatur quis ex vobis. Non tamen quibuscunque infirmis, sed solum illis, qui sunt in periculo, & morti propinqui: qui cum deuotione ante petierint istud sacramentum, posito etiam quod sint phrenetici. Cum etenim istud sacramentum sit sacramentum exeuntium, dari propterea non debet, nisi exeuntibus, vel illis, qui iam parati sunt ad exitum ab hac vitâ. Quibus verò in partibus corporis istud fieri debeat sacramentum, sexto loco speculandum est. Purgata igitur materia, debet medicina applicari particule patienti: quare peccati materia iam per penitentiam purgata, sacramentum hoc, quod medicina est contra debilitatem derelictam, membris applicari debet. Quæ sunt sensuum organa, per quæ morbus in animam intrat. Unde inungi debent oculi, aures, os, pedes, & renes de hoc sacramento. Ita quod ad oculos dicatur, Per istam sanctam unctionē, & suam piissimam misericordiam indulgeat tibi Deus quicquid peccasti per visum. Ad aures, per auditum. Ad os, per gustum. Ad nares, per odoratum. Ad pedes, per gressum. Ad  
renes,



renes, p ardorē libidinis: premittendo in singulis, Per istā sanctam  
unctionem. At dicetis: quid de ceco à natiuitate, qui non peccauit  
per visum, vel etiam de surdo à natiuitate, qui non peccauit  
per auditum, vel de claudo, qui non peccauit per gressum, nunquid  
in illis debent inungi membris? Respondetur, quod sic. Quia licet  
cecus non peccauerit videndo: forte tamen dicetur peccasse visum  
inordinate appetendo. Idem dico de surdo, & claudo. Arbitror  
insuper: quod, quamquam aliquis membra non haberet, ut puta  
oculos, vel alia, in quibus fieri solet unctio: nihilominus in illis de-  
bet inungi locis circumuicinis ob rationem paulò ante dictam. De-  
nique rimandum est: An sacramentum istud iterari debeat. Mihi  
apertè videtur esse dicendum, quod sic, tū quia homo ad mortem  
multotiens potest infirmari: tum etiam quia in isto non character  
imprimatur sacramento. & hæc de pollicitis satis.

## AN EXTREMA VNCTIO SIT

SACRAMENTVM.

Lectio

CXVIII.

**P**Ercurrere volentes prædeclaratam distinctionem, de more  
quesita premittemus duo, quorum primum. An unctio  
extrema sit sacramentū. Insuper: An oleum consecratum  
per Episcopum huius sacramenti materia censendum. Quantum  
attinet ad primum: audeo ad partem negatiuā declinando in hunc  
modum ratiocinari primò. Sacramenti principalis effectus spiri-  
tualis esse debet, quia remedium spirituale est: at unctionis extre-

nre effectus corporalis, ut ex Iacobi auctoritate colligitur : nō ergo  
 sacramentum dici debet. Deinde : quodd unum non est, neque sa-  
 cramentum est : at unctio extrema unum non est ; quia plures re-  
 quirat presbyteros, siue ministros : nec materia una, sed plures, ne-  
 que una forma numero, quia pluries replicatur. Quare unctio ex-  
 trema non unum dici poterit sacramentum. Ex alio latere, si un-  
 ctio extrema sacramentum non esset, exuentibus de hoc mundo mi-  
 nime daretur : at in subsidium uitae spiritualis confertur : sacra-  
 mentum igitur. Pro determinatione huius questionis primae, duo sup-  
 ponenda : unam vergit ad sacramentum, quia unctio extrema sa-  
 cramentum esse supponitur. Alterum verò ad eius effectum, qui est  
 culpa dimissio. Quibus sic positis, ad formatas de facili responden-  
 diam erit rationes. Dicamus itaque ad primam : unctiois extremae  
 duplicem assignari posse effectum : unum principalem : alterum ac-  
 cidentalem : siue unum ex antecedenti, alterum ex consequenti. Si  
 primo modo nulla est ratio : si secundo modo habet cōcedi : sed tunc  
 nihil contra nos concludit. Ad secundam dicitur : ex concursu illo-  
 rum plurium fieri unum unitate perfectionis. & hec de primo du-  
 bio. Solet queri secundo. An oleum consecratum sacramenti huius  
 materia sit. Mihi, quod non, apparet : nam balsamus est : non ergo  
 &c. antecedens patet, quia hoc sacramentum hominem ad incor-  
 ruptionis gloriam ordinat, at talis incorruptio per balsamum magis  
 representatur, qui cū oleo in chrismate ponitur, quā simplex oleū :  
 conuenientior ergo materia Chrisma. Præterea : baptismi sacra-  
 mentum dignius est unctioe extrema : sed ad baptismum non re-  
 quiritur materia consecrata : igitur neq; ad hoc sacramentū oleum  
 consecra-

consecratum: quare malè Magister. In contrarium se habet illud Iac. Propterea pra decisione tria supponenda. Primum est: quod oleum est: conveniens materia huius sacramenti. Secundum est: quod illud debet esse consecratum. Tertium est: quod illa consecratio fiat per Episcopum. His tribus presuppositis, ad argumenta primum: quod incorruptio gloria non est res contenta in hoc sacramentò; nec per sacramentum immediate facta: & ideo non oportet, quod materie sanctificationi ei corresponsdeat: propter quòd non expedit balsamum imponi in huius sacramenti materia: quia balsamus propter odorem famæ claritatem designat, qua minime egent exeuntes de hoc mundo; at solum conscientie nitore, qua sufficienter per oleum designatur. Ad secundum similitudo neganda venit de baptismo, & extrema unctione: quia sicut non est de necessitate baptismi, quòd minister sit ordinatus: ita consecratio materie non dicitur de baptismi necessitate. è contrario. verò in sacramentò unctionis extrema euenit: ut dictum est.

## AN VNCTIONIS EXTREMAE PROPRIVS

MINISTER SIT SACERDOS.

### Lectio CXIX.

**P**Redeclaratis quesitis duobus alia duo in presenti addenda: quibus explanatis ad subsequentem properabimus distinctionem. Queritur ergo primò: An sacramenti unctionis extremae proprius minister sit ipse sacerdos. Insuper. An sanis dari, conferriq; possit hoc sacramentum. Quantum ad primum:

pro parte negatiua sic arguitur. Huius sacramenti forma deprecatoria est, ut patet ex verbis Iacobi, orent super eum: at deprecatio boni laici plus videtur valere, quàm sacerdotis mali: igitur laicus bonus magis hoc sacramentum ministrare poterit, quàm malus sacerdos. Præterea: solus Episcopus huius sacramenti minister esse videtur, quia solus ipse chrisma consecrat: non ergo proprius huius sacramenti minister ipse sacerdos. In oppositum se habet illud Iacobi. Indicat p̄sbyteros Ecclesia, &c. Pro decisione ergo huius difficultatis primæ tria videnda: primum est: An aliquis non sacerdos dispensator esse possit huius sacramenti. Insuper: An omnis sacerdos, An solus Episcopus. Tertium est: quali forma debeat utri huius sacramenti minister. Quantum ad primum: dicitur, quod nullus laicus sacramentum dispensare potest, nisi maxima necessitatis sit, sicut baptismus: at unctio extrema non sic se habet: ergo. Quò ad secundum dicitur: quod nō solum Episcopus, quia sacramentorum administratio sibi non reservatur, nisi illorum tantum, quæ constituunt suscipientem in aliquo gradu semper populum: ut V. g. sunt ordo, & confirmatio. Tertium iam patuit superiùs: & ideo his positis, ad argumenta forma nunc respondendum, & primò ad primum: quod habet concedi de oratione priuata, quæ meritis, personæ priuatæ innititur, & ideo melior esse potest, si fiat à laico, qui bonus sit, quàm si fiat à malo sacerdote. At oratio publica, quæ fit à ministro Ecclesiæ, & meritis Ecclesiæ innititur, dici debet melior oratione priuata cuiuslibet priuatæ personæ: sic primum ruit argumentum. Ad secundum Respondetur: quod usus chrismatis in confirmatione pertinet quidem ad solum Episcopum, qui gradus

per

per confirmationem acquiritur super communem populum : at per olei usum in vñctione extrema talis non acquiritur gradus : & ideo eius dispensatio omni conueri : sacerdoti : non autem soli Episcopo. Declarato iam primo quesito , superest secundum , dum quaeritur . An hoc sacramentum sanis dari debeat . Mihi primo aspectu videtur esse dicendum , quod sic . Nam ut omnibus Ecclesiam intrantibus confertur baptismus . Ita vñctio extrema omnibus dari debet exituris : at aliqui citò exituri , ut decapitandi : quare his debet dari . In oppositum extat illud Iac. dicentis . Infirmatur quis ex vobis , &c. Pro decisione tria illa superius declarata supponenda . Primum est : quod omnibus hoc sacramentum debeat dari infirmis . Insuper , quod in determinatis partibus . Tertiò , quod aliquando reiterari possit . His ita positis , ad instantiam primo loco adductam de facili erit respondere : quod intrantes Ecclesia statim nullum aliud remedium habent , nisi baptismum : & ideo omnibus tam sanis , quàm infirmis , tam pueris , quàm adultis communis esse debet . At exituri de vita pñsenti , si sint sani , remedium aliud scilicet penitentia habent : ideo vñctione extrema , quæ quasi penitentia in supplementum est , minimè egent .

Infirmi verò tali remedio indigent : quare

ipsis solum hoc sacramentum est conferendum . & hæc de his , quæ

circa explanatam poterant excitari di-

stinctionem

satis.

**S**uperius de sacramentis, quæ ordinantur ad vnius personæ remedium, determinatum fuit: hîc verò de sacramentis in totius Ecclesiæ remedium ordinatis agendum, & primò de sacramento ordinis, quod ad Ecclesiæ gubernationem, nec non spiritalem multiplicationem ordinatur. In præsentî itaq; sermone tria contemplabimur: numerum ordinum, & causam primò. Tonsuræ clericalis quidditatem secundò. Ostiarij, & lectoris ordinem tertio. Quantum ad primum: septem dicuntur gradus esse, siue Ecclesiastici ordines: scilicet ostiarij, lectores, exorcistæ, acolythi, subdiaconi, diaconi, & sacerdotes, quorû omnia officia Christus in semetipso ostendit: & Ecclesiæ hos ordines seruandos reliquit. Sunt autem septem propter septiformem Spiritus Sancti gratiam: cuius gratia, qui non sunt participes, ad gradus Ecclesiæ indigni accedunt: qui verò priusquam ad hos gradus accedant, hanc gratiam habent, in promotione ipsa ampliorem accipiunt: ex quo huius sacramenti patet effectus. Hi autem ordines ob sui dignitatem dignos requirunt ministros. Ex quo suscipientium conditio patet. & hæc de primo puncto. In altero de clericali Tonsura agendum, quæ hos præcedit ordines. Tonsura ergo propriè loquendo non est ordo, sed benè ad ordinis susceptionem dispositio secundum Ricar. Ordo enim sacramentum est: at Tonsura non, sed quid sacramentale: & signum, quod in corpore figuratur, sed in animo agitur, scilicet,



scilicet, ut hoc signo in religione vitia rescentur, & criminibus carnis nostræ, quasi criminibus exuamur, atq; inde innouatis sensibus, ut comis rudibus, enitescamus. unde corona illa clericalis regalem dignitatem significat. Quia verò in summitate capitis nudatio fit, hinc mentis erectionem ad Deum per contemplationem significare dicitur. Cuius usus initium à Nazaræis habuit: quorum ritus Paulus, & Christiani imitati sunt. Omnes verò in ordinibus constituti clerici vocantur, quia in sortem Domini, & hereditatem sunt admissi. Cleros enim græce sors, vel hereditas latine dicitur; vel quia omnes diuino seruitio sunt mancipati. Postea de his ordinibus sigillatim tractandum tertio loco est: ubi ab ostiarijs incipiendū: qui sunt primi inter ordinū gradus: de quibus quatuor considerabimus. Figuram primò. Nam in veteri sunt figurati testamento per ianitores: qui templum custodiebant, ne in illud immundus ingrederetur. Secundò nominis rationem sive officium. Nam ostiarij dicuntur: quia ostij templi presunt: ut dignos recipiant, indignosq; excludant. Tertiò ordinandi modum: quia in eorum ordinatione eis clauces dantur ab Episcopo cum verborum forma determinata, scilicet: Azite tanquam Deo rationem reddituri pro rebus, quæ clauibus recunduntur istis. Quartò institutionem: quia Christus hoc exercuit officium, quando vendentes, & ementes de templo eiecit. unde & ipse dixit. Ego sum ostium. & hæc de ordine primo. De secundo verò ordine Lectorum consequenter loquuturus sex tangam. Nominis rationem primò. Nam à legendo dicuntur: qui etiam pronuntiatores vocantur; quia procul auditorum aures eorum vox adimplet. Secundò officium: quoniam  
ad

ad eos Prophetias, & Psalmos legere, & eadem populis predicare pertinet. Tertiò ordinandi modum. In ordinatione enim librum diuinarum lectionum ab Episcopo accipiunt cum certa verborum forma: scilicet Accipe, & esto uerbi Dei prolator: habiturus, si fideliter adimpleueris, partem cum his, qui bene Dei uerbum administrauerunt. Quartò conditionem: quia, qui ad hunc ordinem assumitur, scientia literarum instructus esse debet: & distinctè legat: ita ut sic auditoribus prodesse possit. Quintò institutionem: quia hoc officium Christus adimpleuit, quando legit Esaie dictum: Spiritus Domini super me: ut habetur Lucae vi. Vltimò prefigurationem: quia prefiguratum, & nunciatum fuit hoc officium in Prophetis, quibus dicitur clama, ne cesses: quasi tuba exalta uocem tuam. & hæc de pollicitis satis.

## DE ORDINE EXORCISTARVM. TEX.

### Lectio CXXI.

**D**Vos in hesternâ lectione aperiebamus ordines, quorum primus ostiarij, alter lectoris. Nunc quatuor alij dilucidandi, ut quamprimum finis imponatur huic distinctioni. Diuidatur ergo presens sermo in secta quatuor, iuxta ordines enodandos quatuor. Quorum primus exorcistarum est, de quibus quinque determinanda. Nominis ratio primò. Nam dicuntur exorcistæ, quasi adiurantes. Officiū secundò: quoniam ad eos pertinet per exorcismos suos Demones ab obsessis fugare. unde spiritibus immundis imperantes, mundi esse debent. Tertiò ordinandi modus:

modus: quia exorcismorum librum ab Episcopis recipiunt, cum verborum forma determinata: scilicet Accipite, & potestatem imponendi manus super energuminos, & cathecuminos habetote. Hic notetis, quod energumini illi dicuntur, qui obsessi à Demonibus mētis sensum perdidierunt. & dicti ab en, quod est intus: & erge, quod est labor: & mene, quod est defectus: & noys quod est mens: quasi intus laborantes ex defectu mentis. Quartò institutio: quoniam Dominus hoc officio usus est, quando salua oris sui tetigit aures, & linguam surdi, & muti, & multos alios Demoniacos sanauit. Quintò figura: quia à Salomone videtur ordo iste primitus descendisse: qui quendam exorcizandi modum inuenit, quo Demones adiurati ab obsessis pellebantur cordibus. vnde hoc officio mancipati exorcista apud Iudeos sunt vocati: & hec de primo puncto. In altero accedit acolythorum ordo declarandus, qui quinque continet consideratione digna. Primū respicit nominis rationem. Nam Acolythi dicuntur grece, & Ceraforarij latine, eo quia cereos portant ad letitie signum demonstrandum, & ad verum lumen figurandum, scilicet Christum. Secundò officium. Nam ad eos luminaria portare pertinet, & preparare, subdiacon: sq; ministrare in vrceoli vini, & aque preparatione pro Eucharistia. Tertiò ordinandi modum: quia candelabrum cum cereo, & vrccolo in ordinatione accipiunt. Quartò institutionem: quoniam Christus hoc fuit officio usus, cum dixit: Ego sum lux mundi. Quintò figuram: quia huius figura precessit in veteri testamento, in his, qui luccernas candelabri continebant. His tertiò addendus venit subdiaconorum ordo: de quo considerata sunt quatuor. Primò no-

minis ratio. Nam subdiaconi dicuntur: quoniam diaconorum subiacent præceptis. Hi in veteri testamēto sunt figurati per Nathinneos: de quibus dicit Paral. Esdra, quod erant ministri leuitarū. unde Nathinnei dicuntur, quasi Domino in humilitate seruientes: quod subdiaconis conuenit: qui sunt leuitarum ministri. Secundò officium: quia calicem, & patenam portant, propter quod mundiciam habere debent, ut illud impleant: Mūdmini, qui fertis vasa Domini sacerdotibus: & leuitis ministrant, ornamentorumque altaris curā specialem habent. Tertiò ordinandi modus: quoniam patenam, & vacuum calicem accipiunt, & urceolum cum aqua, & manutergium. Quartò institutio: quia Christus hoc officio dicitur usus fuisse: quando lintheo se præcinxit: & mittens aquam in peluū discipulorum pedes lauit, & lintheo terisit. Tandem ut sermo noster presens claudatur, nunc loquendum est de ordine Diaconorum: qui in sexto loco ponitur ad perfectionem, quæ in eis esse debet. De quibus per ordinem quinque consideranda. Primò nominis ratio: quia de tribu Leui nomen traxerunt: hinc Leuitæ dicuntur. Græcè verò Diaconi, & ministri. Secundò officium: quia ipsis sacerdotibus in sacramentorum dispensatione assistunt, atque ministrant: noui enim testamenti officium prædicandi habent. Similiter Leuitæ, quia leuo humero stolam portant, nec nō huius presentis vitæ labores. Tertiò institutionis Diaconi conditio. Apostoli enim elegerunt septem viros plenos Spiritu Sancto. unde septem esse solent in Ecclesiis principalibus: qui etiam per septem Angelos tuba canentes in Apocalypsi significantur. Quales autem esse debeant, Apostolus ad Timotheum docet: quia antequā ordinentur

probari

probari debent, ut scilicet sic ministrent nullum crimen habentes. Quartò ordinandi modus: quia Episcopus in ordinatione manuum eis imponit. Nam & Apostoli Diaconibus, quos elegerūt oratione premissa manus imposuerunt. Ponit etiam stolam supra leuum humerum. Insuper Diaconi textum Euāgelij in ordinatione accipiunt. Quintò, & ultimò institutio: quia hoc officio Christus usus fuit, quando post cenam sacramentum sui corporis, & sanguinis discipulis dispensauit: & quando Apostolos dormientes ad orationem inuitauit. & hæc de pollicitis dicta sint satis.

## DE PRESBYTERIS.

### Lectio CXXII.

**L**Oquuntur i hodierna die de septimo ordine, scilicet p̄sbyterorum, quatuor principalia ponderabimus. Primò sex circa ordinem hunc. Secundò differentiam horum ordinum adinuicem. Tertiò ordinis quidditatem. Quartò notandum: & ita uigesima quarta claudetur Distinctio. Quantum ad primum: pro intelligentia ordinis presbyterorum sex perpendenda. Nominis ratio primò. Dicuntur enim presbyteri, idest seniores, propter honorem, quem acceperunt, & dignitatem. Insuper sacerdotes, vel quia sacra dant, vel quia in sacris duces sunt: vel quia sanctificant. Antistites etiam dicuntur, quia ante alios stare debent, nec non morum prudentia, & conuersationis maturitate in populo precel-  
lere. Insuper officium. Nam ad sacerdotes sacramentum corporis, & sanguinis conficere pertinet; orationes dicere, donaquē Dei

benedicere. Tertiò ordinandi modus. Nam eis in ordinatione  
 manus inunguntur: patenam cum hostijs; calicem cum vino acci-  
 piunt: stolamq; utrunq; latus qua continet: quia contra aduersa,  
 & prospera armis iustitiæ induti, siue muniti debent esse. Quartò  
 figura: quoniam hic ordo in filijs Aron figuratus fuit, & lxxiiij.  
 discipulis, quos ipse Christus designauit: quorum vices presbyteri  
 in Ecclesia tenent. Inter Apostolos tamen unus extitit Princeps  
 scilicet Petrus: cuius successor est Pontifex summus, qui etiam  
 Papa, idest Pater Patrum dicitur. Quintò conditio. unde Apo-  
 stolus ad Timotheum, qualis eligi debeat presbyter, docet: ubi no-  
 mine Episcopi presbyterum designat. Sextò officium: quia Chri-  
 stus usus est tali officio in ara crucis, quando se ipsum obtulit. unde  
 fuit ille sacerdos, & hostia, quando post cenam panem, & vinum  
 in corpus, & sanguinem suum mutauit. & hæc de seculo primo: in  
 quo sex illa præmissa considerata sunt. In altero horum ordinum  
 differentia tangitur. Nam quidam sacri dicuntur, & quidam non:  
 ex quo differentia paret: & hæc pro puncto secundo. In tertio quod,  
 quid est ordinis, ponitur his verbis. Ordo est quoddam signaculum,  
 quo, & per quod spiritualis potestas, seu officium ordinato tribui-  
 tur. & ibi ponitur potestas quo ad ordines propriè dictos: officium  
 verò quo ad ordines communiter dictos. His tribus prædeclatis,  
 addi quantum potest notando tali contentum. Quædam nomina  
 dantur: quæ non ordinē, sed dignitatem, vel officium nominant:  
 sicut Episcopi, Pontifices, Archiepiscopi, & Metropolitani. Epi-  
 scopus enim, aut Pontifex ille est: qui a' ijs intendere habet. unde  
 Episcopus dicitur à scopin græcè, quod latinè intendere dicitur:

Insuper



*Insuper græcè Episcopi speculatores vocantur: eò quod in Ecclesia Dei habeant speculari mores, & vitam populorum infra se positorum. Pontifex est princeps sacerdotum, quasi via sequentium: ipse enim summus sacerdos nuncupatur, quia sacerdotes, & leuitas efficit. De ordine verò Episcoporum nil dicam, quia, ut omnes norunt, quadripartitus est: scilicet in Patriarchis: Archiepiscopis: Metropolitanis, & Episcopis. Patriarcha græcè summus Patrum interpretatur: quia Apostolicū tenet locum. Archiepiscopus verò summus est Episcoporum: & dicitur ab archos, quod est princeps. Metropolitanus à mensura ciuitatum, quibus præminet. Sint ergo ministri Christi maiores, qui præcellunt ordinis dignitate optima vite, ut plebs eis commissæ eorum imitatione semper proficiat. & hæc de tota distinctione.*

AN ORDINANDI IN MODVM CORONAE  
HABEANT TONSVRARI.  
Lectio CXXIII.

**P**Remissa huius vigesimæ quartæ distinctionis interpretatione, singula serè dicta Magistri rimaturi, quæ sita pro præsentî proponemus tria. Quorum primum; An clerici coronandi. Insuper; An corona debeat sacramentum dici. Tertiò; An in coronæ susceptione fiat temporalium abrenunciatio. Quantum ad primum: extant rationes quædam in oppositam partem se habentes: quarum prima desumitur ex Hier. Cap. 49. ubi comminatur Dominus his, qui in comam attonsi sunt: non ergo ordinandi

nandi corona ornandi. Præterea: Paulus ad Gal. Cap. ultimo sic ait. In Christo Iesu, nec circumcisio aliquid valet, neque præputium, sed noua creatura. Nihil ergo capillos in lege noua tondere proderit: quare ordinandi nequaquam tonsurandi. Deinde: illud, quod est signum stultitiæ, clericis non videtur conuenire, sed ea tantum, quæ honestatis, & sanctitatis sunt: non ergo, &c. quod autem ita sit, patet: quia aliàs stulti signaculo coronæ consueuerunt signari: clerici igitur minimè debent tonsurari. Ex alio latere consuetudo Ecclesiæ in oppositum se habet. Nam hoc signo coronæ ordinandos consignare consuevit: quare, &c. His ita positis, rationes formatae de facili ruent. Nam prima desumpta ex Hier. habet intelligi de illis huiusmodi tonsuras obseruantibus ad Demonum cultum, non autem ad cultum diuinum. Iure ergo illis Dominus minabatur. Altera, quæ ex verbis Pauli ad Gal. formabatur intelligenda venit, quantum ad iustificationem primò, & per se: at non quantum ad distinctionem. Remotio itaque capillorum hoc secundo modo facienda, non primo modo. Tertiæ ratio, & ultima, quæ dicebatur, quod corona stultitiæ signum sit: hoc habet concedi coram mundo: at non coram Deo. unde Paulus ad Cor. Nos stulti propter Christum. Clerici ergo ordinandi signaculo coronæ coronandi. Exposita iam questione prima altera accedit, dum queritur; An huiusmodi corona, quæ fit clericis, sacramentum nuncupanda sit. Mihi prima fronte, quod sic, videtur: nam est sacræ rei signum, ut puta elevationis mentis ad cælestia: igitur, &c. Præterea in spiritualibus corporalia fieri solent propter spiritualia: talis ergo capillorum consignatio propter signationem spirituales fiet: sed

sed signum exterius, cui correspondet interius, sacramentum dicitur: in clericis ergo sacramentum corona. In oppositum se habet Ecclesia septem gradus distinguens, quos omnes corona antecedit: non igitur in aliquo ordinis gradu ponenda: quare nec sacramentum. Nunc argumēta soluenda, & primò primum: quod sic venit intelligendum. Quod corona sit signū distinctionis, non collationis alicuius potestatis spiritualis. Vel dicatis: coronam quidem esse signum, sed non efficax rei signum: quoniam quid aliud præter distinctionis signum amplius non addit, id est spiritualem potestatem. Ad secundū argumētū ut respōdeatur, ita dicendū erit: corporalia fieri ppter spiritualia bisariā cōcipi posse: uno modo ppter spirituale officiū: alio modo ppter aliquid aliud, quod ibi figuretur. Corona fit ppter spirituale figuratiue: at nū collatiue: & hoc, quia ibi non cōfertur aliqd spirituale officiū: quare corporalia quādoque fieri dicentur in signum collationis spiritualis potestatis, & quādoque in signum figurationis, sed non collationis. Explicatis hætenus duobus quæstis: tertium, & ultimum pro presenti accedit sub his verbis. An in susceptione coronæ temporalium abrenunciatio fiat. Pro parte affirmatiua ita ratiocinandum. In tali coronæ susceptione solet dici: Dominus pars hereditatis meæ, & calicis mei, tu es, qui restitues hereditatem meam mihi. Clericus ergo Dei hereditatem petens in susceptione coronæ temporalia debet abrenunciare. Præterea: Hugo de S. Victorē ita fatur. Aliam terram non debet clericus nisi Deū habere, & ea, quæ ad Deum spectant: non itaq; bona temporalia, siue possessionem: quare in susceptione coronæ abrenunciatio facienda, ad Dei hereditatē habendam. Ex  
alia

alia parte multis in locis videtur colligi posse: clericum temporalia bona habere posse. Nam. Hierem. qui fuit de ordine sacerdotali in principio dixit, *Ananael posside agrum meum.* Ergo. Pro determinatione huius difficultatis tertia velim vos scire: nec de iure diuino, nec humano ad temporalium abrenunciationem clericum cogi: at de bono, & equo sic. unde abrenunciare perfectionis quidem est, sed non necessitatis. His premissis, nunc ad formatas rationes quid dicendum sit, accipite. Verba etenim primæ rationis adductæ dupliciter intelligenda sunt: uno modo quantum ad rationem dimissionis, ac priuationis iuris, ita ut ius suum dimittat, ac iure suo priuetur: alio modo ratione affectus: primo modo illa verba Dominus pars hereditatis meæ, &c. non sunt accipienda: at secundò modo sic: quare ratio ruit. Altera ex Hugone excerpta hoc modo similiter intelligenda, scilicet quantum ad affectum, nõ quo ad ius proprium: loquendo de clericis secularibus. & hæc pro presenti.

## AN ORDO SIT SACRAMENTVM.

### Lectio CXXIII.

**H**Odierna die circa distinctionem istam quesita alia duo proponemus: quorum primum ad ordinem pertinebit: alterum verò ad numerum ordinum. Quo ad primum: queri solet. *An ordo sacramentum sit.* Insuper. *An septem tantum sint ordines.* Circa primum versantes quidam in hunc modum argumentari solent. *V num non est sacramentum: ergo neque sacramentum.* Assumptum patet, quia ordines sunt plures. Præterea:  
sacramen-

mentum. *Assumptum patet, quia ordines sunt plures. Præterea: sacramentum spirituale medicamentum dicitur: at ordo non sic: ergo. Minor patet: quia sanis, non infirmis conferri debet: quare, &c. ex alio latere, si sacramentum non esset ordo, homo non fieret sacramentorum dispensator per talem ordinem: at fit: ergo. Ad evidentiam presentis questionis, significata diuersa premittemus ordinis. Nam datur ordo parium dispariumque rerum, sua cuique loca tribuens, qui dispositio dicitur secundum Aug. xix. de Ciuitate Dei. A Bonauentura verò ordo triplex ponitur: scilicet secundum potentiam; secundum antecessionem, & secundum originem. Ordo secundum potentiam dicitur, quorū unum superius est ad inferius: & hoc dupliciter esse potest: vel in loco: vel in dignitate. Qui minime in diuinis cadit. Ordo autem secundum antecessionem dicitur esse eorum, quorum unum est altero prius, & hoc dupliciter: aut quia antecedit duratione siue tempore, aut prius naturali intelligentia, siue cognitione: & hic ordo non est in diuinis, quoniam equalitatem, & simultatem talis ordo tollit, quorum utrumque in diuinis perfectum est. Ordo autem secundum originem, siue secundum emanationem producentis est ad productum: & iste est in diuinis: quia ibi est produciens, & productum. Quandoque etiam Ordo solet summi pro modo viuendi Religiosorū: quo modo plures esse dicuntur ordines, ut sancti Francisci, &c. His additur ordo nature ad suum effectum? de quibus hic nos loqui nequaquam intendimus, sed de ordine ut est sacramentum. His itaque in hunc modum positis, ad formatas rationes nunc Respondendū. & primo ad primum sic: quod ordo sit vnum sacramentum unitate perfe-*

etionis: nec mirū, si plura concurrant, quia ordinata sunt ad unius perfectionem. Ad secundam rationem dicitur: ordinis sacramentum spirituale medicamentum esse, non illius, qui ordinem suscipit, quia sanus esse debet: attamen est communis: quia per ordinem efficitur homo dispensator sacramentorum, per quæ gratia spiritualis confertur. At dicetis: Scotus nonne dicit: quod Ordo propriè loquendo, non est sacramentum? si sic: quo modo ea, quæ dicta, erunt vera? Respondetur: quòd sacramentum, si sumatur pro sensibili signo, hoc modo ordo cum sit gradus spiritualis sacramentum non poterit dici. At sumentes sacramentum pro signo inuisibili, hoc modo sacramentū dicitur. Explanata questione prima, altera accedit de numero ordinum, queritur enim. An septem tantum? Quo in ordinum numero diuersificantur Doctores canonistæ, & Theologi. Nam canonistæ dicunt, qd sunt nouem, scilicet Psalmistatus, Ostiariatus, Lectoratus, Exorcistatus, Acolythatus, Subdiaconatus, Diaconatus, Presbyteratus, & Ep̄atus. & ratio forte ista est, quæ Doctores canonistas mouet: quia in quolibet ordine specialis potestas, vel officium traditur: ergo ibi ordo specialis. Doctores verò Theologi multi tenent, quod non sunt nisi septem, quia ponunt, quod Psalmistatus nō est ordo, nec etiam Episcopatus. Quorum motiuum septiformis Spiritus Sancti gratia est. Arguunt præterea, pro confirmatione opinionis primæ quidam sit dicentes: in celesti hierarchia sunt ordines nouē: ergo, & in presenti debent poni nouem, quia Ecclesiastica hierarchia à celesti exemplata dicitur. Pro dilucidatione huius quesiti viam communem sequentes, septem ordines esse dicemus, non plures. Quo stante ad rationes  
formatas



formatas leuè erit respondere. Pro intellectu ergo primæ, velim vos memoriæ hanc triplicem ordinis distinctionem tradere. Ordo enim tripliciter capitur. vno modo vt est nomen officij, & sic Psalmistatus dicitur ordo. Secundo modo, vt est nomen dignitatis, & sic Episcopatus ordo dicitur. Alio modo, vt est nomen cuiusdā specialis potestatis: & sic non sunt nisi septem tantum. & isto modo iura, & opiniones Doctorum concordari poterunt. Ratio ergo primo loco formata, vt paulo ante, dixi intelligatur: at nō secundo modo, quia tunc septem tantum. Quorum numerus sufficienter sic potest haberi. Nam omnis ordo, ideo dicitur ordo, quia ad Christi corpus ordinatur, prout in Eucharistiæ sacramento continetur. Potest ergo, vt dicit beatus Aug. magis de propinquo ordinari ad hoc sacramentum, vt puta ad Christi corpus consecrandum, & sic est presbyteratus: vel ad dispensandum, & ecce Diaconatus, cuius antiquitus erat Christi sanguinem dispensare. Vel ordinatur ad materiam, de qua conficitur, presbytero presentandam, vel preparandam, & sic est Subdiaconatus, cuius officium est hostiam, & calicem cum vino, & aqua ad altare preparare. Vel ordinatur ad huiusmodi materiam ad altare apportandam, & sic est Acolythatus: cuius est pyxidem cum hostia, & urceolos cum vino, & aqua ad altare portare. Vel ordinatur ad Diabolum effugandum, ne homines à susceptione huius sacramenti impediuntur: & sic est Exorcista, cuius est Demones adiurare. Vel ordinatur ad dignos admittendum, & indignos excludendū: & sic est Ostiariatus, cuius est ostium Ecclesiæ custodire, ne inimici intrent, id est indigni. Horum aut ordinum quidam minores vocantur, & non sacri, scilicet,

*Lectoratus, Ostiariatus, Exorcistatus, Acolythatus. Alij tres, sc. Subdiaconatus Diaconatus, & Prebyteratus maiores, et sacri vocantur. Nunc superest secunda ratio diluenda de celesti hierarchia, à qua licet Ecclesiastica dicatur exemplata, non tamen eam in omnibus imitari potest: & sic ruit allata ratio, finiturque presens noster sermo.*

## DE ORDINATIS AB HAERETICIS.

Distinctio

25.

Lectio CXXV.

**D**Eterminabamus superius de sacramento ordinis: consequenter nunc agendum de conferentibus, & suscipientibus hoc sacramentum. Diuidatur ergo presens distinctio in secta quinque principalia. Quorum primum respicit questum: Argumenta ad utranque partem alterum: Propositionem tertium: Simoniaca heresis triplicem distinctionem quartum: Suscipientes sacros ordines ultimum. Quantum ad primum: queri solet. An sacramenta ab hereticis secundum formam Ecclesiae celebrata sint vera, & rata nec ne. Insuper. An heretici ab Ecclesia precisi, sacros ordines conferre possint. Iterum. An ab eis ordinati debeant reordinari? hanc questionem tanquam ab alta specula cernens Magister Sent. difficilem admodum, ac perplexam esse fatetur, propter Doctorum diuersitatem circa eam diuersa opinantium. Quidam enim ad partem declinant negatiuam: alij verò ad partem affirmatiuam, ut in secundo intelligetis secto. Pro parte ne-

gatiua

gatiua extat opinio Gregorij prima ita dicentis : *Arrianorum cōsecrationem sacrilegā esse : nō ergo heretici possunt ordinare, nec ab eis ordinati in suis ordinibus suscipiendi, sed tantum ad laicā communionem, dixerunt quidam. Altera opinio fuit Cypriani, qui dixit. Sacramenta hereticorum inania, & sacrilega esse. Hieronymus quoque dicebat. Quæ offeruntur ab hereticis contaminata esse, & Deo odibilia. Leo Papa similiter opinabatur idem dicendo non esse rata sacrificia extra Ecclesiam, nec vera. Altera subsequitur opinio contraria primæ, quæ videtur sustinere : ordines ab hereticis tradi posse : & ordinatos ab eis iterum ordinandos minime esse. D. enim Aug. dicere videtur, quod sicut ius baptizandi habent, ita & ordinandi. At hic notetis : hereticos quidem ius baptizandi habere, sed ad sui perniciem : catholici verò ad salutē. Præterea : Gregorius dicere videtur pro confirmatione huius opinionis secundæ : ordinatum semel nunquam reordinari debere : ergo, &c. cum itaque hinc inde diuersæ extant circa difficultatem hanc propositam opiniones, ut ex prædictis de facili colligi potest : quid tenendum perplexus apparet Magister. Dicamus ergo nos : Hereticos præcisos, nec non Episcopos Simoniacos ordines posse conferre, nec non sacramēta alia : seruata tamen Ecclesiæ Sanctæ Romanæ debita forma. Sed dicetis nonne huiusmodi ut præcisi ab Ecclesiā, extra Ecclesiā esse dicuntur ? Responderi ad hoc potest : quod sic, & quod non corporaliter quidem verum est : at intentionaliter minime : intendentes facere, quod Sancta Romana Ecclesia intendit. Nec etiam extra Ecclesiam, quod ad potentiam, esse dicuntur : nā remanet in eis potestas, characterq; animæ impressus,*

& indelebilis. Quòd si non intendant id, quod docet Ecclesia  
 Sancta, tunc temporis illorum irrita, & vana erunt sacramenta  
 ab eis collata, & sacrilega, tum respectu male intentionis, tū etiam  
 respectu effectus, qui nullus esse dicitur. His duobus punctis ter-  
 tium addendum hac propositione contentum. Pro collatione sacro-  
 rum ordinū dantes, & accipientes pecuniam Simoniaci sunt, &  
 pro tali delicto ambo eadem debent pēna puniri, unde Simoniaci  
 propriè emptorēs dicuntur à Simone mago denominati. At ex  
 dictis dubitabitis vos dicentes, quid agendum, de ordinatis à Si-  
 moniacis ignoranter? ad aures Magistri Sent. dicitur, quòd mi-  
 sericorditer in ordine habeant suslineri. Enodatis hactenus tribus  
 punctis. Quartum accedit, quòd triplicem Simoniace hēresis com-  
 plectitur distinctionem. Quidam enim dicuntur Simoniaci Simo-  
 niacē à Simoniacis ordinari. Quidam alij Simoniaci Simoniacē  
 à non Simoniacis. Tertij verò, qui non Simoniacē à Simoniacis  
 ignoranter ordinati misericorditer tolerandi. Vltimò determinat  
 Magister de suscipientibus ordines quantum ad etatem, dicens:  
 quòd Subdiaconus ante decimum quartum annum, Diaconus ante  
 xxv. annum, Presbyter ante trigesimum annum ordinari non de-  
 bet loquendo secundum consuetudinem vetustiore sacrorum Ca-  
 nonum.

## DE SIMONIA.

### Lectio CXXVI.

**I**N expositione premissæ distinctionis de multis sermo fiebat,  
 ut puta de hereticis, præcis, atque Simoniacis: quorum duo  
 prima,

prima aliàs cum sint satis abundè dilucidata: iccirco in presenti  
 nostro sermone solum circa tertium versabimur: agentes primo  
 de Simonia: deinde de Simoniaco. Quantū ad primum: Paulus  
 Cortesius, Dominus Prepositus, & alij Doctores verba de Simo-  
 nia facientes, consueverunt finire Simoniam per actum interio-  
 rem, & exteriorem sic dicentes. Simonia est studiosa voluntas  
 emendi, vel vendendi aliquod spirituale: vel spirituali annexum.  
 Qua in diffinitione quinque notantur. Primum ibi voluntas: quæ  
 ut habetur apud Arist. lib. secundo de anima, dupliciter accipi po-  
 test: uno modo pro ipsa potentia: Alio modo pro ipso actu volun-  
 tatis. Primo modo in allata finitione non debet sumi, quia sic de se  
 bona est: sed pro actu voluntatis. Omne enim peccatum actu vo-  
 luntatis comittitur. Insuper secundum ibi notatur: studiosa, id est  
 deliberata: ut enim peccatum sit mortale, & damnatione dignum,  
 rationis deliberatio requiritur. Tertium ibi: emendi, vel venden-  
 di, ubi actus exterior tangitur. Quartum ibi: spirituale, quod  
 tripliciter capitur: essentialiter, ut gratia, & virtutes: causa-  
 liter: ut sacramenta actualiter, seu effectiue ut predicare, corri-  
 gere, visitare, orare, celebrare, & huiusmodi, qui actus spiritua-  
 les sunt. Quintum ibi: spirituali annexum, quod dicitur duplici-  
 ter. Vno modo ut à spiritualibus dependens: ut habere Ecclesia-  
 stica beneficia. Secundò modo dicitur spirituali annexum: quia  
 ad spiritualia ordinatur: sicut ius patronatus, quod ordinatur ad  
 presentandos clericos ad beneficia, & sacra vasa, quæ ad sacra-  
 mentorum usum ordinantur: & sic patet, quod quid est Simonia.  
 At dicetis: libenter sciremus, quotuplex sit Simonia. Respondeo:  
 quod

quod duplex est: una mentalis non expressa, quæ minimè punitur ab Ecclesia. Altera expressa, quæ foro ipsius Ecclesiæ quo ad penam subiecta est. Ab hac cauere debent homines, & maximè ministri Ecclesiæ, ne in mortale peccatum incurrant, tentantes spiritualia pro temporalibus vendere: ne cum illis in perditionem sit pecunia. Ob id nego minimè: ministros aliquid temporale posse recipere pro labore: dignus enim est operarius mercede sua. At intuitu commodi principalis, si bona spiritualia conferantur Simonia committitur. & hæc de puncto primo. In altero de Simoniaco agendum. Nam à Simonia Simoniacus quis dicitur, vitio Simoniæ laborans. & talis de iure excommunicatus est, ut vult Gerson tractatu de Simonia. Qui ergo nolunt Simoniaci dici: sint procul à munere triplici, scilicet à manu, à lingua, & ab obsequio. Nam in talibus respectus ad munera siue à manu, &c. erit Simonia. Quæ quæ maligna, nostis. Nam tentat, quod suum non est, neq; in sua potestate vendere maledictus Simoniacus: inde de facili in hæresim incidit: ob quam æternali pœna dignus sit. Rogitemus nos igitur Deum, ut tantum sapere tribuat intellectui nostro: ad hoc maledictum Simoniæ vitium maximè euitandum. & hæc satis.

## AN OMNIS EPISCOPVS ORDINES

CONFERRE POSSIT.

Lectio CXXVII.

**E**Xaminaturi prædeclaratam distinctionem ad aures Theologorum de illis primo, qui ordines conferre possunt verba faciemus:



faciemus: Insuper de impedimentis contingere valentibus circa  
 ordines. Quo ad primum: solent nonnulli percontari, & querere:  
 An omnis Episcopus ordines possit conferre. Insuper; An puer,  
 vel mulier ordinari possint. Quantum ad primum, negatiue sic  
 primò arguitur. Instrumentale agens non videtur agere, nisi prin-  
 cipali sit agenti coniunctum: at hereticus Christo minimè unitus,  
 quia infidelis: non ergo Episcopus, si sit hereticus, & ab Ecclesia  
 præcisus ordines sacros conferre poterit. Insuper huiusmodi, ut  
 hereticus, &c. à peccatis quem nequit absoluerè: igitur nec ordi-  
 nes conferre. Consequentia clara est: quia promouere aliquem ad  
 ordines plus dicitur esse, quàm absoluerè. Quare, &c. Pro deter-  
 minatione huius difficultatis primæ, tria supponenda sunt: primum  
 est: quod omnis Episcopus omnes valeat ordines conferre. Secun-  
 dum est: quòd Eucharistiæ sacramentum in specie queat confice-  
 re. Tertium est: quòd ex ordine Episcopali, habeat ex officio om-  
 nium, ut primò supposuimus, administrationē sacramentorum. His  
 ita cōstitutis, quid dicendum sit ad rationes formatas, audite. Nam  
 prima currit de intentione speciali Episcopi heretici, & ab Ec-  
 clesia præcisi. At si de intentione Ecclesiæ voluerimus loqui, tunc  
 dicendum: quod formata prima ratio sit nulla. Nam licet princi-  
 pali agenti non sit ut instrumentale agens coniunctum: attamen  
 ratione fidei Ecclesiæ dici poterit Christo unitum: intendendo,  
 quod Sancta Mater intendit Ecclesia, & iubet facere. Altera  
 ratio neganda, nec sine causa. Nam non est simile de ordinatione,  
 & de absolutione à peccatis, & à sententijs: posse enim alium or-  
 dinare, Episcopo dicitur conuenire, ratione consecrationis Episco-

palis: quæ nec amittitur, nec amitti videtur per quamcunq; culpam, siue sententiam: propter quod Episcopus hereticus, & ab Ecclesiâ prægicus, alium ordinare poterit: sed à peccatis, & à sententijs, Episcopo absolvere non conuenit: nisi ratione curæ, vel iurisdictionis, quæ per superiorem potest auferri: quare similitudo nulla dicitur fuisse argumenti formati secundi. & hæc de prima questione. Nunc superest, ut loquamur de impedimētis, quæ circa ordines contingere possunt. Queritur ergo; An mulier, vel puer ordinari queant. Pro parte affirmatiua quidam in hunc modum ratiocinari solent. Quæ sunt eiusdem speciei, actiones quoque eiusdem agentis recipere poterunt: at vir, & mulier, puer, & adultus sic se habent: ergo, &c. Præterea: nonne ad idem tendit illud, quod dicitur de diaconissa? ergo, &c. Ex alio latere quia ordinibus dicitur officium docendi annexū esse: sed pueris, & mulieribus non conuenit docere: pueris quidem ob rationis defectum: mulieribus propter interdictum Apostoli Tim. ii. Mulierem docere in Ecclesia non permitto: neque dominari in virum: quare, &c. Pro decisione huius secundi quesiti est sciendum: ordinis sacramentum sex necessaria requirere: sexum scilicet virilem. unde mulier non dicitur susceptibilis ordinis: non enim, ut vult Ricardus mulier debet tonsurari: turpe enim est (inquit Apostolus) mulieri tonderi. Viri itaque solum sunt ordinandi. Requiritur & baptis-mus præcedens, qui etiam est fundamentum ceterorum sacramentorum. unde si aliquis non baptizatus ordinaretur, nihil reciperet. Insuper potestas ordinantis, quia qui non est Episcopus, ordines conferre minime potest. Rursus inientio recta, ut scilicet ordina-

tus intendat facere, quòd facit Ecclesia. Præterea materia, seu sacramentũ, ut libri traditio, & similitum cum forma verborum. Deinceps tempus, & etas secundum aliquos. unde paruuli excluduntur ratione defectus etatis, & rationis, licet quidã opinentur, quòd etas sit de congruitate, non autem de necessitate huius sacramenti. Scotus tenet, & benè: quod puer non habens discretionem, ordinis sacramentum non potest recipere: quia talem gradum nequit cum debita reuerentia recipere. His ita positis, ad duo formata prius argumenta nunc Respondendum: dicamus ergo, primum habere veritatem, quando agens ex necessitate nature agit: at non quando voluntariè, vel ut instrumentum agentis voluntarij, sicut est de illo, qui sacramenta ministrat. Nam non agere dicitur, nisi secundum formam impositam à principali agente. Ad secundum dicitur: quod Canones vocant Diaconissam non ab ordine Diaconatus, sed à benedictione: quia illi cõpetit legere Homeliã in matutinis, non autem Euangelium in missa, vel ministrare circa altare, ut Diacono conuenit. Hinc discite obiter: quod canon Presbyterã vocat viduam, quæ res quasdam Ecclesia habet custodire, ut suo loco dicemus. & hec pro presenti.

AN SPIRITVALIA VENDERE SIT LICITVM,  
Lectio CXXVIII.

**D**E Simonia licet multa superius sint à nobis dicta: pro maiori tamen eorũ intelligentia, ad huc duo in presenti inquirenda. & primò. An spiritalia temporali precio vendere,

vendere, vel emere liceat. Deinde ; An Simonia tribus illis committi dicatur modis consuetis : videlicet per munus à manu , à lingua , & ab obsequio . Quantum attinet ad primum : arbitror esse dicendum, quod sic. Nam Regnum celeste spirituale est , & licitè emi potest : ergo spiritualia , &c. antecedens patet auctoritate Gregorij dicentis : Regnum celorum tantum valet , quantum habes : ergo. Præterea : nonne orationes publicæ , & priuatae , nec non Ecclesiasticum officium spiritualia sunt ? certè sic : at pro his licitè temporalia accipiuntur : temporali itaq; precio spiritualia emi poterunt. Denique actus spiritualis prophetizare est , & prædicare , & huiusmodi alia facere : at qui pro his temporalia accipi consueuerunt : ergo , &c. Ex alio latere Gregorius in oppositum se habet in registro ? quare , &c. Pro decisione huius difficultatis primæ supponendum erit primò : quod nunquam de iure , nec licitè spiritualia vendi possint , nec emi. Talis enim venditio de se illicita est , & Simoniaca : quare , &c. de facto verò hac in parte nil dico : quia hoc modo per essentiam spirituale minimè vendi potest. Quo stante argumenta adducta facillimè ruent . Nam primum ex Gregorij auctoritate desumptum habet intelligi nō propriè loquendo , sed impropriè. Propriè enim Regnum celorum non venditur , quia Deus nil recipit à nobis : at dicimur illud bonis mereri operibus : quod meritum vocat Gregorius emptionem , ut iam diximus impropriè. Ad secundum dicitur primo intuitu pro spirituali temporale non esse accipiendum : at secundario scilicet pro sustentatione quid temporale sic : quare si primo modo sumatur argumentum nullum dici debet : at secundo modo, sic . Ad tertium potest dici :  
quod

quod munera à bonis exhibeātur prophetis magis ad sustentationem eorum, ut liberè spiritualibus vacare possint: quàm ad prophetia munera emendum. & hæc pro questione prima. Altera accedit dum quæritur. An illis tribus prænominatis modis Simonia committatur. Mihi sanè aspectu primo videtur, quod nō: ut enim superius diximus sola voluntate cōmittitur: ergo. Deinde: Simonia traxit originem, nec non denominationem à Simone: at ille solam pecuniam obtulit: quare dicendum: quod p̄ solum munus à manu Simonia committatur. In oppositum extat illud, quod Vrbani Papa dicit: & in decretis habetur: ubi tres supranominati modi consueti expresse Simonia causa dicuntur, ut puta munus à manu: à lingua, & ab obsequio. Pro Responsione sciendum: qđ Simonia, ut est peccatum, sola voluntate committitur absque quocunq; exteriori opere, sicut & cetera peccata. Nam omne peccatum essentialiter in actū voluntatis consistere dicitur: at talis Simonia iuris penā nō inducit, quia sola penitentia purgatur. Simonia verò quæ iuris penā inducit illis tribus fieri dicitur modis: scilicet p̄ munus à manu, à lingua, & ab obsequio. His ita positis, ad rationes p̄ parte negatiua formatas nunc respondendū. Prima. n. essentialiter loquēdo habet cōcedi formata ratio: quo modo Simonia, ut peccatū sola voluntate cōmittitur. At ut iuris penā inducit negatur: quia sic illis tribus fieri habet modis. Altera ratio corruiť si in specie consideretur: at cōmuniter bona. Licet ergo emptiones, & venditiones cōmunius fiant mediante pecunia: possunt etiam fieri alijs modis, qui per pecuniam possunt compensari. & hæc pro presenti. In sequenti Deo fauente vigesimā sextā in ordine aggređiemur distinctionem.

**A** Gebamus superius Nobilissimi Audit. de ordinis sacramento, quod ad Ecclesiæ spirituales multiplicationem pertinet. Consequens modo est verba facere de matrimonio ad naturalem multiplicationem spectante, & diuidi habet tractatus iste in quinque partes: in quarum prima agitur de matrimonio in se. In altera de eius causa efficiente. In tertia de eius fine. In quarta de eius bonis. In quinta, & ultima de eius causis materialibus, ut puta personis contrahentibus. Pars prima durat à principio istius distinctionis usq; ad vigesimam septimam, de qua suo loco agendum. Nunc versaturi circa primam, quinq; perpendemus iuxta illa, quæ nobis in presenti pollicetur Magister Sent. conclusionē primò; Probationē secundò; Notandum tertio; Quorundam errorem cum reprobatione quarto. Propositionem cum probatione quinto. Quo ad primum: sit hæc conclusio. Coniugij sacramentum (sicut & alia sacramenta) à Deo est institutum. At in paradiso ante peccatum solum ad officium, ut genus non pereat humanum. Secundariò verò in remedium. Ad quam secundo loco conclusionem probandam, ita dicemus. Tunc temporis fuisse institutum, quando Adam dixit: Hoc nunc os ex ossibus meis: & caro de carne mea. Postea in remedium, ut Matth. 19. dicitur. Quos Deus coniunxit, homo non separet: in remedium inquam, scilicet contra concupiscentiam, dum illam refrenat, ut medicamentum:



um; vel ut carnis vitium cohiberetur, ut inquit Paulus unde  
 Apost. ait. *Vnusquisque habeat suam uxorem propter fornicatio-*  
*nem: & per hoc matrimonium dicitur ab alijs differre sacramētis:*  
*quia sex alia sunt instituta solum in remedium: at matrimonium*  
*non solum in remedium, verum etiam in officium fuit institutum.*  
*Duplex ergo eius institutio. Differt autem prima, ut norunt periti,*  
*à secunda: quia prima fuit facta in paradiso: secunda extra para-*  
*disum. Rursus prima ad officium naturæ multiplicandæ: secunda*  
*ad remedium concupiscentiæ. Deinde prima fuit in necessitatis præ-*  
*ceptum: secunda verò voluntaria à tempore multiplicati generis*  
*humani. & accipienda est secundum indulgentiam: pro cuius in-*  
*tellektu tertio accedit loco de indulgentia notandum. Nam hoc no-*  
*men indulgentia tripliciter sumi posse videtur. Quandoque enim*  
*pro remissionem: quandoque pro concessione: deniq; pro permissio-*  
*ne, ut in proposito: nam coniugium indulgetur, idest conceditur,*  
*nec talis coitus prohibetur. His quartò accedit error quorundam*  
*peruersorum nuptias damnantium, & detestantium, contra quos*  
*sic insurgit Magister Sent. dicendo. Taceant in hoc errore perni-*  
*ciosè perseverantes Tatiani sic appellati. Coniugium enim res bona*  
*est, quia à Deo institutum. In cuius rei signum in Cana Galilææ*  
*nuptijs interfuit Christus, easque miraculo commendauit aqua in*  
*vinum conuersa. Qui etiam postea virum dimittere uxorem pro-*  
*hibuit, nisi fornicationis causa. Insuper Apost. ait: Virgo non*  
*peccat, si nubat. Constat ergo rem bonam esse matrimonium, alio-*  
*quin non esset sacramentum. Tandem ponenda venit hæc proposi-*  
*tio. Electorum Ecclesia, nō solum iungitur Christo spiritualiter,*  
 sed

sed etiam verè, & corporaliter. Pro cuius insinuatione est supponendum: quod coniugium sit sacramentum, & sacrum signum rei sacræ scilicet coniunctionis Christi, & Ecclesiæ in conformitate natura, & unionis in charitate. Quæ duo matrimonium carnali copula cõsummatum perfectè significant. Est tamen matrimonium perfectum: in quo consensus est animorum sine carnali copula, licet quidam ausi sint dicere, quod non. Num verò res ita se habeat, quid Aug. dicat, audite: ait enim ipse, quod in nuptijs plus valet sanctitas sacramenti, quàm fecunditas ventris. unde solet coniugium dici signum spiritualis coniunctionis, & animorum dilectionis, qua inter se coniuges uniri debent. unde Apost. ait: Viri diligite uxores vestras, ut corpora vestra. & hæc satis.

## DE MATRIMONII MVLTIPlici

### CONSIDERATIONE.

#### Lectio CXXX.

**I**N gratiam prædictorum, inutile minime erit hodierna die tria contemplari. & primò quotuplex sit matrimonium. Insuper quot modis nuptiæ sumantur. Tertiò; An matrimonium sit sacramentum. Quo ad primum: Matrimonium triplex esse dicitur (ut scribit sanctus Bonaventura) quoddam est initiatũ, quoddam ratum, quoddam consummatum. Matrimonium initiatum illud dicitur: quod initiatur desponsatione de futuro: ratificatur deinde in consensu de presenti, & consummatur in copula carnali. Matrimonium ratum illud dicitur: quod inseparabile est. Matrimonium

monium verò consummatum illud, quod consummatur, ut paulo  
 ante diximus, in carnali copula. At dicetis: audiuius aliàs dari  
 matrimonium legitimum, & non ratum, in super ratum, & non  
 legitimum, tandem legitimum, & ratum: queso nobis hæc aperias.  
 Dico ergo; illud esse matrimonium legitimum, & nō ratum, quod  
 legali institutione, vel prouincia moribus contrahitur, quod tamen  
 separabile dicitur. Ratum verò matrimonium, & non legitimum  
 illud est, quod fuit contractum inter fideles, qui sacramentum ba-  
 ptismi susceperunt contemptis solemnitatibus, quæ adhiberi debent  
 secundum Ecclesiæ consuetudinem, & Patriæ morem, ut matri-  
 monium clandestinum: quod tripliciter dicitur. Vno modo quia  
 contrahitur sine presentia testium. Alio modo, quia non adhibitis  
 solemnitatibus consuetis, quamuis contractum sit in presentia te-  
 stium. Tertio modo, quando fit sine premissa denuntiatione. Hic  
 tamen notandum: clandestina prohiberi matrimonia secundum  
 Ric. & Concilium Tridentinum. Tandem matrimonium legiti-  
 mum, & ratum illud dicitur, quod est contractum inter fideles,  
 qui baptismi sacramentum susceperunt, & non sunt illegitimæ per-  
 sonæ ad contrahendum, & solemnitates debitas secundum Ecclesiæ  
 consuetudinem, & Patriæ morem adhibuerunt. & hæc propuncto  
 primo. In subsequenti de nuptijs loquuturus, velim sciatis: quod  
 in scriptura tres leguntur nuptiæ, quas Pater fecit filio suo. Primò  
 fuerunt nuptiæ incarnationis, in quibus verbum uniuert sibi homi-  
 nem in unitate suppositi. De quibus Io. Verbum caro factum est.  
 Secundæ nuptiæ fuerunt reconciliationis: in quibus Christus uni-  
 uert sibi totam Ecclesiam in unitate mystica. Tertiæ nuptiæ fuerunt

glorificationis, quæ facta sunt in die Resurrectionis, ubi Christus corpus gloriosum recuperavit. Quæ perficientur nobis in die Resurrectionis: ubi nos resurgemus indui stola gloria: de quibus Apost. Gaudete, & exultate, quoniam venerunt nuptia agni: & sponsa ornauit se: de quo latius Iacob de Valentia scribit. hæ nuptiæ, de quibus hætenus sumus loquuti spirituales dicuntur, ut Christi coniunctio cum Ecclesia, quæ hic inchoatur in via, & consummatur in Patria. Vel inchoata, quando ut iam diximus, humanam naturam uniuert cum diuina in utero virginali in opere incarnationis. Sunt insuper nuptiæ Christi ad hominem, quæ inchoantur per fidem, & baptisma, ratificantur per charitatem, consumanturquæ per gloriam. & hæc de sectis duobus ad amissim. Superest videre; An matrimonium debeat dici sacramentum. Pro parte negatiua quidam sic ratiocinantur dicentes. Omne sacramentum formam dicitur habere distinctam à materia: at hoc in matrimonio non dicitur esse, quia verba viri suum exprimentia consensum non sunt magis forma, vel materia quàm verba mulierum: Ergo matrimonium non est sacramentum. In oppositum arguitur: omne enim remedium contra peccatū est sacramentum. At matrimonium sic se habet: ergo sacramentū. Deinde, si matrimonium sacramentum non esset, tunc temporis matrimoniij causa purè temporalis esset, & ad Iudicem secularem pertineret, & non ad Ecclesiasticum: at oppositum euenit: quare matrimonium dici debet secundum rei veritatem sacramentum. Hoc itaque cum sit absolutè tenendum, superest, ut rationibus occurramus ad primam primo dicentes: quod concedenda sit strictè loquendo: at largè loquendo

quando nulla. Nam matrimonium est sacra rei signum, & ita sacramentum. Ad argumentum alterius partis primum, venit gloriosa maior. Nam non omne remedium contra peccatum dici debet sacramentum: Quia si indigenti pecunia detur, ne furetur, ipsi quidem in remedium dicitur: ob id pecunie collatio non dicitur sacramentum. Sola ergo illa sacramenta, quae in remedium sunt ordinata ex institutione diuina per virtutem supernaturalem eis collatam, vel assistentem. Ad alterum argumentum dicitur: quod matrimonium est sacramentum, ut alias fuit dictum: sed dato, & non concesso, quod nullo modo esset sacramentum, adhuc eius cognitio spectat ad Iudicem Ecclesiasticum, quia ad conscientiam solam hoc totum pertinet. & haec pro presenti.

## QVOD SIT CONIVGIUM.

Distinctio 27.

Lectio CXXXI.

**D**E matrimonij institutione erat sermo in hesternalectione nostra: consequenter in presenti de eodem agendum, quantum ad eius causam efficientem. Et circa hoc quatuor in specie erunt ponderanda. Conclusio primò. Quid sit matrimonij secundò. Causa efficiens tertio. De sponsalibus distinctio quartò. Quo ad primum: sit haec conclusio. Quicumque alicui per matrimonium legitime copulatur, sine alterius consensu ab eo minime separatur. Pro cuius intellectu loco secundo quod quid est matrimonij considerandum: diuersimodè enim solet describi. Nam se-

cundum Scotum : matrimonium est vinculum indissolubile inter  
 marem, & mulierem ex mutua translatione potestatis corporum  
 suorū se inuicem facta, ad procreandam prolem debite educandam.  
 vel secundum Aug. lib. de Virginitate beatæ Virginis ita erit di-  
 cendum : qđ sit legitima societas inter virū, & seminā : in qua ex  
 pari consensu semetipsum alteri debet. vel secundū Magistrū hic :  
 quod sit viri, mulierisq; coniunctio maritalis inter legitimas perso-  
 nas indiuiduam vitæ consuetudinem retinens. Ibi coniunctio, ut  
 Brulefer scribit pro carnali coniunctione non debet capi, sed pro  
 animorum coniunctione, quæ sola de presenti verborum fit prola-  
 tione : ut potē : Ego accipio te in meam : & ego te in meum. Vbi  
 loco generis coniunctio ponitur, cetera verò pro differentijs. Et  
 dicitur matrimonium secundum Iliodorum, quasi matris munium,  
 idest officium, quia dat mulieribus esse matres. unde Aug. in libro  
 contra Faustum ait : matrimonium ideo dicitur, quia non ob aliud  
 debet mulier nubere, nisi ut mater fiat. Nam circa prolem magis  
 officiosa est, quam Pater, inquit beatus Thomas. Vocatur etiam  
 alijs nominibus matrimonium, scilicet, nuptia, coniugium, connu-  
 bium. Nuptia secundum Ricar. eo quia nubentium capita velentur.  
 & hoc, ut mulieres cognoscant, se semper viris fore subiectas ait  
 Paulud. dicitur etiam coniugium, quia communi iugo coniungan-  
 tur, ratione effectus, qui proles dicitur. Insuper matrimonium,  
 quasi matris munium idest officium, eo qđ matri incumbit officium  
 nutriendæ prolis vel quasi : Matrē muniens, quia per ipsum prole  
 munitur : vel quasi matrem monens, scilicet ne derelinquat virum.  
 Nuptia verò secundum Paulud. dicuntur à nube : ut sicut nubes  
 tempus



tempus offuscet, & turbidum reddit, sic nuptia nuptam offuscere dicitur, ut quo ad lasciuos gestus, corporalesq; contractus omnibus obscura, & turbida reddatur, præter quàm viro suo. Connubium autem, quasi simul nubium: & coniugium quasi simili cōsensu iunctum. At hic noteris: quòd prædicta diffinitio data per Magistrum non conuenit vniuersaliter omni matrimonio, sed solum matrimonio fideli, & consummato per subsequenter copulam carnalem. & signum in hoc sacramento est verbum, vel nutus: & hoc est signum principale: minus verò principale carnalis copula. Signatum in hoc sacramento est coniunctio Christi cum Ecclesia. Et actus exteriores, quibus persone matrimonium contrahentes se mutuò obligant, sunt sacramentum tantum, ait Thomas Argen. At gratia à Deo data personis legitimè contrahentibus, ac etiam coniunctio Christi cum Ecclesia, per matrimonium figurata, sunt res sacramenti tantum: at ipsa perpetua personarum contrahentium mutua obligatio sacramentum est, & sacramenti res. Nam respectu actuum exteriorum, quo sunt sacramentum tantum, ista obligatio res sacramenti est: sed respectu coniunctionis Christi cum Ecclesia, quam significat, & respectu gratiæ, quam efficit, sacramentum est. His notandum vnum secundum Scotum addite de matrimonio: de contractu matrimonij, & sacramēto, quæ tria differunt. Nam matrimonium illud, ut supra dictum: contractus verò matrimonij est maris, & feminae mutua corporum translatio suorum pro vsu perpetuo, ad procreandam prolem debite educandam. Sacramentum matrimonij expressio certorum verborum maris, & feminae ad se inuicem signantium, traditionem mutue potestatis corporum

ad

ad prolem, &c. ad coniunctionemquē mutuam animorum gratiosam. & hæc de punctis duobus. In tertio efficiens causa matrimonij tangitur, quæ mutuus consensus per verba de presenti expressus dicitur. An res ita se se habeat audite Isidorum primò dicentem: consensum facere matrimonium. Rursus Nicolaus Papa dicit: sufficiat solus secundum leges eorum consensus. Insuper Io. Chrysostomus. Matrimonium quidem non facit coitus, sed voluntas. Item Ambr. non defloratio virginis facit coniugium, sed pactio conjugalis. Ex his ergo apparet, quod consensus, id est pactio conjugalis matrimonium facit, licet non sit secuta copula carnalis. Verum quia nonnulli ante carnalem copulam sponsalia esse volebant, non coniugium: & alias dici sponsas, & alias coniuges sponsas, & non coniuges: quia sponsus inuita sponsa monasterium possit eligere, at coniugatus non: propterea quarto loco Magister Sent. de sponsalibus distinguit dicens: quod sponsalia de futuro coniugium non faciunt: at sponsalia de presenti benè connubium faciunt. Concedatur ergo illorum opinio loquendo de sponsalibus primo modo: at altero modo minimè. & hæc de tota distinctione: quam suo loco examinabimus, Deo duce.

## AN CONSENSVS MATRIMONIVM CAVSET.

## Lectio CXXXII.

**C**onsueuerunt sacri Theologi examinare volentes verba Magistri circa distinctionem hanc in dubium reuocare duo. Quorum primum matrimonij causam respicit efficientem.

entem. Alterum verò matrimonij solutionem. Quæritur ergo primò; An per verba de presenti consensus expressus matrimonium causet, ut in textu Magister asserebat. Insuper; An ad ingressum Religionis connubium solvatur. Quantum ad primum: quibusdam visum est: quod consensus de presenti non causet matrimonium: quia si propositum causa dicitur propositi: sic etiam oppositum causa oppositi. At dissensus qui opponitur consensui, matrimonium solvit minimè: ergo consensus non causat: quare malè Magister. Insuper: veluti homo homini per matrimonium obligatur: ita per votum homo Deo obligatur: at ad voti obligationem interior promissio sufficere dicitur sine verborum expressione: ergo ad matrimonij obligationem sufficiet sine expressione verborum interior promissio: & ita non rectè se gessit hac in parte Magister. Deniq; ut omnes dicunt: in Religionis professione quoddam spirituale matrimonium contrahi solet: atqui professio per verba de futuro, dicendo Ero obediens: Matrimonium igitur carnale non per verba de presenti, sed per verba de futuro debet contrahi. In contrarium se habet Magister in textu: quare pro determinatione huius difficultatis primè, erit primò sciendum: in sacramento matrimonij duo, sicut in alijs sacramentis esse. Quædam de sacramenti necessitate: & quædam de solemnitate. In matrimonij substantiam est consensus per verba de presenti expressus: quæ verò ibi ad solemnitatem, & decorem, sunt prædictæ solemnitates, sine quibus matrimonium quidem verè dicitur, quantum ad virtutem, licet non quantum ad honestatem. His ita positis, Respondetur modo tribus formatiis argumentis: & primo ad primum, dum dicitur: quod propositio

positio allata de opposito in opposito, &c. habet veritatem quando ibi sit assignare aliquid, ut causa sufficiens: non solum efficiens, sed conseruans: consensus verò qualitercunque expressus, matrimonij causa sufficiens non dicitur, nisi supposita institutione diuina, quæ non concurret cum dissensu ad matrimonium dissoluendum, sicut cum consensu ad construendum: ideo non valet. Ad secundum negatur similitudo: quia in prima obligatione Deus cor intuetur: & ideo sufficit ibi actus interior: de obligatione autem matrimonij, quæ sit homini, qui videre non potest nisi, quæ exterius patet. Propterea præter consensum interiorem, eius expressio requiritur per verba exteriora, vel signa vicem verborum gerentia: quare de voto, & matrimonio nulla, ut dixi, est similitudo. Ad tertium Respondetur: quod professionis obligatio sit per verba de presenti: ut cum dicitur: Facio professionem: sed obligatio ad actus futuros per verba de futuro: ut cū dicitur, Promitto, quod tibi obediens ero: sub quo sensu formata fuit illa ratio in ordine tertia: quæ sub primo nulla. Explanata satis exactè prima in ordine de duabus propositis questione: altera subsequitur, dum queritur; An ad Religionis ingressum soluat matrimonium. Quidam ad partem affirmatiuam declinantes sic arguunt. Illi qui spiritui Dei aguntur non dicuntur sub lege esse (ut ad Gal. v. dicitur) at Religionem ingredientibus videtur Dei spiritu duci: non igitur legi matrimonij subiaceret ille, qui Religionem ingreditur. Multo plura essent dicenda circa hanc presentem materiam: at quia breuitate gaudent moderni: iccirco quedam præmittam, & quid tenendum dicam suppono ergo primo: matrimonium duobus dici solui modis: uno modo

modo, quo ad vinculum: alio modo, quo ad torum. Quantum ad primum potest dici, quod matrimonium, vel est per copulam carnalem consummatum, vel non: si non: per ingressum religionis sic soluitur. Si autem matrimonium sit de consensu utriusque consummatum aliter dicendum seruatis seruandis. Nunc ad argumentum formatum satisfacio breui, dum dico: quod ille, qui religionē ingreditur post consummatum matrimonium sine consensu alterius, spiritus sancto, qui est spiritus veritatis, non ducitur: quare falso nitebatur supposito. Et hec de pollicitis satis. In sequenti ad alia nostra vertetur oratio.

## SI CONSENSVS DE FUTURO, ETC.

Distinctio 28.

Lectio CXXXIII.

**H**aec est prestantissimi Auditores vigesima octaua distinctio explicanda: cuius pendentia primo consideranda: Insuper diuidenda. Quo ad primum: ex quo Magister loquutus est de causa efficiente matrimonij: consequenter nunc verba facturus est de qualitate consensus, qui matrimonium facere dicitur. Et hec de pendentia huius à precedenti. Diuidi modo habet in segmenta sex. Quorum primum propositionem continet. Alterum dubium cū determinatione. Tertium instantiam: Quartum conclusionem. Quæsitum in ordine quintum. Responsonem sextum. Accipite nunc primum, ubi hec propositio habetur. Non tenet matrimonium, quod per consensum de futuro contrahitur:

Vu

licet

licet etiam iuramento fuerit stabilitum. *Ad quam insinuandam Magister Sent. loco secundo excitat dubium. An scilicet consensus de futuro iuramento firmatus verum faciat matrimonium. Primo aspectu videtur esse dicendum, quod non: per talia enim verba solum futurus promittitur consensus, nō presens exhibetur: Insuper per iuramentum nil aliud sit, quàm confirmatio promissionis super contracto faciendo: quare non ibi verum matrimonium. At dicetis: si alter, vel uterq; sic promittentium ad copulam aliam transferit: num verum matrimonium sit? ad hoc dici potest, quod sic: nec impediri, neque dissolui debet per præcedentem sponsionem. Præcedens verò mendacium, vel periurium penitentia erit corrigendum. At ingenio pollentes vos video una cum Magistro Sent. tertio loco contra prædicta argumentari, ac instare dicentes: legem quandam contrarium asserere. Si sic: ergo cum iuramento videbitur illud verum esse matrimonium cum consensu futuro. Ad hoc vos respondere in hunc modum docco. Legem scilicet illam intelligendam fore de iuramento adhibito verbis de presenti: vel quod post iuramentum, non autem ante debeat fieri: & hæc de tertio secto pro presenti. In quartò ponitur hæc conclusio. Illis verbis, quibus matrimonium cōtrahitur, consensus copula carnalis, & coniugalis minimè exprimitur. Pro cuius insinuatione, cum via dubitandi sit maxime idonea ad veritatem indagandam, hinc quinto querit loco Magister Sent. in quid consensus debeat esse faciens matrimonium. An in cohabitationem? Si sic: tunc soror, & frater essent coniuges: si verò in carnalem copulam: in illud absurdum incideremus: quod inter beatam Virginem, & Ioseph non fuisset*



fuiſſet matrimonium, ſeu coniugium. Queſito propoſito Magiſter ultimo loco reſpondet dicendo: quod ille conſenſus in coniugalem debeat eſſe ſocietatem: in cuius ſocietatis ſignum mulier non de capite, nec de pedibus formata fuit: ne vel Domina, vel ſerua videretur: ſed de latere; ut duo in carne forent una, & in animorum conſenſu. & hæc pro præſenti.

AN CONSENSVS DE FUTVRO CVM  
CARNALI COPVLA SEQVENTE

ad matrimonium ſufficiat?

Leſtio CXXXIII.

**A**Veſtigijs ne videar recedere meis, hodierna die circa prædeclaratâ diſtinctionem queſita duo proponam: & primò. An conſenſus de futuro cum carnali copula ſufficiat ad matrimonium. Inſuper; An conſenſus de præſenti conditionatus matrimonium faciat. Quantum attinet ad primum, pro parte negatiua ratiocinantur quidam in hunc modum. Poſterius cauſa prioris eſſe minimè dicitur: at copula carnalis ſic ſe habet: igitur, &c. ideſt matrimonium tale nullum erit. Ex alio latere quia in textu Magiſter Sent. in oppoſitum ſe habet: iccirco pro dilucidatione huius difficultatis primæ duo ſupponenda ſunt: quorum primum reſpicit conſenſum, qui fictus eſſe non debet: quia ex conſenſu ficto nunquam fit matrimonium. Nam conſenſus fictus non eſt conſenſus, ſicut nec homo pictus dicitur homo. Secundum eſt: quod poſt contracta ſponſalia, vir, & mulier ſi cōueniant cum

intentione exhibendi, quod in sponsalibus promisserunt, sic est verum matrimonium: & secundum Ecclesie iudicium: & secundum conscientie quoque. His ita premissis, ad rationem negativam adductam respondendum sic: quod sequens copula non faciat matrimonium, nisi quatenus signum presentis consensus, aliter non. Explinata breuibus verbis questione prima: altera superest, dum queritur. An consensus de presenti conditionatus faciat matrimonium. Mihi primo aspectu videtur, quod non: quia huiusmodi certus non est: at consensus debet esse certus: ergo. Pro intellectu huius difficultatis secunda notandum erit: quod conditionum appositarum in matrimonij contractu: quedam dicuntur esse contra matrimonij substantiam: ut si alter dicat alteri: contraho tecum, si prolis generationem euites, quod est contra bonum prolis. vel contraho tecum, si sterilitatis venena procuraueris, vel quid aliud huiusmodi, & tunc nulla dicitur esse obligatio (ait Bonauentura) vel donec inueniam aliam honore, vel facultate meliorem, quod est contra matrimonij significationem, ut ait Ricardus, aut si ad adulterandam te tradas, quod est contra bonum fidei: & sic sub talibus conditionibus nullum est matrimonium. Dantur quedam alie conditiones secundum Ricardum. que minime sunt contra matrimonij substantiam: & istarum quedam sunt turpes, aut impossibiles, sub quibus contractum matrimonium conditionibus tenet: quia pro non adiectis habentur, ut si dicatur: contraham tecum, si furatus fueris, vel si Deum offenderis: qua conditio secundum Bonauenturam pro non adiecta habenda est. Quedam vero alie sunt conditiones honeste, & possibiles: & harum quedam de preterito (ut  
 si di-

*ſi dicatur ) contraho tecum ſi maritus tuus mortuus eſt : quedam de preſenti ( ut ſi dicatur ) contraho tecum , ſi tu es virgo : & ſub iſtis conditionibus , & conſimilibus matrimonium contractum tenet exiſtentibus rebus in conditionibus appoſitis , aliter non . Quaedam ſunt alia de futuro conditiones ( ut ſi dicatur ) contraho tecum , ſi patri tuo , vel patri meo placuerit : & tunc iudicandum eſt , ſicut de ſponſalibus ſub conditione contractis . His ita poſitis , nunc ratio ſuperius formata de facili ſoluetur . Nam dici poteſt : quod conditionatus conſenſus conditione præterita , vel præſente , vel futura neceſſaria ita certus ſit , ſicut non conditionatus : quia conditio appoſita certa eſt : nec aliquã à ſenſu certitudinem tollit , ſive ſit turpis , ſive impoſſibilis : cum habeantur non pro adiectis . Conſenſus autem conditionatus conditione contingente futura , non cauſat matrimonium , ſed ſponſalia . & hæc de pollicitis .*

## COACTIO CONSENSVM CONIV-

GALEM EXCLVDIT.

· Diſtinctio 29.

· Lectio CXXXV.

**E**nodaturus vobis in præſenti meo ſermone diſtinctionem in ordine huius libri quarti vigefimam nonam : nexum in primis ob oculos veſtros ponam : Inſuper ad diuiſionem accedam . Ex quo ergo Magiſter de cauſa efficiente matrimonij determinauit ſuperius , conſequens modo eſt loqui de impedimentis cauſæ efficientis , & circa hoc quatuor pollicetur : conſuſionem primo.

primò: Probationem secundò: Notandum tertio: & corollarium  
 quartò. Quantum ad primum: hæc conclusio ponenda venit. con-  
 iugalis consensus oportet, quod non sit coactus, sed voluntarius.  
 Huius rei causa de facili reddenda in hoc puncto secundo. Nam  
 consensus, ut matrimonij causa, defectiuus minimè esse debet: alio-  
 quin tunc consensus appellari non deberet. Vt enim consensus per  
 coactionem extortus matrimonium neutiquam facit: sicut testari  
 videtur Urbanus Papa scribens Sanctio Regi Aragonum in hunc  
 modum. De neptis tue coniugio, quam te cuidam militi daturum  
 necessitatis instante articulo sub fidei pollicitatione confirmasti, hoc  
 æquitate dictante decreuimus: ut si illa virum illum omnino (ut  
 dicitur) renuit, & in eadem voluntate persistit, ut viro illi prorsus  
 deneget nupturam: nequaquam eam inuitam, ac renitentem  
 eiusdè viri cogas copulari coniugio. Inter ergo renitentes fieri mi-  
 nimè posse matrimonium constat. Hic tamen tertio notandum ve-  
 nit loco: quòd si post talem coactionem subsequens consensus inter-  
 uenerit: & simul cohabitent, nec contra matrimonium reclamant,  
 tunc cõsentire videntur: & ita subsequens consensus supplet, quod  
 præcedens coactio tulerat. Hinc corollarium tale colligitur: quod  
 qui in vitæ principio coniunguntur, si non discedant opportunitate  
 habita, cõsentire videntur. Rursus: quemadmodum in nuptijs, ita  
 etiam in sponsalibus debet consensus esse voluntarius. Vnde qui  
 manifestè non contradicunt consentire videntur: & ideo talis ta-  
 citus consensus matrimonium non soluit: sed priora etiam sponsalia  
 confirmat, ut videre est in hac perbreui, facili, utiliquè admodum  
 à nobis paucis declarata distinctione. & hæc pro presenti nostro  
 sermone.

*Sermone. In sequenti necessaria non omitemus, quando Magistri dicta examinabimus.*

AN COGI VOLVNTAS POSSIT.

Lectio CXXXVI.

**D**V O animaduersione digna nobis examinanda occurrunt circa predeclaratam distinctionem quesita: quorum primum. *An consensus possit esse coactus: vel ipsa voluntas cogi queat ad consensum, vel ad quemcunq; aliū actum. Insuper. An ad matrimonium sufficiat coactus consensus. Quo ad primum: affirmatiue sic arguitur. Per demonstrationem ad consentiendum alicui cōclusioni intellectus videtur posse cogi: igitur, & voluntas: consequentia patet, quia potentia nobilior videtur esse intellectus: quare si primum verum, non secus, & secundum: & ita ad consentiendum sibi alicui proposito poterit cogi ipsa voluntas. Præterea: quando duo motus contrarij sunt, si unus naturalis est, alter dicitur violentus, ut patet in physicis, & in motu lapidis sursum, atq; deorsum. à simili in actibus contrarijs voluntatis, si unus voluntarius, alius contrarius erit violentus: at successiue voluntas contrarios habet actus, quia quandoque vnum volumus: deinde oppositum. Igitur, &c. Præterea: omne quod sub tristitia cadit violentum dicitur: at cum tristitia multa nos volumus, ut patet de his, quæ nobis nolentibus accidunt: igitur voluntas videbitur cogi posse, ac violentari. Ex alio latere illud, quod est maxime liberum, cogi nequit: sed voluntas est maxime libera:*

*non*

non ergo, &c. Pro determinatione huius difficultatis prima distinguendum erit primò de coactione, & de actibus voluntatis: deinde descendemus ad solutionem questionis. Circa primum est sciendum: quod voluntatis actus duplex datur: unus ab ea immediate elicitus, ut velle, & nolle: alius imperatus ab ea, ut sunt actus potentiarum, qui voluntati subiiciuntur: ut percutere: currere: & sic de similibus alijs. Datur quoque coactio duplex: una simpliciter, ut cum aliquid in contrarium suae inclinationis ciatur, vel ab ea impeditur. V. g. dum lapis sursum mouetur: vel ne deorsum descendat impeditur: & hæc compulsio nuncupatur. Alia coactio secundum quid datur: quæ impulsio dicitur. Loquendo ergo de coactione simpliciter, & de actu à voluntate imperato: dicendum, quod voluntas cogi possit: quia omnis potentia, cuius actus habet esse in materia contrarietati subiecta, impediri potest: at hoc evenit in proposito: ergo. Loquendo verò de actu voluntatis elicitò: voluntas cogi minimè poterit: nisi velimus accipere coactionem pro impedimento actus. At strictè, & propriè accipiendo coactionem, nullo modo voluntas cogi potest, quia impedimentum actus nunquam uiolentiam includit, vel coactionem, nisi maneat inclinatio rei ad actum. Non enim lapis uiolentari diceretur, si deorsum descendere prohiberetur: nisi in eo maneret inclinatio ad talem motum. Ita de voluntate. dicendum, quod cogi nequeat quantumcunque impediatur ab actu uolendi, nisi in ipsa maneat inclinatio ad actum uolendi: & voluntas nō dicitur habere terminatam inclinationem ad aliquod uolitum tantum: quare nullo modo cogi poterit, quo ad actum elicitum. His ita positis, rationes modo soluendæ, & primò

prima,



prima, circa quā uariæ sunt opiniones. Nam quidam uoluntatem intellectu nobiliorem autumant: quidam alij intellectum. Nos pro presenti litem hanc dimittentes ad formam rationis dicimus: aliud esse necessitari, & aliud cogi: ratio formata de intellectu primo modo habet concedi: at secundo modo nulla est. Secunda ratio currit, & ueritatem habet, quando rei inclinatio est ad unum determinatè, & secundum modum determinatum: ut lapidis deorsum inclinatio: at uoluntatis inclinatio ad aliquod uolitum non est determinata, sed indeterminata ad omne illud, quod sibi ostēdi potest per intellectum: iccirco cogi non potest. Ad tertiam rationem dicitur: quod non omne triste est uiolentum simpliciter: at sufficit quod sit uiolentum secundum quid per impulsione, quæ ex timore maioris mali est: sicut est uelle merces in mare projicere mortis timore: & hanc coactionem posuimus in uoluntate respectu actus elicit: actus autem exterior simpliciter coactus esse potest: qui etiam tristitiam inducit in actu à uoluntate elicit, quatenus est contra eius naturalem inclinationem: est etenim tristitia de his, quæ nobis nolentibus accidunt, vel simpliciter, vel secundum quid. & hæc de prima questione. Solet queri secundò. An coactus consensus ad matrimonium cōtrahendum sufficiat. Mihi primo aspectu uidetur, quod sic. Nam Augustinus ait: quod coacta uoluntas est uoluntas: ergo. Aristoteles quoq; Ethicorum tertio dicit: uoluntarium mixtum plus habere de uoluntario, quam de inuoluntario: igitur consensus coactus magis uoluntarius, quam inuoluntarius iudicandus erit: & ita matrimonium non impedire potest. Preterea: coactione sufficiente uoluntas cogi non potest: nisi per blanditias, aut

per minas, quæ matrimonium non excludunt: ergo neq; consensus coactus. Ex alio latere oppositum legitur extra de sponsalibus cum locum, &c. Pro decisione itaque huius difficultatis secunda est notandum: qđ datur duplex metus: unus qui cadit in constantem uirum: & alius, qui non cadit. His suppositis, ad argumenta duo formata respondeo, & ad primum sic dico: quod coacta uoluntas sit uoluntas de se, & in se: at non in conspectu Ecclesiæ: quæ presumit: quod talis corde non consentiat, & ideo iudicat ibi non matrimonium esse. Ad illud philosophi non secus potest dici. Nam licet uoluntarium mixtum magis sit uoluntarium, quàm inuoluntarium: Ecclesia tamen talem cōsensum iudicat non sufficere ad matrimonij contractum. Ad illud de minis, & blanditijs dicitur: qđ similitudo non tenet: quoniam inductio per minas consensum dirimit: at inductio per blanditias auget. & hæc pro presenti.

## DE ERRORE, QUI EVACUAT CONSENSVM.

Distinctio 30.

Lectio CXXXVII.

**A** Gebanus superius de impedimento coactionis: consequenter in presenti pertractandum venit de impedimento erroris. Diuidatur ergo presens distinctio in secta octo: in conclusionem primò. In insinuationem secundò. In instantiam tertio. In propositionem quartò. In quesitum quintò. In conclusionem sextò. In quorundam errorem septimò. Et in unū notandum octauò. Quo ad primum: sit hæc cōclusio. In matrimonio contrahendo

hendo quatuor errores possunt contingere : quorum duo dicuntur ipsum soluere. Pro cuius insinuatione Magister Sent. loco secundo proponit primò, quod error matrimonium valet dissoluere : non quidem qualitatis error, vel fortuna: sed conditionis, atq; persona. Conditionis, ut quando putatur esse liber, qui seruus est. Similiter error persona matrimonium dicitur impedire : sicut si quis hanc nobilem mulierē in matrimonium petat, & sibi ignobilis alia detur. Sicut etiam, si quis emat aurum, & sibi detur auricalchum : non est venditio, sed deceptio. Ita in proposito est error persona : quando putatur hic homo, & est alius. Error autem conditionis, quando qui liber, ut paulò ante diximus putatur, seruus est. Error fortuna : quando diues creditur esse, & est pauper. Error qualitatis, quando creditur pulcher, qui turpis est : vel quando creditur bonus, qui malus est. Contra quæ tertio instat loco Magister dicendo : de Iacob. ut habetur Genes. 29. ubi legitur, quod per errorem ad Lyam accessit : error ergo persona nō videtur matrimonium excludere. Ad hanc instantiam, ut respondeat Magister dicit : hoc mysticè factum, siue gestū fuisse : nec illud matrimonium per illum errorem fuisse : at per consensum, qui accessit deinde. At dicetis : non videtur saltem à fornicatione excusari posse : quia accessit ad eam credens uxorem suam, cum non esset. Respondetur ad hoc : quod excusari dicitur, quoniam affectu maritali accessit, eamque cognouit : illa similiter uxorio affectu debitum persoluit. & hæc de sæctis tribus. In quarto ponitur hæc propositio. Et si inter Mariam, & Ioseph perfectum coniugium fuerit : tamen Maria licitè in sua virginitate permanere proposuit. Pro intellectu cuius, loco

quinto Magister querit: in quo Maria, & Ioseph consenserint, quando inter eos matrimonium celebratū fuit. Secundum beatum Augustinum videtur esse dicendum: quod Virgo beata proposuerit Virginitatem seruare, nisi Deus ei aliter reuelaret: ipsum tamen votum ore non expressit, virginitatem suam committens diuinæ dispositioni. Consensit ergo in copulam maritalem, siue in coniugalem societatem, ex familiari Spiritus Sancti consilio. Insuper dicendum est, secundum beatum Aug. quod implicite, licet non explicitē in copulam carnalem consensit: non illam appetendo, sed diuinæ dispositioni in vitroque, scilicet virginitate, & commixtione obediendo. Expressit insuper cum viro labijs votum: & ita uterque in virginitate permansit. Illud tamen matrimonium sanctitatis fuit perfectum, nec non quantum ad veritatem: & quantum ad illa tria bona, quæ ibi fuerunt: scilicet fides, proles, & sacramentum. Proles enim fuit Christus: fides, quia nullum adulterium: sacramentum, quia nullum diuortium. & hæc de quinque punctis. In sexto extat hæc conclusio. Causa principalis contrahendi matrimonium est prolis procreatio. Secunda fornicationis vitatio. Dantur aliæ causæ minus honestæ, ut viri, vel mulieris pulchritudo, vel abundantia pecuniæ, & diuitiarum. Rursus assignari videntur posse aliæ causæ honestæ: sicut inimicorum reconciliatio, & pacis reintegratio, & alia huiusmodi. Hinc septimò quorundam error amouendus: quidam enim in tantum ignorauerunt, ut dixerint matrimonium propter causam minus honestam non contrahi: at in oppositum Magister dicit: propter huiusmodi causas non impediri, quin matrimonium sit, & bonum: quia malicia,

licitia, vel peruersa intentio alicuius, sacramentum nō maculat, nec eius honestatem impedit: ut aliās satis abundē dictum fuit. His ultimo notandum additur loco de beata Virgine: cuius intentio, & Ioseph quēdam causa sunt speciales: nam prima fuit: ut Virgo viri solatio, & auxilio sustentaretur. Secunda fuit: ut partus Virginis Diabolo celaretur. Tertia fuit: ut Ioseph esset testis castitatis beatae Virginis, ut eam posset defendere ab infamia suspicionis: ne ut adultera lapidaretur. & hęc de distinctione tota trigesima satis dicta.

AN ERROR MATRIMONIUM IMPEDIAT.  
Lectio CXXXVIII.

**M**Oraturus aliquantisper circa prędeclaratam distinctionem, quesita duo vobis hodierna die proponam. Quorum primum. An error matrimonium impediat. Insuper. An Virginem beatam matrimonio copulari decuerit. Quantum ad primum: sic arguitur. Baptizatus ille est, qui ab uno credit baptizari, & baptizatur ab alio: similiter qui unum baptizat credendo alium baptizare: ergo illud matrimonium erit, si quis cum una contrahat credens contrahere cum alia. Pręterea: error in fide maximus est: at talis non impedit matrimonium: ergo neq; personę error. Minor patet exemplo: nam si aliqua cōtrahat cum heretico, quē catholicum credit, matrimonium tenet: nullus ergo alius error matrimonium impedire valet. Denique in emptione, & venditione, qua fieri solet: si detur aurum equiualens auro non impeditur

impeditur venditio, siue iste contractus: ergo neq; matrimonium, si una pro alia muliere datur. In oppositum se habet lex ciuilis, & veritas ipsa. Quare pro decisione huius difficultatis est sciendum: quod error impedit matrimonium: sed non quilibet error, sed personæ, ac conditionis. Quo stante: nunc rationes diluenda: quarum prima neganda, quia similitudo nulla. Nam baptismus efficaciam suam ex opere operato hēt, propter quod sufficit, quod baptizatus intendat baptizari, & baptizans baptizare. At matrimonium quædam obligatio est voluntaria contrahentium, habens suam efficaciam ex consensu eorum: quare, &c. ad secundam rationem de fidei errore potest dici: quod error in fide non sit contra essentialia matrimonij, sicut personæ: nisi ille error disparitatem cultus causaret, sicut si Iudeus cum Christiana contraheret, vel vice versa: at mulier contrahens cum heretico nesciens illum heretium esse, cum sint eiusdem cultus, quo ad obligationem: talis error nō dicitur contra essentialia matrimonij propter communem baptismum. Ad tertiam rationem dicitur: quod pecunia in contractibus accipitur quasi aliarum rerum mensura, & non quasi propter se quesita. At in re quesita propter se error si inueniretur cōtractus impediretur, ut in proposito loquimur de matrimonio: & sic ruit tertia ratio. Dilucidata prima his paucis verbis questione: queritur deinde. An beatam Virginem copulari matrimonio decuerit. Mihi videtur quod non. Nam consensus in carnalem copulam virginitati derogat: non ergo decuit beatam Virginem, quæ virginitatem vouerat matrimonio copulari. Deinde Hieronymi autoritate sic arguitur. Vouentibus virginitatem non solum nubere: sed velle nubere



nubere, damnabile est: nō ergo beata Virgo post votum debuit nubere. In oppositum se habet illud, quod dicitur Matthēi. i. in textu. Cum esset desponsata; &c. Pro determinatione igitur difficultatis secunde, supponendum est primò: quod votū vouit beata Virgo. Insuper, quod absq; p̄iudicio virginitatis nubere potuit. Quibus duobus suppositis: ad rationes nunc soluendas accedo, & ad primam dico: quod consentire in carnalem copulam sine certitudine expressa de non carnali copula subsequutur a derogat virginitati, in illis, qui votum fecerunt. At beata Virgo per Spiritum Sanctum fuit certificata: quod inter ipsam, & Ioseph non sequeretur carnalis copula: ideo sic contrahere matrimonium non fuit in p̄iudicium voti sui. Ratio altera hoc eodem modo intelligenda. & hęc satis.

## DE BONIS MATRIMONII.

Distinctio 31.

Lectio CXXXIX.

**E**Rat sermo superius de causa efficiente, & finali matrimonij, quę ipsum constituunt: hic verò determinandum de bonis matrimonij, quę sunt cause matrimonij actum honestantes. Diuidatur itaque p̄sens distinctio in puncta quinque. In quorum primo ponitur de bonis matrimonij conclusio. Insinuatio in secundo. Propositio in tertio. Instantia in quarto. Solutio tandem in quinto. Ad secti primi considerationem accedo, & hanc conclusionem pono: Communiter loquendo triplex bonum est

est in matrimonio. Scilicet fides, proles, & sacramentum. Hanc ut insinuet Magister Sent. loco secundo ista tria declarat, dum ait: ad fidē pertinere: ut vir ad aliam non accedat: nec mulier alium virum admittat. Insuper ad prolem: ut amanter suscipiatur, religiosēq; educatur. Ad sacramentum verò ut coniugium non separatur. Sed dicetis: videmus nos quandoque fieri separationes ex aliqua causa: igitur coniugium separari poterit? quo ad thorum, & corporaliter: ut respondeamus hoc non negandum: sunt enim in hunc modum separationes, aliter non. His addite unum consideratione dignum: quod quamvis bonum prolis, & bonum fidei aliquando in matrimonio deficient hominum peruersorum malicia, non ob id bonum illud, quod est sacramentum deficere dicitur. Et licet multi adinuicem contrahant incontinentiæ causa, dummodo ibi perpetuus sit contractus, nec generatio prolis vitetur: verum illud dici debet matrimonium. Iacobus de Valentia de matrimonijs bonis verba faciens, quatuor bona annumerat propter quæ matrimonium institutum fuisse ait. Primo propter bonum mutui obsequij. Secundo propter bonum fidei. Tertiò propter bonum prolis, ut Gen. secundo patet. Quarto in remedium libidinis. Sic etiam alia sacramenta instituta sunt in remedium. Nam baptismus datur ad originale peccatum delendum. & confirmatio ad robur, & ad resistendum temptationibus. Pœnitentia ad delendum actuale peccatum iam perpetratum. Extrema unctio ad venialia delendum, & oblita. Matrimonium verò ad remedium, ne actus venereus, & libidinosus debite cōmissus inter coniuges ad mortale peccatum imputetur. His tertio accedit hæc ppositio. Qui venena sterilitatis apponunt,

apponunt, non coniuges, sed fornicarij existunt: & si post animæ infusionem abortiuum procurent, se homicidas esse non dubitent. Si principium sit, ut iam dixi, animatū, aliter non. & hæc de punctis tribus. In quarto instantia offertur contra prædicta bona matrimonij, quæ à culpa coniugatos non videtur excusare. Nam Apost. actum videtur conjugalem secundum indulgentiam concedere, dum dicit: hoc autem dico secundum indulgentiam. Tunc sic: ubi indulgentia, ibi culpa: non ergo maritalis concubitus à peccato excusat. Pro solutione quinto est sciendum loco: duplicem dari indulgentiam: concessionis unam: permissionis alteram: qua præmissa distinctione modo dicitur: quod concubitus conjugalis, qui sit causa prolis secundum concessionem indulgetur, sicut minus bonum. Concubitus verò factus incontinentiæ causa secundum permissionem indulgetur, sicut minus malum. Huiusmodi tamen conjugalis actus excusatur per matrimonij bona, si fiat infrà matrimonij limites. At si excedat limites, malaq; intentio adsit, non videtur excusari. At dicetis: concupiscentia nonne semper mala est, & inordinata? Respondetur, quod sic: loquēdo de inordinatione penali, quæ dicitur pena peccati: non tamen semper dicitur inordinata inordinatione culpabili, quia non est semper peccatum propter bona matrimonij. Sed rursus instabitis dicentes: cur ergo Greg. dicit: quod post accessum ad uxorem debet huiusmodi ab ingressu Ecclesiæ abstinere? videtur igitur, quod in actu matrimonij sit peccatum mortale. Respondetur ad hoc: quod Gregorius habet intelligi sub hoc sensu: quando scilicet ad uxorem accedit incontinentiæ causa, vel quia vix sine incontinentiâ acceditur. &

*hec satis in speciali.*

AN BONIS ALIQUIBVS MATRIMONIUM  
EGEAT IPSVM EXCVSANTIBVS.

Lectio CXL.

**R**Imari volentes distinctionem hanc sacri Theologi, ex verbis Magistri Sent. occasionem nacti, duo in dubium reuocare consueuerunt. Quorū primum. An bonis egeat aliquibus matrimonium excusantibus ipsum. Insuper. An prædicta bona, de quibus sumus loquuti in textu Magistri, sint de necessitate sacramenti matrimonij. Quantum attinet ad primum: pro parte negativa sic arguitur. Matrimonium nonne fuit institutum in natura officium, & in concupiscentia remedium? certè sic. At id, quod in officium natura est, aliquo excusante non indiget: sic enim fuisset in paradiso durante statu innocentie: ergo neque secundum quod est in remedium videtur excusatione indigere. Deinde: actus quo indiuidua conseruantur aliquo excusante non egent, ut comedere, &c. igitur neque actus matrimonij, quo species conseruatur indiget excusari: quare Magister in textu dignus reprehensione videtur. Ex alio latere quia omnis carnalis actus, vel est malus, vel mali speciem habet, iccirco excusatione ad hoc, ut licite fieri possit, indiget. Pro determinatione ergo, ac dilucidatione huius difficultatis primæ, est sciendum: quod aliquis actus dupliciter excusari potest: vno modo ex parte facientis, & non ex parte actus: & sic excusatur actus, qui facienti ad culpā non imputatur, quam-

uis

uis secundum se malus sit. Alio modo actus secundum se excusari  
 dicitur, sub quo sensu loquimur nos in presenti. His ita premissis,  
 ad argumenta formata Respondendum: & primo ad primum sic:  
 quod carnalis actus, secundum quod est in officium natura, excusa-  
 tione indiget, cum indifferenter se habeat ad matrimonij actum,  
 & fornicationis: excusatur autem per circumstantias, quae trahunt  
 eum ad hoc, quod sit matrimonij actus. Circumstantiae verò illae sunt  
 bona fidei: prolis: & sacramenti: quibus etiam carnalis actus  
 tempore innocentiae bonus redditus fuisset. Ad secundum argumen-  
 tum dicitur: quod comestionis actus, quo indiuiduum conseruatur  
 debitis eget circumstantijs, quibus bonus reddatur: sed non adeo,  
 ut generationis actus: quia non dicitur esse tam vehemens delecta-  
 tio rationem absorbens in comedendo, sicut in actu corporali: quare  
 magis hic actus indiget excusari, quam alius. Explicata iam qua-  
 stione prima, subsequitur altera, dum queritur. An matrimonij  
 bona de sacramenti matrimonij necessitate sint dicenda. Mihi pri-  
 mo aspectu videtur, quod sic, per sufficientem diuisionem. Quia  
 aut ista bona matrimonio essentialia, aut non: si primo modo habeo  
 intentum: si secundo modo, tunc sic. Conditio, quae apponitur contra  
 accidentia contractus, contractum minimè vitiat: at conditio ap-  
 posita in matrimonio contra quodlibet predictorum vitiat matri-  
 monium: non igitur predicta bona accidentalia, sed matrimonij  
 essentialia censenda. Insuper: matrimonium sine predictis bonum  
 esse non potest: ergo videtur, quod haec sint essentialia matrimonij.  
 Assumptum patet per Aug. in textu. Ex alio latere quia inter ste-  
 riles, & adulteros verum extat matrimonium sine bonis istis: pro-

pterea huiusmodi bona matrimonij essentialia minimè erunt. Ad questionem hanc itaque terminandam velim sciat: quod duo horum, scilicet bonum fidei, & prolis, ducus accipi possunt modis: videlicet secundum executionem, vel secundum obligationem: si primo modo, neutiquam sunt essentialia matrimonio: quia ratione actus illud, quod matrimonio competit, essentialè nō est: nam actus matrimonij posterior est matrimonio: quare, &c. si autem sumantur secundo modo, scilicet quantum ad obligationem: tunc dicendum: quod sint essentialia matrimonio: quia ipsum matrimonium nil aliud est: quam obligatio uiri ad uxorem: & è conuerso ad tori fidelitatem, & ad susceptionē, & prolis educationem si contingat eam habere. His ita dispositis, nunc argumenta soluenda: primum ergo concedatur de bonis secundum obligationem: sed negetur secundum executionē: nec ob id in matrimonio videtur posse apponi conditio executioni contraria: quia tolleretur obligatio per quam accipitur potestas ad executionem. Secundum argumentum per idem ruit: quia bona prædicta non sunt debita esse in matrimonio, nisi quatenus obligationem respiciunt: & sic nunquam desunt: sed solum quo ad executionem.

AN MATRIMONII BONA ACTVM  
CONIUGALEM EXCVSENT.

Lectio CXLI.

**V**T finem imponamus prædeclarata distinctioni, adhuc quesita duo proponemus in presenti. Quorum primum.  
An



*An fides: proles: & sacramentum, actum coniugalem excusare valeant. Insuper. An sine his totaliter à peccato actus matrimonij excusari possit. Quo ad primum: pro parte negativa sic arguitur. Verecundia secundum Damascenum, & Philosophum Ethicorum quarto, non est nisi de turpi: at prædicta bona minime verecundiam tollunt à matrimonio: igitur nec turpitudinem, quæ videtur includere culpam: ergo, &c. Insuper. Vbi passio inordinata, ibi peccatum: at hæc tria non videntur posse tollere ab actu matrimonij passionis inordinationem: ibi ergo semper peccatum. Ex alio latere certum est: quòd nullus actus malus sub præcepto cadere potest: at actus matrimonij cadit sub præcepto: quare, &c. Pro intelligentia huius questionis est sciendum: quòd horum matrimonij bonorum duo sola matrimonij actum respiciunt, ut puta bonum fidei, & proles: bonum verò sacramenti solum vinculum respicit matrimonij, & non actum. Quo stante: rationes formate de facili ruent. Nam prima eget expositione: datur enim verecundia duplex: una est pertinenens ad culpam, altera ad culpæ speciem. Primo modo loquebatur Damascenus: at nos secundo modo: quare in actu matrimonij verecundia dicitur esse de eo, quod habet speciem culpæ, & non de culpa, quia ibi non admittitur propter prædicta bona matrimonij. Vel dicatis: verecundiam dici non solum de talibus: at etiam de defectibus naturalibus, ut hic. Ad secundam rationem distingo de duplici passione: quarum una immoderata dicitur, limites rationis excedens: altera verò, licet intensissima sit secundum se, tamen rationis limites sibi prefixos non excedit. Si de prima ratio concedenda: at de secunda, uti in proposito:*

positio: ubi non queritur, nisi in coniuge, & propter finē debitum, nulla est. Explanata iam prima questione: altera accedit, dum queritur. An sine huiusmodi matrimonij bonis à peccato matrimonij actus totaliter valeat excusari. Prima facie mihi videtur, quod sic. Nam usus matrimonij bonus est, & licitus: ergo. Confirmatur hæc veritas per Apostolum ad Cor. dicentem. Propter fornicationem unusquisq; suam habeat, &c. ergo. Præterea: qui re sua ad libitum utitur, non videtur contra iustitiam facere, & sic non peccat: sed vir uxore sua sic utitur: non ergo, &c. quare sine prædictis bonis totaliter à peccato excusari dicitur. Pro decisione huius difficultatis secunda est notandum: quod vir, & mulier, ut coniuges dupliciter convenire possunt: uno modo causa solius delectationis: alio modo propter vitandam fornicationem. Si primo modo adhuc dupliciter fieri hoc potest: uno modo querendo illam delectationem, in actu matrimonij, & sic à culpa dicitur excusari. Alio modo excedendo limites rationis, & matrimonij, ut cum quis vult delectari in coniuge attendens solum, quod mulier est, id est parata facere, ac si animo non esset coniux, tunc mortale peccatum incurrit. His in hunc modum constitutis, ad argumenta solvenda me confero, & ad primū dico: quod quando vir ad suam accedit uxorem propter fornicationem vitandam in ea, vel in se ipso, ibi fidei bonum dicitur inueniri: & ita argumentum bonum. Ad secundum dicitur: quod quamvis re sua uti, non videatur esse contra iustitiam: non ob id una circumstantia ad bonitatem actus sufficit, si d oēs, quæ deberent inesse, exiguntur: quod non fit tunc temporis, quando quis uxore utitur sua ad delectationem suam. &

hæc

*hec de propositis tot dixisse, sufficiat pro presenti.*

DE CARNALIS DEBITI SOLVTIONE

Distinctio 32.

Lectio CXLII.

**H**Acc est huius libri quarti distinctio trigesima secunda, circa quam versaturi in presenti, continuationem primo ponemus cum precedenti. Insuper ad diuisionem accedemus: tertio singulas partes enudeabimus. Quantum attinet ad primum: postquam superius de matrimonij bonis, quibus matrimonij actus excusatur determinauimus: consequens modò est de ipso verba facere, secundum quod debui rationem accipit. Habita his paucis continuatione verbis: nunc diuidenda venit presens distinctio in puncta septem. In quorum primo ponitur propositio. Insinuatio in secundo. Conclusio in tertio. Questio in quarto. Propositio in quinto. Instantia in sexto. Notandum demum in septimo. Vt rem aggrediamur sit hec propositio. In soluendo, & reddendo, carnis debitum, vir, & uxor habent par dominium. Pro cuius insinuatione loco secundo procedit ita Magister proponendo: quod cum vir in omnibus mulieri presit, sicut caput corpori, in redditione tamen debiti pares sunt: quia alter habet alterius corporis potestatem, ut alteri poscenti minimè liceat debitum denegare, siue poscat causa prolis procreanda, siue incontinentia causa, sic enim habet alter alterius corporis potestatem: quod sicut nec mulier ad alium virum, neque vir ad aliam mulierem accedendi habet potestatem.

statem. Nec etiam ad contingendum, sine mutuo consensu. His tertio additur propositio loco. Licet nullius sit criminis coniugale debitum reddere: exigere nihilominus ultra generandi necessitatem delictum apparet veniale: at fornicari, atque mechari mortale. Enodatis his paucis tribus sectis: quarto loco querit Magister Sent. An si vir uxori consenserat, ut Deo continentiam offerat, & à suo iure eam absoluat: rursus licite datam reuocare possit continentiam? ad hoc dici potest: quod in hoc casu, si ei consenserat continentiam vouere, & votum prohiberet implere, hoc bene posset: sin autem post, reuocare non potest. His quinto loco ponitur talis propositio. Nullus in matrimonio videtur licite debitum carnis posse quolibet die exigere, seu pascere. Nam licet debitum poscenti sit soluendum: non tamen videtur quolibet die licitum exigere: sicut in diebus festiuis, siue processionis, & ieiuniorum. Unde Aug. Christiano cum uxore sua aliquando licet conuenire, aliquando non propter processionis enim dies, & ieiuniorum, ut paulò ante diximus, conuenire aliquando non licet: quia etiam à licitis abstinendum est, ut facilius impetrari possit, quod postulatur. Contra predicta Hieronymus instare videtur. Nam ait: quod quandoque reddere debitum est peccatum. Reddens ergo uxori debitum orationibus vacare non potest: nec agni carnes sumere, idest Eucharistiam. Insuper dicere videtur, quod in diebus, quibus orationibus vacandum, vel sumenda Eucharistia, debitum non sit reddendum. Ad Hieronymi dictum velim respondeatis dicentes: ad Ecclesia ministros illud referendum: quibus non licet sacramenta offerre, vel mysteria celebrare tempore coniugalis amplexus. Denique

notandum

notandum venit: quòd, sicut in carnali commixtione, sic & in celebrandis nuptijs tempora sunt seruanda: quibuscunque enim temporibus nuptia minimè sunt celebranda. Tempora verò, quibus nuptiae non celebrandae, sunt à Septuagesima vsque ad octauam Paschae, & tribus septimanis ante festum Ioannis Baptistae: & ab Aduentu domini vsq; post Epiphaniam. Et de presenti distinctione tot dixisse sufficiat.

AN EX NECESSITATE PRAECEPTI  
DEBITVM SIT REDDENDVM?  
Lectio CXLIII.

**V**T dicta Magistri Sent. nobis dilucida fiant magis, quesita duo in presenti nostro sermone ponderabimus. & primò: An debitum in actu matrimonij de precepti necessitate sit reddendum. Insuper. An vnus coniugum sine consensu alterius valeat continentiam vouere. Quantum ad primum: insurgentes quidam pro negatiua parte sic ratiocinantur. Lepra videtur esse contra prolis procreationem, & educationem, nec non communicationē operum vitae. Ergo videtur, quòd coniugi leproso ille, qui sanus est, cohabitare non teneatur, neq; debitum reddere, & hoc, ne proles inficiatur: quare de precepti necessitate quilibet coniugum non teneri dicitur alteri ad redditionem debiti. Insuper, in loco sacro coniuges cohabitare minimè tenentur: ergo nec semper ad debiti redditionem. Antecedens patet, quia in loco sacro sacramenta cōfici habent: igitur, &c. At video, vos ex alia parte ratio-

cinari sic: ut seruus sub domini potestate est, cur vnus coniugum  
 sub altero non erit? si sic: ergo de precepti necessitate ad redditionem  
 debiti teneri dicentur. Pro decisione huius difficultatis prima,  
 sic procedemus: nam primò supponemus: quòd quilibet coniugum  
 alteri ex necessitate precepti teneatur ad redditionem debiti: quia  
 corpus vnius coniugum est res alterius, quò ad actum matrimonij.  
 Quicumque ergo coniugum negat alteri petenti, &c. quò ad actum  
 matrimonij mortaliter peccat, nisi legitimam negandi causam ha-  
 beat. Deinde sciendum: quòd, cum ex debiti redditione imminet  
 periculum reddenti, nullus dicitur teneri reddere debitum alteri  
 quantumcumq; petenti. Primò ex naturæ ordine inclinantis magis  
 ad indiuidui sui cōseruationem, quàm ad speciei multiplicationem.  
 Secundò ex ordine charitatis hoc idem patet: quilibet enim plus  
 sibi, quàm alteri tenetur: ergo. His ita positis, rationes modò for-  
 matae de facili soluentur. Primà ergo de lepra, debiti redditionem  
 non impedit, quia malum non semper euenit. Preterea: dato quòd  
 id semper eueniret, nonne proli melius esset sic esse, quàm non esse?  
 quare, &c. quid si mulier vltima lepræ speciei esset infecta, &  
 probabiliter crederetur, quod uxoris lepra in viri cederet infectio-  
 nem? tunc sanus vir debitum nō videtur teneri uxori leprose red-  
 dere. Secunda ratio de loco, & tempore est nulla: quia locus faci-  
 lius euitari potest, quàm tempus. Insuper locus polluitur ita, ut re-  
 conciliatione indigeat: tempus verò non. Explanata iam quæstio-  
 ne prima, subsequitur altera: An scilicet vnus coniugum sine licen-  
 tia alterius continentiam nouere possit. Pro parte affirmatiua sic  
 arguitur. Vir uotum transmarinum sine uxore uidetur emittere  
 posse:



posse: ergo, & religionem intrare, & ibidem continentiam uouere. Præterea: magis debitum est Deo seruire, quàm homini: igitur ut seruiat Deo vir sine uxoris consensu continentiam poterit uouere. In contrarium: se habet Apost. dum ad Cor. ait. Nolite fraudare inuicem, nisi fortè ex communi consensu ad tempus, ut uacetis orationi. Pro intellectu igitur huius difficultatis secunda, est primò sciendum: quòd neuter coniugum sine alterius consensu cō-  
tinentiam potest uouere, nisi sententia inter eos lata sit diuortij ob fornicationis peccatū spiritualiter, siue carnaliter patratum. Quo  
stante ad rationes prius formatas respondendum, & ad primam sic: per non esse simile de uoto transmarino, & continentia. Nam religionis uotum simpliciter debiti redditionem impedit, at trans-  
marinum ad tempus tantum. Ad secundam rationem dicitur de-  
inde: quòd absolutè loquendo magis debitum est Deo seruire, quàm homini: at alteri vinculo matrimonij obligatus sine licentia conti-  
nentiam uouere non debet: quia tunc temporis simpliciter à debiti redditione impediretur, quod tamen de præcepti necessitate est. &  
hæc de pollicitis.

DE DIVERSIS LEGIBVS CONIUGII.

Distinctio 33.

Lectio CXLIIII.

**V**ersaturus circa trigesimam tertiam in ordine huius libri  
quarti distinctionem, quo modo cohereat superioribus  
primò dicam. Insuper ad diuisionem accedam. Quò ad

Z z 2

primum:

primum: ex quo superius actum fuit de matrimonijs bonis: consequens modò est uidere, quomodò huiusmodi bona in matrimonijs antiquorum fuerint. Habita breui coherentia: nunc presens distinctio in puncta nouem diuidenda. In quorum primo ponitur conclusio. Quæsitum in secundo. Propositio in tertio. Insinuatio in quarto. Instantia in quinto. Determinatio de matrimonio tempore legis in sexto. Dubium in septimo. Conclusio in octauo. Notandum denique in nono. Primum explanaturi hanc conclusionem proponemus dicentes. Ex diuina permissione antiqui Patres plures habuerunt uxores, non uoluptatis carnalis expletione: sed quia sanguinis successionem religionis, & fidelitatis erat successio. Ad quã insinuandam Magister loco secundo quærit. An antiqui Patres sine peccato plures uxores, vel concubinas habuerint. Pro cuius intellectu est sciendum: quòd secundum temporum diuersitatem uaria dicitur fuisse Dei dispositio. Nam ante peccatum inter duos tantum dicitur inchoatum fuisse coniugium: secundum quem inchoationis modum, si primi parentes in obedientia perstitissent, per temporis successionem inter duos tantum fuisset matrimonialis contractus. Post peccatum verò primis parentibus adinuicem conuenientibus, & prolem procreantibus, filij eorum, & filia coniuncti sunt: sed unus tantum uni: & fratres sororibus sunt copulati: quia non erant alia mulieres, & viri, quibus filij Adæ, & filia coniungerentur. Lamech autem primus omnium legitur duas uxores habuisse: quòd in eo reprehenditur ideò, quia pro carnis expletione hoc fecit. Processu verò temporis, cum iam quasi homines deos colerent, paucis in Dei cultu remanentibus diuina dispensatione consulum

sultum est: ut viri sibi plures possent uxores in matrimonium copulare: ne cultus, vel Dei notitia deficeret illis paucis deficientibus. Sicut patet in Abraham, & Iacob. unde ex lege maledicta erat sterilis, quæ super terram non relinquebat semen. His tertio addenda uenit hæc propositio. Continentiam, quam Ioannes habuit actu, hanc Abraham solo potuit seruare habitu. Pro cuius insinuatione quarto Magister dicit in antiquorum Patrum coniugij commendationem, quod virginalis castitas non presertur in merito antiquorum Patrum coniugali castitati. Quod autoritate Aug. sic dicentis confirmatur: non est impar meritum continentia in Ioanne, qui nullas expertus est nuptias, & in Abraham, qui genuit filios. Nam illius cælibatus, & istius connubium pro temporis distributione Christo militauerunt: sed continentiam Ioannes in opere habebat, Abraham uero solo habitu. Quinto loco instat Magister contra dicta, docendo: antiquos Patres plures uxores habentes tori fidem non seruasse. Nam unus unam debet habere: quare, &c. ad hoc dici potest: quod fidem tori seruabant, qui proprijs tantum uxoribus, vel ancillis, & non alijs coniungebantur mulieribus: & ita patet, quæ fuerit ante matrimonij legem consuetudo. & quod in antiquorum Patrum matrimonio fuerunt matrimonij bona determinata. Post hæc sexto loco determinandum uenit de matrimonio tempore legis. Nam eo tēpore Moyse matrimonium determinatum fuit, & quantum ad legitimarum personarum determinationem, quia non licebat copulari carnaliter patri, vel sorori, vel nouerca, vel nepti, vel amitæ, & matertera, & quibusdam alijs personis: & etiam quantum ad separationem: quia permisit

Moyse

*Moyſes, dato libello repudij, diuortium fieri, & aliam ducere: in quo quidem libello vir cauſas ſcribebat, propter quas uxorem repudiabat: quod tamen propter duritiam cordis eorum permiſſum eſt, ut maius malum, ſcilicet homicidium, tolleretur. Quæritur ſecundò quibus licebat ſub lege plures uxores habere, & quibus non. Ad quod dici poteſt: quòd multiplicatio generaliter eſt prohibita: permiſſum tamen fuit Regi plures uxores habere, ſed non multiplicare, id eſt plurimas habere: quia talis multiplicatio propter carnales actus mentem enervat, & allicit. At hic notetis: quòd adueniente tempore plenitudinis iuxta à priorem, & honeſtiorẽ institutionem, unus tantũ uni coniungitur in figura Chriſti, & Eccleſie. Octauo ponitur hæc conſuſio. In hoc quidem tempore virginitas ſecunditati præfertur: & iſſis præbyteris continentia præcipitur, ac indicitur. His nonò ut claudatur præſens noſter ſermo animaduerſione dignũ de virginitate notandum tale addendum. Virginitas mentis melior, & commendabilior, quàm virginitas carnis, ut eſt videre in textu Magiſtri: qui multis authoritatibus id probat, atq; confirmat, ſcilicet Ambroſij, Aug. & Iſidori. & hæc pro præſenti.*

## AN ALIQUANDO FVERIT LICITVM

PLVRES VXORES HABERE.

Lectio CXLV.

**S**ermone vulgato, linguaq; communi duo queſita ſum vobis enodaturus in præſenti. Quorum primum: An plures aliquando licitum fuerit uxores habere. Deinde: An ſimplex fornicatio

fornicatio sit peccatum mortale: Quo ad primum: negativè sic arguitur. Nunquam videtur fuisse licitum; quòd unius uxoris simul plures essent viri: ergo nunquam licitum, quòd unius viri plures forent uxores. Confirmari hæc veritas habet, quia vir, & uxor ad paria judicantur. Deinde, dare alicui, quòd iam fuit traditum alteri, illicitum est: at vir cum una contrahens uxore corporis sui dat partem: alteri propterea deinceps dare non erit licitum: quare nec plures uxores habere. Ex alio latere, sicuti licet homini uti cibis diversis ad salutem, cur non licebit plures uxores habere? Preterea: matrimonium nonne ordinatur ad procreationem, & proles educationem simpliciter? At uxorum pluralitas huic fini non videtur repugnare: igitur plures licitum erit uxores, vel licitum fuit, habere. Pro declaratione explicatione huius difficultatis prima, debetis scire: ante Evangelium non fuisse per ius diuinum prohibitum plures uxores habere: quin potius oppositum concessum fuisse. Quo stante, dimissis circa materiam hanc uarijs opinionibus, rationes adductæ soluenda. Prima ergo non currit propter dissimile de pluralitate virorum respectu unius uxoris: hoc enim foret contra principalem matrimonij finem, ut puta contra proles educationem: quia tunc incertitudo proles sequeretur respectu patris. At non sic: si unus plures habuisset uxores: & ideo nulla lege, aut cõsuetudine fuit unquã permissum unã uxore plures viros habere, sed è cõverso sic. Altera ratio in ordine secunda currit, si id fiat sine speciali permissione, aliter non. Argumenta in partẽ oppositã adducta probant, quod: sit de se illicitum plures hẽre uxores nõ potuit tamẽ licitũ esse propter humani generis multiplicationem tempore necessitatis, &

propter

propter hominum paucitatem, adhibitis alijs debitis circumstantijs. In noua ẽt lege, ut sepe ac sepius diximus, ex Christi prohibitione illicitum est. & hæc de prima questione. Queritur secundo. An simplex fornicatio sit mortale peccatum. Primo aspectu quibusdam videtur, quod non. Quia nec charitati videtur aduersari, quod ad dilectionem Dei, vel proximi, cum non sit recte contra Deum, aut proximum. Præterea: ut omnis ciborum inordinatus usus non est mortale peccatum: ita nec omnis concubitus inordinatus, ut simplex fornicatio: illud enim, quod est ad corporis salutem ordinatus, ut cibus, non videtur esse peccatum: ergo neque fornicatio, quæ ad humani generis ordinatur salutem secundum Augustinũ. Denique: quod dari potest semper, cur non etiam ad tempus? at mulier viro simpliciter corporis sui dare potest potestatem: igitur etiam ad tempus: hoc autem euenit in simplici fornicatione: quare non videtur esse peccatum mortale. Ex alio latere, mortale illud, quod à regno cælorum excludit: sed fornicatio sic se habet: ergo mortale peccatum. Pro declaratione huius questionis secunda est primò sciendum, quid sit fornicatio: Insuper quotuplex sit. Quantum ad primum: fornicatio dicitur omnis coitus illicitus, qui non sit cum uxore legitima, & sic includit sub se mechiam, & adulterium. Proprietatem potest dici inordinatus concubitus naturalis, quo solutus solum naturali usu cognoscit: solutus inquam quolibet vinculo coniugij, consanguinitatis, affinitatis, ordinis, religionis, seu voti. Et licet fornicatio sit genus omnis illiciti coitus, qui fieri solet extra uxorem, tamen specialiter intelligitur in usu viduarũ meretricum, vel concubinarum. Quo modo distinguitur contra mechiam, & adulterium.



adulterium: inde fornicatio simplex vocatur, ut quando non habens uxorem, accedit ad non habentem virum. Et dicitur fornicatio à fornice, idest ab arcu triumphali, ubi Roma fiebat fornicatio. Quo ad secundum fornicatio triplex dicitur, scilicet propriè, ut potè cum quis coit non cum sua, vel non cum suo, vel potius solutus cum soluta, ut fuit dictum. Est & fornicatio communiter dicta, ut Idolatria, & quælibet noxia superstitio, quia talis anima frangit fidem Deo, cui eam observare debebat, sicut vero sponso. Datur insuper fornicatio communissimè dicta, scilicet quælibet criminosa concupiscentia. Gerson vir doctus loquendo de fornicatione spiritali sic ait: quod nil aliud est, quàm uti Deo, vel frui creatura. Vel sic: Fornicatio animæ est adhesio eius bono commutabili, posposito incommutabili, secūdum aliquam suarum virium. Fornicatio verò virtutis irascibilis fiducia quædam est in alio, quàm in Dei potentia, & gloria finaliter: vel diffidentia de eadem. Fornicatio virtutis rationalis conquisitio dicitur terrena sapientiæ animalis, & diabolica, spreta Dei sapientia. Fornicatio concupiscibilis, est conquisitio prohibita delectationis in creatura, spreta Dei bonitate, atq; dulcedine: vel quærere dulcedines spirituales propter se ipsas principaliter, non propter Deum. His ita premissis, conclusio de fornicatione venit ponenda talis. Fornicatio simplex mortale peccatum est, sicut & omnis fornicatio: & hoc pulchrè probat Petrus de Palude. Est enim contra ius naturale, diuinum, & humanum. Immo qui negaret fornicationem esse peccatum mortale, ut scribit Gerson parte secunda de articulis fidei, hæreticus esset in fide. Vnde Paulus ad Cor. dicebat: nolite errare, neq; fornicarij,

neque idolis seruientes, neque adulteri, neq; molles, &c. regnum Dei possidebunt. Nec nobis obstat illud de Patribus antiquis, qui concubinas habuisse dicuntur: quia non vocantur concubinae, eò quia matrimonio non essent iunctae, ut nunc loquimur: sed quia non erant aequae principales in domum regendo, ut aliae, eò quia ancillae uxorum principalium: & sic Agar, & Cethesa dictae sunt concubinae Abrahae. Nunc argumenta formata soluenda: quorum primum falsum ex suppositione falsa: quia fornicatio dicitur esse contra Dei dilectionem in quantum diuino precepto in veteri, & nouo testamento prohibetur. V. g. non mechaberis, &c. secundum argumentum ex cibo desumptum sano modo venit intelligendum: quia sumptio cibi, quantum est de se, non videtur esse in alterius praesudicium, quam sumentis: at concubitus fornicarius in prolis praesudicium est. Et licet sumere cibum de se ad corporis salutem non sit peccatum mortale, attamen si scienter sumeretur in sanitatis detrimentum tunc foret mortale, sicut fornicatio, quae est in detrimentum prolis. Ad tertium argumentum dicitur: quòd illud, quod simpliciter datur, non secus ad tempus dari potest, ubi natura hoc patitur. At in proposito non sic euenit: quia corpus coniugij, quod datur in concubitu, si rectè detur, propter prolem educandam dari dicitur, vel ad horā, vel ad modicum tempus: ibi enim obligatio est inter virum, & uxorem commanendi simul. At in fornicationis actu non sic: quare nullum est argumen-

tum.

LECTIONES LIB. QVARTI. 371  
AN IN VETERI LEGE VXOREM  
REPVDIARE ERAT LICITVM.  
Lectio CXLVI.

**S**Uper sunt adhuc quesita duo alia explicanda pro maiori intelligentia eorum, quæ in textu Magistri Sent. sunt tacta: quorum primum. An in veteri lege uxorem repudiare fuerit licitum? Preterea: An virginitas matrimonio preferenda? Quod ad primum: ad partem affirmatiuam declinantes quidam dicunt, fuisse licitum: quia hoc erat secundum legem, quæ sancta, & mandatum sanctum: ergo. Assumptum patet per illud, quod Deutero. xxiiii. Si acceperit homo uxorem, & non inuenerit gratiam ante oculos eius propter aliquam feditatem scribet libellum repudij, & dabit in manu illius, & dimittet eam. Et Mal. ii. cum odio habueris, eam dimitte, dicit Dominus Israel: quare, &c. deinde ut licita sunt nuptiæ secundæ dictæ, quia eas permiserunt Apostoli: ergo, & dare libellum repudij, quia permisit hoc Moyses. Ex alio latere, sicuti nunquam fuit uxori virum repudiare, ita nec debuit esse licitum viro uxorem dimittere. Deinceps duritia cordis non videtur à peccato aliquem excusare: at libellus repudij ad duritiam cordis concessus fuit Iudeis: ergo eos à peccato non excusabat. Pro decisione huius difficultatis primæ, varijs dimissis opinionibus: An fuerit licitum, &c. Insuper, repudiatam reconciliare: & quid sit Repudium, adnotabo: deinde argumenta formata diluam. Quod ad primum: Repudium nil aliud est, quam recusatio, quæ fit ob rem pendendam. Differt autem repudium, & diuortium: quia repudium

ficbat ex indebita causa: at diuortium ex debita: & illud est per-  
 missum, hoc concessum. Differunt etiam, quia post repudium non  
 prohibebantur nubere: at post diuortium prohibentur. Insuper  
 differunt, quia vir uxorem repudiabat, non e conuerso. Vnde ad  
 paria non iudicabantur: in diuortio autem ad paria iudicantur. &  
 huius ratio est: quia mulier merito primi peccati est viro subiecta:  
 at post Christi reconciliationem, in quo non est seruus, & liber  
 masculus, & femina omnino, quantum ad legem tori ad paria iu-  
 dicantur. Hec sanctus Bonauentura. His ita positis; nunc ad ar-  
 gumenta dicendum, & primò ad primum: quòd sano modo est in-  
 telligendum: illud ergo licitum est; quòd sit secundum legem non  
 solum permittentem, verum etiam approbantem: multa enim lex  
 permittit, quæ non sunt licita ad maiora vitanda mala: & sic  
 repudium uxoris fuit secundum legem veterè permittum ad maius  
 malum vitandum, ut puta uxoricidium: at non fuit approbatum.  
 Ad secundum dicitur argumentum: quòd similitudo de nuptijs se-  
 cundis, & de repudio, quantũ ad omnia, non est attendenda: sed  
 solum quo ad hoc: quòd, sicut nuptia secundæ permittuntur ppter  
 vitandam turpitudinem fornicationis: sic repudium mitteba-  
 tur ad uxoricidium vitandum, quòd est grauius peccatum. Ad  
 argumenta deinde in oppositam partem adducta, sic respondetur,  
 negando similitudinem primi de uxore, & de viro: quia non est  
 eadem ratio. Ad secundum de duritia dicitur: quòd sine Dei per-  
 missione à peccato non excusat: at cum permissione diuina excusa-  
 bat: aliquid enim benè permittitur infirmis, quòd non sanis: nec  
 tamen peccarent infirmi permissione sibi facta utentes. & hæc de  
 questione

questione prima. *Queritur secundò. An preferenda sit virginitas matrimonio. Primo aspectu videtur, quod non: quia virginitas bonũ est priuatum, siue personæ priuata, & matrimonium bonum commune ordinatum ad speciei conseruationẽ: sed priuatum bonum communi nequaquam preponendum: ergo nec virginitas matrimonio. Ex alio latere nonne illud videtur melius, quod consilium, quàm illud, quod indulgetur? consilium etenim est de maiori bono: indulgentia verò de minori: at virginitas consiliatur: matrimonium verò indulgetur solum: ergo. Deinde: virginitati maior fructus debetur, qui est centesimus: at matrimonio solum tricesimus: ergo. Pro dilucidatione huius secundæ difficultatis, quid sit virginitas primo videndum. Insuper quætuorplex sit. Tertiò: An melior matrimonio censenda. Quantum ad primum dicitur: quod virginitas est abstinentia ab omni coitu, tam illicito, quàm licito. Ab alijs dicitur habitus continentia perfectus, & decorus. Ab Augustino sic. Virginitas est in carne corruptibili incorruptionis perpetua meditatio. In carne, quia in Angelis non est virginitas propriè. Corruptibili, in signum difficultatis: difficilius enim est per naturam. Vnde, & post resurrectionem erit etiam virginitas purior, sed non difficilior. Præterea dicitur incorruptionis: quia virginēs vi oppressæ virginitatem non videntur perdere. Perpetua meditatio. Vnde pueri, qui nõ habent vsum rationis, & nesciunt, quid faciunt, virginitatem nõ perdunt. Quantum ad secundum duplex datur virginitas: mentis vna: carnis altera. Quò ad tertium pro statu moderno virginitas melior matrimonio. Primò quia magis ad diuinorũ contemplationem ordinatur. Secundò quia est bonum anima,*

*anima, reddens hominē ad actus magis expeditum. Tertiò Christi patet exemplo, qui virginem matrem elegit, & virginitatem in se seruauit: & auctoritate Apostoli quartò: qui ad Cor. dicit. Qui matrimonio iungit virginem suam, benefacit: & qui non iungit, melius facit: quare, &c. His ita positis, ad argumenta nunc respondendum, & ad primum sic: quòd commune bonum bono priuato potius est, quando eiusdem sunt generis: at priuatum bonum melius esse potest bono communi alterius generis: quo modo uirginitas propter Deum assumpta, carnali presertur fecunditati matrimonij, præcipuè cum bonum commune, ad quod ordinatur matrimonium per multos sufficienter expleatur. Ad argumenta in oppositum quid dicendum patet ex dictis, & maxime ad secundum: quòd respectu premij accidentalis concedendum: quòd difficultati operis exterioris respondet. & hæc pro presenti.*

## DE LEGITIMIS PERSONIS.

Distinctio

34.

Lectio CXLVII.

**D**Elucidaturus vobis hodierna die ( ne à vestigijs videar meis recedere velle ) distinctionē in ordine trigessimam quartam: nexum ob oculos primo ponam vestros: Insuper ad diuisionem festinabo. Quantum spectat ad primum: postquam ad aures Magistri Sent. sumus loquuti de matrimonio, quò ad eius institutionem, significationem, & quò ad eius causam efficientem, atq; finalem, eiusque bona: consequenter hic de eodem deter-



determinandum erit, quantum ad causam materialem, nec non quantum ad contrahentes personas. Ad quod faciendum prius presens distinctio secunda in segmenta septem. Quorum primum continet conclusionem. Insinuationem alterū. Propositionem tertium. Declarationem quartum. Conclusionem cum probatione quintum. Duo notanda sextum. Epilogum verò septimum. Circa primum versaturi hanc conclusionem ponemus dicentes. Contrahentium personarum quedam sunt plenè legitima, & quedam illegitima, & quedam in medio constituta. Hanc ut insinuemus loco secundo, una cum Magistro ita dicemus: ad matrimonium contrahendum aliquas ante legem illegitimas fuisse personas: alias sub lege: & alias tempore gratia. Præterea: in primitiua Ecclesia quedam persone dicebantur illegitima: quedam verò modo minime. Illarum autem, quæ nunc legitima, vel illegitima sunt: rursus quedam dici possunt plenè legitima, ut illæ, quibus nullum obuiat impedimentum contrahendum. Illegitima verò quedam omnino, quibus occurrit ordo sacerdotalis, vel cognatio, vel cultus disparitas. Dantur deinde quedam media, quæ nec plenè legitima, nec omnino illegitima, ut sunt illæ, quibus frigiditas dicitur, vel cognatio obstare. Quæ si ignorantè coniungatur permanere possunt: at eisdem deficientibus diuidi poterunt. His tertio addenda talis venit propositio. Ob maximam frigiditatem coniugum fiat separatio: & vir alteri nunquam coniungatur. Ad hanc insinuandam quarto ita procedit Magister Sent. loco dicendo: quòd illi frigiditatis causa, qui debitū reddere non valent, sic permanere si volunt, non eis denegandum. At si mulier conqueratur, eò quia filios pro-

creare

creare intendat : decretum est : quod uterque coniugum septima propinquorum manu iuret , quod nunquā carnaliter conuenerunt . Et hoc ita fieri habet : primo vir , & mulier iurabunt , quod nunquam carnaliter conuenerunt : & tunc septem de propinquis melius veritatem scire valentibus per probabilia signa iurent : quod credant illos verum dixisse : & tunc temporis mulier nuptias secundas poterit contrahere . Vir autem , qui natura erit frigide , sine spe coniugij debet manere . Si verò ex utraque parte impedimentum sit : uterque debet innuptus remanere . Iste ergo modus seruandus dicitur esse , quando uterque coniugum idem fatetur . Quid si vir illud fateatur , & mulier diffiteatur , sue neget ? hac in parte fides magis adhibenda est viro : quia mulieris caput est , seruatis tamen seruandis ad omnem tollendam ambiguitatem . Sed dicetis : quid agendum de maleficiatis , qui coire nequeunt ? ad hoc dici potest : esse ad Deum benedictum lachrymis , & contritione suorum peccatorum cū confessione recurrendum : & ita per confessionem , & per ministrorum Ecclesiæ exorcismos , nec non per ecclesiastica sacramenta huiusmodi sanari procurabunt . Si verò sanari nequeant , separari tunc poterunt . Præterea : quintò cum probatione ponenda venit hæc propositio . Furiosi , & amentes totaliter conbere nequeunt matrimonium legaliter . Hi ergo illegitimi , quia non conformes legi . Nam furiosi , quandiu sunt in amentia tali , contrahere non possunt . At si post in hanc , vel in aliam inciderint infirmitatem , cum prius contraxerint sani , huiusmodi coniugia non possunt solui . & hæc Nicolai Papæ fuit sententia . His duo sexto notanda adduntur loco : quorum primum est de his , qui cum duabus

bus dormierunt uxoris suae sororibus, neutram enim illarum habere debent, ut pulchrè docet in textu Magister. Alterum notandum, quòd viro liceat uxorem dimittere suam, nec è conuerso propter aliquam corporalem infirmitatem, quòd confirmari potest testimonio Aug. dicentis, si uxorem quis habeat sterilem, siue corpore deformem, vel membris debilem, vel cecam, vel claudam, &c. Pro societate, fideq; sustineat. Ex quibus, ut presens terminetur distinctio, epilogo ita dicendum, quòd personarum cõtrahentium quædam sint legitima, quædam illegitima, & quædam medio modo se habentes. Insuper, quod illæ, quæ per legitimum matrimonium coniunguntur, non possunt postmodum separari aliqualiter.

## AN MATRIMONIO IMPEDIMENTA

SINT ASSIGNANDA ALIQUA.

Lectio CLVIII.

**P**Ercurrere hodierna die volentes dicta Magistri, in ordine tria queremus. Primò; An matrimonio sit assignare impedimentum. Secundò; An furia connubium valeat impedire. Tertiò; An impotentia coeundi. Circa primũ arguunt negatiuè quidam sic, morbo communi commune remedium debet ascribi: at concupiscentia omnibus communis est morbus: igitur matrimonium, quod est eius remedium, cõmune debet esse omnibus: quare impedimentum ipsi nullum erit assignandum matrimonio. Præterea. Est à Deo, igitur nullum potest impedimētum humanum habere matrimonium. At dicetis vos. Matrimonium fuit institutũ

*in remedium, vel in officium: atqui multi sunt inepti, ergo, &c.*  
 Pro decisione huius difficultatis primæ, matrimonij impedimenta  
 his versibus præmittenda. Error, conditio, votum, cognatio, cri-  
 men, Cultus disparitas, vis, ordo, ligamen honestas, Si sis affinis: si  
 fortè coire nequibis: Hæc socianda vetant, connubia vincula retra-  
 ctant. Nunc de facili argumenta soluentur. Ad primum ergo di-  
 camus, neminem impediri à matrimonio simpliciter, nisi natura  
 impedimentum habeat, ut frigidi: vel nisi assumpserit impedimen-  
 tum voluntariè, ut qui solemniter vouit, vel ordinem sacrum su-  
 scipit, quomodo matrimonij plura possunt esse impedimenta. Ad  
 secundum respondetur, quod factum à Deo immediatè sine causis  
 secundis impediri minimè potest, sub quo sensu argumentũ currit:  
 illud autem, quod fit ab eodem cooperantibus causis secundis, multi-  
 pliciter impediri potest: & sic est de matrimonio, quod licet sit  
 institutum à Deo, completur tamen secundarum causarum coope-  
 ratione, propter quod multis impediri potest modis. Explanato  
 breuibus dubio primo quæritur secundo; An furia matrimonium  
 impedire valeat? Mihi equidem uidetur, quod sic, quia matrimo-  
 nium est consentientium tantum, & cõsensus est ratione utentium,  
 qua furiosi non utuntur: furia ergo impedit matrimonium. Præte-  
 rea, in iudicio furiosus stare non potest: igitur nec sui corporis  
 contractum facere: furia igitur matrimonium impedit. Ex alio  
 latere furiosus, vel potest generare, vel non: si sic, non ergo furio  
 matrimonium impedit. Pro intellectu huius questionis scire debe-  
 tis, furiam tribus accipi posse modis, aut antecedenter, aut conse-  
 quenter, aut concomitanter: Idest, aut præcedit, aut sequitur, aut

conco-

concomitari dicitur. Si præcedit, tunc vel lucida furiosus habet interualla, vel non: si habet, non uidetur impedire tempore consensus. Si post, nec citiam impedit. At si concomitatur, sic impedit. Nunc ex dictis quid ad argumenta respondendum patet. Et ad illud in oppositum, quando dicebatur, quòd furiosus possit generare præter furie statum, habet hoc concedi: at secundum statum furie negari. Quare ad omne periculum euitandum, melius uidebitur esse, quòd furiosus non permittatur contrahere. His duobus perbreuibz quesitis tertium additur sub suis verbis. An impotentia ad actum matrimonij impedire valeat matrimonium: Mihi quod non uidetur: quia dato, quòd actus matrimonialis non sequatur, adhuc matrimonium est perfectum: ergo, &c. Deinde, uoluntas continendi non impedit matrimonium, ut patet inter Mariam, & Ioseph, igitur nec impotentia. Ex alio latere, cum nullus queat se obligare ad impossibile, uidebitur dicendum fore: quòd impotentia coeundi possit matrimonium impedire. Ad questionem igitur hanc terminandam distinctione opus erit impotentia: duplex enim est, una naturalis, altera accidentalis: & harum quolibet, vel est perpetua, vel temporalis. Naturalis impotentia triplex est, una in viro, ut potè frigiditas, alia in muliere scilicet arctatio, vel impedimentum aliud naturalis membri, ut habetur de frigidis, & malef. Tertia est defectus ætatis in utroque, ut in pueris. Accidentalìs verò impotentia ex duobus contingit, vel ex maleficio, vel ex sectione, siue castratione, quæ solum in uiris locum dicitur habere. Horum autem impedimentorum frigiditas, & arctatio, quibus medicorum opere subueniri non potest, perpetua impedimenta sunt.

*His ita premissis, nunc dici potest, quòd omnis impotentia naturalis, vel accidentalis: si perpetua sit, & antecedens, matrimonium impedit contrahendum, dirimitq; contractum. Non autem, si sit temporalis. Nunc argumenta duo formata solvantur; & et si finis Dicatur ergo ad primum, quòd perpetua impotentia non solum impediat actum, sed etiam obligationem, in qua consistit essentialiter matrimonium, quia nullus transferre in alterum potest id, quod non habet, nec habere potest. Ad secundum per idem patet, quia continendi voluntas impedit solum actum, sed non obligationem; at impotentia utrunque. & hæc de pollicitis pro presenti lectione.*

## EODEM IVRE VTITVR VIR, ET MVLIER.

Distinctio

35.

Lectio CXLIX.

**A**ggregiar in presenti (Nobilissimi Audit.) trigesimam quintam huius libri quarti in ordine distinctionem, coherentiam primò considerando, Insuper diuisionem. Quo ad primum, coherentia talis sit. Postquam determinatum fuit de cocundi impotentia, quæ matrimonium, quantum ad actum impedit; consequenter hic agendum de fori separatione propter fornicationem, quæ non secus matrimonium tollere dicitur, matrimonij vinculo durante. Habita coherentia cū superioribus: nunc per breuis, admodumq; facilis distinctio hæc in sex puncta diuidenda. In quorum primo habetur conclusio. Insinuatio in altero. In tertio cuiusdam prius dicti determinatio. In quarto notandum.

Propositio



Propositio in quinto cum probatione. Instantia tandem in sexto. Venio ad primi puncti explicationē, ubi hæc ponitur cōclusio. Et si vir uxorem causa fornicationis dimiserit, alteri ea viuentē non nubat, in huius corruptionis statu. Pro cuius insinuatione secundo ita Magister Sent. loco satur. Quod, sicut viro licet fornicationis causa uxorem dimittere: ita eadem causa uxori virum licebit dimittere. Quicquid enim viris præcipitur, hoc consequenter ad feminas redundat. Nam uxor adultera non est dimittenda, & vir mechus tenendus. Quod autem nunc nunc dictum fuit, quo modo intelligendum sit Magister in tertio aperit puncto, dum asserit, intelligi debere, si ille, qui alterum, vel alteram dimittit, simili crimini non subiacet. Vnde beatus Augustinus dicebat: nihil esse iniquius, quàm fornicationis causa uxorem dimittere, si, & ipse conuincitur fornicari: occurrit enim illud, in quo alterum iudicas, te ipsum condemnas. Ex his aperte apparet, quod adulter adulteram dimittere non valet, & è conuerso. His quarto loco notandum sub his ponendum est verbis. Si causa fornicationis facta fuit separatio, non potest vir, vel mulier in aliam copulam transire conjugalem: possunt autem reconciliari, & simul cohabitare, si alter dimissam uoluerit reuocare. Quod si vir uxorem suam deliquisse sciat, & non egerit mulier penitentiam, sed in fornicatione permaneat, & hoc vir patiat̃ cum eo uiuens, & cohabitans, consentire uidetur, & reus, & peccati huius esse particeps: quare sine penitentia eam retinere minimè debet. Si verò mulier dimissa à peccato recesserit, illudq; per penitentiam purgauerit, viro poterit reconciliari proculdubio. Et tunc vir illam tenetur recipere, at non sepe:

sepe: ne scilicet illi peccandi foret occasio. Quinto loco ponenda uenit hæc propositio. *Vir uxorem ducere non potest, quam prius per adulterium polluit: si ipsa in viri mortem machinata fuerit: seu si vir fidem dederit, quod eam duceret, si vir non superuixerit.* Pro cuius probatione Leo Papa sic ait. Nullus ducat in matrimonium, quam prius polluit adulterio: tale ergo connubium prohibetur. At dicetis vos, una cum Magistro Sent. sexto loco contra dicta arguentes: nonne habet beatus Aug. verba hæc? deniq; mortuo eo, cum quo fuit uerum coniugium, fieri potest connubium, cum qua præcessit adulterium: male ergo oppositum tenentes. Pro determinatione huius instantie allata uelim sciatis: Augustini sententiam intelligendam esse de illis, qui penitentiam de peccato egerunt, & nihil in viri mortem machinata sunt. & hæc de tota distinctione satis dicta sint pro presenti.

## AN FORNICATIONIS CAUSA VXOR

SIT DIMITTENDA?

Lectio CL.

**E**Xplicanda se se nobis duo offerunt circa prædeclaratam Magistri Sent. distinctionem quesita: quorum primum. *An fornicationis causa sit uxor dimittenda.* Insuper: *An sic uxorem dimittens queat alteri nubere.* Quò ad primum pro negativa parte sic arguitur. Si uxor propter defectum sterilitatis non potest dimitti, ergo nec propter fidei defectum, ut puta propter fornicationem. Consequentia patet, quia in matrimonio magis principale

pale est bonum prolis, quàm bonum fidei: ergo. Deinde: quando  
 uterque fornicatur maius certè peccatum est, quàm quando alter  
 tantum: at secundum iura separatio in primo casu fieri non debet:  
 ergo nec in secundo: Quare, &c. In oppositum se habet illud, quod  
 dicitur Mat. xix. quòd non licet viro dimittere uxorem excepta  
 causa fornicationis. Igitur propter fornicationem separatio facien-  
 da. Pro decisione huius difficultatis primæ, erit videndum primò:  
 num propter fornicationem licitum sit uxorem dimittere. Mihi  
 quod sic videtur: nam peccans cōtra matrimonij fœdus iustè pri-  
 uari debet iure, quod ratione matrimonij habet: at coniux forni-  
 cans peccat contrarius matrimonij, quo coniuges sibi tenentur ad  
 seruandam fidem: igitur meritò iure, quod habet in alio ratione  
 matrimonij, debet priuari. Viro itaque innocenti uxorem fornicā-  
 rem licebit dimittere. Præterea sciendum est: num vir uxorem di-  
 mittere possit propter fornicationem absque iudicio Ecclesiæ. Pro  
 intelligentia huius velim uos scire: uxorem fornicantē dupliciter  
 dimitti posse: aut quòd ad torū solum: aut quòd ad utrumque scilicet  
 ad torum, & cohabitationem. Primo modo vir uxorem, de cuius  
 fornicatione sibi constat, auctoritate sua potest dimittere, & ei de-  
 bitum negare, quousq; compellatur auctoritate Ecclesiæ. Secundo  
 modo uxor dimitti non debet fornicans, nisi iudicio Ecclesiæ. His  
 ita positis, nunc ad argumenta respondendum: & ad primum sic:  
 quòd, quamuis matrimonium principaliter ad prolis bonum ordi-  
 netur: fornicatio tamen magis contra matrimonij iura, quàm ste-  
 rilitas dicitur. Quia per fornicationem fit coniugi iniuria, non  
 autem per sterilitatem. Deinde sterilitas culpabilis non est, cum  
 insit

*in ſi à natura : at fornicatio culpabilis, alteriꝑ; prejudicialis. Ad ſecundum argumentum poteſt dici: quòd, quamvis fornicatio duorum, quàm unius, maior culpa ſit : tamen unus contra alterũ actionem habere non poteſt, quia ſunt crimina paria, & ideo pari compensatione delenda. Vbi autem eſt alter innocens, tunc cõtra fornicantem habet actionem: propterea poteſt agere de ſe ad ſeparationem, &c. enodata in hunc modum paucis uerbis quæſtione prima; quærendum modo eſt; An alteri poſſit nubere, qui uxorem ob fornicationem dimiſit. Quibuſdam declinantibus ad partem affirmatiuam viſum eſt dicere, quod ſic: quia, dum ab Eccleſia ſeparatur, quò ad utruꝑ; ſeparari dicuntur: ergo dimittens uxorem poterit, &c. Inſuper authoritate Domini apud Mat. xix. dicentis, hoc idem probari poteſt. Quicumque dimiſerit uxorem ſuam, niſi ob fornicationem, & aliam duxerit, mechatur: igitur ſaltem propter fornicationem uxorem dimittere, & alteri nubere licebit. In opoſitum ſe habet Apoſt. ad Cor. His, qui matrimonio iuncti ſunt, præcipio, non ego, ſed Dominus uxore à viro non diſcedere: quod ſi diſceſſerit, manere innuptam, aut viro ſuo reconciliari. Ad terminandam ergo hanc quæſtionem, duo ſupponenda. Primum eſt: quod uxorem dimittens ob fornicationem alteri nubere non poteſt ſub noua lege. Secundum eſt: quòd in caſu, quo fieri poſſit reconciliatio, tunc in vnum poterunt habitare. His ita poſitis, rationes due prius adductæ de ſacili ruent. Prima enim currit, quo ad totum, & quo ad habitationem: at non quo ad matrimonij vinculum. Altera debet ſumi, atq; referri ad partem, nõ ad totam. Domini ergo illa exceptio debet referri ad partem dicti, ſcilicet ad dimiſſionem*

*missionem uxoris, non autem ad totum. Loquor sub hoc statu noua  
legis. & hec satis.*

SI PRO EXTREMA CONDITIONE, ETC.

Distinctio 36.

Lectio CLI.

**E**Xplicaturi trigesimam sextam distinctionem huius libri  
quarti: de nexu primò verba faciemus: deinde ad distin-  
ctionis diuisionem accedemus. Quantum attinet ad pri-  
mum: huius cum superioribus nexus, & ordo videtur esse talis.  
Postquam superius determinatum fuit de impedimentis matrimo-  
nium contrahendum antecedentibus, & de superuenientibus in  
contractu: nunc agendum de incidentibus in ipso contractu; ut  
puta de errore conditionis. Habita serie presentis cum precedenti-  
bus, modo ad diuisionem distinctionis accedo, & hanc in secta di-  
uido octo. In quorum primo extat propositio. Dubium in altero.  
Solutio in tertio. Quæsitū in quarto. Solutio in quinto. Propositio  
in sexto. Insinuatio in septimo. Notandum denique in octauo.  
Quo ad primum hec est propositio. Cum persona seruitute depressa  
contrahens ignoranter eam potest dimittere, & alteri coniungi  
matrimonialiter. Pro cuius insinuatione querit loco secundo Ma-  
gister. An seruitus connubium diuidere possit. Pro solutione tertio  
ita fatur Magister loco. Liberam scilicet seruum accipere posse,  
& è conuerso liberum ancillam: at si viri conditionem mulier ne-  
sciat, vel è conuerso vir mulieris: cum fuerit seruitus deprehensa,

eam tunc temporis liberè dimittere potest. At si mulieris conditio-  
nem nouerit, vel vice versa, nequaquam poterit dimittere. Quos  
etenim Deus coniunxit, homo non separet. His quarto quesitum  
additur loco. Queritur enim solet. Si ambo, scilicet vir, & mulier  
conditionis sint seruilis: an inter eos coniugium esse queat. Pro  
responsione quintò dicendum est, quod sic: dummodo fiat coniu-  
ctio ex dominorum uoluntate, ut una tenet opinio. Quidam alijs  
tenent, quòd etiam nescientibus dominis, inter eos fieri possit coniu-  
gium. At ex dictis uideo uos in hunc modum dubitare posse: si mu-  
lier uirum acceperit liberum, deinde ille se fecerit seruum occasio-  
ne diuortij: an uxorem dimittere poterit ille? certè non: neq; illa  
per matrimonij uinculum in seruitutem poterit redigi: dum ille nō  
ex assensu coniugis se fecerit seruum. Nunc sexto uenit ponenda  
hec propositio loco. Sponsalia minimè contrahi dicuntur, nisi ab  
alterutra parte sciatur, quid inter eos in huiusmodi facto agatur.  
Ad quam insinuandam Magister septimo loco docet: pueros se-  
cundum leges ante xiiii. & puellas ante xii. annum inire non posse  
matrimonium: quod si aliter fecerint, ante prædicta tempora sepa-  
rari poterunt. Qui verò in pueritia copulantur: & post pubertatis  
annos se dimittere nolunt, sed in coniunctione manere, ex hoc  
coniuges efficiuntur, & deinceps separari nequeunt. Hinc notan-  
dum colligitur de sponsalibus, quæ ante annum septimum contra-  
hi nequeunt. Expediit enim, quòd ab utraque parte, quid inter eos  
agatur, intelligatur. & hæc de pollicitis satis.



## AN MATRIMONIVM SERVITVS

VALEAT IMPEDIRE.

Lectio CLII.

**A**Rbitror, duo quesita circa dicta Magistri Sent. excitanda esse: quorum primum: an seruitus coniugium valeat impedire. Insuper: an sine consensu sui domini valeat matrimonium servus contrahere. Circa primum: ad partem quidam negativam declinantes sic arguunt. Lepra non impedit: ergo nec seruitus: consequentia patet: quia conditio grauior in coniuge lepra, quàm seruitus: ergo. Deinde: quis unquam vidit ius positivum iuri naturali præiudicare? At matrimonium videtur esse de iure naturali, seruitus verò de iure positivo: matrimonio ergo seruitus præiudicare nõ potest. At dicetis: cur ergo legitur oppositum extra de coniugio servorum? Pro determinatione huius difficultatis prima est sciendum: quòd seruitus, vel supervenit iam matrimonio cõtracto: aut præcedit. Si primo modo non impedit. Si secundo modo, hoc dupliciter capi potest: uno modo de se, & absolutè: alio modo respectu ignorantia contrahentis. Si primo modo non impedit: at secundo modo sic. His ita præmissis, argumenta solvenda, deinceps erit prima questionis finis. Dicatur ergo ad primum: quòd lepra nõ impediatur matrimonium, quantum ad primum actum suum, quin leprosi sibi inuicem possint debitum reddere, & liberè: quamvis gravamina aliqua dicatur inferre matrimonio, quo ad effectus secundos. De seruitute autem non sic, ut aliàs dictum fuit: quare lepra minus impedit, quàm seruitus. Ad secundum dicitur:

quod in hoc ius positivum iuri non cōtrariatur naturali, sed ipsum determinat, quia de iure naturali solum est, quod quilibet contrahere possit, naturale impedimentum non habens. At quis, cum qua debeat contrahere per ius positivum, determinatur: per quod rationabiliter etiam determinatur, ut non teneat contractus liberi cum ancilla, quando servitutis conditio ob causas dictas ignoratur. Exposita prima questione, altera subsequitur, dum queritur. An sine domini sui consensu servus matrimonium cōtrahere valeat. Mihi, quod non, aspectu primo videtur. Nam per religionis votum, si Deo sine domini sui licentia se obligare nequit: ergo multò minus sine eius consensu per matrimonium poterit se obligare. Insuper: servus res domini dicitur: igitur sine eius consensu, quo modo valeat contrahere matrimonium, non video. Quare, &c. Ex alio latere in contrarium se habet Apost. ad Gal. iii. in Christo Iesu non est servus, neq; liber: Igitur, &c. Pro determinatione quesiti huius, hec præmittenda conclusio venit: qđ servus contradicente domino, vel nesciente, matrimonium valeat contrahere. Cuius ratio est: quia ius positivum, licet determinet ius naturale, non ob id ei potest præiudicare. Quare, &c. Hoc stante ratio prima in ordine ruit de facili: quia per religionis votum quis divinis ad totum obligatur tempus: at vir uxori debitum reddere ad tempus, sue congruis temporibus: & ideo plus domini servitium per ingressum religionis dicitur impediri, quàm per matrimonium. Dicitur itaque rationem adductam nullam esse: quia hinc inde non est simile. Altera ratio, qua dicebatur, quod servus res domini est, sano modo debet intelligi. Nam quantum ad ea, quæ naturalibus superad-

*superadduntur verum est : at quo ad naturales actus , qui necessarij sunt , vel ad conseruationem indiuidui , vt comedere , &c. vel quo ad cōseruationem speciei , sicut matrimonium contrahere , non dicitur res eius esse : ideo potest transferre in alterum sine eius consensu. Ad illud Pauli dicitur : quod seruus , & liber non differunt , quantum ad ea , quæ sunt de necessitate salutis. Non enim ibi loquitur de susceptione sacramentorum. & hæc pro presenti .*

## IN QVO ORDINE CONIVGIUM

FIERI NEQVEAT.

Distinctio 37.

Lectio CLIII.

**N**E à mea videar velle consuetudine recedere : hodierna die circa distinctionem trigesimam septimam versabor , duo vobis enodando. Quorum primum ad continuationem pertinebit : alterum verò ad diuisionem . De continuatione , quid dicturus sim , audite. Ex quo superius verba fecimus de impedimentis facientibus personas medias plenè legitimas , penitusque illegitimas : consequenter modò determinandum erit de impedimentis omnino personas illegitimas nō facientibus. Habita serie huius distinctionis cum præcedentibus , diuidenda nunc erit in secta quatuor. Quorum primum conclusionem respicit. Alterum insinuationem. Propositionem tertium. Et manifestationem quartum. Quo ad primum , hæc sit conclusio . Voto continentie constricti , vel in sacris ordinibus , vel in religione constituti , matrimonium contrahere

here ab Ecclesia sunt prohibiti. Pro insinuatione huius conclusionis, loco secundo procedit ita Magister Sent. dicendo: ordinum quosdam dari, in quibus nullatenus coniugium potest contrahi, & etiam, si copula intercesserit, diuortium debere fieri, sicut sacerdotium, diaconatus, subdiaconatus. In alijs verò ordinibus, coniugium fieri permittitur, nisi religionis sumpserint habitum, vel fecerint continentiae votum. Vnde Leo Papa, Clericos, Lectores, Ostiarios, Exorcistas, Acolytos, si extra votum, & habitum inueniuntur, & continentiam profiteri nolunt, uxorem ducere virginem Ecclesia Romana permittit. Item Leo Papa, lex continentiae eadem est ministris altaris, quae Episcopis, & presbyteris, qui cum essent laici, vel lectores, licite uxores ducere potuerunt, sed cum ad praedictos gradus peruenierunt, cepit eis non licere, quod prius licuit. Rursus in sexta Synodo: Si quis eorum, qui ad clericatum accedunt voluerint nuptiali lege mulieri copulari, hoc ante ordinem subdiaconatus faciat. Propterea: Calixtus Papa. Presbyteris, Diaconibus, Subdiaconibus, Monachis, concubinas habere, seu matrimonium contrahere penitus interdiximus. Demum Gregorius sic ait. Nullum facere Subdiaconum Episcopi presumant, nisi qui se caste victurum promississet, quia nullus debet ad ministerium altaris accedere, nisi cuius castitas ante susceptum ministerium fuerit approbata. & haec pro parte secunda. In tertia haec propositio ponenda. Ex iure Canonico, quod mundanis legibus non astringitur, viro, ne, uxorem interficiat, matrimonium interdicitur. Pro manifestatione Magister quarto loco ita ait, suarum uxorum occisoribus penitus coniugium esse denegandum. Insuper tales sic criminosos

minosos Ecclesiastica disciplina spiritali gladio, & non materiali corrigendos esse. Præterea: penitentiam publicam agere debere. Et si fortè fortuna contumaces fuerint, tunc excommunicationis gladio, quousque consentiant, sunt feriendi. & hæc de tota distinctione præsentanti.

## AN ORDO SACER MATRIMONIVM

IMPEDIAT.

Lectio CLIIII.

**V**T via facilis ad subsequenter distinctionem pateat nobis, duo inquiremus in præsentanti. Primò: An ordo sacer valeat matrimonium impedire. Deinde: An uxoris occisio similiter. Circa primum, ad partem negatiuam declinantes in hunc modum ratiocinabimur. Si ordo sacer matrimonium impedire posset: aut hoc fieret ratione ordinis, vel ratione voti annexi, aut ratione statuti Ecclesiastici: at nullum horum, non ergo valet impedire matrimonium. Minor ut suspecta declaratur, quia sic omnis ordo impediret, quod non est de minoribus. Nec ratione voti annexi, quia sic ordo, & votum duo non essent impedimenta matrimonij. Nec ratione statuti, quia matrimonium contractum contra Ecclesie interdictum non dirimitur: ergo. Præterea, illud quod impedit matrimonium, dicitur aliquam habere oppositionem ad ipsum: at ordo sacer nullam habet ad matrimonium: ergo. Minor sic declaratur, quia ut virtus non opponitur virtuti, ita nec sacramentum sacramento, & ita sacer ordo non dicitur matrimo-  
nium

nium impedire. Ex alio latere in textu Magistri totum oppositum est videre, & ideo pro huius difficultatis primæ declaratione, erit notandum, quod ordinum quidam sacri dicuntur, & quidam non, qui sacri, ut iam patuit matrimonium impediunt, ceteri verò non. Quo supposito, ad argumenta nunc dico, & primò ad primum, quod ordo sacer impedit matrimonium contrahendum, & dirimit contractum, non ratione ordinis absolue, at ratione, qua sacer ordo, & cum dicitur, quod matrimonium contractum contra Ecclesie interdictum non dirimitur, dicitur ad hoc, quod Ecclesia aliqua interdicat simplici prohibitione, ne fiant: at si fuerint facta non irritat. Alio modo solet interdiceret aliqua, ne fiant prohibendo, & irrita faciendo. Primo modo matrimonium contrahi tempore feriato interdicat, & secundo modo in susceptione ordinis. Ad secundum argumentum dici potest, quod matrimonium sacramentum est, Ecclesie ratione significationis, & sic ordini non dicitur opponi: at ut est in officium nature ratione carnalis generationis, bene disconuenit sacro ordini propter causas prius dictas, & quo ad hoc opponitur, ut patet rectè intuenti. Explicato primo dubio, alterum accedit, ubi videndum. An uxoricidium, siue uxoris occisio, vel interfectio matrimonium valeat impedire, Primo aspectu videtur esse dicendum, quod non. Nam maius peccatum videtur esse patrem occidere, quàm uxorem, sed primus à matrimonio non impeditur: ergo, neque secundus. Preterea, si uxoris interfectio matrimonium valeret impedire, hoc eveniret ratione criminis: at in adulterio uxorem occidere deprehensam non est crimen, igitur tale uxoricidium non debet impedire matrimonium. Minor, ut suspecta sit declaratur,



declaratur, q̄a qui sic facit, nihil iniustū facere videtur, nec cōtra personam, quā mortem meruit, nec cōtra iustitiam publicam, quia lex civilis hoc permittit. Ex alio latere huiusmodi suarum coniugum interfectores, vel sunt homicidæ, vel non, si sic, vel ad penitentiam redigendi, vel non: nulli dubium, quod sic: igitur coniugium totaliter eis denegandum. Pro explicatione huius difficultatis secundæ debetis scire, quod virum uxorem suam interficere stat dupliciter. Vno modo per civile iudicium eam accusando de adulterio criminaliter, & per legitimos conuincendo testes, penamq; mortis à lege, vel à consuetudine statutam petendo, & hoc licitum dicitur, si zelo iustitiæ, nō vindictæ, fiat. Alio modo contingit occidere per se ipsum non in iudicio, & sic non licet, quantumcunque sciat eam adulteram esse. Quia nulli quenquam interficere licet, nisi ei, qui publica fungitur autoritate. His ita positis, ad rationes nunc respondendum. Dicamus ergo ad primam, quod uxoricidium non impedit matrimonium solum ratione criminis, sed quia contra matrimonij sēdus est, & quamuis matrem, vel patrem occidere sit maius, & grauius peccatum, quā uxorem interficere, tamen uxoris occisio magis contra matrimonij sēdus, quā matris, vel patris occisio, & ideo magis impedit matrimonium. Ad secundam rationem dicitur, qđ, si uxoris occisio actū deprehensæ in adulterio fiat extra iudicium, semper est peccatum, & iniustum, quia præiudicat personæ, & Reipublicæ; personæ, quæ non debet mori, nisi confessa, & in loco iudicij conuicta. Præiudicat etiam publicæ iustitiæ, quia non per publicum iudicium occiditur, & quamuis hoc lex civilis permittat, non tamen, ut licitum. & hæc pro presenti.

## DE VOTO.

Distinctio 38.

Lectio CLV.

**V**BI de ordinis impedimento terminatus est noster sermo, cōsequens modo est de voti impedimento uerba facere. Diuidatur ergo presens distinctio in segmenta octo. In quorum primo ponitur propositio. In altero voti diffinitio. Conclusio in tertio. Insinuatio in quarto. Instantia in quinto. Illatum unum in sexto. Conclusio in septimo. Demū quesita duo in octauo. Quo ad primum, sit hęc propositio. *Votum commune est illud, quod omnes accipiunt, cum spondent diabolo, & eius pompis renunciare. Singulare uerò, cum quis spondet uirginitatem seruare. Pro cuius insinuatione loco secundo voti premittenda uenit finitio. Votum enim dicitur testificatio quędam promissionis spontanea, quę de his, quę Dei sunt, proprie fieri debet. Sunt tamen aliqua stultorum uota, quę frangenda, ut V. g. uota de non pectinando caput in Sabbato, & similia, quę potius deridenda, quam obseruanda, quia similitudinem quandam dicuntur habere cum Idolatria. At quia hactenus nostis, quodnam sit commune votum, & singulare, queso uotorum singularium pro uberiori doctrina dictorum distinctionem audite. Nam horum singularium uotorum aliud priuatum, & illud est, quod in abscondito factum est: aliud solemne, ut illud factum in facie Ecclesię. Priuatum autem uotum si uioletur, mortale peccatum est. Si uerò solemne, & scandalum, & mortale est. His tertio loco addenda uenit hęc conclusio. Omne quod licite promit-*

præmittimus, totum seruare debemus, siue uotum priuatum sit, siue  
 solemne. Pro cuius insinuatione quarto procedit ita loco Magister  
 Sent. dicendo, quod qui priuatum continentie faciunt uotum, ma-  
 trimonium nequaquam contrahere debent, quia contrahendo mor-  
 taliter peccant. Si autem contraxerint, non separentur, quia pro-  
 bari non potest, quod occultè factum est. Qui autem solemniter uo-  
 uent, nullatenus coniugium inire queunt, continentiam ergo seruare  
 debent uouentes, siue sint uirgines, siue uidue, siue uelata, siue non  
 uelata. Quod enim ante fuit licitum, post uotum fit illicitum, quod  
 si, qui continentiam solemniter uouerunt, aliquo tempore cōtrahant,  
 tunc ab ingressu Ecclesiæ, nec non à fidelium cōgū debent separari,  
 donec humili corde satisfaciant, & ad bonum, quod ceperant, siue  
 inuitè, siue voluntariè reddeant. & hæc de seētis quatuor. In  
 quinto in contrarium instantia adducitur desumpta ex Innocentij  
 autoritate dicentis, quod qui primo spiritaliter nubunt, si postea  
 publicè nupsrint, non solum ad coniugium, sed nec ad penitentiam  
 recipi debent, nisi quibus se coniuxerunt, de mundo recedant. Ad  
 quam instantiam ita respondendum, quod Innocentij autoritas  
 intelligenda sit de illis, qui ab incestus copula desistere nolunt, hu-  
 iusmodi enim ad penitentiam nō sunt admittendi. Volentes tamen  
 dignè penitentiam agere, à penitentia nō erunt excludendi. & hæc  
 de puncto quinto pro presenti. In sexto ex dictis illatum deducitur  
 tale, quod illud uotum per sacri ordinis susceptionē solemnizatum,  
 ac religionis ingressum impedit, ac dirimit matrimonium contra-  
 ctum. Hinc conclusio talis apponitur loco septimo. Viri redcuntes  
 ex captiuitate longa, quos femina putabant fore mortuos, uxores

suas possunt repetere ex iuris potestate. Ad quam insinuandam octauo loco querit primo Magister. De feminis illis, quæ ad aliorum coniugia transierunt putantes viros suos mortuos esse, vel in captiuitate interfectos, vel nunquam liberandos, si illi redierint: an eis debeant reddi: an rea, sint adulterij. Ad hoc potest dici, quod copula prima erat legitima, & ideo ad legitimum consortium redire tenentur, si autem noluerint, sed cum posterioribus uiris remanere, merito sunt excommunicandæ, & ecclesiastica communionem priuandæ, eo quia de re excusabili criminis contaminationem elegerunt, cum prius propter ignorantiam de peccato aliquam excusationem haberent. Queritur secundo, quid de isto, qui uxore sua in patria relicta abiit in regionem longinquam, ibique aliam duxit, penitentia ductus vult eam dimittere, asserens se aliam habuisse, quæ adhuc viuit. An in huiusmodi copula coniugium sit? ad hoc respondetur, quod non, mulier tamen propter ignorantiam à crimine excusatur, vir autem adulterium commisit. Sed ex quo vult ad primam reuerti nec potest, videtur iudicio Ecclesiæ cogi, hanc tenere, & tunc per obedientiam, & timorē incipit excusari.

Vnde reddere debet ei debitum, sed nunquam ab ea exigere, seu pscere. Hic tamen notetis, quod Magister circa presentem locum non tenetur communiter. Nam Ecclesiæ nec ad hoc cogit, nec obedire in proposito tenetur iste.

& hæc de tota distinctione satis.

**Q**uid esset votum, & quoduplex in prædeclarata distinctione intellexistis. Vnde autem dicatur, & quot de integritate eius sint in presenti dicemus. Quò ad primum: votum dicitur à volendo, ut scribit Ricardus. Vnde, sicut nobis duplex velle est, scilicet plenum, quod est velle deliberatiuum: & semiplenum, quod velle dicitur ex surreptione, ita duplex votum, scilicet votum, quod habet voti plenam rationem, & de ratione talis voti est, quod sit factum ex deliberatione. Datur etiam votum, quod plenam voti rationem non habet, & de ratione talis voti non est, quod fiat cum deliberatione, tale enim fieri potest ex surreptione, & quia voti plenam rationem non habet, ideo de necessitate non obligat, sed ex congruitate quadam. & hæc de puncto primo. In altero quinque tanguntur, quæ de integritate voti esse dicuntur. Primum est voluntatis intentio, ita ut quis voluntarie proponat, & vouere intendat, nisi enim esset voluntatis propositum, nullum fieret votum. Secundò requiritur rationis deliberatio, oportet enim quod intentio, & voluntas vouentis sit deliberatione firmata. Tertiò ad votum requiritur cordis promissio, quod habet intelligi de tacito voto, quod sit Deo, qui cor intuetur. Nam in huiusmodi voto tacito, vel secreto homo se obligat Deo per solam cordis promissionem, cuius Deus est cognitor, ut dictum est, & in hac cordis promissione ratio voti perficitur. Quartò ad votum requiritur oris, vel vocis expressio. Nam sicut promissio, quæ sit Deo, sit corde, ita promissio,  
qua

quæ sit homini propter Deum ab homine, sit per verba, vel quocunque exteriori signo. Notandum hic tamen venit, quod votum Deo factum nō solum corde fieri dicitur, sed quandoque exprimitur ore, & hoc propter causas quatuor: prima est propter mentis excitationem: secunda est propter aliorum contestationem: tertia est propter Dei honorem: quarta propter hominum reuerentiam, debet etenim quilibet abstinere, & cauere non propter Dei timorem solum, sed etiam propter reuerentiam hominum à fractione voti. Quintò ad votum requiritur promissionis testificatio, scilicet aliorum testimonium. Nam testimonium aliorum, coram quibus votum emittitur, vouentis promissionem roborat, atq; confirmat. & hæc satis.

## QVOT EXCLVDANTVR A VOTO.

### Lectio CLVII.

**D**VOTUM sese mihi exponenda offerunt hodierna die vobis: quorum primum numerum eorum, quæ à voto secludenda sunt, de quibus fieri votum minimè potest, respicere dicitur. Alterũ verò modos diuersos, quibus solemnizatur votum. Quo ad primum, quinque sunt, de quibus votum fieri minimè potest: primò mala, siue peccata: secūdò necessaria: tertio casualia: quartò minima: quintò, & ultimò indiscreta. Primò à voto mala secluduntur de quibus non habet fieri votum, & si fiat non obligat, & faciens peccat, & grauius seruans. Vnde Isidorus. In malè promissis rescinde fidem, in turpi voto muta decretum. Insuper à voto necessaria



*necessaria excluduntur, cuius ratio est, quia votum est promissio voluntaria: at necessitas voluntatem excludit, est autem necessitas duplex, scilicet absoluta, & conditionata: primo ergo modo quod necessarium est, sub voto minimè cadit. Nam foret stultum, si quis voueret se moriturum, vel se non esse volaturum. Secundò illud, quod est conditionatum necessarium, scilicet ex suppositione finis, quia sine eo salus esse non potest, ideo vno modo cadit sub voto, quia fit uoluntariè, alio modo non, in quantum necessitatis est. V. g. licet abrenunciare pompis diaboli, & seruare fidem Christi de necessitate salutis, ut fit ab hominibus in baptismo. Tertiò à voto casualia excluduntur, vel fortuita, ubi notandum, quòd quedam sunt, quæ in omni euentu bona sunt, vel quæ non possunt malum habere euentum, uti opera virtutis, quæ sub voto absolutè cadunt. Quedam verò alia sunt, quæ nullo modo bonū euentum habere possunt, sicut peccata, & ideo sub voto cadere nullo modo possunt. Quedam deinde sunt, quæ in aliquo casu malum euentum habere possunt, & in aliquo bonum, & tunc, si votū de talibus fiat, in illo casu, in quo bonū habet euentum, obligat. In illo verò casu, in quo malum euentum habet, votum de ipso factum non obligat, ut patet de ineptè uouentibus. Quartò à voto minima excluduntur, qualia solent esse mulierum uota, quod non pectent caput in die Sabbati, & similia, quæ potius deridenda, quàm seruanda, etiam si fieri videantur pro honore sanctorum, cuius ratio est inquit Albertus, quia talia vota magis sortilega sunt, & idolatriæ reliquiæ quedam: quare nullo modo seruanda. Quintò à voto secluduntur indiscreta, puta vota, quæ fiunt de ieiunijs immoderatis, & vigilijs redundantibus in de-*

trimentum personæ. Quæ seruanda minimè sunt, cuius ratio est, quia sub voto nil cadit, nisi in quantum virtutis actus est: at immoderata corporis maceratio in personâ redundans detrimentum, non est actus virtutis, sed potius quando fit ieiunium cum discretione: ergo. Et hæc de primo puncto. In altero agendum venit de modis, quibus votum solemnne fieri dicitur. Ut igitur solemnitas alicuius promissionis corporalis attenditur secundum aliquod corporale, ita solemnizatio promissionis spiritualis attendi habet secundum aliquod spirituale, quod ad Deum pertinet. V. g. militiæ solemnitas in quodam equorum, armorum, & cursu militum apparatu consistit. Similiter nuptiarum solemnitas in apparatu sponsi, & sponse, & propinquorum conuentu. Cum ergo votum sit quædam promissio facta Deo, solemnitas voti, sit cum quadam benedictione, vel consecratione, ita quod tribus uotum solemnizatur modis: primo modo per sacri ordinis receptionem. Secundo per certæ regulæ professionem. Tertio modo solemnizatur per veli virginitatis, vel viduitatis receptionem, quando scilicet aliqua mulier virgo, vel vidua virginitatis velum, vel viduitatis accepit, & vestem religiosam assumpsit, & in scriptis à se, vel ab alio factis, & suo signo signatis promisit, se perpetuo continentiam seruare. & hæc de pollicitis satis.

## DE CONTINENTIAE VOTO.

### Lectio CLVIII.

**V**T nobis pateat facilis aditus ad subsequentem distinctionem, adhuc duo alia in presenti perpendam. In primis quotuplex  
votum

votum continentia sit : deinceps , an solemne votum matrimonium impediatur . Quantum ad primum , continentia votum duplex est , scilicet solemne , & simplex . Quando autem sit solemne continentia votum iam diximus ; quamvis de hoc uarie sint opiniones apud aliquos iurisperitos . At quia hic est sermo de uoto solemni , propterea uelim sciatis , quo modo solemne , & publicum differunt . Nam quodlibet votum coram multis in publico factum , publicum dici potest : attamen non quodlibet tale debet dici solemne , nisi illas habeat , quas diximus , cōditiones . Multo plura possem dicere : at hic supersedeo , ut etiam alijs legendi Gersonem detur occasio . Explicato itaq; puncto primo his paucis uerbis , sequitur alterum , dum queritur ; An solemne votum impedire ualeat matrimonium , dirimereq; contractum . Pro parte negatiua solent argumentari quidam ita dicentes , iuramentum uoto simplici additum licet dicatur impedire matrimonium contrahendum , attamen contractum dirimit minimè : ergo nec solemnitas . Insuper hoc idem Celestinus in decretali extra , quod clerici uouentes matrimonium contrahere non possunt : Rursus apud Deum nō minus obligat simplex uotum , quàm solemne : at per simplex uotum matrimonium impeditur , sed non dirimitur : igitur neque solemne votum . Ex alio latere in oppositū se habet Apost. ad Cor. dicens . Dispondi enim uos uni uiro uirginem castam exhibere Christo : ergo solemne votum continentia matrimonium impedit contrahendum , & iam contractum dirimit . Pro dilucidatione , quid uotum esset dicendum : Insuper de quo sit : at quia de his aliàs diximus : ideo silentio talia pro presenti inuoluemus , supponentes tamen simplex uotum contrahendum

E e e

impedire

impedire matrimonium, sed nō dirimere contractum, uotum verò  
solemne impedire, & dirimere, cuius ratio dicitur esse, quia res  
alicui promissa, sed nondum tradita, in alterum transferri potest,  
licet peccet transferens contra promissum faciens. Cum ergo in  
uoto simplici sit solum promissio continendi, in uoto verò solemnī sit  
traditio corporis sui in manu alterius uice Dei, patet, quod pōt  
simplex uotū, quis potest corporis sui potestatem dare alteri, scilicet  
coniungi per matrimonium, licet peccet contra promissum faciens,  
hinc simplex uotū contrahendum dicitur impedire matrimonium,  
quia illicitè contrahitur, non dirimit tamen contractum. Post verò  
solemne uotum quis sui corporis potestatem alteri dare non potest,  
cum iam in alterum transtulerit uice Dei, & ideo continē solum-  
ne uotum impedit matrimonium contrahendum, dirimitq; contra-  
ctum. His ita positis, argumenta nunc de facili soluentur. Nam  
primum non concludit, quia solemnitas plus addit ad uotū simplex,  
vel additum supponit, quàm iuramentum. Iuramentum enim nisi  
confirmationem promissionis addit, quæ in simplici uoto est: at so-  
lemnitas addit, vel supponit ultra simplex uotum rei traditionem  
promissæ, ratione cuius habet impedire, & dirimere matrimonium  
contractum. Ad secundum argumentum est dicendum, qđ com-  
paratio illa intelligenda sit, quò ad peccati genus. Nam uterque  
mortaliter peccat uotum simplex, atq; solumne transgredi-  
ens, sed non quantum ad peccati grauitatem, nec  
quantum ad matrimonij impedimentum pro-  
pter causas prædictas. hæc intantum.

**N**ON magno verborū apparatu hactenus Magister Sent. egit de impedimentis matrimonij, quæ faciunt personam simpliciter illegitimam. Modo eius consilium est loqui de impedimento eam illegitimam faciente respectu alterius personæ. Posita serie in hunc modum una cum intentione, diuidi habet nunc presens distinctio in sex puncta. In quorum primo ponitur conclusio. In altero instantia. In tertio propositio. In quarto quesita duo. In quinto conclusio. Insinuatio denique in sexto. Quò ad primum, sit hæc conclusio. Diuersæ religionis personæ ad contrahendum simul matrimonium sunt illegitimæ. Nec id mirum: contrahi enim nequaquā potest matrimonium ab his, qui sunt diuersæ religionis. Nam dispar cultus personas ad contrahendum facit illegitimas. Vnde Aug. ne nubat femina, nisi suæ religionis viro, vel ne vir talem ducat uxore. Item Ambr. caue Christiane Gentili, vel Iudeo filiam tuam tradere. Ex his ergo alijsq; pluribus testimonijs apparet, non posse contrahi coniugium ab his, qui sunt diuersæ religionis, & fidei. Enodato puncto primo, alterum in ordine apponitur secundum, ubi instantia talis per Apost. proponitur. Si quis habet uxorem infidelem, & hæc consentit habitare cum isto, non dimittet illam, & similiter dicit de muliere, obuiant ergo hæc prædictis. Pro responsione huius instantiæ debetis scire, illud dictum, scilicet quod, qui sunt dispares in cultu, contrahere non

possunt, intelligendum fore de illis, qui existunt in dispari religione, seu cultu, seu fide, qui sic manentes contrahere nequeunt. Quod autem Apost. ait, debet intelligi de illis, qui unius fuerunt infidelitatis, quando coniuncti sunt, postmodum unus sine altero ad fidem conuersus est, quando enim sic est, si infidelis cum fidei cohabitare consentit, tunc suadet Apostolus fidei, ut eam non dimittat, quia forsitan per fidelem saluanda est. Licitè tamen fidelis infidelem cohabitare etiam uolentem dimittere potest, quoniam infidelitas quedam fornicatio spiritualis est, propter quã uxor potest dimitti, sicut propter corporalem fornicationem, quæ autoritatibus omnia probantur, ut patet in textu. Ex his tertio loco infertur talis propositio. Vir fidelis, ut iam diximus licitè uxorem infidelem dimittere potest, & è conuerso. His quarto loco quesita sunt addenda duo: quorum primum. An propter aliud vitium, quam infidelitatis dimitti possit? ad quod dici potest, quod vir potest uxorem dimittere ob quasdam concupiscentias à lege Dei errare facientes. V. g. si dixerit mulier, non ero tua uxor, nisi mihi diuitias de latrocinio congreges, vel nisi solita lenocinia exerceas. Hæc ergo sunt, & alia similia flagitiosa, propter quæ sine crimine vir uxorem potest dimittere, & nõ solum propter infidelitatem. Quæri solet secundo, si fidelis infidelem dimittat, vel infidelis à fidei recedat; an fidei aliam ducere liceat. Hic ad utranque partem possent adduci auctoritates multæ: at uolentes nos contrarietates soluere dicemus, quod si fidelis dimittat infidelem uolentem secum cohabitare sine saluatoris contumelia, ea uiuente alteram non potest ducere. Si uero infidelis discedat, & dimittat fidelem uolentem secum habitare,



tare, non tenetur discedentem sequi, sed licebit ei alteram ducere, loquēdo tamen de illis, qui in infidelitate sunt coniuncti: at si uterque ad fidelitatem conuersus sit, vel si uterq; fidelis existens matrimonio coniunctus, & postea illorum alter à fidelitate discesserit, fidelemq; derelinquit, tunc non debet dimissus discedentem infidelem sequi, illà tamen uiuente, aliam non potest ducere, quia inter eos ratum fuit coniugium, qđ dissolui non potest. & hæc de quatuor punctis. In quinto hæc ponitur conclusio. Infidelium coniugium minimè est ratum, quia solui potest: nec legitimū, quia non ex fide: sed peccatum, ut testatur Apost. dicendo, Omne qđ non est ex fide peccatum est. Hoc idem confirmari potest pro maiori insinuatione conclusionis premissa in hoc sexto loco per Aug. ita dicentem. Non est vera pudicitia infidelis cum fidele: quare inter infideles coniugium nec ratum, nec legitimum debet dici. Magister verò hac in parte uidetur declinare ad partem affirmatiuam dicendo, inter infideles legitimum esse matrimonium, cum sit inter personas legitimas, non tamen ratum, quia non cum fide: at fidelium concubium legitimum, & ratum dicitur, si persona legitima sint. Opinio ergo Magistri merito personarum, nec non legali institutione, vel moribus prouincia poterit concedi, non tamen sub illo primo sensu, sub quo nos paulò antefumus loquuti. & hæc pro presenti.

## AN FIDELIS CVM INFIDELI MATRIMONIUM VALEAT CONTRAHERE.

Lectio CLX.

**C**Irca distinctionē istam excitari solent duo quesita. Quorum primum. *An fidelis cum infideli ualeat contrahere matrimonium. Alterum est. An conuersus ad fidem infidelem d. mittere possit nolentem cohabitare cum eo sine creatoris contumelia.* Quantum attinet ad primum, ut uideo, pro parte affirmatiua formari queunt nonnulla argumenta: quorum in ordine primum, sic se habet, si uerq; sit infidelis, duo mala sunt, nec ob id impeditur matrimonium: igitur à fortiori, quādo alter sit fidelis, cum ibi unum tantum extet malum. Præterea: ut disparitas cultus inter fidelem, & infidelem, ita inter Christianum, & hæreticum, & inter duos infideles diuersorum rituum, sicut Iudeum, & Paganum: at inter tales uidetur posse esse matrimonium, igitur inter fidelem, & infidelem. Deinde Ioseph contraxit cū Aegyptia, ut habetur Gen. xlv. & Moyses cum Aethiopissa: at in omnibus his erat matrimonium infidelis cum fideli: ergo. In oppositum, ut norunt docti Apost. ad Cor. se habet, dum ait. Cui uult nubat tantum in Domino, hoc est cum fideli, non ergo, &c. Pro dilucidatione huius difficultatis primæ duo supponenda: quorum primum, quod inter duos infideles possit esse matrimonium, dummodo contrahant in gradu non prohibito iure naturali, vel diuino. Cuius ratio est, quia hoc cum de iure sit naturali omnibus licitum, quibus tamen non sit prohibitum. Alterum est, quod cultus disparitas im-

pedit

pedit matrimonium contrahendum, & dirimit contractum ex se  
 quidem disp. sicut, & ex statuto Ecclesie completivè. His ita  
 positis, de facili argumenta solentur. Ad primum igitur dicitur,  
 quod infidelitas matrimonium minimè impedit, quatenus peccatū  
 est: at propter cultus dissimilitudinem, & subversionem fidelis, &  
 impedimentum debite educationis prolis. Ad secundum dicitur, qđ  
 inter infideles disparitas cultus matrimonium impedire potest, si  
 apud eos sit ius positivum hoc prohibens, sicut inter fideles, alias  
 contrahere possent, cum non sit eis prohibitum. Idem quoque foret  
 de fidelibus, & infidelibus, nisi obuiaret statutum iuris, & dictum  
 Apostoli: quare matrimonium contractum inter fidelem, & he-  
 reticam tenet, non autem cum alia infideli. Nec id mirum, quia  
 primo modo cum fidelibus heretici infideles communicant in sacra-  
 mento fidei ( scilicet in baptismo ) at non quo ad actum fidei secun-  
 do verò modo non sic: propterea cauendum, ne cum altera quis cō-  
 trahat infideli. Ex dictis ad tertium, quid dicendum sit, patet. Nā.  
 circa materiam hanc aliud fuit ante legem Moysi, aliud sub lege,  
 & aliud tempore Evangelij. Quia ante legem poterat fidelis cum  
 infideli contrahere, quia circa hoc nulla erat prohibitio. Quo modo  
 cōtraxit Moyses cū Madian filia, & Ioseph cū Aegyptiaca. Tē-  
 pore verò legis fuit prohibitum cōtrahere specialiter cum Cananeis  
 propter eorum obstinationem, & peruersitatem, nisi relicto ritu  
 suo conuerterentur ad fidem. & hec de primo quesito. Quæritur  
 secundò. An conuersus ad fidem possit dimittere infidelem nolē-  
 tem sine contumelia creatoris cohabitare. Hic multa dicenda es-  
 sent, sed, ut me expediam, paucis dicam, quod conuersus ad fidem  
 absolute

*absolutè infidelem dimittere non debet, scilicet propter infidelitatem, quam nouit, & in qua existens contraxit: at propter blasphemiam creatoris, vel propter periculum suae subuersionis, quando uidet infidelem nitentem ad infidelitatem eum pertrahere. & hæc pro presenti satis sint dicta nostra lectione.*

## DE COGNATIONE CARNALI, ETC.

Distinctio

40.

Lectione CLXI.

**E**Xplicaturi quadragesimam distinctionē huius libri quarti in ordine, continuationem primo perpendemus: Insuper ad diuisionem accedemus. Quantum spectat ad primam, ex quo Magister Sent. superius verba fecit de impedimentis matrimonij disparis cultus personam ad contrahendum illegitimam reddentibus respectu personae alicuius propter distantiam ad ipsam, nunc determinare intendit de impedimentis matrimonij, quae faciunt illegitimam personam ad contrahendum respectu alicuius personae ob propinquitatem ad ipsam. Vnde tota hæc distinctio Magistri circa hoc versari videtur, scilicet quod cognatio carnalis, & spiritalis matrimonium impediunt. Premissa continuatione una cum intentione, diuidi modo habet hæc distinctio in sexa quinque. In quorum primo habetur conclusio. Insinuatio in secundo. Gradus consanguinitatis secundum diuersos tanguntur in tertio. Instantia in quarto. Notandum denique in quinto. Quo ad primum hæc sit conclusio. Infrà quartum gradum non possunt cognati inire matrimonium,

monium, ut decretalis dicit. Pro insinuatione cuius loco secundo agendum fore de cognatione, & affinitate proponit Magister Sent. de quibus ipse subdit, quod cognati, & affines in gradu septimo, & infra copulari debent minime. Vnde Gregorius. Progeniem suam unumquemque usque ad septimam observare decernimus generationem, & quandiu se agnoscunt affinitate propinquos, vel cognatos, ad conjugalem copulam accedere denegamus. Quod si fecerint separentur. Item Nicolaus Papa. De consanguinitate sua nullus uxorem ducat, usque post generationem septimam, vel quousque parentela cognosci potest. His ergo auctoritatibus, alijsq; pluribus consanguineorum coniunctiones prohibentur usque ad gradum septimum. Enodatis adhuc sectis duobus, accedit tertium in ordine, ubi de consanguinitatis gradibus loquendum: à diuersis enim diuersimodè computantur. Nam quidam, ut Isidorus, sex gradus computant, consanguinitatis truncum numerando minime inter gradus, quia negat ipse inter patrem, & filium consanguinitatis gradus esse, & hoc, quia una sint quasi caro. Si ergo supposito filio, & filia, fratre, & sorore quasi trunco: in primo nepos, & neptis: in secundo pronepos, & proneptis: in tertio abnepos, & abneptis: in quarto adnepos, & adneptis: in quinto trinepos, & trineptis: in sexto trinepotis nepos, & trinepotis neptis. Quidam alij ponunt patrem in primo gradu, ita ut sit minime gradus cognationis inter patrem, & filium negandus, & hi septem fatentur esse gradus. Quamuis ergo varij in numero graduum inueniantur, nulla tamen videtur existere diuersitas quantum ad terminum, licet quò ad initium. Nunc quarto loco contra predicta adducen-

datalis venit instantia. Augustino Anglorū Episcopo Gregorius, à quo requisitus fuerat, quā generatione debeant copulari, sic rescribit. *Quedam lex Romana permittit, ut siue fratris, vel sororis, seu duorum fratrum germanorum, seu duarum sororum filius, & filia misceantur. Sed experimento didicimus, ex tali coniugio sobolem non posse succedere: unde necesse est, ut quarta, vel quinta generatione connubia debeant fieri, & licitè. Ad hanc instantiam ut respondeamus, ita dicemus: Gregorij dictum nō esse intelligendum generaliter, sed specialiter Anglorū genti, qui nuper ad fidem venerunt, cōcessisse, ne à bono, qđ inceperant, austeriora metuedo recederent, quibus postea in fide solidatis, hoc minimè licere dicit. Immo si infrā consanguinitatis lineam propriam, aut affinitatis lineam, propriam scilicet generationē inuenti fuerint copulati, separandi. His tandem notandum, ut claudatur presens sermo, venit addendum, quod est tale. Magistri scilicet sententiam de consanguinitatis gradibus dudum habitam per summum Pontificem fuisse reuocatam, ex aliorum Doctorum dictis. & hęc satis.*

## DE COGNATIONE MULTIPLICI

### Lectio CLXII.

**A**D faciliorem doctrinam eorum, quæ dicta sunt in prædeclarata distinctione, de significatis cognationis in presenti verba faciemus, tria considerātes, iuxta triplicem cognationem. Est enim cognatio carnalis: Insuper spiritalis: deinde legalis. Carnalis illa est, qua homo per carnalem generationem esse



esse natura accepit, ita per spiritualē regenerationem esse gratia, & utrobique vinculum quoddam, ut Ricardus scribit, contrahitur. Dicitur autem cognatio spiritualis, quia à spiritualibus, ut Paluden ait, causatur. Et finitur à Iurisperitis, & post eos à Doctoribus Theologia. Cognatio ergo spiritualis propinquitas est personarum proueniens ex sacramenti datione, vel ad illud retentione: ut puta à unione ad dantem, vel tenentem robur trahens ex Ecclesiæ institutione. & hæc proximitas (referente Ricardo) si præcedit, matrimonij contractum impedit contrahendum, & dirimit, si postea de facto contrahatur, sicut per Decreta patet: Et tres habet species: Vna dicitur spiritualis paternitas, & hæc attenditur inter patrem spiritualem, & filium spiritualem. Est autem pater spiritualis, quò ad presens, ille, qui baptizat, & ille qui baptizatum suscipit de baptismo, ac Episcopus, qui confirmat, & ille, qui tenet eum coram Episcopo. Filius autem spiritualis ille, qui baptizatur, vel confirmatur. Secunda species compaternitas vocatur, & hæc attenditur inter parentes carnales ipsius baptizati, vel confirmati, & iam dictos patres spirituales eiusdem. Tertia species dicitur fraternitas spiritualis, & hæc attenditur inter filium spiritualem, filiosq; carnales sui patris spiritualis. Vnde omnes filij baptizantis, & oēs filij susipientis aliquem hominem de baptismo, fratres dicuntur illius spirituales, qui baptizatur, & suscipit de baptismo. Pater autem spiritualis matrimonium cum filia spirituali contrahere non potest, nec mater spiritualis cum filio spirituali: & dato, quòd contrahant, penitus illud erit dirimendum matrimonium. Quo ad secundam speciem ratione compaternitatis: Pater spiri-

tualis contrahere minimè potest matrimonium cum matre carnali-  
 sat spiritualis filij, nec mater spiritualis cum patre carnali, & si  
 contraxerit matrimonium, tunc dirimendum, si tamen huiusmodi  
 paternitas non fuit contracta ante carnalem copulam. Spirituales  
 verò filij sunt illi, quos de sacro fonte leuamus, vel catechizatione,  
 vel in confirmatione tenemus. Et paternitas, ut hic sumitur, illa  
 dicitur, quæ acquiritur ex his, quæ fiunt circa sacramenta duo tan-  
 tum, scilicet circa sacramentum baptismi, & confirmationis. Hic  
 unum notandum, quod leuantes simul, ut puta vir, & mulier ean-  
 dem prolem de baptismo, non prohibentur inter se contrahere, quia  
 quamuis eadem proles sit utriusque filius spiritualis, tamen ex hoc  
 mater spiritualis, & pater spiritualis nullam inter se contrahunt  
 compaternitatem, siue spiritualem cognationem. Quantum ad ter-  
 tiam speciem omnes liberi (ut iura moderna determinarunt) duo-  
 rum compatrum legitime possunt contrahere, excepta sola prole spi-  
 rituali, quæ si sit masculus, nunquam poterit legitime copulari ali-  
 cui carnali filia sui patris spiritualis, nec alicui patris filio, si fue-  
 rit femella, & quia baptizans sacerdos fit pater spiritualis ipsius  
 baptizati, ideo si sacerdos ipse habeat filium carnalem, ille legitime  
 non poterit contrahere matrimonium cum aliqua filia ab eodem sa-  
 cerdote baptizata. Latius hæc apud Iuris consultos, & Theologos.  
 hæc intantum dicta de cognationibus duabus. Tertia superest, quæ  
 legalis dicitur, & est quedam humana proximitas ex adoptione  
 proueniens, ut legere est apud Theologos, ac Iurisperitos. Adoptio  
 autem est extraneæ personæ in filium, vel nepotem, & deinceps  
 legitima assumptio. De speciebus verò legalis cognationis, quid di-  
 cturus

*Eturus, audite. Nam tres dicuntur esse species: Quarum prima est, inter patrem adoptantem, & prolem adoptatam. Altera inter prolem adoptatam, & naturalem prolem adoptantis. Tertia est, quasi per modum affinitatis inter filij adoptiui uxore, & adoptiuū patrem, & inter filium adoptiuum, & uxorem patris adoptiui. Hæ autem species omnes matrimonium impedire dicuntur, sed inæqualiter. Nam licet secunda species, quæ dici potest fraternitas legalis cognationis, impediat matrimonium inter prolem adoptatā, & naturalem, quandiu utraque proles in patris potestate est: tamen mortuo patre possunt legitimè contrahere, vel etiam adhuc viuente patre, si una earum fuerit emancipata, tunc enim amplius nullum erit impedimentum. Emancipata verò proles dicitur, quando data sibi hereditaria portione secundum leges, ipsa tunc temporis ponitur extra familiam patris. Prima verò, & tertia species legalis cognationis absque distinctione matrimonium perpetuè impediunt. Nam pater adoptiuus nunquam contrahere potest matrimonium cum filia adoptiua, siue adhuc talis filia sit in patris adoptantis familia, siue non. Etiam pater adoptiuus nunquam legitimè potest matrimonium cum uxore filij adoptiui post mortē huius filij contrahere, nec filius adoptiuus cum uxore sui patris adoptiui post mortem huius patris, dato etiam qđ ante patris mortem fuerit emancipatus. Hęc singula apud Iuris peritos latius disquirite. & hæc satis pro presenti nostra lectione.*

**P**RO complemento dictorum precedentium occasionem  
nacti ex verbis Magistri Sent. perbreuem admodum,  
utilem tamen examinabimus questionem de consanguini-  
tate. An scilicet matrimonium hec impedire valeat. Quidam  
proposita questione ad partem negatiuam declinantes, in hunc  
modum argumentari consueuerunt. Quæ magis conuenientia, siue  
similia, magis quoq; unibilia: at cōsanguinei similiores, atq; pro-  
pinquiores, facilius ergo, ac cōuenientius p̄ matrimonium coniun-  
gentur: quare consanguinitas matrimonium impedire non uidetur.  
Præterea, quæ mulier potuit esse viro propinquior, quā Eua Ada,  
da cuius costa fuit formata, deinde illi matrimonialiter coniuncta?  
igitur, & ceteræ poterunt quantumcunque propinqua coniungi,  
non ergo consanguinitas videtur impedire posse matrimonium. Ex  
alio latere Greg. videtur asserere, quod ex tali connubio nequeat  
proles generari, signum igitur est, quod consanguinitas matrimo-  
nium valet impedire. Pro decisione huius perbreuis questionis tria  
videnda erunt, quid sit consanguinitas primò. Insuper, quo iure  
matrimonium dicatur impedire. Tertiò usque ad quem gradum.  
Quo ad primum, consanguinitas dicitur esse vinculum personarum  
ab eodem stipite descendantium carnali propagatione contractum.  
Hoc autem vinculum, seu propinquitas, sicut & omnis amicitia  
in communicatione triplici fundatur, scilicet naturæ, curæ, &  
disciplina: naturæ, quia omnes cōsanguinei descendunt per carnis  
propa

propagationem ab uno stipite, qui cōmunis eorum est parens: curae  
 deinde parentum, qua protenditur ad filios non solum immediatos,  
 sed etiam ad filiorū filios, quot quot videre possunt: & disciplina,  
 quia proles sub patris potestate, & subiectione debet esse. Linea  
 verò consanguinitatis dicitur ordinata collectio personarum con-  
 sanguinitate coniunctarum, & haec triplex est, iuxta triplicem ha-  
 bitudinem, quam dicuntur consanguinei habere adinuicem. Vna  
 est principiati ad principium, ut filij ad patrem, auum, proauum,  
 & supra; & secundum hanc accipi solet linea ascendentium. Alia  
 est principij ad principiatum, ut patris ad filium, nepotem, prone-  
 potem, & infra, & penes hanc sumitur linea descendentium, quae  
 realiter non est alia ab illa ascendentium, sed eadem, accepta tamen  
 secundum alium, & alium computandi modum. Nam secundum  
 unam sit inceptio à superiori descendendo, & secundum aliam ab  
 inferiori ascendendo. Tertia habitudo est eorum, qui sunt ab vno  
 principio sicut fratrum, qui sunt ab eodem patre, & matre, &  
 nepotum, qui sunt ex duobus fratribus, vel sororibus, & sic deinceps,  
 & secundum hanc linea collateralium accipitur. Quantum  
 ad secundum dici potest, quòd consanguinitas secundum lineam as-  
 cendentium, & descendentium de iure naturali impediat matri-  
 monium, quòd ad omnem gradum. Secundum verò lineam collate-  
 ralem de iure diuino impedit matrimonium in gradu primo, ut pu-  
 tà inter fratrem, & sororem, & ceteros primi gradus, ut pater  
 Leuit. xviii. de iure verò positiuo vsque ad quartum impedit gra-  
 dum inclusuè. Hinc tertium de facili colligi potest, quod prohibi-  
 tio consanguinitatis vsque ad gradum quartum mansit. His ita  
 positis

positis, nunc ad rationes respondendum, & primò ad primam sic. quòd quamuis similitudo, & proprietas valeat ad coniunctionem, non tamen ad omnem coniunctionis modum. Licet ergo propinquorum magis valeat ad coniunctionem naturalis amicitia, non tamen ad matrimonialem coniunctionem, per quam ad extraneos debet amicitia dilatarì. Ad secundam rationem dicitur, quod Eva Ade in aliquo consanguinitatis gradu nò attingebat, quia per viam naturalis generationis formata non fuit, sed miraculosè, & ideo non est simile. Argumentum in oppositum patet ex dictis.

## DE CRADIBVS AFFINITATIS.

Distinctio 41.

Lectio CLXIII.

**M** Irabili certè ordine Magister Sent. videtur procedere, qui paulò ante cum determinauerit de impedimento consanguinitatis, nunc consequenter intendit loqui de impedimento affinitatis. Diuidatur itaque presens distinctio in puncta septem. In cõclusionem primò. Pro insinuatione cuius in quidditatem affinitatis secundò. In instantiam tertio. In quesita duo quartò. In propositionem quintò. Pro insinuatione, in peccatorum distinctionem sextò. Et in notandum septimò. Quò ad primum, sic hæc conclusio. Qui infrà affinitatis gradum coniunguntur, habita notitia, abinuicem separentur, & eorum filij legitimi habeantur. Pro cuius insinuatione loco secundo quid sit affinitas tangit Magister in textu, dum ait, quòd est parentela, quæ ad virum ex parte



parte uxoris, & ad uxorem ex parte viri pertinet. Quia enim vir, & uxor una caro sunt, hinc rationabiliter propinquitas, & parentela unius efficitur alterius, ut sit una utriusque. Vnde ab alijs affinitas sic describitur, quod sit attinentia, vel propinquitas personarum ex carnali copula, vel commixtione mediante, ex consanguinitate proveniens. Propterea solet dici, quod vir, & soror uxoris sint in primo gradu, filij verò sororis in secundo gradu à viro, neptis verò in tertio, & sic deinceps, usque ad septimum gradum. Enodatis duobus punctis, tertium accedit, ubi instantia contra adducta profertur talis. Videtur, quod inter affines coniugium contrahi possit in quarta, & quinta generatione, ut perbellè probant autoritates multe in textu Magistri Sent. non ergo id verum, quod superius fuit tactum à nobis, ad aures authoris, aliorumq; circa materiam affinitatis idem sentientium. Ad hanc dirimendam instantiam, velim dicatis, huiusmodi autoritates in oppositum se habentes intelligendas fore secundum misericordie dispensationem. Nam videtur, quod etiam fieri possit dispensatio in affinitatis copula usque ad gradum tertium, sicut Gregorius etiam dispensavit in quarto consanguinitatis gradu. His quarto duo quæsitæ addenda sunt loco; quæritur enim primò. Num affinitas maneat, quamvis matrimonium transeat. V. g. si mulier alicui viro copulata ad eius cognationem pertineat, utrum eo defuncto matrimonium maneat, vel dissoluatur? dubio proposito Magister Sent. per plures determinat autoritates, matrimonio transeunte affinitatem remanere. Quæ affinitas matrimonium dicitur impedire usque ad prædeterminatos gradus: infra quos, si fuerint consanguinitatis

nitalis gradus contineri, ab Ecclesiis tunc separandi. *Queritur*  
 secundo, si in Ecclesie conspectu ignoranter coniungantur, &  
 postmodum consanguinitate probata eiusdem Ecclesie iudicio sepa-  
 rentur, an copula illa fuerit coniugium? quidam, ut respondeant,  
 dicunt, quod persone minime legitime erant, & idè nec coniu-  
 gium dici debuit. Videntur tamen excusari per ignorantiam à  
 crimine, quia bona fide, & per manum Ecclesie conuenerunt.  
 Vnde, & eorum filij legitimi habentur. Alij verò asserunt coniu-  
 gium fuisse, quamuis legitime non fuerint persone, & hoc, quia  
 Canones tales coniunctiones legitimas vocant. His quinto appo-  
 nenda venit talis propositio loco. *Quæ sit differentia inter stuprum,*  
*adulterium, incestum, & fornicationem, hæc litera dat sufficientem*  
*explanationem.* Pro cuius insinuatione peccatorum distinctio de-  
 claranda venit loco sexto; diuersa enim dantur peccata: scilicet  
 fornicatio, stuprum, adulterium, incestus, & raptus. Quò ad  
 primum, quamuis fornicatio genus sit omnis illiciti coitus, qui sit  
 extra uxorem, specialiter tamen intelligenda est abusus viduarum,  
 vel meretricum, vel concubinarum, ut aliàs fuit tactum. Stuprum  
 verò dicitur virginum illicita defloratio. Adulterium autem alieni  
 tori violatio. Incestus consanguinearum, vel affinium abusus. Ra-  
 ptus, cum puella violenter de domo patris educitur, ut corrupta in  
 uxorem habeatur. Tandem, ut cautius fieri habeant coniugia, affi-  
 nitatum quedam septimo loco apponenda erunt nomina. Frater  
 ergo uxoris, & soror eius cognati viri dicantur ob nominum penu-  
 riam. Uxor verò fratris potius fratris, quàm cognata. Frater  
 mariti leuir dicitur, uxores verò duorum fratrum ianitrices vocan-  
 tur,

tur, quasi eandem ianuam intrantes. Soror viri glos uocatur: vir autem sororis speciale nomen minimè habet, nec uxoris frater. Et rectè dicitur notanter, affinitatum nomina quædam, quia nomina singularium affinitatum non sunt imposita ob occultas rerum proprietates nos latentes, & ideo alijs circumloquuntur nominibus, unumq; nomen plura significare necesse, ut inquit philosophus. & hec pro tota distinctione satis.

AN INTER AFFINES MATRIMONIUM  
CONTRACTVM DIRIMENDVM?  
Lectio CLXV.

**V**T ea, quæ dixit Magister Sent. in prædeclarata distinctione, nobis magis nota fiant, in presenti duo examinanda erunt. Quorum primum. An inter affines, vel consanguineos matrimonium contractum dirimendum sit. Insuper speculandum. An aliqua proles illegitima sit dicenda. Quò ad primum, negatiuè sic arguitur. Possessor bonæ fidei per temporis diuturnitatem ius in possessione acquirit, cuius non erat dominus prius; à simili maritus, qui bona fide cum affine contraxit, per diuturnitatem temporis ius in ea acquirit, ut iam sua sit. Insuper quot hisce temporibus affines sunt, nec ob id, cum prius fuerint coniuncti, separantur? non ergo, &c. Ex alio latere, uti cultus disparitas propter nimiam distantiam matrimonium impedit, ita consanguinitas, & affinitas propter nimiam propinquitatem. Pro decisione huius difficultatis primæ duo videnda: quorum primum est, quòd

omne vinculum societatis, quod sine peccato stare non potest, dissol-  
uendum sit: alterum est, quod ad accusandum matrimonium in  
gradu prohibito contractum debeant admitti consanguinei, quia  
hoc in casu videntur esse magis idonei. Si verò accusaretur matri-  
monium pro altero impedimento, tunc extranei admittendi essent.  
His ita positis, ad argumēta quid dicendum, audite: primum enim  
nullum est, quia non est simile de dominio rei, & de matrimonio.  
Nam illa, quae sine peccato esse nequeunt, nulla prescriptione longi-  
temporis firmantur: quia temporis diuturnitas peccatum non mi-  
nuit, sed auget. Ad secundum dicitur, quod multi affines coniuncti  
non separantur, vel quia non accusantur, vel quia iudicio Eccle-  
siae dispensantur. & hęc de prima questione. Post quam queritur  
secundò: an aliqua proles illegitima sit. Mihi primo aspectu vi-  
detur, quod non. Nam Deus iudicat omnem prolem legitimam ad  
successionem aeternam, dummodò parentū vitia non sectetur: ergo  
omnis proles legitima ad successionem temporalium legitima repu-  
tanda. Insuper parentum peccatum filiis non videtur esse imputan-  
dum ab originali: quare propter illegitimum concubitum nō debet  
illegitima proles iudicari: ergo. In oppositum sic arguitur, qualis  
est causa, talem producit effectum: at concubitus est prolis causa,  
igitur ex illegitimo concubitu illegitima proles. Pro dilucidatione  
huius difficultatis secundæ, duo dicenda sunt. Primum est, quod  
aliqui filij sunt illegitimi. Secundum est, quod aliqui tales possunt  
legitimari. Quantum ad primum, illi dicuntur illegitimi, qui na-  
scuntur præter legem matrimonij. Quantum ad secundum filij ille-  
gitimi octo modis possunt legitimari, secundum iura civilia sex, &  
duobus

*duobus secundum iura Canonica. Vt ut sit de modis istis, ne tempus conteramus in his recensendis, ad argumenta soluenda accedemus, ad primum ita dicentes, qđ non currit similitudo, quia Deus omnem iudicat prolem legitimam, quantum ad animam, cum omnis anima à Deo sit per creationem: hinc legitimus omnis dicitur ad successionem aeternam, si tamen legitimè viuat. At ex parte corporis illegitimum habet exordium: quare nullum est argumentum. Ad secundum dicitur, quòd parentum delictum filijs non imputatur ad penam eternam ab illo originali, vt iam dixi, attamen dici potest, qđ ad penam temporalem, cum filij sint quid patris illorum, delictum habeat imputari, quo modo loquimur nos in presenti.*

DE SPIRITVALI COGNATIONE.

Distinctio 42.

Lectio CLXVII.

**H***Aec est quadragesima secunda huius libri quarti distinctio in ordine, circa quam versaturus, quo modo à precedentibus pendeat distinctionibus, primò dicam. Insuper ad diuisionem accedam. Quantum ad primum, ex quo Magister Sent. superius egit de impedimento propinquitatis carnalis, consequens modo est verba facere de impedimento propinquitatis, & hæc de coherentia una cum intentione paucis. Diuidi nunc habet presens distinctio in puncta octo. In quorum primo ponitur conclusio. In altero probatio. In tertio propositio. Notandum in quarto. Instantia in quinto. Quesitum in sexto. Conclusio in septi-*

mo cum probatione. Propositio denique in cetauo. Quantum ad primum, sit hæc conclusio. Matrimonium impediunt consanguinitas, & affinitas, & etiam spiritualis germanitas. Pro cuius probatione, loco secundo Magister ostendit, post prædicta agendum esse de cognatione spirituali, quæ etiam personas illegitimas ad contrahendum reddit. Quot aut propinquitatem dicant, matrimoniumq; impediunt, tria esse in textu fatetur Doctor, scilicet cōsanguinitatem, affinitatem, & spiritualem propinquitatem. Quid autem sit consanguinitas aliàs diximus: solum superest videre, inter quos sit. Nam referente Magistro Sent. dicitur esse inter eos, qui secundum lineam generis iunguntur. Affines verò, qui non generatione sunt coniuncti, at mediante coniunctione carnali sunt sociati. Spiritualis verò propinquitās illa, quæ inter compatrem pueri carnalem, & commatrem spiritualem, & inter eos, quorum unus alterum de sacro fonte leuauit, aut in catechizatione, vel in confirmatione tenuit, & inter filios eiusdem hominis carnales, & spirituales. Post hæc tertio loco ponenda huiusmodi venit propositio. Ex duobus dumtaxat sacramentis; scilicet baptismo, & confirmatione, spiritualis cognatio oritur, ex qua matrimonij contractus dissoluitur. Pro cuius probatione Magister docet, illos nuncupandos esse spirituales filios, quos de sacro fonte leuamus, vel quos in cōfirmatione tenemus. Filius verò, vel filia spiritualis ipsius sacerdotis, qui, vel quæ sua ei peccata confitetur, vel quam baptizat, ut auctoritatibus in textu pater. Hinc quarto notandum loco tale accedit: Commater, & pater in matrimonio sibi non possunt coniungi, ut pater spiritualis filia spirituali, nec spiritualis mater filio spirituali;



*Et si factum fuerit, debent separari. At si post legitimum matrimonium contractum alter coniugum insidiosè, scilicet ut ab alio separaretur, filium de sacro fonte leuauerit, aut in cõfirmatione tenuerit, non propter hoc sunt separandi, immò qui hoc fecerit penitentia puniendus. At contra hoc quinto loco obiicitur. Extant enim auctoritates multæ à Magistro Sent. adductæ, ut apud ipsum in textu est uidere, quæ dicunt expressè, eos de lauacro natos qui susceperunt, fore separandos: ergo. Ad has respondendum cum Magistro est, quòd sint tales auctoritates intelligendæ de illis, qui priusquam coniuges fierent, filios suos, vel virorum de sacro fonte susceperunt. His sexto queritur loco. An quis commatrem uxoris suæ post eius obitum in uxorem valeat, siue possit ducere. Ad quod negatiuè respondendum est, ut in textu Magistri patet. Post quesitum loco septimo ponitur hæc conclusio. Vir, & mulier uxor eius licitè puerum de baptismo suscipere non possunt, quod Urbani Papæ auctoritate confirmatur, ut scilicet ipsa puritas spiritalis paternitatis ab omni labe, & infamia conseruetur immunis. Ne ergo uterq; simul ad hoc aspirare presumant. His denique, ut presens distinctio claudatur, propositio talis additur. Tertia, & quarta nuptiæ non sunt damnandæ, attamen primæ solemniter sunt venerandæ. Nec illud Apostoli obstat bigamos à sacerdotali honore excludentis: hoc enim non fieri uidetur pro tanto bigamiæ uitio, sed pro sacramento signaculo, quod ibi non seruatur. Vt sit ergo una vnius, sicut unica vnici, dictum Apostoli debet intelligi. & hæc pro presenti.*

## AN NVPTIAE SECVNDAE SINT LICITAE.

Lectio CLXVII.

**E**Xcitanda forent duo quesita circa presentē distinctionem, unum de spiritali cognatione, alterum de legali, valentibus matrimonium impedire: at quia superius de his satis abunde determinauimus, edocentes, quid tenendum, iccirco solum subsequens in ordine tertium examinabimus, quærentes. An nuptiæ secunda sint licitæ. Quidam ad negatiuam declinantes partem ratiocinari videntur primò sic. Chrysostomus super Mattheum v. ait, quòd secundum virum accipere fornicatio est. Insuper Ambr. dicit, quòd matrimonium secundum non est bonum: ergo. Insuper penitentia non indiget, nisi qui peccauit: at bigamus indiget penitentia, non ergo secunda nuptiæ licitæ. In oppositum se habet Apostolus ad Thim. v. Volo iuniores scilicet viduas nubere, filios procreare, matres familias esse. Abraham deinde mortua Sarra legitur contraxisse secundas nuptias cum Cetura: quare, &c. Pro determinatione huius difficultatis est primò sciendum, secundum matrimonium licitum esse, sicut primum. Insuper notandum, quòd secundum matrimonium quaedam honestate caret, quam habet primum. Tale enim duas honestates habet, quas secundum minimè habet. Vna dicitur Christi; & Ecclesia coniunctionis significatio, quæ unius est ad unam, & hæc in primo est matrimonio, non aut in secundo, considerando ipsum in ordine ad primum. Quamuis in secundo secundum se, & præcisè considerato sit coniunctio unius cū una. Alia honestas est benedictionis. Nam nuptiæ prima  
benedi-

*benedicuntur, non autem secunda, quod habet intelligi, quando sunt secunda ex parte mulieris. His ita positis, ad argumenta formata de facili respondendum, & ad primum primò, quod Chrysostomus de illo loquitur, qui prima viuente ducit secundam, tunc enim est fornicatio, & non matrimonium. Vel sic, quòd loquatur, quantũ ad causam, quæ solet ad secundas inuitare nuptias, scilicet cõcupiscentiam, quæ etiam ad fornicationem inuitat. Ambr. verò dicit matrimonium non esse bonum, non quia illicitum, sed quia caret honore sanctificationis, & benedictionis, quæ in primo matrimonio est. Ad secundum argumentum dicitur, illud fore intelligendum de bigamo, qui primæ sit infidatus uxori desiderio secunda. Vel forte de illo, qui viuente prima secundam ducit; tales enim penitentia indigent, non ille, qui secundam ducit. & hæc pro presentis satis.*

DE RESVRRECTIONIS CONDITIONE.

Distinctio 43.

Lectio CLXVIII.

**C**ompleto tractatu de sacramentis, consequenter agendum erit de Resurrectione, & resurgentium gloria, ad quam perducunt sacramenta. Et circa hoc septem consideranda per ordinem. Conclusio primò. Insinuatio secundò. Resurrectionis tempus tertio. Propositio quartò. Questum quintò. Prepositio sextò. Notandum tandem septimò. Quantum attinet ad primum, sit hæc conclusio. Iuxta fidem orthodoxam, & puram

H h h

credere

credere debemus, omnem carnem resurrectionem esse. Ad quam insinuandam loco secundo quoduplex sit resurrectio, & quid resurrectionis dicendum. Est ergo resurrectio duplex, increata, & creata. Increata, ut Deus ipse efficiens, & creatam resurrectionem causans, tam corporalem, quam spirituales iuxta illud Io. Ego sum resurrectio, & vita. Et ista non est futura, sed ab æterno fuit. Alia datur resurrectio creata, & hæc triplex est, scilicet spiritualis, temporalis, & corporalis. Resurrectio spiritualis est illa, qua quis resurgit de peccato ad gratiam, & ista fit à solo Deo. Resurrectio temporalis illa est, qua quis quandoque cadit de prosperitate huius sæculi, & tandem resurgit ad talem prosperitatem, uti patet de Iob. Resurrectio temporalis illa est reunio animarum intellectivarum ad sua corpora. Vnde solet dici: Resurrectio copulatio est rursus anima, & corporis. Vel sic. Resurrectio est iterata resurrectio, quæ cecidit. In qua resurrectione credendum est, idem corpus, quod per mortem cecidit, ad eundem spiritum, idest ad eandem animam rediturum. De hac una cum Magistro loquentes dicimus, omnes resurrecturos. Vnde Apost. ait, Omnes quidem resurgemus. De modo verò nil ego dicam. Nam primò fiet ad corporum reformationem præparatio, & corporum reformatio, & corporum reformationum cum suis animabus proprijs iterata unio. Primum virtute divina fiet, quia pulverem collectio fiet angelico ministerio. Vox tubæ procedet à Christo, in quantum est homo, quamvis ab ipso, in quantum est Deus, sit supernaturalem virtutem habitura, & ista in tempore fiet. Alia duo erunt per virtutem divinam, & in eodem fieri instanti ordine tamen nature. Sed diceris, ex quo resurrectionis

rectionis causa vox tubæ erit, cuius virtute mortui excitabuntur, quæ quidem vox tubæ dicitur, quia omnibus manifesta, & nouissima, quia post eam non erit alia, quid de resurrectionis tempore dicendum? tertio loco paucis tenendum, occultum, & ignotum esse tale tempus, propterea ob incertitudinem mediæ consuevit comparari nocti, cum dicitur, quòd sponſus sit mediæ nocte venturus, erit ergo resurrectio, quando non sperabitur, & hæc de sæctis tribus. In quarto ponitur hæc propositio. Sancti primorum memoriam malorum habebunt. Ad quam probandam quæritur quintò. An electi sint habituri memoriam præteritorum malorum. Pro responsione est sciendum, quòd isti quidem huiusmodi memoriam habebunt, sed non ad pœnam, verũ ad gratiarum actiones, nec ad gloriæ derogationem, seu minorationem, at magis ad gaudium. Nunc sexto ponenda venit hæc propositio. Electorum peccata per pœnitentiam hic deleta, ibi alijs non crunt manifesta. Pro cuius insinuatione debetis scire, quòd etiam illo modo peccata tegi dicuntur, quæ hic per pœnitentiam sunt deleta. Vnde dici solet: Beati, quorum remissa sunt iniquitates, & quorum tecta sunt peccata: nullis ergo tunc manifestabuntur. Alia verò cunctis manifestabuntur ad malorum confusionem. His notandum tale addendum septimo loco, omnes quidem incorrupti resurgent, idest cum membrorum integritate, sed non omnes in gloriam impassibiles resurgent. De viuis verò in aduentu Christi repertis una cum Hieronymo dicendum, quòd obuiam Christo rapientur, subito tamen morientur, ut sic ad resurrectionem transeant. & hæc de tota distinctione.

## AN. IDEM HOMO RESVRGERE POSSIT.

Lectio CLXIX.

**C**irca predeclaratam distinctionem, duo in dubium reuocari posse oculis cerno: quorum primum. *An idem homo resurgere possit. Insuper: An mortuorum resurrectio in instanti futura sit, aut in tempore.* Quantum ad primum, pro parte negativa ratiocinantur quidam sic: Aristoteles libro secundo de generatione ait, quod illa, quorum substantia deperit, eadem secundum numerum non redeunt, igitur neque idem homo resurgere poterit. Preterea, si idem homo resurgere posset, hoc maxime fieret propter remunerationem, vel penam: at hic sententia executioni mandatur bonorum, & malorum, non igitur homo idem resurgere habet propter hec: quare, &c. In oppositum se habet Iob. xix. Scio, quod redemptor meus uiuit, & in nouissimo die de terra surrecturus sum. & Apost. Cor. v. resurrectionem futuram probat. Pro dilucidatione ergo huius questionis prima, cum sit articulus fidei resurrectio, firmiter est tenendum, quod futura. Quo supposito ad formatas rationes de facili dicendum. Prima ergo veritatem habet in omnibus generabilibus, & corrupt. Quo ad actionem naturae, & non quo ad diuinam virtutem, quae multa preter cursum naturae facere potest. Quare illa vera naturaliter: at supernaturaliter nulla est. Altera ratio secunda in ordine currit de sententia, quae executioni mandatur in parte: at in die resurrectionis in toto: quare idem resurget homo, ut secundum totum iudicetur, vel ad premium, vel ad penam. Explicata questione prima his paucis:

altera



altera accedit, dum queritur. An mortuorum resurrectio in instanti futura sit. Mihi primo aspectu videtur esse dicendum, quod in tempore. Nam Aug. xx. de civitate Dei, ait, quod mortui transaturi sunt ad immortalitatem mira celeritate: at hec non est, nisi in tempore, ut velocitas: quare. Preterea, ibi multe erunt actiones inter se ordinem habentes, sed he simul esse nequeunt in eodem instanti: in tempore ergo mortuorum fiet resurrectio. Ex alio latere in oppositum se habet Apost. Cor. v. ubi dicit: quod mortui resurgent in momento, & in ictu oculi. Insuper Aug. ubi supra, ait, qd in ipso temporis puncto rapiuntur obviam Christo in aera. At punctum denotat instans, igitur fiet in instanti. Pro determinatione huius difficultatis secunda supponendum est primo, quod omnes debeant resurgere. Insuper, quod omnium resurrectio debeat fieri in instanti. Quibus duobus presuppositis, argumenta facillime ruent. Illud ergo primum desumptum ex Augustino habet intelligi de collectione pulverum, qua fiet ministerio Angelorum, & hec in tempore erit: at de animatione, & organizatione non sic, nisi tunc accipiatur nomen celeritatis large, scilicet pro eo, quod fit subito, vel in instanti. Ad secundum est dicendum, quod plures actiones, quarum quilibet instantanea sit, nec oppositionem adinuicem habent, in eodem instanti possunt esse. Tales autem erunt animatio corporum, & eorum organizatio in eorum resurrectio, collectio autem pulverum fiet in tempore, & precedet tam animationem, quam organizationem. & hec pro presenti.

## DE AETATE, ET STATURA RESVRGENTIVM.

Distinctio 44.

Lectio CLXX.

**P**ostquam superius determinatum fuit de veritate resurrectionis, & eius conditionibus, consequenter nunc de resurgentium conditione loquendum. Sed antequam id fiat à nobis distinctio prius in sex particulas diuidetur. In quarum prima habetur conclusio. In altera insinuatio. In tertia altera conclusio. In quarta positio. In quinta de sanctorum gloria fit sermo. In sexta, & ultima dubium. Quantum ad primum, hæc sit conclusio. Absque ulla ambiguitate omnes homines resurgent in perfecta ætate, in qua Christus resurrexit, sed non in eadem statura. Ad quam insinuandam loco secundo ita fatur Magister Sent. omnes scilicet homines resurrecturos in ætate, in qua Christus resurrexit: at non in Christi statura: quilibet enim in sua statura resurget, quam prius in iuuenili ætate, habuit, vel quam, si ante obiit, habiturus erat circa trigesimum annum. His tertio additur hæc conclusio loco. Licet omnes cum omni membrorum integritate generaliter habeant resurgere, attamen in specie electi absque vitio ullo, & deformitate resurgent. In quodcumque enim elementum transeat corporis humani materia, illi corpori reddetur ubi prius fuit animata. Ita tamen quod non tota materia illi parti reddetur, sed tota toti corpori ordinata sine omni indecentia. Vt enim statua alicuius gris solubilis igne liquefacta, vel in puluerem contereretur, vel in massam confunderetur, & eam rursus artifex vellet ex illius

illius materia, & quantitate reparare, nihil interesset ad eius integritatem, donec restituta, ex quo fuerat constituta, resumeret; sic nihil in resurrectione peribit, quod pertineat ad integritatem corporis. Nam tota toti corpori sine ulla indecentia materia reddetur, & hec pro quarto puncto. Hinc quinto loco de sanctorum gloria pertractandum, resurgent enim sanctorum corpora sine corruptione ulla, quia impassibilia, & incorruptibilia, sine ulla oneris difficultate, quoniam subtilia, & agilia erunt. Et rectè additur sine vitio, ac deformitate. Nam sicut Sol erunt fulgida, & absque ulla corruptione. Damnati quoq; cum membris suis integris resurgent. An verò cum illis deformitatibus, quas prius habuerunt, non hoc vult determinare Aug. non enim secundum ipsum animos defatigare debet incerta eorum habitudo, seu pulchritudo, quorum est certa, & aeterna damnatio. Iam quinq; declaratis punctis, ultimū superest, ubi dubium proponitur de abortiuis, & monstris. An scilicet huiusmodi debeant resurgere. De abortiuis audite, vel enim aliquando vixerunt, vel non. Si sic, resurgent: aliter non. De monstris quoq; dicitur, quod ipsa resurgent, abortiui ergo, & monstra, sed absque deformitate, & monstruositate, ut est videre in presenti distinctione.

## AN INTEGRALITER TAM BONI, QVAM MALI RESVRGENT?

### Lectio CLXXI.

**D**E more nostro examinare volentes præcedentem distinctionem, per ordinem duo queremus hodierna die. Quorum  
primum.

primum. An tam boni, quàm mali integraliter resurrecturi. Insuper. An sine deformitatibus, quas hic habuerunt. Quantum ad primum, pro parte negativa sic ratiocinantur quidam. Nil in Dei operatione, frustra esse dicitur: at frustra tunc temporis inueniatur instrumentum generationi aptum, quia nullus poterit esse usus. Non ergo integraliter dicitur resurgere omnes. Præterea humores non resurgent, licet ad corporis integritatē pertinere videantur: quare, &c. antecedens patet, quia animati minimè sunt anima rationali, igitur ad resurrectionem ordinem non habebunt. Ex alio latere capilli, & ungues, qui minimè ad hominis integritatem spectare videntur, & tamen resurgent secundum illud Luca. xxi. Capillus de capite vestro nō peribit: à fortiori ergo alia ad hominis integritatem attinentia resurgent. Pro dilucidatione huius difficultatis prima debetis adnotare, aliqua esse de hominis integritate tripliciter. Primò tanquā ea, sine quibus non potest esse homo, siue natura, sicut materia, & forma hominis partes essentielles, quæ sunt. Secundò modo integraliter, ut pes, & manus, &c. Tertiò aliqua ad hominis integritatem spectare videntur non intrinsecè, sed purè extrinsecè, ut humores, si ergo loquemur de his primo modo attinentibus ad hominis integritatem essentialiter, ut putà de materia, & forma, hoc modo non resurgent, sed tertium sic, id est homo ex his conflat. Si autè secundo modo de partibus integralibus verba fecerimus, tunc dicendum, quòd cum prædictis partibus debeant resurgere. De tertia integritate dicendum, quòd tam boni, quàm mali integraliter habeant resurgere, quia per resurrectionem natura reparabitur quo ad omnia, quæ fuerunt de natura necessitate pro statu

statu presentis vita, his tamen exceptis, qua pertinent ad statum nutritionis, vel generationis, qua non erit per resurrectionem, sed humores corporis, ut sanguis, colera, & huiusmodi de necessitate naturae sunt pro statu presentis vita, igitur prout expediet reparabuntur in resurrectione. Addite vos quarto, quaedam esse de natura decentia, ut capilli, & similia, qua, & ipsa resurgent ad ornatum. His ita positis, nunc argumenta soluenda. Dum ergo primò dicebatur, quòd tunc ibi erit frustra instrumentum generationi aptum, quia non erit illius usus, &c. ad hoc dicitur, quod non erit frustra, quo ad hominis integritatem, & agentis supernaturalis ostendendam virtutem, cum huiusmodi ergo parte resurgent omnes homines, si non ad usum, quia non erit opus, attamen quòd ad hominis integritatem. Ad secundum argumentum, distinguendum est de triplici humore in homine, quidam in recedendo à perfectione individui, vel quia est in via corruptionis, & à natura, ut superfluum abijcitur, ut urina, ut sudor, ut sanies, & huiusmodi. Datur alia humiditas in via conversionis, ut sanguis, &c. Tertiò est humiditas in via transeundi de via humoris in formam membri; qua triplici premissa humoris distinctione, dici modo de facili ad formam argumenti potest, quòd nullus talium humorum resurget, ut puta, non sudor, non nax, non semen, &c. quia non erit status, quòd unum individuum generetur, vel foueatur, seu nutriatur ab alio, sed solum quòd unusquisque subsistat in se ipso. Humores verò intra corporis partes contenti certe resurgent, quia ad naturam veritatem faciunt. At non illa humiditas in via transeundi de via humoris in formam membri, quia post resurrectionem singula par-

tes corporis sic stabilientur, ut una non transeat in alteram, cessabit enim generationis tempus, & corruptionis: vel aliter dicatis, humores resurrecturos ad naturæ plenitudinem facientes, non ad superfluitatem, nam non erit tunc tempus superfluitatis. Explicata iam in ordine questione prima, altera accedit, dum quæritur. An corpora sine deformitatibus, quas prius habuerunt, resurrectura. Primo aspectum mihi videtur esse dicendum, quod sic. Nam Christus cum cicatricibus passionis, quas Thomæ ostendit, resurrexit: igitur, & omnes alij cum suis deformitatibus. Insuper, corpus videtur debere aptari animæ, sed reproborum animæ nunquam à suis deformitatibus spiritualibus absoluentur, igitur nec eorum corpora à deformitatibus corporalibus. Ex alio latere, cum virtute diuina omnes habeant resurgere, cuius virtus non potest errare, videtur esse dicendum, quod in corporibus tunc temporis nulla futura sit deformitas, qua tribus solet contingere modis. Vno modo, ex defectu membri conuenientis. Alio modo, ex defectu debitæ quantitatis. Tertio, ex indebita membrorum dispositione, vel ex appositione alicuius disconuenientis, ut est sextus digitus in manu, vel superfluitas alia in alio membro, ut flos, siue macula superveniens oculo. His ita positis, nunc ad rationes dico, & primo ad primam, quod cicatrices in Christo resurgente fuerunt ex speciali dispensatione, ut per eas ostenderetur identitas Christi resurgentis. At non sic erunt in alijs, vel si erunt in Martyribus, hoc totum fiet ad martyrij titulum ostendendum, non ad deformitatem. Altera ratio satis probabilis. & hæc pro presenti satis.



AN CORPORA GLORIOSA, RATIONE  
SVAE AGILITATIS, DE LOCO AD  
locum in instanti possint moueri?

## Lectio CLXXII.

**P** Ræter ea, quæ in hesternâ nostrâ lectione sunt dicta, adhuc duo sese explicanda nobis offerunt. Quorum primum, an corpora gloriosa, ratione suæ agilitatis, de loco ad locum in instanti possint moueri. Insuper, an claritatem habeant. Quantum attinet ad primum, pro parte affirmatiua sic arguitur. Corpora gloriosa post resurrectionem in tempore non mouebuntur, quia non erit tunc: ergo in instanti. Quod autem tempus non erit, id probari de facili poterit, quia cæli motus cessabit: ergo. Præterea, corpus gloriosum æque cito ad locum propinquum, & ad distantem mouebitur: ergo in instanti. Vnde Augustinus in questionibus de resurrectione ait, quod corpus gloriosum utraque interualla pari celeritate pertingit: ergo. Deinde Aug. xxii. de Ciuitate Dei, ait, quod ubicunque iuerit spiritus, ibi corpus erit: at motus voluntatis est in instanti, secundum quem vult alicubi esse, igitur corporis gloriosi motus erit in instanti. Sed dicetis, quo modo unum corpus pluribus simul esse poterit in locis? non ergo gloriosum corpus videtur in instanti posse moueri, alioquin eueniret, id, quod nunc nunc tetigimus. Præterea, motus est actus imperfecti, ut colligitur ex doctrina Philosophi, sed beati post resurrectionem omnem perfectionem habebunt, quam habere debent: non ergo, &c. Pro dilucidatione huius quesiti, tria sunt animaduersione digna. Primum est; an

corpora gloriosa sint futura agilia. Secundum est; an quandoque  
 moueantur de loco ad locum, & quali modo; an motu animali pro-  
 gressiuo, aut alio motu. Tertium est; an eorum motus queat esse in  
 instanti. Quantum spectat ad primum, est sciendum, quod in ho-  
 mine datur duplex motus, unus secundum naturam elementi pre-  
 dominantis, quod mouetur naturaliter, scilicet deorsum, ut terra  
 grauis: alius est motus, cuius principium anima est, qui progressiuus  
 est. Et differentia datur triplex inter istos motus, una, ex parte  
 principiorum. Nam principium primi motus est merè à parte cor-  
 poris, & nullo modo ex parte anima. Principium verò secundi  
 motus dicitur aliqua pars corporis, non ut est merè corporis, sed ut  
 animati. Altera differentia est, quia primus motus est ad determi-  
 natum ubi, & uniformiter, quia formam sequitur naturalem. Se-  
 cundus autem motus ad diuersa ubi, & difformiter, quia sequitur  
 apprehensionem, qua secundum diuersa appetibilia potest variari,  
 & ideo, homo, vel animal aliud poterit variare motum progressiuum  
 ad diuersa, ubi, & diuersimodè, tardè, scilicet, vel velociter. Tertia  
 differentia est, quia homo, vel aliud animal motum sistere potest  
 progressiuum. Ex hoc ad propositum potest dici, quod agilitas dicit  
 habilitatem in corpore ad faciliter mouendum secundum localem  
 motum, non quidem secundum motum, quod animal mouetur secun-  
 dum naturam elementi predominantis, quia sic corpus mortuum  
 foret agilius quàm viuum, quia tanquam ponderosius, citius deor-  
 sum cietur, quàm viuum corpus, & tamen nullus dicit corpus mor-  
 tuum agile esse. Item agilitas conditio mouentis se ipsum esse vide-  
 tur, sola enim animata mouet se, ut colligitur ex octauo de physico  
 auditu

auditu pluribus in locis, & secundum motu progressiuum, propter quod agilitas vocatur habilitas in corpore ad facilius, & prompiè se mouendum motu progressiuo, quæ in beatorum corporibus ponenda. Quo ad secundum dicitur, quod corpora gloriosa quandoq; localiter mouentur, quia virtus motiua ex parte animæ in eis erit. Quantum ad tertium dicitur, quod motus corporum gloriosorum non erit in instanti, sed in tempore, quia omnis motus corporis, qui ab extremo in extremum p̄ medium, necessario fit in tempore. His ita positis, ad argumenta nunc respondendum; & primò ad primum, quod licet post resurrectionem non sit tempus, quod est passio primi motus, erit tamen tempus, quod mora continua, & motuum, successiua, qui tunc fient. Ad secundum minor negatur, & ad Augustini auctoritatem dicitur, quod habet intelligi, quò ad hoc, quod erit quasi imperceptibilis excessus vnius respectu alterius, propter miram celeritatem motus, ob quã multi dixerunt, quod talis motus fiet in instanti, quia fiet in tēpore quasi imperceptibili. Ad tertium desumptum ex Augustino dicitur, quod habet intelligi, de modico temporis, non quia in instanti motus ille debeat fieri, sed cito post factum. & hæc de prima questione. Postquam quesritur secundo. An corpora gloriosa claritatem habeant. Primo asp̄ctu videtur esse dicendum, quod non, nam color, & lux in corpore requirunt contrarias dispositiones, quia lux, corpus perspicuum non terminatum per opacum requirit. Color autem perspicuum terminatum, ut patet ex libro de sensu, & sensato: at corpora gloriosa colore erunt terminata, cum color pertineat ad corporis pulchritudinem: igitur clara, siue lucentia minime erunt corpora gloriosa. Preterea, corpus  
lucens

lucens visui minimè peruium est, sed occultat quod est post se: at corpora gloriosa visui erunt peruia, non igitur corpora illa lucentia. In oppositum se habet scriptura pluribus in locis, dicitur enim Sapientiae. iiii. quod fulgebunt iusti, & tanquam scintilla in arundineti, & Matthæi. xiii. fulgebunt iusti sicut Sol, &c. Pro determinatione ergo huius questionis est, animaduertendum, quod claritatis nomen, quantum ad suam primam impositionem, luminis importat proprietatem, sicut suum oppositum, scilicet obscuritas, proprietatem importat oppositam, siue contrariam. His ita premissis, nunc ad formatas rationes dicendum, & ad primam primo, quod lux, & color necessario oppositas non requirunt dispositiones in subiecto absolute, sed per comparisonem ad causam effectiuam, quæ causare non potest colorem, vel lucem in subiecto, nisi mediantibus alijs, quæ respectu coloris, & lucis, dispositiones contrarias ponunt. Claritas autem, quæ in corporibus gloriosis, non à causa naturali erit, sed immediate à Deo, & ideo non requirit in subiecto dispositionem contrariam. Ad secundam rationem dicitur, quod corpora bonorum possunt esse peruia, respectu oculi propter poros subtilissimos in eis existentes, qui propter efficaciam oculi glorificati sufficiunt ad manifestandum interiora corporis, quantum oportet, nihilominus cum hac stat peruietate, quod colorata, vel lucentia non appareant bene, quo modo possent esse simul peruia, ut vitrum, & lucentia, ut Sol. & hæc de pollicitis.

## DE DIVERSIS ANIMARVM RECEPTACVLIS.

Distinctio 45.

Lectio CLXXIII.

**P**ostquam de attinentibus ad resurrectionem superius locuti sumus, consequenter nunc agendum de pertinentibus ad resurgentium remunerationem, ad punitionem. Ad quod commodè faciendum presens distinctio in puncta octo secanda. In quorum primò ponitur propositio. Illatum in secundò. Conclusio in tertio. Insinuatio in quarto. Notandum de pompis factis in obsequijs quintò. Quæsitæ duo in sexto. Conclusio in septimò. Dubium in octauò. Quo ad primum, sit hæc propositio. Vbi primū anima in morte à suis corporibus separantur, mox diuersis habitaculis reddentur. Vnde bonæ gaudium, malæ verò tormēta habent. Post iudicium verò earum pœna, vel gloria augebitur, ut perbellè D. Aug. in textu Magistri Sent. fatetur. Hinc secundo loco illatum hoc infertur, quòd sicut facta resurrectione pœna malorum augeatur, ita gloria, seu gaudium beatorum plus perficietur. His tertio venit addenda hæc cōclusio loco. Illi de orationibus, & eleemosynis Ecclesia illic, hunc profectum recipiunt, qui hîc talia, ut eis proficerent, meruerunt. Pro insinuatione cuius, quarto loco Magister Sent. dicit mortuos viuorum suffragijs iuuari, sitamen, dum viuerent, hoc meruerunt. Facta verò p valdè bonis suffragijs nō egen-  
tibus, gratiarum actiões dicuntur, & pro valdè malis, qui iuuari nequeunt, ad viuentium consolationem sunt. Hinc loco quinto notandum ponitur de pompis factis in obsequijs, quæ solum ad vi-

uorum

uorum solatium, non ad suffragia mortuorum, fieri dicuntur. Laudabile tamen est circa mortuorum sepulturam curam impendere. Nam hoc videntes misericordia mouentur ad orandum pro illis. Vnde, si non directè, saltem indirectè, defunctis prosunt. Post hæc sexto dno ponenda quesita sunt loco: quorum primum de duobus mediocriter bonis, suffragijs indigentibus, ut putà de diuite, & inope. An scilicet plus diues iuuetur, pro quo suffragia sunt plura, & in generali, & in speciali, minus autem pauper, pro quo generalia solum. Ad hoc paucis dicendum: diuiti quidem plus valere quantum ad celeriolem absolutionem, sed non quo ad pleniorē. Queritur secundo de illo, qui eget suffragijs, & è vita recedit in ipsa sæculi consummatione, quando amplius suffragia impendi non poterunt. An saluabitur? declinando Magister Sent. ad partem affirmatiuam dicit, quòd meritis, ac intercessionibus cælestis Ecclesie, & per ignem tunc futurum saluabitur. Enodatis hæctenus sex punctis: septimum accedit hac propositiōe contentam. Angeli orationes nostras Deo offerunt, & ea, quæ hîc apud nos geruntur, recognoscunt. Pro cuius probatione octauo dubitatur loco. An sancti preces nostras, & vota sibi porrecta audiant, & sciant. Dubio proposito sic habet responderi, quòd Angeli, & Sancti diuinā faciē videntes, ea quæ apud nos geruntur, cognoscunt, quantum ad eorū gaudium pertinet, & nostrū auxilium. Vnde semper nostras dicuntur Deo offerre orationes, nō tanquā Deū instruētes, sed quid circa nos agendum sit ad eius veritatē ducētes. Vnde preces nostras dicuntur exaudire, quādo cælesti curiæ earum exauditio innotescit, seu earum euentus futurus manifestatur. & hæc satis.

DE



LECTIONES LIB. QVARTI. 441  
DE ANIMARVM RECEPTACVLIS.  
Lectio CLXXIII.

**A**D vberiore[m] doctrinam eorum, quæ tacta fuerunt à Magistro Sent. hodierna die nonnulla de receptaculis animarum perpendemus. Non enim potest negari, animarum receptacula non dari, in quibus vsque ad diem iudicij diffinitivè animæ, non circumscriptivè, habent recipi. Quæ abdita dicuntur, quia nunc nobis incognita, at post iudicium, & resurrectionem, tunc nobis erunt nota. Anima autem hominum post mortem immediatè destinantur, vel ad locum gloriæ, vel ad locum pænæ. Si ad locum gloriæ, sic animarum locus erit celum empyreum, & iste locus diuidi habet in nouem portiones, secundum nouem Angelorum ordines, in quibus beatorum animæ collocantur, iuxta varietatem graduum meritorum. Si autem ad locum pænæ, hoc dupliciter cōtinget, vel quia in huiusmodi locis est pœna sensus, & pœna damni simul, vel pœna damni tantum. Et quolibet istarum partium adhuc subdiuidi habet per temporale, & æternum. Et secundum hoc, quatuor possunt distingui loca pœnarum ipsarum animarum. Quorum primus Infernus, locus perpetuæ damnationis. Alius est Purgatorius, in quo est pœna sensus, & damni ad tempus. Tertius locus, est puerorum Limbus, in originali tantum decedentium. Quartus locus dicitur Limbus patrum, ad quem sancti patres descendunt, antequam Christus esset passus, quem locum Christus destruxit, quando ad inferna descendit. Post autem extremum iudicium ulterius non erit locus purgatorius, ideo tunc cessabit omnis pœna

temporalis, & solum manebit damnatorum infernus, & paruulorum limbus, ut latius docet Thomas Argent. itaque non sine causa dicunt, & volunt Theologi animam tartarum, aut celum, quasi domicilium, capescere. Tartarum, si cum peccato recedat mortali. Celum verò, si perfectum. Purgatorium, si cum culpa leui. Limbum, si cum originali. At dicetis, libenter sciremus, an animæ receptacula sua exeant aliquando: huic difficultati respondetur, quod sic sæpe, sicut de beatis legimus, possunt enim nos iuuare, reuocando à malo, bonum docendo, confortando, & liberando, sicut patet de infinitis miraculis, beata Maria, Francisci, &c. & ut Ricardus scribit, exeunt aliquando animæ de suis receptaculis, vel per diuinam potentiam, vel per naturam propriam. Primò modo de inferno. De celo exeunt quoque aliquæ animæ, non in perpetuum, sed ad tempus, nec de lege communi, sed ex aliqua causa speciali. Sic etiam de purgatorio aliquæ exeunt ad modicum tempus ante completionem suæ pænæ. Post cuius completionem, inde exeunt, illuc amplius non reuersuræ. Vt hæc latius apud Ricardum est videre.

## AN VIVORVM SVFFRAGIA DEFVNCTIS

PROSINT.

Lectio CLXXV.

**Q**uoniam mentio facta fuit in prædeclarata distinctione de suffragiis, ppter ea iure merito quesita duo in presenti enodabo: quorum primum, an defunctis viuorum suffragia prosint. Insuper, an existentibus in inferno. Quantum attinet

attinet ad primum, negative sic arguitur. Vt mala facta per viuos, defunctis non nocent, ita nec bona eis proderunt facta per illos, non ergo defunctis viuorum suffragia utilia erunt. Deinde, Vnius suffragij valor, vnius esse debet, iuxta illud psalmista, oratio mea in sinu meo conuertetur, facienti ergo, & non defuncto, oblatum suffragium prodesse dicetur: quare, &c. Preterea, Deo displicet peccator, non ergo illius intercessio pro defuncto utilis, sed magis occasio, ut Deus ad iram prouocetur. Ex alio latere in contrarium se habet illud Machabeorum. xii. Sancta, & salubris est cogitatio pro defunctis exorare: at non esset salubris, nisi eis prodesset: ergo, &c. Pro determinatione huius difficultatis primæ, duo premittenda sunt; primum respicit numerum suffragiorum, tria enim sunt suffragia, oratio, ieiunium, & elemosyna, quibus defunctis possumus suffragari. Alterum est, quod non valent recedentibus in culpa mortali, quia remissionis non sunt capaces, solum ergo illis, qui cum veniali, & hoc quantum ad diminutionem, vel totalem solutionem pœnæ. At dicetis, quo modo viuorum suffragia mortuis prosunt? Respondetur, hoc duobus concipi posse modis. Vno modo, in quantum charitate adinuicem uniuntur: alio modo, secundum quod viuorum intentio ad mortuos refertur. His ita positis, nunc ad argumenta respondendum, & primo ad primum, quod nullum est, propter dissimilitudinem, nam licet malum defunctis nocere nequeat viuorum, bonum tamen, ex charitate proueniens, de congruoq; acceptatum à Deo, proderit mortuis. Ad secundum conceditur, quod valor vnius suffragij vnus sit in vno genere, at non simpliciter: ualet enim uno modo, quatenus est bonus, & uoluntarius, & sic soli

operanti : alio modo, quatenus p̄nalis est, & sic ualet per modum satisfactionis, & ita operanti, vel alij, pro quo fiat, valere potest. Ad tertium, de peccatore distinguendū est. Nā, si illud suffragium sit sacrificium altaris, tantum ualet, si per bonum sacerdotem offeratur, sicut per malum, illud enim, quod habet efficaciam, & vim ex opere operato, non uitatur per demeritum operantis. Si uerò sit oratio, rursus distinguendum, aut enim priuata est, aut publica, si publica, licet per malum ministrum fiat, quia talis oratio nō innititur meritis personæ, sed Ecclesiæ, ideo ualet. Si uerò oratio priuata sit, sic non uidetur valere, quando sit à malo ministro, nec facienti ad meritum de cōdigno, nec ei, pro quo fit ad suffragium, & sic Gregorij dictum, est in pastor, intelligendum. Si aut suffragium illud sit eleemosyna, bene per accidens poterit prodesse : at non propter statum dantis, per accidens tamen ualet tam danti, quàm illi, pro quo datur, in quantum bonus, cui datur, orat pro utroque. Explicata his paucis uerbis questione prima, altera subsequitur, dum queritur, an in inferno existentibus suffragia prosint. Aug. ad partem affirmatiuam declinando, ait, quibus prosunt suffragia, ad hoc prosunt, ut plena sit remissio, vel tolerabilior eorum damnatio : at damnati dicuntur illi, qui sunt in Inferno : ergo. Præterea, Damascenus recitat in quodam sermone, quod Traianus, ad preces Gregorij, fuit liberatus à p̄nis infernalibus, igitur in Inferno damnati Sanctorum orationibus possunt iuari. Ex alio latere dicitur, quod in Inferno nulla est redemptio : Insuper dicit Iob vii. qui descendit ad infernos, non ascendet, nec reuertetur ultra in domum suam. Pro dilucidatione ergo huius questionis secundæ, est sciendum,

*dum, qđ questio, post iudicium vniuersale, dubia non est, quia tunc non sicut suffragia: at pro presenti, quibusdam difficultatem parit, ad quam tollendam formata rationes diluentur, ex solutione quarum, veritas patebit. Prima ergo debet intelligi largè, non propriè, ita, vt ibi damnatio sumenda sit pro quacunq; punitione, vt sic includat etiam Purgatorij penam. Ad secundum de Traiano dicendum, quod miraculosè fuerit restitutus, quia nō erat finaliter damnatus, sed conditionaliter. Vel dicatis, illud fuisse singulare priuilegium diuina gratia. & hęc pro presenti nostra lectione.*

AN SANCTI NOSTRAS COGNO-  
SCANT ORATIONES.  
Lectio CLXXVI.

**V**T in sequenti valeamus quadragesimam sextam distinctionem aggredi, quesitum vnum excitabimus in presenti, quod erit tale. *An Sancti orationes nostras cognoscant, quas ad eos dirigimus. Pro parte negativa arguunt quidam dicentes, si defectus, necessitatesq; nostras intuerentur, quas in oratione exprimimus, magis, vt in charitate perfecti, subuenire nobis essent parati: at hoc non experimur, non igitur Sancti nostras orationes cognoscunt. Insuper. Quandoque orationes nostrę mentales sunt: at solus Deus occulta cordium nouit, non ergo, &c. Denique Aug. super illud Esaia lxi.iii. Abraham nesciuit nos, dicit, quod etiam Sancti nesciunt, quid agunt viuentes, etiam eorum filij: non ergo viuentium orationes sciunt. Hoc idem dicere videtur Aug.*  
in libro

in libro de cura pro mortuis agenda. In oppositum se habet illud, qđ Raphael Thobia dixit. Quando orabas cum lachrymis, & sepeliebas mortuos, ego obtuli orationem tuam Domino. Pro determinatione huius difficultatis primæ, est primo sciendum, quod conueniens est, ut orationes nostras dirigamus ad sanctos, cuius ratio est, secundum Dionysium, ut infirma per media ad suprema reducantur ex lege diuina. Preterea notandum est, quod triplex notitia, naturalis, beatifica, & reuelata. His ita positis, ad argumenta quid dicendum, audite: nam primum supponit vnum non concedendum, & est, quod si nobis Sancti ferrent auxilium, ut in charitate perfecti, illud experiremur: at non: ergo. Dicitur ad hoc, quamuis sint in maxima charitate positi Sancti, voluntatem tamen suam cōformem diuinæ voluntati habent, & ideo, licet affectum charitatis ad viucentes habeant, non ob id eis auxiliantur, nisi secundum qđ vident in Dei scientia, & voluntate esse dispositum, frequenter tamen viuentibus auxilium ferunt, sua apud Deum intercessione, quamuis nos lateat. Ad secundum argumentum dicitur, quod cogitationes cordium nouit Deus immediate, & p se ipsum: at Beati, quatenus eis reuelantur. Ad tertium dicitur, quod Aug. loquitur de cognitione naturali, per quam mortui nesciunt facta viuentium, & multo minus cogitata, Beati tamen, quando ad eos diriguntur, cognoscunt, & si non cognitione naturali, vel beata, cognitione tamen reuelationis, ea cognoscunt. Abraham verò, de quo beatus loquitur Aug non erat beatus, quando verba illa dicta fuerunt per Esaiam cum ante Christi passionem nullus ad beatitudinem fuerit admissus. & hæc satis.



## SI VALDE MALIS, ETC.

Distinctio 46.

Lectio CLXXVII.

**V**B I superius determinatum fuit de remuneratione, & punitione animarū ante iudicium, & resurrectionem, hic consequenter agendum de diuina iustitia, & misericordia, quibus prædicta dispensantur. Sed commodius id ut fiat à nobis, diuidenda erit præsens distinctio in septem. In quorum primò ponitur conclusio. In altero quesitū. Instantia in tertio. Notandum in quarto. Dubium in quinto. Responsio in sexto. Quesita duo tandem in septimò. Quantum spectat ad primum, sit hæc conclusio. In præmiatione damnatorum hominum, & Angelorum iustitiam, & misericordiam seruat creator eorū. Pro cuius intellectu, secundo loco querit Magister Sent. An circa damnatos sit cōcedenda aliqua Dei misericordia? Quidam partē negatiuam tuentes, autoritatibus quibusdam nituntur, ita dicentes. Iacobus ait, Iudicium sine misericordia fiet illi, qui nō fecit misericordiam. Insuper Aug. dicit, Misericordia hic, Iudicium in futuro. Sunt quidam alij partem affirmatiuam defendentes, qui dicunt, damnatos, Dei aliquo modo misericordiam experiri. Vnde ad veritatem acutius attingendam, loco tertio instantia in medium afferenda, qua per quasdam autoritates de facili probatur damnatorum penas nunquā esse finiendas, ut in textu Magistri Sent. videre est. Qua præmissa, velim sciatis, Dei misericordiam circa dānatos cognoscā aliquam in pænæ impositione, & mitigatione, licet non penitus in absolute,

*absolutione, & occulta peccatorum reuocatione sicuti in presenti. & ex hoc solui possunt auctoritates in contrarium adductæ, quæ omnino Dei misericordiam à damnatis non excludunt, & hæc de tribus in ordine punctis. In quarto, notandum ponitur de occulto Dei iudicio, quod quandoque sumitur pro pena, qua quis excitatur ad purgationem, vel mouetur ad conuersionem, vel, si contemnit, excrucietur ad damnationem. Quandoque etiam per Dei iudicium occultum, intelligi habet dispositio de omnibus rebus, quandoq; verò finalis sententia, quæ in futuro malos à bonis separabit. Quintò dubitat loco Magister, cū Dei misericordia, & iustitia idem sint, qualiter opera quædam attribuantur misericordiae, & alia iustitiæ. Ad quod potest dici, hoc propter diuersitatem connotatorum, vel diuersarum de Deo conceptionum euenire, propter quam diuersitatem aliqua diuinæ ascribuntur misericordiae, & aliqua bonitati. Bonitas enim respicit Dei gratuitam donationem, misericordia verò à malo liberationem, ut in sexto habetis puncto. In ultimo duo quesita proponuntur, quorū primum, quo modo intelligendum sit, quòd vniuersæ viæ Domini sunt misericordia, & veritas? ad quod responderi potest, hoc ideo dici, quia duplex datur aduentus Dei, quorū alter misericordiam, alius verò respicit iustitiam. Vel hoc pro tanto dicatur, quia ad Deum imus, mala per iustitiam declinando, bona opera faciendo per misericordiam, & sic vniuersæ viæ Domini, misericordia, & veritas, quibus ad Deū imus. Queritur secundo. An in omni opere Dei misericordia, & veritas includantur. Quidam dixerunt, quod non, secundum effectum, sed quod in quibusdam tantum misericordia sit, & in quibusdam alijs,*

*iustitia*

iustitia tantum, in alijs verò quibusdam misericordia, & iustitia simul. Insuper dicebant in omni opere Dei ambo contineri secundum essentiam, quia una, & eadem voluntas Dei iustitia est, & misericordia. Alij verò, quod etiam secundum effectū, vel signum in omni opere Dei concurrunt simul misericordia, & iustitia, ita quòd nullum sit Dei opus, in quo non reluceat effectus, vel signum æquitatis, & misericordie, siue occultè, siue apertè, & hæc de tota distinctione: quam in sequenti examinabimus sermone.

AN IN DEO SIT IVSTITIA PONENDA.  
Lectio CLXXVIII.

**C**irca prædeclaratam distinctionem duo animadversione digna valde se se nobis offerunt: quorum primum ad diuinam spectat misericordiam, alterum verò ad utrunq; scilicet, & ad misericordiam, & ad iustitiam. Solet ergo primò queri. An in Deo sit iustitia. Præterea an in malorum punitione concurrat diuina misericordia, & iustitia. Quo ad primum negatiuè primò sic arguitur. Quod non est bonum, nisi secundum quid, in Deo non est ponendum: at iustitia saltem vindicatiua sic se habet, quia non est bona, nisi ut medicina, talis ergo in Deo non ponenda. Insuper velle Deum laudare secundum aliquam moralem virtutem ridiculum est: at iustitia moralis virtus est; non igitur attribuenda Deo. Denique domini ad seruum non videtur esse propriè iustitia, sed Deus creatura, siue ad creaturam, sicut dominus ad seruum comparatur, non ergo Dei ad creaturam erit aliqua  
Lll iustitia.

iustitia. Ex alio latere quia sacra scriptura multis in locis iustitiam Deo ascribit, ideo in Deo concedenda erit. Pro dilucidatione ergo huius difficultatis prima est sciendum, quod in Deo proprie iustitia commutativa non ponitur, quia illa consistit in aequalitate rei datae, & acceptae: at beneficijs diuinis à creatura non potest aliquid aequale retribui: quare, &c. in Deo igitur iustitia distributiva ponenda respectu creaturarum, in quantum scilicet omnibus creaturis dat secundum uniuscuiusque dignitatem. Vnde, cum malos punit, iustum esse dicitur, quia illorum meritis congruit, cum par sit malis, etiam iustum est, non quia illorum meritis, sed quia diuina voluntati, vel bonitati condecens est. Vnde finire sic potest. Iustitia in Deo nil aliud est, quam diuina condecencia in retributione premiorum, & poenarum, secundum merita, & demerita uniuscuiusque. His ita premissis, nunc rationes superius formatae diluenda: quarum prima ex suppositione falsa nulla est. Nam iustitia vindicativa non solum, ut medicina, dicitur bona, verum etiam in se, quatenus est rectitudo voluntatis ordinans aliquem ad illud, vel ad alterum, & qua boni premiantur, mali vero puniuntur. Altera ratio sic venit intelligenda, quod sit ridiculum ponere virtutes morales in Deo, per comparisonem ad materiam civilem, puta ad emptionem, & venditionem: at per comparisonem ad distributionem bonorum, vel ad retributionem premiorum, & poenarum sic in Deo ponere iustitiam non erit ridiculum. Tertia ratio probat, inter Deum, & creaturam non esse iustitiam proprie dictam, sed quendam iustitiae modum, prout inter eos aliqua inuenitur proportio, sicut inter dominum, & seruum. Vnde Philosophus quinto

Ethico-

*Ethicorum distinguit iustum dominantium à iusto politico, quod est propriè iustum. Et hæc de prima questione. Solet queri secundo, an in malorum punitione diuina concurrat misericordia, & iustitia. Mihi sanè videtur, quòd non. Dicit enim Iac. ii. quod iudicium sine misericordia ei fiet, qui misericordiam non fecerit, non igitur in malorum punitione est misericordia. Rursus ait Aug. super Psal. misericordia autè hic, & iudicium erit in futuro, ergo in iudicio erit iustitia sine misericordia. Præterea, in bonorum premiatione erit misericordia sine iustitia propriè dicta, non secus in malorum punitione erit iustitia sine misericordia. In contrarium se habet illud, qđ dicitur in Psal. Vniuersa via domini misericordia, & veritas. Et Cassiodorus ait, quod hæc duæ res, iustitia, & pietas in omni iudicio Dei adiunctæ sunt. Pro responsione, est primò sciendum, quòd misericordia dupliciter capitur: uno modo pro passione, per quam aliquis alicui patienti quasi partē passionis alterius in se ferens. Alio modo capitur pro habitu, vel voluntatis actū, quo aliquis vult alterius miseriam subleuare, quo modo in Deo est, quia Deus nihil facit circa nos, nisi volens. Vnde Dei misericordia duplex dicitur, vt scribit Petrus de Palude, scilicet liberans, & relaxans. Nam sicut homo misericors non repellit laudabiliter, nec virtuosè miseriam alienam, nisi quantum iudicat, sic Deus non repellit miseriam nostram, nisi quantum ordo suæ sapientiæ eam repellendam iudicat. Quæ si secundum ordinem diuinæ sapientiæ totaliter repellatur, vocatur misericordia liberans. Si verò non totaliter liberetur, sed de ea aliquid minuatur, misericordia relaxans vocatur. His ita positis, ad argumenta nunc respondendum, &*

primò ad primum: dicitur ergo, quod beati Iacobi auctoritas intel-  
ligenda sit de misericordia totaliter liberante, qua minimè est in  
malorum condemnatione, ibi tamen concedenda est misericordia  
relaxans de pœna. Ad secundum dicitur, quòd, quamvis in futuro  
sit iudiciũ, & misericordia, differenter tamen, quia hic est iudi-  
cium cum misericordia totaliter liberante, qua est perfecta miseri-  
cordia: at in futuro erit iudicium sine misericordia liberante, non  
tamen sine misericordia relaxante: & quia illa non videtur perfe-  
cta, sicut misericordia liberans, ideo dicitur hic esse misericordia  
per excellentiam, ibi autem iudicium. Ad tertium de punitione  
malorum, & premiatione bonorum similitudo negatur, quia ibi  
bonorum meritum simpliciter dici nõ potest de condigno meritum,  
quia tale simpliciter includit iustũ, qd esse non potest inter Deum,  
& hominem in acceptione, & retributione bonorum, sed deme-  
ritum. Malorũ propriè demeritum dicitur, & ideo pœna, qua in-  
fligitur malis, debetur eis secundum iustitiam propriè dictam. &  
hęc satis.

## DE SENTENTIA IUDICII.

Distinctio 47.

Lectio CLXXIX.

**E**Xposituri hodierna die distinctionem in ordine quadra-  
gesimam septimam, de nexu primo verba faciemus: Insu-  
per ad diuisionem festinabimus: De continuatione quid  
dicturus sim, audite. Postquam verba fecimus de remuneratione,  
& punitione generale iudicium præcedente, superest modo de ipso  
iudicio,



iudicio, nec non de pertinentibus ad ipsum, loqui, ad qđ aptè agendum distinctio hec in puncta octo diuidenda. In quorum primo ponetur conclusio: In altero insinuatio: In tertio notandum: In quarto ordo iudicandorum: In quinto propositio: In sexto, quid inde sequatur, declarabitur: In septimo conclusio: Dubium tandem in octauo. Quo ad primum, sit hec conclusio. In extremo iudicio vniuersitas perfectōrū iudicabit collegium reproborum. Pro cuius insinuatione loco secūdo proponit primò Magister Sent. quod quidam ponunt iudicium, non voce, vel scriptura proferendum, quoniam Apost. ait, illud in ictu oculi fieri. Alij verò oppositum ponentes, dicunt: Apostoli verba intelligenda fore de resurrectionis statu, non de iudicio. His tertio additur loco notandum de iudicantibus. Nam non solum Christus iudicabit, sed etiam vniuersitas perfectōrum cum eo, qui per duodecim intelliguntur. Erit ergo multiplex iudicium; prima scilicet authoritatis, quod erit totius trinitatis; principalis administrationis, quod erit solius filij; affectionis, quo Sancti cum Domino iudicabunt. Sedebitis, & vos iudicantes, &c. comparationis, quo Regina Austri, & minus mali iudicabunt magis malos; prescientia Io. 3. Qui non credit, iam iudicatus est; discretionis: Nunc iudicium est mundi. Io. 12. discussionis. Si nosmetipsos diiudicemus, &c. i. Cor. ii. tribulationis, Tempus est, vt incipiat iudicium à domo domini 1. Pet. 4. Discussionis. Iob. 3. Congregabo eos in valle Iosaphat. Hinc quarto iudicandorum ponitur ordo loco. Quidam enim in iudicio iudicabunt, & non iudicabuntur, vt Apostoli, & Apostolici viri. Quidam iudicabuntur, & non iudicabunt, & saluabuntur, vt mediocriter

criter boni. Quidam verò nec iudicabunt, nec iudicabuntur, ut infideles. Qui enim non credit, iam iudicatus est. Quidam non iudicabunt, sed iudicabuntur, ut ceteri mali, & verè peccatores, qui non resurgent ad iudicandum, sed iusti. & hæc de quadruplici ordine iudicandorum in die iudicij. Quinto loco ponenda venit hæc propositio. Ministerio Angelorum congregabuntur ad iudicium exercitus iudicandorum. Posita propositione, inde sexto loco Magister ponit, quid futurum. Nam Angelorum ministerio congregabuntur omnes ad iudicium, quorum ministerio ignis præcedet, quo vniuersi facies, scilicet huius mundi comburetur, & tantum ascendet, quantum aqua in diluuium ascenderunt. Purgato autem mundo diuina virtute, & Angelorum ministerio, resurgent boni, & Christorum sapientia obuiam in æra Angelorum ministerio. Reprobi verò in terra erunt, ac remanebunt, quia terram dilexerunt. Inde iudicium sequetur districtum, & ultimum, & ultima iudicis sententia proferetur, qua prolata iusti ibunt in vitam æternam, mali verò Angelorum ministerio, Dei virtute cooperante, in infernum mittentur. Post hæc septimò ponitur talis conclusio. Reprobi damnati per extremum iudicium in inferno punientur demonum ministerio. Pro cuius intelligentia octauo loco querendum. An homines post iudicium in inferno virtute demonum puniantur. Isidorus declinando ad negatiuam partem ait, quod non. Post iudicium enim omnis prælatio cessabit. Alij verò dicunt, quod, qui in centores in culpa fuerunt, in pœna tortores erunt. & hæc pro præsentis satis dicta sint.

**I** Nutile minimè erit Nobil. Audit. pro vberiori doctrina eorum, quæ in prædeclarata distinctine sunt tacta, hodierna die nō magno verborū apparatu duo in dubium reuocare. Primò, an vniuersale iudicium sit futurum. Insuper, an quilibet tunc temporis in generali iudicio habeat omnia sua cognoscere peccata, & aliorum. Quantum ad primum, mihi videtur esse dicendum, quòd non, quia tam bonorum, quàm malorum decedentium statim executioni sententia mandatur, non igitur amplius isti iudicabuntur. Insuper: Deus bis non iudicat in idipsum: at Deus quemlibet in morte iudicat infligendo ei pro meritis penas, vel premia, non ergo amplius iudicabuntur. Denique, si generale iudicium esset futurum certè omnes iudicarentur, alioquin generale non esset, sed non omnes iudicabuntur, ut patet de Apostolis, dicente Christo illis: Sedebitis, & vos super sed. Iud. &c. ergo non omnes iudicabuntur. De impijs nō secus patet: dicitur enim: Non resurgent impij in iudicio, neque peccatores in consilio iustorum. In contrarium se habet Aug. xx. de Ciuitate Dei, dum dicit, quòd tota Ecclesia expectat generale iudicium futurum: Insuper articulus fidei est, ut patet in Symbolo. Et apud Io. v. Procedent hi, qui bona fecerūt, in resurrectionem vitæ, qui verò mala egerunt, in resurrectionem iudicij; erit ergo generale iudicium. Insuper hæc veritas cōfirmari habet autoritate Matthæi xxv. dicentis, quòd separabit bonos à malis, sicut pastor separat oves ab hedis. Num verò fieri habeat

*mentaliter, vel vocaliter, duplex datur opinio, una est, quod totum illud, quod fiet in iudicio fieri habeat mentaliter, non vocaliter, & hoc ut sententia corressepondeat testimonijs, ex quibus proceditur ad sentiendum: at testimonia, & malorum accusationes solum erunt mentalia iuxta illud Rom. secundo: Testimonium reddet illis conscientia ipsorum, mentalis ergo tantum sententia erit. Alia est opinio, quod licet discretio meritorum, & demeritorum fieri habeat mentaliter, ut expresse dicit autoritas allegata, attamen vocaliter proferetur sententia, quia Christus iudicabit, ut Deus, & homo, ergo eius iudicium fiet non solum modo diuino, sed etiam humano, & ita discussio meritorum, & demeritorum mentaliter fiet, quia imperceptibiliter vniuscuiusque merita, & demerita ad memoriam reuocabuntur. Sententia verò vocalis, modo humano si fiet, & ita dicendum, quod utroque modo iudicium sit futurum, scilicet mentaliter, & vocaliter. De tempore verò iudicij nil dicam. Nun alicui notum esse non potest per certitudinem, cum ex Dei mera dependeat voluntate. De loco autem inferius dicitur. His interim ita positis, ad argumenta formata respondendum. Primum etenim currit de sententia particulari, qua mandatur executioni, quando quilibet in morte iudicatur per penam, vel premium ad solam animam pertinentia. Ad secundum dicitur, quod Deus bis neminem iudicat in idipsum, quia non infligit pro vno peccato duas penas, quarum quilibet sit proportionata culpa. Pena enim, que infertur in iudicio particulari, non dicitur culpa equata, sed pars totalis pena, qua erit postea in anima, & corpore. Iudicium ergo duplex, vnum singulare, quod de quolibet fit in morte, aliud*

aliud vniuersale, quando finaliter totum genus humanum, cuius quilibet pars est, iudicabitur de primo currit argumentū: nos verò loquimur de secundo. Ad tertium respondetur, premissa distinctione de duplici iudicio, scilicet disceptationis, & retributionis, iudicio retributionis omnes iudicabuntur, quia vel punientur, vel remunerabuntur. At iudicio disceptationis, siue discussionis non omnes, sed illi solum, quorum merita demeritis sunt permixta, vel e conuerso. Et sic concedi potest hec vltima ratio hoc secundo modo, sed non primo. Explicata iam questione prima, queritur secundo. An in generali iudicio quilibet sua habeat cognoscere peccata, & aliorum. Pro parte negativa solet primo sic argui. Si quilibet in generali iudicio sua valeret cognoscere peccata, hoc maxime de Sanctis post resurrectionem posset dici: ut oppositum apparet per illud Apoc. xxi. dum dicitur, quod fugiet ab eis omnis dolor, & gemitus, non igitur ad propriam memoriam peccata renocabuntur. Insuper, si peccata cognosci possent, hoc esset, vel in se, vel in sua causa, vel in suo effectus: at nullum horum verum: ergo. Minor probatur: primo quod non in se, quia non sunt, sed preterierunt, aut si sunt, in corde latent, cuius solus Deus est cognitor, nec in sua causa per eandem rationem, quia talis, vel inclinaret voluntatem ad merendum, vel demerendum, dato quod non ex necessitate inclinaret, sed libere per eam, ob id non possent merita, vel demerita alterius certitudinaliter cognosci: ergo. Nec per effectus, quia multa demerita per penitentiam in Sanctis, quae abolita erunt, non remanebunt, ergo ut videtur, vnus merita, vel demerita alterius cognoscere non poterit. In oppositum se habet Aug. xx. de Ciuitate

Dei, qui dicit, quod quedam uis diuina aderit, qua fiet, ut cuncta peccata ad memoriam reducantur, quilibet igitur omnia peccata sua cognoscet, & eadem ratione omnia sua merita. Idem videtur de peccatis, vel meritis aliorum per quandam gloriā, quae dicitur super illud i. Cor. iiii. Illuminabit abscondita tenebrarum, quod gesta, & cogitata bona, & mala tunc aperta, & nota erunt omnibus. Pro determinatione huius difficultatis secūde supponendum est primò, quòd quilibet sua habeat cognoscere omnia bona, & mala, quae fecit. Vnde per illud Euangelij dicitur, quòd de omni verbo occiso, quod loquuti fuerint homines rationem reddent in die iudicii, sed illud minimum peccatum est, ergo à fortiori reddetur ratio de omnibus peccatis. At ratio reddi non posset de illis, nisi cognoscerentur: ergo. His premis, ad soluendas rationes prius formatas accedo, & ad primam dico, quòd beati memoriam peccatorum habebunt ad gloriam, non ad penam, quo secundo modo intelligenda venit ratio: at nos loquimur primo modo. Ad secundam dicitur, quòd multis alijs modis cognoscitur aliquid, quàm in se, vel in sua causa, vel in suo effectū. Nam cognoscitur etiam aliquid per suum simile, vel per suum contrarium, vel per suum signum, & multis alijs modis; quibus Deo non erit difficile reuocare unicuique ad memoriam peccata sua, talis autem cognitio fiet virtute diuina. Quo modo Augustini autoritas intelligenda.



**H**Aec est quadragesima octaua distinctio huius libri quarti in ordine explicanda, cuius continuatio primò consideranda, eiusdemq; diuisio secundò. Quo ad primum, ex quo ostensum fuit superius, quo modo generale fiet iudicium, quantum ad modum iudicij, & iudicis ministros, consequenter hic de eodem agendum, quantum ad personam iudicis. Habita coherentia his paucis verbis, nunc diuidenda uenit presens distinctio in secta septem. Quorum primum continet propositionem. Alterum insinuationem. Tertium notandum. Conclusionem quartum. Iudicis effectus quintum. Propositionem sextum. Insinuationem denique septimum. Sit igitur primò hæc propositio. Christus in forma apparens humana, viuos, & mortuos iudicabit virtute diuina. Ad quã insinuandam loco secundo est sciendum: Christum secundum formam hominis esse iudicaturũ, quia Deus à malis videri minime potest. Iudicabit ergo in forma hominis gloriosa, in qua Deus, & à bonis, & à malis videbitur. At dicetis; num virtute diuina iudicabit? ad hoc dicitur qđ sic. Nec sine Patre, & Spiritu Sancto ob id, quia tota trinitas iudicabit principaliter: at Christus in forma humana ministerialiter. His tertio loco notandum tale addendum, quod Christus impijs terribilis apparebit, iustis autem mitis, erit enim terror malis, & lumen iustis, & hoc ex sententia universalis iudicij, quando scilicet fiet separatio bonorum à malis, &

bonorum remuneratio, non solum in anima, sed etiam in corpore his verbis. Venite benedicti Patris mei possidete paratum vobis regnum à constitutione mundi. Tunc dicit, & his, qui à sinistris erunt, id est ad impios: Discedite à me maledicti in ignem æternum, qui paratus est Diabolo, & Angelis eius, &c. hic tamen notetis, quod quamvis Christus secundum diuinitatem sit iudicaturus, secundum nihilominus formam humanam sibi suscitatio mortuorum attribuitur, quia in eam meritum, & causam nostræ resurrectionis, & etiã redemptionis accepit. Enodatis hætenus scētis tribus quarum subsequitur, ubi conclusio talis proponitur. Extremi iudicii Vallis Iosaphat locus est. Ad quam insinuandam extat sententia Ier. 3. ubi dicitur. Adducam omnes gentes in vallem Iosaphat, non autem omnes erunt in illa valle, sed electi in aere, & maxime perfecti cum ipso Iudice, secundum gradum suæ dignitatis, & excellentiæ notabiliter collocati. Et ut vult Scriptus, electi non erunt in terra, sed rapiuntur Christo obuiam in aere. Ibi ergo erit cum multis in iudicio disceptandis, & hæc de punctis quatuor. In quinta ponuntur effectus Iudicis. Nam eo vinente in fortitudine magna, & potestate, ad iudicium Sol, & Luna obscurari dicentur, non propter sui luminis priuationem, sed propter Iudicis claritatem superuenientem. Insuper dicentur virtutes Angelorum moueri, scilicet ex admiratione visorum, non metu damnationis, nec perturbatione pauoris. Ante diem verd. Iudicii stella obscurabuntur Eclipsimq; patiemur, ut auctoritate Ier. declaratur, ita dicentis: Sol conuertetur in tenebras, & Luna in sanguinem, antequam veniat dies Domini magnus, & horribilis. Multo plura signa, que

*Iudicij diem precedent ponit Hieronymus; quæ recensere velle longum esset. Sexto itaque loco ponitur hæc propositio. Cæli luminaria facta in mundi innoatione erunt, quam nunc, lucidiora. Pro cuius insinuatione loco septimo, ita dicendum, quod post iudicium mundi facta innoatione huius luminaria maiorem claritatem recipient, quod autoritate probatur Esaia dicentis, cum autem factum fuerit celum nouum, & terra noua, tunc erit lux luna, sicut lux solis, & lux solis septemplex id est, sicut lux septem dierum. Et sicut per peccatum omnia deteriora sunt, ita post reparationem omnia meliorabuntur. Et autoritates, quæ videntur dicere, solem, & lunam cessare erunt intelligende quantum ad motum, vel quia beati tunc tēporis eorum lumine non indigebunt. vsus verò solis, & lune in illo tēpore erit, in vniuersi decorē, & perfectionē, nec nō in laudis manifestationem. & hæc de tota distinctione pro presenti.*

AN IN FORMA HVMANA IVDICABIT

CHRISTVS?

LECTIO CLXXXII.

**V**T mihi, & vobis aliqua in parte Nobil. Audit. satisfaciam, quesita tria hodierna die discutienda proponā. Quorum primum: An Christus, vt volebat Magister Sent. in textu, in forma humana sit iudicaturus. Insuper: An diuinitas à malis sine gaudio videri queat. Demum: An celi motus cessabit. Quantum ad primum, solent argumentari pro negatiua parte quidam sic. Non in forma infima, quia de cetero illam Deus

non

non habebit, non in gloriosa, quia à malis videri non posset, cum oculus non glorificatus proportionem non habeat cum claritate corporis gloriosi: ergo, &c. Præterea, iudex potestatem inuincibilem debet habere: at talis potestas inuincibilis in Christo non est secundum humanitatem, sed secundum diuinitatem, nõ igitur secundum quod homo iudicabit. In oppositum se habet Io. v. Dedit ei potestatem iudicium facere, quia filius hominis est: ergo in forma humana iudicabit. Pro determinatione huius quesiti primo supponendum est, quod Christus sit iudicaturus secundum formam humanam, ut ab omnibus videri possit. Insuper quod in forma humana gloriosa, iuxta illud Angelorum dictum Apostolis. Hic Iesus qui assumptus est à vobis in celum, sic veniet quemadmodum vidistis eum euntem in celum: at cum humanitate gloriosa Christus ascendit in celum: ergo in tali veniet ad iudicandum. Præterea est sciendum, quòd iudicare alicui potest multipliciter competere, primò per modum primariæ authoritatis, & sic soli trinitati. Secundò per modum delegationis, & sic Christo secundum humanam naturam. Tertiò per modum assessorie dignitatis, quo modo iudicabunt Sancti perfecti, & eorū imitatores. Quartò per modum approbationis, sic omnes Sancti iudicabunt. Quintò per modum comparationis, & sic minus mali iudicabunt magis malos, in quantum eorū comparatione condemnabiliores apparebunt, iuxta illud Matthæi xii. Viri Ninivite surgent in iudicio cum generatione hac, & condemnabunt eam, &c. His ita positis, argumenta modo soluentur de facili. primum enim supponit unum falsum, quod nec in humana, nec in gloriosa iudicaturus sit Christus forma, & nos dicimus,

dicimus, quod in gloriosa, & ad probationem dicitur, quod omnis oculus potest videre omnem claritatem eiusdem generis cum naturali claritate, nisi sit defectus ex parte complexionis organi. Licet ergo in eam oculus non glorificatus intendere nequeat fixè, poterit tamen videre; sic diuina assistente virtute, claritatemque in visu moderante. Ad secundum argumentum dicitur, quod procedit de primariam iudicandi potestatem habente, quam Christus non dicitur habere secundum quod homo: at solum, ut Deus. Explanata questione prima, altera subsequitur, ubi ratiocinio duplici comprobatur, à malis sine gaudio diuinitatem posse videri. Primum sic erigatur; uti humanitatis visio eis magis ad supplicium cederet, quàm ad gaudium, multo magis ergo diuinitatis visio eis ad tristitiam cederet, quàm ad gaudium. Insuper, ut maxima delectatio tristitiam excludit, ita vehemens, immò maxima tristitia contingentem delectationem excludit, sed damnatorum tristitia maxima futura, ergo delectationem excludet de visione diuina, si Deum viderent. In oppositum arguitur sic. Si mali Deum videre possent, essent beati: at non: ergo, &c. Pro intelligentia huius secundæ questionis est sciendum; quòd de potentia absoluta, posset Deus facere, quòd intellectus creatus ipsum nudè videret, & aperte, & tamen non delectaretur, nec gauderet, nec id mirum, quia hic forent duo actus subordinati in ratione prioris, & posterioris, & de ratione prioris actus, est posse esse sine posteriori: ergo. Si verò quærat de natura rei, tunc dicendum est, quòd sit impossibile, gaudium non sequi ad visionem diuinam essentia nudam, & apertam. His ita premissis, ad rationes modo respondendum, quarum prima ruit propter dissimilitudi-

multitudinem inter humanitatis, ac diuinitatis visionem, quia illa  
 humanitatis non est summa hominis perfectio, sicuti altera. Ad  
 secundam dicitur, quod inter delectationes, & tristitias, illa, quæ  
 maior est, aliam expellit, vel saltem minuit, delectatio autem, quæ  
 diuinam sequitur visionem, maior est quacunque damnatorum tri-  
 stitia, propter quod si Deum viderent, tristitia delectationem mi-  
 nime excluderet, sed delectatio maior tristitiam absorberet. Enu-  
 cleatis hucusq; duabus questionibus, vltima accedit de celi motus.  
 An cessabit, mihi prima fronte, quod non, videtur. Nam motus  
 mobilis perfectionem dicit, non igitur ad aliorum glorificationem  
 tolletur. Preterea, finaliter non cessabunt omnia luminaria celi,  
 quia ad diuisionem diei, noctisque sunt facta, sed talis finis esse non  
 potest, nisi per motum: ergo, &c. Ex alio latere Apoc. x. dicitur,  
 quod Angelus iurauit per viuente in secula seculorum, qd tempus  
 non erit amplius, ergo quandoq; celi motus cessabit, alioquin neque  
 cessaret tempus. Pro decisione, ac dilucidatione huius difficultatis  
 tertia est sciendum, quod post resurrectionem celi motus cessabit,  
 dicant Aristotelici, quicquid velint, quorum disputatio de eterni-  
 tate motus, ut patet doctis, de Lana Caprina est. His suppositis, ad  
 argumenta respondendum, & primo ad primum, quod mobilis  
 motus, iam ex parte sui, quam mobilis non sonat perfectionem, sed  
 magis imperfectionem, quoniam actus absolutus non est, sed modus  
 se habendi. Ad secundum concedi potest, quod celestia corpora  
 quantum ad substantiam suam, non habeant cessare, & quo ad suam  
 entitatem: at quantum ad motum sic, & ideo licet diuidant diem,  
 & noctem mediante motu, nihilominus cessante alternatione die-

tum,



*rum, & noctium cessabit etiam motus, & hæc pro presenti satis.*

DE DIFFERENTIA MANSIONVM

IN CAELO, ETC.

Distinctio 49.

Lectio CLXXXIII.

**D**omine Dominus noster libenter, si mihi faueres, postquã loquutus sum superius de pertinentibus ad iudicium generale, consequenter de finali bonorum remuneratione verbanunc facerem, & hæc pro coherentia presentis distinctionis cum superioribus una cū intentione pauca sufficiant. Diuidi modò habet hæc distinctio in secta sex. In conclusionem primo. In insinuationem secūdo. In propositionem tertio. In duo quesita quarto. In conclusionem quinto. Tandem in quesitum sexto. Quantum ad primum, sit hæc conclusio. Vt ciuitas bonorum post iudicium consummanda est in gloria, ita malorum in miseria. Pro insinuatione huius loco secundo dicit Magister Sent. post iudicium ciuitatem bonorum consummandam esse in gratia, malorum verò ciuitatem in pena. Quæ tamen pena, & gloria diuersimodè à diuersis participatur. Vnde dici solet: In domo patris mei mansiones multe sunt. At dicetis, quid est mansio? Respondetur, quòd nil aliud est, quàm habitatio. Solet etiam accipi pro diuersitate premiorum iuxta illud Ioan. In domo patris mei mansiones multe sunt, idest diuersitas premiorum, & diuersa premia meritum. Vnde secundum Ricardum in beatitudine considerare est beatitudinis obiectū, scilicet

N n n

bonum

bonum increatum, quod unum, & idem existens ab omnibus participatur, & ipsam beatorum dispositionem, per quam id bonum clarè videndo, & perfectè diligendo ipsum participant. Ex parte obiecti participati unus alio nō est beator, quia idem est obiectum, quod omnes participant, sed ex parte dispositionis beatorum unus certè alio beator est, inquantum unus videt alio clarius Deum, & diligit perfectius. Sunt ergo inæqualiter beati propter inæqualem ex parte beatorum dispositionem. Quare dicitur, In domo patris mei mansiones multe sunt. Mansio autem Dei in homine, & hominis in Deo dicitur vivificatio, & vita æterna habitio, saltē in radice, ut hic vivet in æternum, quia suam gratiam habet. Dicit autem Apostolus, qđ gratia Dei est vita æterna. De hac mansione multa scribit Gerson tractatu ix. Super Magnificat. Et exponens illud id, In domo patris mei, &c. multe sunt, inquit, mansiones, & tamen unica est. Multa quidem propter multitudinem singularium gratiarum formalium in perfectione differentium, sicut Stella differt à Stella secūdum Apostolum. Est autem unica gratia gratificans obiectaliter clarius, & obscurius, non in actu suo intrinseco (qui certè unicus est, & immensus, & idem) sed in effectu extrinseco. Sic salvatur illud de prosa, quod una est vox letantium, & unus ardor cordium. & hæc de punctis duobus. In tertio ponitur hæc propositio. Omnem hominem beatitudinem naturaliter appetere cōstat. Pro cuius manifestatione, duo quarto loco querit Magister. Et primo, quomodo intelligendum sit, quòd omnes appetunt beatitudinem, cum non omnes cognoscant beatitudinem; mirum certè hoc esse videtur. Ad hoc dici potest, quòd omnes quidē sciunt, qua  
sit

*fit beatitudinis ratio, licet, ubi talis ratio inueniatur, nesciant. Hinc infertur, quod minimè fit vera beatitudinis ratio illa, habere scilicet quod delectat, sed quod vult homo, & nihil mali velle. Beatus ergo non est, nisi qui & habet omnia, quæ vult, & nihil mali vult. Ille quippe beatè viuit, qui viuit, ut vult, nec mali aliquid vult. Queritur secundò. An inter bonos, vnus in Deo alio plurarecog-  
noscat? ad quod de facili responderi potest, quòd non, saltem de pertinentibus ad beatitudinem; in modo cognoscendi tamen differ-  
rentia est. Nam alius alio magis, & minus fulgebit. His quinto addenda venit talis conclusio loco. In celorum regno electorum non est omnino æqualis beatitudo. Ad quam intelligendam ultimo loco querit Magister Sent. An differenter Deum videntium sit æquale gaudium. Quidam huic difficultati satisfacere volentes dicebant, quod sic; non tamen affirmabant, quod beatitudo futura sit æqualis, quæ non solum in gaudio, verum etiam in cognitione consistit. Secundum alios verò æquale gaudium esse dicitur, quo ad omnia, de quibus gaudendum est, nõ tamen quò ad gaudendi modum, neque quo ad intensiõnem affectionum. Extensiue ergo æquale gaudium: at intensiue non, quia vnus maiori affectu altero gaudebit, licet æqualiter omnes sub illo sensu tam ta-  
cto. Quia ergo post iudicium maius erit gau-  
dium, & perfectior cognitio: propte-  
rea sanctorum beatitudo, sine  
dubio maior erit, q̃ ante.  
Ad quam nos ducat Deus benedictus  
in seculorum secula. Amen.*

AN IN BONIS CORPORIS BEATITVDO  
CONSISTAT.

## LECTIO CLXXXIII.

**L**Ento gradu ut incedamus circa distinctionem prædeclaram, quesita duo excitabimus, quorum primum. *An in bonis corporis beatitudo consistat. Insuper. An aliquis creatus intellectus Deum clarè, & manifestè intellectuâli visione possit videre.* Quantum ad primum, pro parte affirmatiua sic arguitur. Bonum quanto cõmuniùs est, eo melius: at corporalia bona sic se habent, spiritualibus enim bonis communiora sunt, quia ad plantas, & ad animalia bruta se extendunt: ergo. Deinde: beatitudo hominis bonum est: at homo constat ex anima, & corpore, igitur communis esse debet beatitudo animæ, & corpori: quare beatitudo in bonis corporis videtur reperiri: nã nullum spirituale bonum utrique commune apparet esse. Ex alio latere cum beatitudo sit hominis proprium bonum, in quo cum brutis communicat minimè, ideo in eis beatitudo non dicitur consistere. Pro dilucidatione huius difficultatis primæ, ponenda erit quedam beatitudinis distinctio: deinde ad questionem respondebitur. Quo ad primum est sciendum, quòd beatitudo bonum importat, quòd dupliciter accipi solet, vno modo extrinsecus, alio modo intrinsecus. Primo modo per modum agentis, vel obiecti, qua via ignis bonus dicitur frigescenti per modum agentis, vel efficientis, quia causat in eo calorem, qui ipsi bonus est formaliter. Alio modo dicitur aliquid bonum formaliter, & intrinsecus, ut sanitas, quæ bonum dicitur hominis,

quo

quo ad corpus, & scientia, & virtutes, & earum actus, siue operationes, quæ sunt bonum, quo ad animam. Similiter beatitudo capitur dupliciter, vno modo illud, quo beatificat hominem solum extrinsecus per modum agentis, & obiecti, alio modo illud, quod formaliter ipsum beatificat, & intrinsecus, tanquàm perfectio ipsi inhrens, & cū sic beatitudo dicatur dupliciter, magis tamen propriè illud, quod formaliter intrinsecè beatificat, hominis beatitudo dicitur, quàm illud extrinsecè, cuius ratio est, quia magis formaliter beati dicimur, quàm per extrinsecum. Relicta ergo pronunc beatitudine obiectiua, quesitum intelligitur de beatitudine formali. His ita positis, de facili rationibus poterit responderi. Dicamus itaq; ad primam, quòd bonum communius sit melius, quàm minus commune, si sint eiusdem rationis: at si diuersarum rationum, nil prohibet, quòd illud, quod paucioribus est proprium, sit melius, quàm illud, quod est commune pluribus, ut cū sit in spiritualibus perfectionibus. Ad secundam dicitur, quod beatitudo, licet sit hominis perfectio secundum totum, quod in ipso est, immediatè tamen secundum illud, quod nobilius, & perfectius est, consistere dicitur talis beatitudo, & non in totius coniuncti perfectione immediatè. Enodata questione prima, altera accedit cōsideratione digna, solet enim queri. An aliquis creatus intellectus clarè Deum, & manifestè visione intellectuali videre possit. Mihi primo aspectu videtur esse dicendum, quòd nō: Nam intellectus creatus ex naturalibus, nisi sensibilia cognoscere potest. Virtute igitur propria Deum clarè nequaquam poterit videre. Insuper. Nulla virtute fieri potest, quòd substantias separatas noster sensus cognoscat: ergo nec intellectus

creatus

creatus diuinam essentiam videre poterit clarè, quia à quocunque intellectu creato diuina essentia maximè distat. Insuper infinitum secundum qd̄ infinitum, est nobis ignotum, ut testatur Philosophus tertio physicorum: at Deus secundum omnem modum est infinitus, igitur nobis secundum omnem modum ignotus. Denique super illud Io. iii. Deum nemo vidit vnquam, dicit Chrysostomus, quòd nec celestes essentie Deū, ut est, vnquam videre potuerunt, ergo multo minus in Dei uisionem poterit quicunque alius intellectus creatus. In contrarium se habet illud Matthæi xviii. de beatis Angelis, qui semper vident faciem patris, qui in celis est. Et Apost. de nobis loquens Cor. xii. dicit, nunc per speculum in enigmate, tunc autem videbimus facie ad faciem. Pro dilucidatione huius difficultatis secunde, est primo distinguendū de cognitione confusa, quæ duobus modis confusa dicitur, vno modo, quando non peruenitur ad cognitionem rei quidditatiuam, vel specificam. Alio modo confusa uocatur illa quidditatiua, & specifica cognitio per comparisonem ad intuitiuā cognitionem. Insuper est sciendum, triplicem dici dari modum, quo Deus clarè, & manifestè uidetur, cognosci posse, non solum cognitione quidditatiua, uerum etiam intuitiua. Vnus est eorum, qui dicunt, quòd Deus tunc cognoscetur non per medium cognitum, sed per duplex medium, scilicet per speciem, diuinam essentiam representantiē, quæ est medium quo: & per lumen gloriæ, quod eleuat intellectum. Secundus modus eorum est, qui dicunt, quòd diuina essentia clarè uidetur, & nudè à beatis scilicet immediatè per se ipsam, licet lumen gloriæ requiratur tanquam medium eleuans intellectum, & confortans ipsum propter imperfectionem intellectus



intellectus nostri, & eius distantiam ab essentia diuina. Tertius modus est aliquorū dicentium, quod ad videndum diuinam essentiam clarè, & nudè à beatis non requiritur species representans, nec aliquod lumen eleuans: at solum mutatio naturalis ordinis cognoscendi. Dimissis his omnibus una cum improbationibus, ad argumenta formata respondendum, & primò ad primum, per non esse simile, de sensu, & intellectu: nam una potentia inferior est, altera superior: quare per virtutem superadditam in illud poterit intellectiua, in quod non sensitua. Ad secundum dicitur, quod essentia diuina non distat tantum ab intellectu creato, quantum ad proportionem cognoscentis, & cognoscibilis, quantum distat separata substantia à sensu, quia essentia diuina cadit sub ratione formali obiecti intellectus: at separata substantia minimè cadit sub ratione formali obiecti sensus, quæ dicitur qualitas sensibilis, quæ non potest esse, nisi in corpore. Ad tertium de infinito dicitur, quod duplex infinitum datur, vnum priuatiuè secundum appositionem, & diuisionē, de quo currit argumentum, quia hoc modo ignotum, cum semper prestet aliquid accipiendum, & eo modo cognoscendum. Alterum negatiuè infinitum, cuiusmodi Deus, cui nihil de est, cum sit summè perfectus: tale secundum se maximè cognoscibile est, & si non sit maximè cognitum ex defectu potentia, vel modi cognoscendi. Ad vltimum potest dici, quod illa Io. autoritas tribus intelligenda sit modis: primo, vt excludatur visio corporalis, quia oculo corporali Deū nemo vidit vnquam, nec visurus est. Secundo, vt excludatur visio intellectualis naturalis à nobis, dum viuimus in isto mortali corpore, quia nullus vnquam ex naturalibus attingere

gere potuit ad claram, & manifestam Dei visionem per essentiam. Tercio modo ut visio excludatur comprehensionis ab omni creato intellectu. Et ita exponit Chrysostomus. Per hoc tamen non excluditur, quin beati tam homines, quam Angeli Deum clarè videant, quamvis nō cōprehensivè. & hæc pro presenti meo sermone.

AN BEATI DIVINAM VIDENTES ESSENTIAM OMNIA ALIA VIDEANT IN IPSA.  
Lectio CLXXXV.

**D**VO alia quesita se se nobis offerunt examinanda p̄ uberiori doctrina eorum, quæ tacta fuerunt in prædeclaratâ distinctione. Quorum primum. An beati divinam videntes essentiam alia omnia videant in ipsa. Insuper. An omnes homines summè de necessitate beatitudinem appetant. Quantum attinet ad primum: affirmatiuè sic primò arguitur. Deus suam videndo essentiam, omnia alia videt in ipsa: ergo, & beati videntes divinam essentiam omnia alia in ipsa vident. Consequentia patet, quia in utraque visione differentia non est ex parte essentia in se. Præterea: Isidorus de summo bono dicit: quod Angeli in verbo Dei omnia sciunt, antequam fiant, & Gregorius. iiii. dialo. ait: quod in claritate illi, qui Deum conspiciunt, quid est, quod illi nesciant, ubi scientem omnia sciunt? tam Angeli ergo beati, quam homines divinam essentiam videntes, omnia alia in ipsa quod videant, dicendum. Ex alio latere: si Angeli superiores purgant inferiores, igitur Angeli divinam videntes essentiam possunt aliqua nescire:

nescire : quare, &c. Pro dilucidatione quesiti huius in ordine primi est animaduertendum, quòd hic non quæritur. An intellectus beatus diuinam videns essentiam, alia videat à diuina essentia quacunque visione, quia visio beata non excludet à beatis visionem naturalem, quam de rebus habent, nec cognitionem reuelationis. Neque questio intelligenda venit, utrū intellectus diuinam videns essentiam miraculose impediri possit, quòd non videat aliquid in ea præter ipsam. Intelligatur itaque sic. An intellectus beatus diuinam videns essentiam eadem visione, & ex natura eiusdem visionis videat omnia alia in ipsa. His ita præmissis, ad rationes modo superius formatas respondendum venit, & ad primā primò sic. Quòd inter visionem, quam habet Deus de sua essentia, & de rebus creatis, & quam habet intellectus beatus de eisdem, hoc interest, quia Deus scit suam essentiam, non solum, ut potens est res alias producere, sed etiam, ut est actu volens eas producere : propter quòd cognoscit actu omnes res, quid sint, & an sint. Intellectus verò creatus, quia minimè cognoscit diuinam essentiam, ut est actu producere volens, at solum ut est virtus potens producere, propterea non cognoscit de eis, an sint, uel non, sed quid sint, nisi in quantum unicuique bono de existentia rerum reuelatur, prout ad ipsum pertinet. Per illudmet responsio patere potest ad secundam, quia Isidori, & Gregorij autoritates intelligenda sunt de rerum cognitione, quo ad essentias earum, nō autem quantum ad actualem existentiam, nisi per reuelationem eorum, quæ ad unumquemque pertinent statum. Explicato iam primo quesito, nunc uidendum. An omnes de necessitate beatitudinem appetant. Mihi uidetur prone-

gatiua parte esse dicendum, quòd non. Nullus etenim illud, quòd sibi reputat impossibile, appetit: at reprobi hoc sciunt: non ergo, &c. Preterea: nullus appetit, quod ignorat, quoniam cognitionem sequitur appetitus: at multi ignorant, quid sit beatitudo, & in quo consistat: unde circa hoc plures errauerunt, ut in primo dicitur *Ethicorum*, non igitur beatitudinem omnes appetunt. In oppositum se habet illud *Aug. xii. de Trinitate*, quod omnes beatitudinem appetunt. Idem dicit *Anselmus de casu Diaboli*: ergo. Pro decisione huius difficultatis secunda est sciendum: duplicem dari appetitum, naturalem scilicet, & elicitiuum. Quid autem sit appetitus naturalis omnes norunt. Nam est inclinatio, siue propensio quædam: at non actus elicitus. Alter verò dicitur actus elicitus sequens cognitionem. Quo supposito duæ modò ponuntur conclusiones: quarum prima est. Quòd omnes homines de necessitate, & summè appetunt appetitu naturali beatitudinem, & hoc ut perficiantur. Altera conclusio. Omnes homines beatitudinem appetitu elicitò non appetunt, quia non omnes eliciunt actum beatitudinis, quo ad cognitionem. His ita positis, nunc ad argumenta dicendum, & primò ad illud de damnatis, quòd naturali appetitu conditionato beatitudinem appetunt; nec id mirum, quia natura in eis integra remanet. Nec est, quòd inotetis dicentes, appetitum naturalem non posse esse frustra: verum enim hoc est in tota specie: nihil tamen prohibet, quòd in aliquibus indiuiduis speciei frustretur naturalis appetitus. Hoc ergo modo damnati appetunt, sed non appetitu illo, qui actus dicitur elicitus. Ad secundam rationem respondetur, quod multi ignorant, quid sit beatitudo in speciali. Et ideo ut sic à multis non appetitur,

*petitur : at sub ratione generali omnes illam appetere dicuntur. & hęc de pollicitis .*

AN NOSTRA BEATITVDO CONSISTAT  
IN VISIONE DIVINAE ESSENTIAE.  
Lectio CLXXXVI.

**M**axima extat controuersia inter Theologos de beatitudine nostraloquentes. An scilicet in visione diuina essentia consistat nec ne. Mihi sanè videtur, quod sic : nam saluatur ait. Hęc est vita æterna, vt cognoscant te , &c. quare in visione diuina essentia. Insuper. Aug. ait : quod visio est tota merces : ergo. Præterea intellectus potentia prior est : ergo. In oppositum se habet Aug. xiii. de Trin. dicens : quòd beatus est ille, qui habet, quicquid vult, &c. beatitudo ergo in actu voluntatis. Rursus primo de Trin. ait. Summa merces est, ut ipso persfruamur : at frui est actus voluntatis : ergo. Deinde obiectum principalius sub ratione beatifica voluntas respicit, in actu ergo voluntatis beatitudo. Insuper perfectiori modo per voluntatis actum unimur, & intimius Deo : ergo. Deinceps uoluntas perficitur nobiliori habitu, quàm intellectus : ergo. beatitudo in actu uoluntatis. Pro decisione huius difficultatis ardua debetis scire : Varronem præcisè beatitudinem in actu uoluntatis possuisse. Egidius verò de Roma dicebat beatitudinem esse genus, cuius species sunt actus intellectus, & actus voluntatis. Subtilissimus Doctor : quòd beatitudo naturæ intellectualis totalis totalitate extensiuæ consistat tam in actu in-

O o o 2

tellectus,

tellektus, quàm in actu voluntatis: principaliter tamen in actu voluntatis. His ita positus, difficile non erit respondere obiectis. Dicamus ergo ad primum, quod actus intellectus sit vita, & vita aeterna, si sit actus aeternus. Si autem addatis, quod sit vita aeterna beata, hoc non est in Euangelio, sed appositum. Ad secundum dicitur, quod uisio est tota merces, id est summa potentia intellectiva: at non summa totius hominis, & sic multa auctoritates similes exponendae. Ad ultimum conceditur, quod via originis intellectus sit potentia prior uoluntate: at via perfectionis negatur. Ad rationes uerò in contrarium adductas nil dicam, quia cum subtilissimo Doctore hilari vultu fateor, beatitudinem simpliciter in uoluntate ponendam. & hæc de pollicitis.

## SI MALI IN INFERNO PECCABUNT.

Distinctio 50.

Lectio CLXXXVII.

**V**ltimam distinctionem huius libri quarti aggressurus, de continuatione primò verba faciam: insuper de diuisione. Quantum attinet ad primum: ex quo Magister Sent. de beatorum gloria determinauit, consequens modo est, malorum penam declarare. Habita continuatione presentis cum superioribus distinctionibus, superest diuisionē eiusdem considerare. Diuidatur itaque distinctio hæc in secta octo. In quorum primo extat conclusio. Quæsitæ duo in secundo. Conclusio in tertio. Quæsitum in quarto. Propositio in quinto. Tria quæsitæ in sexto. Epilogus in septimo.



septimo. Deniq; Esaia, ut operi finis imponatur à Magistro Sent. explanatur visio. Quantum atinet ad primum, sit hæc conclusio. Damnatorum mala uoluntas prout existit extra merendi statum, pena est, non culpa, neque peccatum. Pro cuius insinuatione duo querit Doctor secundo. Et primò, an uerum sit, quod Aug. dicit, quòd in malis, & damnatis non est peccandi facultas, cum tamen continè habeant malam uoluntatem? quidam ad hoc respondentes aiunt, quòd illa mala uoluntas non est peccatum, sed pena peccati, secundum uerò alios culpa dicitur, licet per eam non demerentur, cum minimè sint in statu demerendi. Magister Sent. primam approbare uidetur opinionem, ut puta, quòd talis uoluntas sit pena, nec id mirum, quia sicut bonis cedit ad gloriam, quod malam nequeunt habere uoluntatem, ita malis in penam, quod non possunt bonam habere uoluntatem. Queritur secundò, cur mali in tenebris dicuntur esse exterioribus? ad quod dicitur, propter hoc, quia penitus erunt à uisione exclusi, cum ppter malitiam uoluntatis, tum etiam propter obliuionem, quàm tormentorum grauitas in eis causabit, licet ante iudicium nō tam profundas patientur penas, sicut post iudicium. Histertio ponitur loco talis conclusio. Damnati, qui in inferno tormenta patiuntur, ea, quæ in mundo aguntur, non recognoscunt. Pro cuius dilucidatione queritur loco quarto. An damnati, quæ in hoc mundo aguntur, cognoscant. Ad hoc negatiue responderi potest, habere tamen dicuntur aliquam de suis notis curam, cū eos non uident secū in tormentis, nec in gloria cum beatis. Post hæc quinto uenit hæc ponenda ppositio loco. Ante extremum iudicium beati in cælo sine cōpassione damnatos uident, & eorum tormenta

tormenta in inferno. Ad quam insinuandam tria quesita sexto loco tanguntur. Primum est; an qui sunt in inferno, & qui in gloria se vicissim, & mutuo uideant? ad hoc dici potest, quod ante iudicium boni malos, & mali bonos uideant: post iudicium verò boni tantum malos uidebunt, & non è conuerso. Vnde Greg. infideles in immo posui, ante diem iudicij fideles super se in requie attenduntur, quorum gaudium post contemplari non possunt. Queritur secundo. Quo modo damnatos sine compassione possint uidere? Respondetur, quòd ideo est, quia eorum uoluntas perfecta, & diuina uoluntati conformis, & iustitia. Denique dubitatur tertio. Ex hoc quòd Sancti damnatorum penas vident, an eorum gloria minuat, vel gaudium augeatur. Ad hoc dicitur, quòd ex hoc eorum gloria, & gaudium augebitur, ut multorum authoritatibus comprobatur, quæ in textu patent apud Magistrum. Septimo epilogat loco Doctor, & Esaiæ ultimo explicat uisionem. Qui dicit: Vidi Dominum sedentem super solium excelsum, & eleuatum, & plena erat omnis terra, idest Domus maiestate eius, & ea, quæ sub ipso erant, replebant templum. Seraphim stabant super illud, sex alæ uni, & sex alæ alteri, duabus uelabant faciem eius, & duabus uelabant pedes eius, & duabus volabant, & clamabant alter ad alterum, & dicebant, Sanctus, Sanctus, Sanctus Dominus Deus exercituum, plena est ois terra gloria eius. Quæ quidè visio à Dionysio sic exponitur. Per sedentem in solio dicit designari ipsum Deum. Per ipsum solium excelsum, ipsam eminentiam diuinæ naturæ. Per Domum superiorem, significantur excelsiores natura Deo propinqua, quæ eius maiestatem plenius representant. Per templum verò inferiores

inferiores creatura, scilicet corporales, q̄ modò inferiori diuina  
 diuntur participare bonitatem. Huius autem sedentis super thronum  
 facies, ipsam diuinam ess. niam significat, & ea, quæ in eius  
 aternitate fuerunt ante mundi constitutionem. Per pedes verò si-  
 gnificantur ea, quæ post finem mundi erunt in gloria beatorum, &  
 in penis damnatorum, per media verò, ea, quæ cursu medij tempo-  
 ris aguntur. Seraphim autem faciem sedentis supra thronum, &  
 pedes eius velare dicuntur, quia mysterium aternæ diuinitatis, &  
 futura beatitudinis, & miseria ad plenum non reuelant, sed dua-  
 bus alis velabunt, quia de his, quæ medio tempore aguntur, nos  
 quantum opus est, ministerio Angelorum instruimur, inter quos  
 Seraphim primatum tenet; eorumq; volatus per processum reuela-  
 tionis eorum in nos demonstrant. Sic igitur breuibus Magister, &  
 salubriter epilogat, & specialiter, quantum ad ultimam partem  
 huius quarti libri dicens, sibi sufficere commemorasse prædicta de  
 pedibus sedentis, idest manentis in maiestate Trin. super solium ex-  
 celsum, idest de his, quæ fiunt in tempore iudicij, quos pedes Sera-  
 phim duabus alis velabant, & eorū ministerio non sunt ad plenum  
 reuelata. Epilogat secundo generaliter Magister, quantū ad totius  
 libri processum dicens, quia ipse exorsus est incipiens à facie seden-  
 tis sup̄ solium excelsum, idest ab ipsa deitate Trin. de qua in primo  
 libro egit, processit deinde p̄ media, quæ de duratione mundi agun-  
 tur, quæ sunt creatura, de quibus egit in secundo. Reparatio, &  
 virtutes, de quibus in tertio, & Ecclesiastica sacramēta, de quibus  
 in prima parte huius libri duce Christo, qui est vita perueniendi  
 usq; ad pedes, idest usque ad ea, quæ in fine mundi, & etiam post  
 mundum

mundum aguntur, sicut resurrectio corporum, punitio damnatorum, & gloria bonorum, quæ in delectatione, & Dei cognitione consistit, ut sic à Deo incipiens eius doctrina terminetur in Deo, qui est causa à qua omnia, & finis, ad quæ omnia ordinantur. Cui honor, & gloria, decus, & imperium in sæculorum sæcula. Amen. in sequenti dicta Magistri examinabimus, & finem huic operi imponemus. hæc intantum.

## DE IGNE SECVNDVM THEOLOGOS,

ET ETIAM PHILOSOPHOS.

Lectio CLXXXVIII.

**A**Ntequam accedam ad examen prædeclarata distinctionis, opere pretium esse duxi, in primis verba facere de natura ignis secundum Theologos, & etiam Philosophos. videlicet Aug. super Genesim, Bedamq; & Auicenam, & alios. Ignis ergo, ut rem paulatim aggrediar, elementum omnium elementorum supremum dicitur. Vnde, & ignis ille purus vocatur quandoq; cælum, eò quòd immediate sit sub cælo, idest sub sphaera globi lunaris: quandoque autem vocatur, ætheris nomine (eò quia sit supra aerem) suprema pars purior, ac tranquillior aeris totum aerem excedens. Nam quia medium sapit naturam extremorum ex quinto physicorum, ideo ab utroque denominatur in medio existens. Vnde, & 2. Pet. 3. scribitur, Cæli magno impetu transient. glosa. cæli, idest superior pars aeris, sequitur. Elementa calore soluentur, scilicet per ignem conflagrationis, quia mutabuntur à statu in quo

quo nunc sunt, ubi ignem vocat celum, vel aeris superiorē partem. Et sic etiam canit Ecclesia de utrisque: Quē terra, pontus, gēthera col. ador. pręd. Et secundum Damascenum lib. ii. Cap. xii. & etiam Auicenam ignis dicitur corpus simplex, cuius naturalis locus existit super omnes elementarias partes, qua est cōcaua superficies celi, eius natura calida est, & sicca. Ille ignis secundū Aristotolem est purissimus, adeo quòd stupam ibi nō consumeret, si apponeretur, nec etiam in sua sphaera lucet, quia sic celestia corpora tegetet, nec visibilis est, quia saltem nocte ardoris eius lux videretur, sed tantum videtur, dum est in aliena materia, scilicet circa nos, nec misceatur aliena materia, prout est in sua puritate natura. Cum autem urendo consumit, hoc inquit, non inest ei secundum ignis essentiam, sed per accidens, ut dicit idem Aristot. lib. tertio de celo, & mundo, & sine materia extra suam sphaeram esse non potest, & quanto in materia grossiori fuerit, eo fortius urit. Vnde in ferro fortius urit, quàm in carbone, & in carbone fortius, quàm in stipula, vel stipula. Nam ignis in materia terrea carbo est, in materia aerea flamma est, in materia verò propria, idest pura, quasi lux in se clara est, non habens respectum ad aliud, unde naturam trahat. & talis ignis in propria regione est, vel sua sphaera, ubi clarus est in se calor, licet lucem non habeat, ut Aristot. vult de natura rerum, & secundum varios effectus, quos facit ignis, variè sumitur in scriptura. Nam destruit, consumit, emollit, restringit, consolidat, accendit, letificat, clarificat. Quandoq; etiam in scriptura charitatem significat, modò prauam concupiscentiam carnalem, vel mundialem, modò tribulationes, modò virtutes, modò vitia, modò Deū, modò

*infernum, secundum Hugo. Victorium. Et quamuis multiplex sit ignis, Bonaventura tamen in triplici differētia ponit. Est enim ignis purus, ut est in propria materia. & est ignis incorporatus, ut est in materia aliena, ut in terra, vel aere. & est ignis carbo, ignis flamma, ignis in usu humano. & est etiam ignis non tantum incorporatus, sed permixtus, ut ignis sulphureus, & fumosus, & talis tenebrosus est, & talis est in inferno. Est & ignis conflagrationis, qui in iudicio apparebit per mundū. Alius datur ignis fulguris expressi de nubibus. Alius, qui de terra p̄ vertices montium eructat. Alius est ignis violentus, sicut de silice, vel de lignis excussus, per violentiam, sed non ex omnibus lignis secūdum Senecam, sed ex lauro, & hedera, & moro, & alijs in hunc usum pastoribus notis, & ita multiplex diuersitas ignis apparet. In sequenti erit sermo de igne inferni Deo duce, atque fauente.*

## DE IGNE INFERNI.

## Lectio CLXXXVIII.

**L**oquuturus hodierna die de igne inferni Nbilissimi Audit. Viare solutiua ut procedam, sic dicā, quod iste ignis urit, & non comburit, vel consumit, quia pabulum nō requirit, ut D. Bonaventura inquit. Infert passionem, & non mortem. Insuper ut Thomas dicit Argentinē. In spiritum damnatum agit, sicut diuina uoluntatis instrumentum. Vnde Scotus ait: Ignis est instrumentum Dei cruciando. Affliguntur autem Demones ab isto igne, ut Paluden. scribit. Anima verò damnatorum per veram tristitiam,



Ititiam, quā de hoc concipiunt, quòd sciunt, se resumptis corporibus in illo igne aternaliter cruciandos. Ordinatur nanque iste ignis in inferno corporeus ad reprobos cruciandū. Et quamvis Deus posset, si uellet, eos punire pēna spiritali tantum, tamen congruē uoluit eos punire pēna spiritali, & corporali, ut sicut dicit Iſidorus lib. primo de summo bono. Qui mente tractauerunt, q̄ corpore perfecērunt, simul & anima puniantur, & corpore. Et ille ignis gehenna, quātum ad illud, quòd in eo de essentia ignis est, eiusdem speciei est cum igne elementari. Materia tamen, quo ad dispositionem diuersa uidetur, ratione cuius diuersa actio competit, quæ igni elementari non conuenit. Est q; ignis ille perpetuus per potentiam supernaturalem, hoc exigente ordine diuina iustitia. Nec damnatorum corpora consumuntur per illum ignem, ratione paulò ante dicta. Nec obstat, quòd huiusmodi ignis corporeus sit, quia spiritus separatos dum affligit, hoc fieri dicitur, inquantum diuina iustitiæ instrumentum est. Et cum reproborum punitio sit iusta, propterea iustitia dicitur imitari aternam, & exemplar suum in mente diuina habere. Et non tantum damnati affliguntur ab igne, sed etiam ab alijs elementis, immo etiam à corporum celestium influentia, iustum enim est, ut quia creatori rebelles fuerunt, quòd omnis creatura eis in ultione contrarietur, iuxta illud Sapient. quinto. Armabit creaturam ad ultionem inimicorum, &c. Et quia ignis est maxime actiuus, quàm aqua, ideo sub nomine ignis Dominus comprehendit omnem pēnam, quam à rebus patientur corporeis. Unde dicitur apud Matthēum. Ite maledicti, &c. Ignis ille infernalis dicitur quidem corporalis considerando secundum se, & in sua pro-

pria substantia: at quantum ad passionem, quam infligit his, qui ex ordine diuina iustitiæ actioni sue subiiciuntur, spiritualis sic dicitur, ut Thomas Argentinus scribit. quia, ut communiter dicitur, huiusmodi passionem actione reali non infert, sed intensiōe naturali. Et iste ignis infernalis materiam stabilem habet, ita quod nouo cibo non indigeat, seu fomento, sicut ignis, qui est apud nos. Testatur, et ignem infernalem esse corporeum Augustinus, cum ait: Gehenna ista, quæ stagnum ignis, et sulphuris dicta est, corporeus est ignis. Et Greg. in libr. Dialogorum ait: Ignem gehennæ corporeum esse non ambigo. Ista tamen flamma non lucent, quia totaliter fumo sulphureo sunt obtenebrata, et denigrata, propter quod secundum Isidorum in libro Etymol. Infernus dicitur, quasi intus furnus, idest niger. Et talis ignis in medio terræ ex diuina ordinatione, seu secundum ordinem diuina iustitiæ tenetur. Et quamuis igni naturaliter cōueniat ferri sursum, attamen sine aliqua violentia per superiorem causam in terra perpetuò potest detineri. à quo liberet nos Deus gratia sua, et bonis operibus mediantibus. Amen.

## DE IGNE PURGATORII, ET

## CONFLAGRATIONIS.

## Lectio CLXXXX.

**D**E duplici igne loquuturi in presenti sermone nostro, ut puta purgatorii, et conflagrationis, quid utriusq; perpendemus. Nam ignis purgatorius dicitur ille, per quem anima purgantur in charitate decessæ, habentes aliquid expiabile, propter

propter quòd summo Iudici oportet satisfacere. Hunc Doctores nostri temporis ignem purgatorium materiale esse fatentur, qui calidissimus, & obscurissimus est. Vnde idem ignis existentes in inferno, & purgatorio comburit, de quo Ricardus ait: Quia autem illi, qui sunt in purgatorio puniuntur, ut purgentur, & ignis naturam habet purgatiuam, ideo videtur aliquibus, quòd anima in purgatorio à nullo alio elemēto, nisi ab igne puniantur. Vnde pēna multo asperior, & durior, quàm quęcunq; pēna, qua in hoc mundo esse possit, ibi est: ibiq; animæ plus, vel minus, secundum quòd magis, vel minus punitionem meruerunt, affliguntur. Insuper secundum quòd magis, vel minus pro eis oratur. Interdum etiam per Dei specialem dispensationem anima in certis quibusdam locis, & in certis huius mundi spatijs, in quibus peccata fecerunt, ut scribit Gerson affluens, & locuples Theologus, purgantur. & hæc de igne purgatorij. Superest modo agere de igne conflagrationis, qui ante iudicium veniet, & durabit post iudicium, & secundum Doctores mundum multis malis, & vitijs infectum purgabit. Qui secundum Bedam ad tantā altitudinem ascendet, ad quantā aque diluuij ascenderunt, ut aerem purget infectum. Quòd autē mundus isto habeat purgari igne, magis hoc tenetur autoritate sacre scripture, & Sanctorum, quàm ratione. Eritque iste ignis eiusdem speciei, seu naturæ, cum igne isto elementari, nō tamen huius ignis motus illi naturaliter conuenit, sed ut diuina uoluntatis instrumentum. Hunc autem ignem dupliciter considerare possumus, uno modo ut urit corpora, quibus applicatur, & hoc sibi conuenit naturaliter, sicut alteri igni corporibus applicato. Alio modo, ut specialiter agit

ter agit in talia corpora, qua per peccata erunt maculata, & hoc sibi conuenire dicitur per supernaturalem virtutem ipsum ignem mouentem, tanquam suum instrumentum, & in hoc cum alijs conuenire non dicitur, licet non distinguatur ab alijs specie, vel genere per huiusmodi supernaturalem virtutem. Hęc autem virtus supernaturalis, nec intrinseca est, nec ipsi igni essentialis, quia vel est virtus ista diuina uoluntas immediatè, vel virtus Angelica ignem hunc applicans talibus locis, quibus Deo placet applicari. Et iste ignis ante iudicium incipiet, dicitur enim in Psalmo. Ignis ante ipsum præcedet, & inflammabit in circuitu inimicos eius. Sequetur etiam iudicium, quia prolata sententia contra impios, Christo dicente: *Ite maledicti in ignem æternum, &c.* tunc iste ignis, ut instrumentũ executiuum sententię Iudicis à propinquioribus locis circumstantibus concurrens, inuoluet omnes impios, & cum impetu uchementi descendet cum ipsis in infernum. Vnde tunc implebitur verbum Domini, quo ait Deuteronom. 22. Ignis succensus est in furore meo, & ardebit usque ad inferni nouissima. His addi potest illud, quod de duobus legitur ignibus futuris. Quorum unus purgabit electos, iudiciumq; præcedet. Alter verò reprobos cruciabit. Bonauentura inquit, si dicantur duo ignes, quantum ad substantiam, siue duo ratione duorum effectuum, dicendus est tamen ignis futurus ad elementorum probationem. Purgabit ergo mundum primò, reprobos deinde cruciabit. & hęc pro presenti satis.

LECTIONES LIB. QVARTI. 487  
AN IGNIS INFERNI CORPOREVS.  
Lectio CLXXXI.

**D**E pertinentibus ad damnatos hodierna die loquuturi, quesita duo proponemus: quorum primum. An ignis inferni corporeus sit dicendus. Insuper: An damnatorum corpora post resurrectionem ab igne patientur, & qua passione. Quo ad primum, pro negativa parte sic arguitur. Si esset corporeus, tunc ex necessitate naturæ equaliter in omnia damnatorum corpora ageret: at hoc non fit, sed differenter secundum culpæ modum, non ergo corporeus. Minor, ut suspecta, auctoritate Gregorij quarto Dyalog. ita dicentis probatur, Vnus quidem est Gehenna ignis: at non vno modo omnes cruciat peccatores, sed unusquisq; in quantum exigit culpa, tantum sentiet de pena. Insuper locus locato deberet correspondere: at infernus non est locus corporeus: igitur, &c. Minor probatur per Aug. xii. super Gen. ubi dicit. Spiritualem arbitror esse locum, ad quem anima defertur post mortem non corporalem. Deniq; Damascenus lib. quarto Cap. ult. fateri videtur, quod impij, & peccatores in ignem eternum tradentur non materiale, qualis est, qui est apud nos, sed qualem utique nouit Deus, non ergo corporeus. In oppositum communis ecclesiæ doctrina se habet, & Gregorius quarto Dyalogorum, qui aperte dicit, ignem gehenna corporeum esse. Pro determinatione itaque huius questionis prima duo supponenda, quorum primum est, quod ignis inferni sit corporeus. Alterum respicit locum inferni, qui communiter tenetur, quod sit infra terram. His ita positis, ad rationes nunc quid dicendum

dicendum superius formatas audite. Prima etenim debet intelligi ex virtute sua nature: at ex parte instrumenti diuinæ iustitiæ aliter euenit. æqualiter ergo omnes cruciat ex parte sua: at ut eius actio modificabitur ab agente principali, tunc qui plus peccarunt, plus punientur. Ad secundum dicitur, quod Aug. loquebatur de anima separata, quæ locum non exigit. Vel dicatis, quod ille locus, ad quē anima post mortem deferuntur, non sit corporeus, non quidem secundum se, sed ratione continentia, quia anima corporaliter in eo non existit. Vel aliter dicatis: Augustinum loquutum fuisse opinando, non determinando. Ad argumentum ultimum dicitur, quod Damascenus non negat ignem illum simpliciter esse materialem: at sub hoc sensu tantum, quatenus ille non lucet, ut ignis, qui apud nos est, lucet. Insuper quia ille fomentis non indiget, sicut ignis noster, licet eiusdem speciei sit, quod ad substantiam. Explicata prima questione, altera subsequitur, dum queritur. An damnatorum corpora ab igne tali propria passione habeant post resurrectionē pati. Mihi primo aspectu videtur esse dicendum, quod non, quia tunc damnatorum corpora incorruptibilia erunt: ergo impassibilia. Insuper celi motus cessabit in tempore illo: quare propria passione damnatorum corpora pati ab igne non dicentur, quia cessante principio actionis omnis realis, cessabit similiter et passio: ergo. Questio ista apud fideles minimè dubia est, quo ad conclusionem: fides enim tenet, quod damnati grauissimè affligentur non solum in anima, sed etiam in corpore, et non solum una sensibili pena, sed et pluribus secundum illud Iob. xxxiiii. ab aquis niuium transibunt ad calorem niuium. De modo autem passionis est diuersitas. Pro dilucidatione,

passionis.



passionis distinctio pręmittenda erit, ex qua, quid tenendum sit, de  
facili apparebit. Cum itaq; pati sit quoddam recipere, hinc duplex  
datur modus passionis, uno modo naturaliter secundum esse natu-  
rale, quo modo calor ignis dicitur recipi in aere, vel in ligno, &  
secundum hunc modum receptionis datur unus modus passionis,  
qui natura passio vocatur. Alio modo aliquid recipi solet in alio per  
modum intentionalem, uti colorum similitudo in aere, vel in oculo  
recipitur, & secundum hunc modum receptionis datur alia passio,  
qua anima dicitur. His ita positis, ad argumenta nunc responden-  
dum, & primo ad primum, quod damnatorum corpora verę pa-  
tientur ab igne per veram, & naturalem alterationem calefactio-  
nis, qua tunc esse poterit. Nunquam tamen corrumpentur diuina  
virtute faciente, quod alteratio talis præcisè maneat in limitibus  
suis, ita quod ad eam minimè sequatur corruptio, ut damnatis eue-  
niet, quibus vita natura perpetua ad perpetuam penę durationem  
erit. Ad argumentum secundum de cęli motu, qui tunc cessabit,  
dicitur: quod huiusmodi cessatio motus cęli veram non impediet  
naturalem corporum alterationem, quia ad eam non dicitur requi-  
ri, quamvis ad alterationem generationis, & corruptionis, & alia-  
rum mutationum requiratur. Vel aliter dicatis, quod cęli motus  
non sit per se principium alicuius realis actionis, licet requi-  
ratur ad alterationem actionum: vel sic, quod argu-  
mentum currat naturaliter: at hic nos super-  
naturaliter loquimur, dum de damna-  
torum penę verba facimus. &  
hec de pollicitis.

IO. PAVLI PALANTERII  
AN ANIMAE DAMNATORVM  
PATIENTVR AB IGNE?  
Lectio CLXXXII.

**Q**Uerenda mihi alia duo se se offerunt, quæ, quanta utilitatis vobis futura sint, in progressu sermonis mei percipietis. Solet ergo primò queri. An damnatorum animæ dicantur pati ab igne. Insuper: An in inferno sit ignis pœna tantum. Quantum ad primum, pro parte negatiua sic arguitur, ut corpus immediatè pati passione propria non dicitur à spiritu: ergo nec spiritus ab ullo corpore: quare damnatorum animæ ab igne pati minimè dicentur. Insuper Aug. super Gene. xii. ad litteram dicit, quòd non sunt corporalia, sed corporalibus similia, quibus animæ corporibus afficiuntur, siue benè, siue malè: ergo. Deinde secùdum eundem ibidem: Agens nobilius est, & præstantius patiente: quare corpus spiritu foret nobilius, si ab igne damnatorum animæ pati dicebantur: at hoc est falsum: non ergo, &c. Præterea corpus non dicitur agere in distans, nisi mediante propinquo, sed tam Demones, quàm separatæ animæ quandoq; sunt extra locum inferni circa nos, cum quandoq; hominibus appareant, nec tamen sunt sine pœna dubita, nec videmus, quòd intermedia ab igne patiantur: ergo. In còtrarium se habet illud saluatoris apud Matthæum capite xv. Ite maledicti in ignem æternum, &c. similiter Aug. xxi. de Ciuitate Dei dicit: Adherebunt spiritus (licet incorporei) corporeis ignibus cruciandi, accipientes ab ignibus pœnā, non dantes ignibus vitam. His itaque præmissis, ad rationes formatas respondendum, dimissis

varijs opinionibus de modo patiendi, quo anima separata ab igne inferni d'cuntur affligi. Prima ergo ratio concedi potest loquendo de passione propriè dicta, quæ est abiectio formæ conuenientis, & receptio formæ disconuenientis: quo modo nullus spiritus pati potest à corpore cõsimili passione: at loquendo de alio passionis modo per detentionem, & afflictionem nulla est ratio. Ad secundum dicitur, quòd Aug. loquebatur inquirendo, non asserendo, quia dixit oppositum lib. xxi. de Ciuitate Dei. Ad tertiam conceditur, quòd principale agens sit patiente nobilius: at instrumentale non sic, & ideo non oportet, quòd ignis in afflictione animæ sit nobilior anima. Ad ultimam respondetur sic, quòd ille ignis Demones non affligit, vel animas separatas per imissionem: at nõ probat, quin affligat per detentionem. Et hæc de prima quæstione. Post quam solet queri secundò. An in inferno sit tantum pœna ignis. Mihi primo aspectu videtur esse dicendum, quòd sic: Nam locus purgatorij pars quædã inferni dicitur, sed ibi non est, nisi pœna ignis: ergo. Insuper varietas pœnarum videtur prestare refrigerium, sed in inferno nullum erit refrigerium: ergo. In oppositum se habet Esaias dicens ultimo damnatis, quòd vermis eorum non morietur, & ignis eorum non extinguetur, in inferno igitur nõ solum pœna ignis erit, sed & vermis. Pro dilucidatione huius difficultatis secunda est sciendũ, quòd si pœna spiritalis, quæ pœna vermis dicitur, pœnis corporalibus cõparetur, sic ipsa simpliciter maior, & grauior ceteris ponetur, quia per talem vermis pœnam visio Dei reprobi priuantur, maius, delectabiliusue esse potest, cum itaque quodcunque bonum corporale excedat, hinc maior pœna illa dicetur vermis. Si verò fiat compa-

ratio inter penas corporales adinuicē, sic inter eas illa ignis maior, quia magis actiuus, & ideo magis afflictiuus. His ita positis, de facili formatis rationibus occurrēdū. Neganda ergo prima venit, propter dissimilitudinem de purgatorio, & de inferno, quia purgatorij pena solum ordinatur ad purgandum, per satisfactionē pena, quae purgatio fit optimē per ignem, qui maximē purgatiuus est: at inferni pena est ad damnatos affligendū, propter executionem diuinā iustitiā, qui, sicut peccauerunt contra Dominum omnium, nec penitentiam egerunt, propterea ab omnibus aliquo modo affligi debent, quod fit per, penas supradictas. Ad secundam negatur, quod diuersitas penarum prestet damnatis refrigerium, nisi quando paulatim ab una receditur, & ad alteram transfertur, ut puta ab igne ad aquam. At si subito fiat transitus de summo unius pena ad alteram in summo, tunc refrigerium non est, sed benē mutatio supplicij in supplicium. & hec pro presenti.

AN DAMNATI MAGIS VELLENT NON  
 ESSE, QVAM IN MISERIA PAENAE ESSE?  
 Lectio CLXXXIII.

**V**T ad Dei Optimi Maximi honorem, nostramq; utilitatem huic operi finem imponamus, tandem quesita duo examinanda hodierna die proponemus, quibus explanatis erit finis. Primo ergo quæremus. An damnati plus vellent non esse, quàm esse in miseria pena. Insuper, An damnatorum penas videant beati. Quantum attinet ad primum, pro parte affirmatiua  
 sic

sic arguitur. Damnatorum miseria omnem penalem huius mundi miseriam rationabiliter non esse appetunt, igitur à fortiori damnati ad suam penam miseriam fugiendum. Præterea super illud Hier. xx. Maledicta dies, in qua natus sum, glosa dicit, quòd melius est nò esse, quàm malè esse. Vnde de Iuda dicitur, bonũ illi esset, si natus nò fuisset, quòd intelligitur de penâ, ad quam reservatur: damnati ergo plus deberent velle non esse, quàm sic esse. Præterea dicitur Apoc. ix. In diebus illis desiderabunt homines mortem, & fugiet ab eis: ergo. In cōtrarium se habet Aug. iii. de lib. arb. scilicet maius esse, habere esse, & miserũ, quàm omnino non esse, eligendum ergo magis est esse, quàm non esse. Pro dilucidatione huius difficultatis primæ est primò sciendum, duplicem inueniri miseriam, culpa vnâ, penæ alteram. De illa culpæ aliàs sumus loquuti, nunc de altera, scilicet penæ. Insuper notandum, quòd miseria mala non est, nisi in quantum aliquod bonum tollit: at omnino non esse plus de bono tollit, quàm miserum esse, peius ergo est non esse simpliciter, quàm miserum esse, illud igitur magis fugiendum. Præterea est notandum, quòd damnati sunt illi, qui adiudicati sunt ad penam temporalem, vel eternam, & hoc demeritis suis: nam si ad Deum volare voluissent, triplicem considerationem habere debuerunt, scilicet effectuum diuinorum, ex qua cōsurgit stupor: Dei iudiciorum, ex qua insurgit timor: Dei beneficiorum ex qua exurgit amor. Quantum ad primum Psal. ait. Mirabilia testimonia, &c. omnes creature sunt Dei effectus. Vnde sicut effectus testimonium suæ causæ reddit, quia causam manifestat, ut pictura artē perfectam, si pulchra sit, ita cum Dei creatura mirabiles habeant virtutes, & innume-  
rabiles,



rabiles, pulchritudinem, ordinem, durabilitatem, hinc mentem potuerunt eleuare suam ad Deum. Verum quia noluerunt, ideo damnati iure merito sunt. Consideratio secunda Dei, scilicet iudiciorum, mentem eleuare potest. Cum enim quis considerat, quod populus Iudeorum, qui à Deo peculiaris dilectus, reprobatus est, & Gētilis, qui reprobus, & Idolatra fuit electus, sibi ipsi unusquisque timere habet: at hoc mali noluerunt, ideo nunc merito damnati sunt. Demum ex beneficiorum consideratione, quæ infinita sunt, anima in Deum eleuari potest: at peccatores, & reprobi, ut ingrati, beneficia considerare noluerunt, propter hoc damnati. His ita præmissis, de facili nunc erit respondere obiectionibus. Dicamus ergo ad primum, quod eligentes non esse propter miseriam præsentis vitæ, vel futuræ, rationem non videntur sequi, nisi erroneam. Et quando dicitur in contrarium, O mors, &c. tunc dici debet, quod loquitur scriptura de fidelibus, qui post esse præsentis vitæ expectant esse in alia vita. Ad secundum dicitur, quod habet intelligi de malo culpæ, non pænæ. Tertium desumptum ex Apoc. concedatur secundum obnubilatam rationem. Ad illud verò Iudæ postpositum dicatis, intelligendum esse, quo ad peccasse, vel sic, quod si natus non fuisset, sed conceptus solum, non habuisset, nisi originale peccatum, nec meruisset, nisi pœnam damni puerorum, quæ mitissima est: at postea per sua peccata meruit grauissima actualia pœnam grauissimam sensus damnatorum. & hæc de prima in ordine dicta sint satis questione. Solet queri secundò. An beati damnatorum pœnas videant. Mihi primo aspectu videtur esse dicendum, quod non: nam ut mali gloriam bonorum non vident, neque beati pœnas malorum. Insuper, si  
beati



beati damnatorū penas viderent, tunc vel letarentur, vel eis compaterentur, nullum horum: ergo. Minor patet quò ad utrunque, quia ibi nil charitati contrarium est: ergo non letantur de malis damnatorum. Nec ibi compassio, quia beati non essent. Verū quia oppositum dicitur Esaia ultimo, Egredientur, & videbunt cadauera eorum, qui preuaricati sunt in me. Iccirco pro decisione huius questionis nouissima primò sciendum, quòd visio duplex datur, scilicet corporalis, & intellectualis: quo stante, nunc ad argumenta dicendum, & primò ad primum, quòd assumptū est falsum. mali etenim videbunt beatorum gloriam, & corporali visione, quantum ad corporis gloriam. Ad secundum dicitur, quòd beati penas damnatorum videntes secundum se non letantur: at videntes in eis diuinā iustitiæ ordinem impleri sic. Et hæc de toto opere nostro ad gloriam, & honorē Dei benedicti, qui finis est omnium, cui, si quid boni in his libris sit dictum, fideliter ascribendum. Si quid verò, quod sacro Sanctæ Ecclesiæ Chatolica, aut repugnet, aut non consentiat, esto indictum.

FINIS.



ERRATA MAGIS PRINCIPALIA LIBRI  
quarti, absente autore sic corrigenda; minus verò  
principalia, V.g. punctorum, literarum, &  
interrogationum, lectorum iudicio  
subijcienda.

Pag.	Linea,	Errori.
3.	2.	incidisse, incidisset.
8.	23.	Occan, Occam.
9.	4.	Rilardus, Ricardus.
22.	23.	tantum, tantam.
24.	3.	seruiebat, seruiebant.
24.	13.	consequi, consequi?
25.	25.	lucæ, luce.
26.	20.	multiplicatione, multi- plicatione.
27.	2.	asualis, actualis.
35.	Distinctio 2.	Diff. 3.
37.	4.	humetare, humectare.
42.	5.	natralis, naturalis.
56.	25.	Dominis, hominis.
59.	Distinctio 2.	Dist. 4.
60.	2.	contra prædicto, contra prædicta.
Eadem pag. lin. 12.		ex prædesti- nati, & prædestinati.
65.	25.	nunc licet, nam licet.
69.	37.	si dubitať, sic dubitať.
70.	7.	anima impressum, ani- mæ impressum.
Eadem pag. lin. 8.		qui cognosci- tur, quo cognoscitur.
75.	35.	irruerunt, incurrerunt.
79.	27.	prodisse, prodesse.
80.	25.	efficere, efficeret.
84.	26.	potuit, patuit.
† 85.	3.	ibi, nam Christus, quan-

Pag.	Linea,	Errori.
		do effectum (desunt hæc omnia) sacramenti sine sacramento inulit, deinde sequitur hoc potuit.
85.	26.	quæ nulla, quæ nulli.
86.		circa inscriptionē ibi, quibus licent, quibus liceat.
Eadem pag. lin. 20.		spēstat, spēlat.
88.	18.	mondum, nondum.
Eadem pag. iuxta lin. pcn.		sancti- ficatis. sanctificatis?
90.	circa finem.	& Viam Veram seruet, ut Viam Veram seruet.
91.	16.	moniale, moniales.
98.	circa finem.	ad audaster, ad audacter.
100.	25.	hæc pro, & præsentī, & hæc pro præsentī.
101.	19.	esse necessarium, nō esse necessarium.
102.		circa finem. Chrisna, Chrisna.
106.	13.	ab ea, ab eu.
† 108.	25.	tertium vltimum, ter- tium, & vltimum.
110.	19.	sacramenti, sacramētis.
118.	19.	tentationis, tentationi.
120.	circa finē.	substinuit, sustinuit.
138.	3.	nam, Num.
139.	18.	his lellis, his scēlis.
† 142.	circa medium.	ut posset, ut pes, & manus.

# ERRATA LIBRI QVARTI,

Pag. Linea, Errori.  
 146. 16. permament, permanent.  
 † 153. 26. tamen, non tamen.  
 155. circa finem tam parum quā-  
 titate, tam parua quantitate.  
 † 156. 19. ipsis sacramentalibus, in  
 ipsis sacramentalibus.  
 † 160. 20. in hēfionē, per in hēbonē.  
 175. circa finē. Chriſtini, Chriſtiani.  
 † 176. 11. quam inſinuandam, ad  
 quam inſinuandam.  
 177. 16. cum diſſinitionem, cum  
 diſſinitionum.  
 189. circa finē. in altera, in altero.  
 181. circa finē. alenis, Valeatis.  
 † 182. 4. iatoris bona opera, quæ  
 per ſequens peccatum deficiunt, per  
 veram penitentiam iterum reuiu-  
 ſcunt. hæc ibi addenda, quia deſunt.  
 183. 7. reprobati, reprobatum.  
 186. circa medium. rerum, reum.  
 188. 31. dolore, dolere.  
 203. Diſtinctio 15. Diſt. 16.  
 205. 19. quaſi, quali.  
 209. 10. & ſi, & ſic.  
 222. 19. incenſum, intentum.  
 223. 25. ab bonum, ad bonum.  
 † 235. 3. Spiritus contribulatus.  
 adde, &c. Vbi gloſa ſic dicit. Spi-  
 ritus contribulatus, & conuictus eſt  
 ſacrificium, quo peccata ſoluatur.  
 240. 2. dimittitur, dimittitur.  
 Eadem pag. lin. 3. accedite, audite.  
 246. 15. quantum cognitionem,  
 quam cognitionem.  
 248. 3. quorum, quarum.  
 262. 6. cum, eam.

Pag. Linea, Errori.  
 Eadem pag. 16. quedam authorita-  
 te, quadam authoritate.  
 266. 7. caluis, clauis.  
 267. 5. propoſito, propoſitio.  
 268. 5. hominum, hominem.  
 † 279. 1. poſt, & poſſet.  
 Eadem pag. lin. 16. recondatur, re-  
 cordatur.  
 281. 2. quia ſit, quin ſit.  
 288. 8. in cōfeſſionē, i cōfeſſione.  
 † 299. 5. ad argumēta, diſunt hæc  
 Verba formata, nunc dicendum, &  
 primò, ad primum.  
 300. 8. indicat, inducat.  
 Eadem pag. lin. 17. ſemper, ſuper.  
 Ibidem. lin. 19. forma, formata. ut  
 lin. 26. qui gradus, quia gradus.  
 304. 7. & diſtincte, ut diſtincte,  
 † 313. 1. aſſumptum pater, quia  
 ordines ſunt plures, hæc verba ſuper-  
 ſua ſunt, quia bis appoſita.  
 Eadem pag. lin. 26. ad primum, ad  
 primam.  
 314. 22. ſit, ſic.  
 321. 2. percontari, percunctari.  
 327. 14. pro remiſſionem, pro re-  
 miſſione.  
 347. 2. ſecundo, ſecundo.  
 359. 4. enudeabim, enucleabim.  
 369. 12. poſpoſito, poſt poſito.  
 374. 1. elucidaturus, diluci-  
 daturus.  
 376. 20. conhere, contrahere.  
 † 377. 3. liceat, non liceat.  
 378. 5. vinſta, facta.  
 Eadem pag. lin. 23. furio, furia.